

*Biblioth.*

LA Secr.

# PIERRE

*Coll.* de touche, *Noni.*

O V

LA VRAIE METHODE POUR  
desabuser les esprits trompez sous  
couleur de Reformation.

D'icy on descouurira l'incroyable rusé des Ministres  
faisans à croire aux simples, que les articles de leur  
confession de foy Reformée sont exprez dans la pa-  
role de Dieu écrite, sans qu'on y en puisse trouuer  
vne seule clause.

D'où il aperra aussi que toute la Reformation pretendue  
n'est qu'une invention purement humaine,  
& diabolique.

Par le R. P. JEAN GONTERY de la  
Compagnie de IESVS.

PREMIERE PARTIE.

Deprauant Scripturas ad suam ipsorum perditionem.  
2. Petr. 3. vers. 16.

*100*

\*\*\*

*Jesus*

A BOVRDEAUX,  
Par S. MILLANGES Imprimeur ordinaire du Roy.  
CLO 10 C XIII.  
Avec Priuilege de sa Majesté.







A

MONSEIGNEVR

L'ILLVSTRISSIME

ET REVERENDISSIME

Cardinal de Sourdis, Arche-  
uesque de Bourdeaux,  
& Primat d'Aqui-  
taine.



ONSEIGNEVR,

*Je fay ce que ie doibs  
m'entretenant en la  
grande estime, que  
merite vostre soing  
Pastoral enuers ce  
grand, & honorable troupeau de IESVS,  
qui le vous a commis, avec charge d'y em-  
ployer le sang où besoing seroit. A quoy*

a 3

( Monseigneur ) vous respondés si digne-  
ment, que la croix Archiepiscopale ( repre-  
sentant le bon Pasteur, qui expose sa vie  
pour ses brebis ) marque quant & quant  
le zele, que vous avez à son imitation. C'est  
aussi ce que signifie la pourpre, de laquelle  
les Prestres Cardinaux sont signalez en-  
tre tous les Prelats de l'Eglise; qui a les clefs  
du ciel, & l'Empire sur les ames, qui aspi-  
rent au Royaume de Dieu. Iay creu ( Mon-  
seigneur ) que ceste mesme vigilance donroit  
tution & cours à ce petit traicté, que ie  
presente au public, pour ruyner de fonds en  
comble toutes les pretensions des Religio-  
naires soy disans Reformateurs de nos abus  
pretendus. Sur quoy il sera aisé de minu-  
ter la responce à vn certain, qui ne merite  
d'estre nommé, pour avoir employé vne sa-  
lie plus noire, que le bray du nauire de  
Charon, taschant de honnir en vostre per-  
sonne, la dignité des Ambassadeurs du fils  
de Dieu. Ce qui vous a empesché ( Mon-

seigneur ) de vous ressentir d'une indiscretion si outrecuidée, a esté l'exemplaire pratique de la debonnaireté, à laquelle le Matth. 10. Sauueur du monde vous a exhorté en la personne de vos premiers predecesseurs, les Apostres, les encourageant de supporter les mocqueries, & les blasmes du mode acharné contre les disciples, tout ainsi que contre leur Seigneur, & maistre. C'est de cet esprit mondain, que procede ce volume volant, remply de maledictions: car c'est vn Pasquin iniurieux à l'Espouse de IESVS, son Eglise. C'est vn combat d'un petit geant dressé contre Dieu, & contre son Messie. Ce ne sont que des desmentis donnés à l'Ecriture sainte; c'est vne entreprise audacieuse contre l'honneur, & la pieté des plus illustres, & sçauans Seigneurs de la ville de Bordeaux; c'est vne diffamation eternelle de l'autheur, qui a conçu cet auorton; bref c'est vne tragicomedie, qui contient cent propositions, lesquelles

se mutinant entrè elles se coupent la gorge  
par vne sedition intestine, propre à l'erreur,  
qui traine apres soy la condamnation  
de celuy, qui l'a mis au jour. Car pen-  
sant conceuoir vne jliade, il s'est ren-  
du ridicule & monstreux, enfantant vne  
liasse de calomnieuses niaizeries. At-  
tendant donc qu'on se soit instruit aux  
maximes de tout ce party, nous lair-  
rons encor ce mauuais esprit en repos;  
s'il en peut trouuer: afin de descouuoir  
trois pernicieux dessains de ceste Refor-  
mation pretenduë.

Le premier & principal desquels a  
esté d'esuiter toute sorte de condemna-  
tion, & de chastiment tant du Magi-  
strat spirituel, que du temporel: par ce  
que les entrepreneurs de ceste nouuelle  
Eglise, ont esté Moynes & Prestres, iusti-  
ciables de l'officialité, comme estant deser-  
teurs de l'Eglise de Dieu. Les Prelats, les  
Papes les Conciles, les ont anathematisez.

les Emperèurs, & les Roys deffendeurs de l'Estat Ecclesiastique y ont apporté le tranchant du glaive de la justice, dont Dieu arme leur main. De maniere que ces gens preuostables en ce temps là, ont tasche d'abatre toute sorte de jurisdiction : ce qui se verra au long en l'examen de l'article cinquiesme de leur confession de foy.

D'où il apert que les Religionnaires de ce temps se font vn grand tort d'espouser les humeurs de telles personnes, qu'ont pris la Bible, non pour y obeyr (comme à la parole de Dieu, en laquelle ils eussent quelque aduantage) mais seulement pour s'en seruir d'un pretexte contre les loix, tant ciuiles qu'Ecclesiastiques, & pour en user comme d'un leurre, pour deceuoir les ignorans. De sorte qu'à force de vanter la parole de Dieu escrite (comme si elle estoit pour eux) ils se sont persuadez à credit, de se pouoir mettre à couuert dans ce retranchement. Le pire du jeu est que tant a va-

la ce faux manteau, que l'erreur (par l'ignorance de plusieurs, & par la negligence de maints autres) à pris un grand pied, comme tout autre mal, qui n'est pas empesché à temps.

1. Tim. 3.

Matth. 16.

Le second dessein des Reformateurs pretendus a esté une violente entreprise de ruiner la maison de Dieu l'Eglise Apostolique & Romaine, au préiudice de la parole expresse du Sauveur, disant que les portes d'Enfer ne preuandroient jamais contre icelle. La fausse couleur pour couvrir ce mal a esté le cry public de ces gens promettans en apparence la Reformation de mille abus pretendus, avec une assurance effrontée de reformer le tout par la seule Bible: laquelle ils ont traduite en François, pour favoriser cest attentat, apres l'auoir deualisée, y corrompant & retrenchant les milliers de clauses. Cecy a resiouy la populace desiruse de liberté, abreuee aussi d'une fausse

opinion, que toute tradition, & parole  
de Dieu non écrite n'estoyent qu'inven-  
tions humaines.

Mais la plus forte machine de nos Par-  
ties aduerses, pour renuerser ceste Egli-  
se de Dieu, a esté vne impudente accu-  
sation forgée contre l'Eglise Romaine, qui  
auoit tousiours esté en grand prix. De fa-  
çon que la populace ignorante, aisée à  
surprendre, a pensé que ceste effronterie  
de ces gens estoit vne marque de bon  
droit; comme le menu peuple des Juifs  
estima, que la chaste & innocente Suzan-  
ne estoit coupable, attendu l'assurance,  
de laquelle se seruoient les impudiques  
vieillards en l'accusation, qu'ils luy inten-  
terent. De mesme nos Aduersaires, Apo-  
stats de l'estat de Prestre, & de Religion,  
ont dressé leur article 28. calomniant avec  
tant d'infamie, & de vilainie ceste chaste  
Suzanne, ceste colomne de verité l'Egli-  
se Romaine, qu'ils retirent de ses apro-

Daniel 23.

Art. 28.

1 Tim. 3.

ches tous ceux qu'ils ont seduits : tant ils leur impriment d'horreur par leurs atroces impostures.

Finalemēt le troisiēme dessain de nos Pretendus Reformateurs a esté d'edifier vne tour de Babel, qu'ils nomment l'Eglise bastie de nouueau ; dressant des articles de foy, par vn nouueau symbole taillé de leur teste, pour se remparer cōtre nos batteries. Et afin de dresser vne contre-batterie, ils ont frangé leurs diēts articles, de quelques citations inutiles de passages de l'Escriture, qui ne portent jamais aucune sentence claire, entiere, & formelle de leur pretenduē Reformation. Si que tout homme de bon jugement verra, que la procedure entiere de nos Parties, est destituée de tout moyen pour s'establir, ne pouuant jetter aucun fondement solide, veu la ruyne qu'ils ont machiné, par leur article cinquiesme, contre toute sorte d'autorité legitime. D'où il conclurra infalliblement,



que ce n'est icy qu'une entreprise & commune conjuration, de peu de personnes preuenues en jugement, qui employent tous leurs efforts, pour euitier la condamnation, qu'ils recognoissent en leur ame auoir plus que iustement meritée.

Ce petit discours ( Monseigneur ) seruira de Pierre de touche, pour desabuser les esprits, & pour leur faire voir le mauuais aloy de leurs songes, qu'ils font courir pour fin or de la pure parole de Dieu escriite. Je n'emploieray en ceste descouuerte, ny citations des Peres, ny allegations de raisons prises de la Theologie, ny autres moyens qu'on a accoustumé de mettre en auant, pour establir vne verité Chrestienne, ou pour dissiper l'erreur: d'autant que nos aduerses Parties se mocquent de tout cela, par un monde de ruses, & de subtilités. Nous nous contèterons d'employer leur seule confession de foy, qu'ils ont presentée

En leur Re-  
queste.

Lettre  
des tra-  
ducteurs.

au Roy, & qu'ils appellent le cry de  
tout leur party : disans qu'ils estoient  
poursuivis à mort pour ceste creance, par  
laquelle ils preferent (ce disent ils) les  
commandemens, de Dieu compris en  
l'Escripture, aux commandemens des  
hommes, qui sont de leur nature en-  
clins à mensonge & vanité. Au reste  
ils ont tant estimé ceste confession de foy,  
qu'ils la donnent mesme pour regle de la  
bonne traduction & interpretation de  
l'Escripture, comme il se void en l'aduis  
que donnent les traducteurs de leur Bible:  
de maniere que ceste confession est la re-  
gle des regles, pour les pretendus Refor-  
mez. C'est pourquoy ie l'ay choysie, pour  
faire voir l'extreme abus de ces gens, que  
personne ne sçauroit jamais croire, veu  
le courage audacieux, avec lequel ils van-  
tent la parole de Dieu, & la Bible, cōme  
si elle nous condamnoit en termes propres  
& formels; & tout ainsi que si elle insti-

de  
ent  
ar  
es  
en  
es  
n-  
te  
y  
la  
e  
fioit expressement leurs articles reformez:  
là où ils n'ont pour tout vne seule senten-  
ce formelle, qui fauorise leurs pures inuen-  
tions humaines.

Ce petit travail ( Monseigneur ) vous  
estoit naturellement deu, tant pour ser-  
uir de quelque piece à la charrue Euange-  
lique, que vous tenés en main; afin de des-  
fricher la terre de ces pauvres ames des-  
uoyées; que pour laisser à la posterité quel-  
que marque du grand estat, que ie fay de  
vos vertus & merites; & pour tesmoi-  
gnage de l'ardent desir de vous seruir en  
qualité,

: MONSEIGNEVR,

De vostre tres-humble, &  
bien qu'indigne seruiteur  
en IESVS-CHRIST,  
JEAN GONTERY.

De Bourdeaux,  
ce 15. Ianuier  
1614.

# *Fautes suruenues en l'impression.*

<i>Pag.</i>	<i>verset,</i>	<i>fautes,</i>	<i>corrections.</i>
305	17	si	il
306	2	aussi	ainsi
313	11	fairez	sercz
ibid.	12	faict	esté
318	20	parle	porte
321	4	petite prouince	petites prouinces
ibid.	6	office	officier
345	15	d'un	de
365	12	qu'ils	ils
385	6	les	des
386	9	blamme	bannie
405	16	sa	la
ibid.	17	craigniez	craignez
414	8	pain	bain
425	19	s' imagine	se l' imagine.
429	3	le	de
431	22	la	le
435	22	justification	institution.



## Aduis au Lecteur.

**L**N'y a rien au monde si libre,  
& si à soy, apres Dieu, que  
l'esprit de l'homme, & ses ju-  
gemens. Car ores que la liber-  
té (à parler proprement) ne soit qu'en la  
volonté: si est ce que celle cy ayant no-  
stre entendement en sa main cōme vn flā-  
beau, elle le porte où bon luy semble: l'obli-  
geant de considerer, & de conclurre ce,  
qui luy vient à gré: ou de passer par des-  
sus, & de refuter ce, qui luy est à contre-  
cœur, quelque vray, ou bon qu'il soit, jus-  
ques là, que ceste liberté se renōce soy-mes-  
me, faisant prononcer des arrests à l'en-  
contre de soy, ainsi que nos parties en vsent  
franchemēt, se voulans persuader, qu'ils

A

ont perdu le franc arbitre, duquel toutes-  
fois ils vsent d'une souplesse nōpareille, se  
donnāt ce pouuoir en tout, que de soustenir,  
& de rejeter la mesme chose à leur plaisir.  
Ils prennent la Bible pour leur reigle, puis  
la cassent, & se cachent dans les obscuritez  
d'un esprit secret. D'icy ils en appellēt  
aux Ministres; ceux cy estans cogneus ne  
sçauoir, & ne pouuoir soustenir leur party,  
ils euoquēt leurs causes à leurs articles de  
foy, & à leur Catechisme. Tout cecy les tra-  
hisāt, ils se retirent vers les Peres, l'autō-  
rité desquels ils auoiēt peu auant foulē aux  
pieds, par ce qu'ils sont hommes (ce disent-  
ils). De mesmes en font ils des Conciles, &  
des histoires, essayans d'en tirer quelque  
secours. Finalemēt ils crient à l'aide à Ari-  
stote, à ses arguments, & ses consequences,  
s'ils en pouuoient trouuer quelqu'une de  
necessaire. Mais qui pourroit represen-  
ter avec quel courage ces gens icy di-  
sent, & se desdisent; destruisent, & ba-

Estissent la mesme chose ? faisant, & deffais-  
sant la loy, le juge, la reigle, les maximes,  
de la mesme facilité & temerité, que De-  
mocrite bastissoit les pierres du monde avec  
ses atomes s'entrechoquans: esträge liber-  
té, & licëce insupportable! Au reste la rai-  
son est si souple à nos volontés, & les Es-  
critures se tordēt si aisēmēt, que nous trou-  
uons des arguments, & tirons des passa-  
ges de l'Escriture sainte, & des Peres, au  
profit de tout ce, qui nous plaist. De ceste  
mesme liberté viennent ces ondées de di-  
uerses opinions en toutes choses, comme il se  
void: mesmement es religions, qui foisonnēt  
à merueilles, & singulierement en ce tēps,  
chascun espousant son affection avec cer-  
taines apparences arraisonnées de mille  
discours, qui semblent probables aux igno-  
rants.

Sur ceste mesme composition icy, que  
nous entreprenons de mettre au jour, com-  
bien y a-il d'aduís diuers ? que de raisons

#### 4. Aduis au Lecteur.

2. Tim. 2.

contraires ? qui plaide pour l'affirmative, disant qu'il est vtile, voire necessaire d'escire contre les erreurs de ce temps : qui soustient la negative, voulant que le temps mesme guerisse la maladie des esprits. Sur quoy saint Paul a tres bien jugé, & se faut renger à ce qu'il en dira : C'est que la parole des errants va gagnant comme le chancre, ou la gangraïne. Or quoy que le cours du mal monstre d'ordinaire au Medecin assez clairement ce qu'il doit faire contre ce feu estranger, qui consomme le patient : si est-ce pourtant que cela ne l'empesche d'y remedier en quelque façon : sinon par le feu, & l'incision ( quand mesmement le mal se trouue plein de contumace ) aumoins par remedes anodins, & lenitifs, qui diminuent le mal, ou en arrestent le cours, ou du moins ils en retardent la ruine du corps : De mesmes aussi l'inconuenient du malheur, qui regne en ceste confusion, &



## Aduis au Lecteur.

liberté des opinions pernitieuses , nous doit servir d'instruction. Et ores que le mal semble trop contumace , & quasi comme desespéré : si faut il essayer quelque remede , arrestant les esprits vlcereux de ceste humeur libertine.

Nos parties aduerses ne cessent d'escrire , fournissant ( aux despens du commun de leur cause ) papier , ouuriers , & recompenses aux escrivains. Leur dessein est de nous lasser de lire leurs liures , & d'escrire contre eux. La facilité de la composition nourrist leur dessein : car ils ne sont en peine , si ce qu'ils mettent au jour sera trouué vieux , ou nouveau : si l'invention en est grossiere , ou desliée : si on y a respondu , ou non : si leurs discours sont bien , ou mal tissus : s'ils sont vrais , ou faux : s'ils sont tirez de l'Ecriture , ou non : s'ils s'accordent à leurs principes , ou s'ils les ruinent : si ceux de leur party les approueront , ou les censureront.

L'unique but de ces entasseurs de liures reformez, est de fatiguer l'Eglise Catholique, & de nous nuire comment que ce soit par calomnies, par maneries, au prejudice de l'Ecriture, de toute verité, voire mesmes aux despens de leur reputation; tout cecy leur estant indifferant, pourueu qu'ils nous trauerfent. Nous au contraire sommes retenus par un monde de considerations bien fondées & opposées aux vaines pensées de nos haineux. Nous vacquons à la contèplation, & à l'exercice des œures de la vertu: nous recognoissons, que pour les personnes de conscience, & de bonne foy, qui se voudroient instruire, il y a prou d'escrits de toute façon, anciens & modernes, sans nous rompre par un travail inutile, ce semble; veu l'audacieuse presumption de quelques mal appris, qui cōme dict nostre Sauueur, foulent aux pieds les perles & les joyaux des mysteres, & se ruent contre les Docteurs qui les instruisent, ta-

Match. 7.  
NIXE

chans d'en deschirer la reputation, & appellans cela liberté de conscience ; d'où est causée vn'e strange peine à ceux, qui procedent de bonne foy, & avec charité. Cela mesme rebute plusieurs grands personnages, detestans ces esprits bizarres, qui à guise de lutins, ne font que discourir çà & là, sans aucun arrest. Si est ce pourtant que le cōbat rendu contre ces opinions pernicieuses, est pour nous vn exercice autant honorable, qu'il est fructueux pour nos prochains, si on y alloit du pied qu'il faut. Car outre que nous tenons nos armes tousiours fourbies, tousiours auons-nous moyen de mieux esclaircir la verité, de gagner l'honneur de la conuersion de quelque ame à Dieu ; & de combattre pour la gloire de IESVS-CHRIST, & de son Eglise. Sur quoy je ne puis assez plaindre le malheur, en ce que plusieurs habilles hommes se rendent, ils se lassent en ce conflēt glorieux, ils quittent leur rang, s'en remettent aux

autres, se deschargeans de ce diuin office, qui feroit enuie aux Anges mesmes. Cecy soit dict pour quelques Docteurs Ecclesiastiques. D'autre part la volupté, l'ambuion, & l'auarice regnent imperieusement sur maints esprits sçauants au siecle, d'où l'Eglise tireroit vn grand secours, si plusieurs vouloient employer leur auctorité, leur sçauoir, & desployer leur eloquence sur ce digne sujet : comme à la verité quelques uns font, mais trop petit nombre. L'Eglise jadis a esté deffenduë brauement par des Senateurs, par des Philosophes, mais signamment par les Aduocats, lesquels (tout bien considéré) sçauent mieux donner entendre au peuple leurs conceptions, que ne font souvent les plus sçauants Predicateurs, qui par trop de sçauoir n'ont pas les termes vulgaires si à main, ny la langue si bien penduë, pour faire comprendre aisément leurs conceptions à vne commune, com-

me ces Messieurs du barreau. Les Justins, les Lactances, les Arnobes, les Chrysostomes, les Cypriains, les Ambroises, & tant d'autres se sont signalez, combattans pour la foy de IESVS-CHRIST, n'y espargnant ne temps, ne plumes, ny auctorité, ny moyens : mesmes jusques à la mort inclusiuement, signant de leur sang la doctrine celeste.

Ce que je treuve aussi qui nous empesche grandement, est, que plusieurs se persuadēt d'auoir à mettre à chef deux entreprises en mesme tēps : comme auoient les enfans d'Israël retournans de la captiuité Babylonniēne; lesquels auoyent à cōbattre les ennemis, & à rebastir le temple de Salomon, estans obligez d'auoir la truelle en vne main, pour l'edifice sacré, & en l'autre le glaue, pour repousser l'ennemy, & pour se deffendre contre ses incursions.

La verité est, que les Catholiques sont plus que suffisamment iustruits par les

liures precedets, s'ils veulent espouser le  
soing de leur salut. De maniere qu'il n'y a  
difficulté, qui merite respõse, qu'on ne l'aye  
vuidée en perfection par les liures des Pe-  
res, ou en l'eschole de la Theologie scholasti-  
que; mais singulieremēt par ces grands, &  
doctes volumes de controuerses, que les  
sçauans de toutes les nations ont mis au  
jour tant François, qu'Espagnols, Italiēs,  
Flammans, Alemans. Quant est aux fauf-  
setez, ou corruptiõs attribuées aux sainctes  
Peres, aux Conciles, & aux histoires, que  
ces Messieurs mettent en auant, pour es-  
brecher l'Eglise de Dieu, ou pour diminuer  
l'authorité des sainctes traditiõs, ou le per-  
petuel consentement des Docteurs anciens;  
le seul Sieur du Plessis (s'estant chargé de  
toutes les iniquités de son party, portant le  
sac, & pieces de toute ceste Eglise pretēdue  
reformée) en perdit sa cause, & fut tondue  
deuant toute la Frãce, au theatre du mon-  
de, aux yeux du plus equitable Monarque



de l'univers; & fit voir que tous les Ministres d'Angleterre, d'Allemagne, de Suisse, de Geneve, & de la Frâce (qui auoient ahamé ~~l'any~~ pour produire ce Rat) estoient aux abbois. l'edifice eternal de l'Eglise, & des saintes traditions demeurant tout entier, sans auoir seulement souffert vne petite bresche, ou secousse: Et laissant à Monseigneur l'Illustrissime Cardinal du Peron vne gloire immortelle, pour auoir esté instrument de Dieu en la deffence de la verité inuiolable, & en la desconfiture des noires impostures des Ministres d'erreur.

Que reste-il d'oc autre chose, sans que de ruiner de fonds en cöble ceste tour Babylonniëne, que pretendent de bastir nos aduersaires, petits Geants, qui crachët contre le ciel? C'est à cecy qu'il faut tourner nostre industrie, donnant la sappe à ces murs de Babel pour n'en faire qu'à vne fois. Il faut arrester ce ste outrageuse licëe, & liberté,

faisant ~~mordre~~ le mors de la loy de Dieu à  
nos volontés rebelles.

~~Donc~~ Ce petit traité icy, que je vous mets  
en main (Lecteur debonnaire & docte)  
n'est accompagné ny d'éloquence, ny emba-  
raissé de citations; ny orné de mille artifi-  
ces, que ce siècle riche en sçavoir, & ferti-  
le en beaux esprits, vous produiét chasque  
jour. Ce n'est qu'un petit moyen aisé, &  
comme un espée de combat; c'est en fin un  
art, par lequel toute sorte de personnes,  
pour peu d'entendement qu'elles ayent,  
pourront ruiner sans peine, toute ceste pre-  
tendue Religion, soy disant Reformée.  
Peut estre au commencement, ainsi qu'en  
tout autre chose, on rencontrera quel-  
ques ronces, comme en une terre, qui  
est en sauard: mais avec un peu d'at-  
tention, & de peine, telle que merite no-  
stre salut éternel, nous viendrons à bout  
de l'entreprise digne des bons esprits, &  
des courages militaires.



Toute l'affaire ne gist qu'en ces deux poinçs : sçauoir est à descouurir, que nos parties accusent l'Eglise Romaine du crime, duquel ils sont entachez, qui est d'auoir abandonné la parole de Dieu, pour suiure les inuentions humaines. L'autre poinçt consiste à faire voir l'imposture estrange, disant, qu'eux ne croyent, & ne suiuent, que la seule parole escritte de la Bible : laquelle (ce disent-ils) ils ont mis en François, pour faire voir la verité de leur accusation, & de ce qu'ils s'attribuent.

Or la verifcation de ces deux articles est malaisée en ce, qu'il faut de la subtilité, & de l'attention, pour comprendre le tout bien nettement : la ruse de nos parties estant toute bandée à brouiller ceste descouuerte : car de force ils n'en ont point. Voicy donc où tend ce petit labeur, sçauoir est à descouurir la fraude : partant nous nous abstenons de long langage, & d'alle-

gations ; afin qu'on voye clair ce qui semble si embarrassé. Par ce moyen l'abusé se pourra instruire sans obscurité ; le bon Catholique fera facilement voir l'erreur à ses amis ; deceux à faute de considération, & adresse. Mais d'autant que ce n'est pas icy seulement une demonstration certaine : mais que c'est un art contenant quelque industrieuse procedure, il sera necessaire pour le commencement, de bien lire ce petit traité avec l'esprit présent, & attentif, pour en bien posséder les principes, & les préceptes : & puis il les faudra pratiquer. Ce qui ne se pourra pas faire en une semaine, ou deux, mais au long-aller on se trouuera instruit, & saisy (comme dict est) d'un arme de combat, & d'un moyen court, certain, & tres facile, pour conuaincre d'erreur les plus beaux esprits, & les plus rusés de ce party reformé, & pour renuerser tous leurs fondements, rom-

pre leurs artifices , & empêcher leurs  
suites , & stratagemes. De maniere que  
non seulement les Docteurs ( qui n'ont  
besoing d'instruction ) mais les escholiers  
de Theologie, de Philosophie, de Rhetor-  
ique ; voire mesme la noblesse, le gen-  
d'arme, le practicien du palais, le plus  
simple bourgeois , & l'artisan pourra  
facilement , & entierement desfaire, ce  
qu'on pourroit penser estre si puissant,  
& que nos parties crient estre invin-  
cible.

J'ay vn'autre raison , qui me faict  
appeller ce trauail vn art , d'autant que  
par certaines obseruations reiglées, on at-  
teindra d'ordinaire au but desiré , qui  
est de faire voir à l'œil , de quel costé  
demeure la victoire au combat des con-  
trouerses. Ce qui est, à mon aduis , &  
par l'experience que i'en ay , fort diffi-  
cile : Veu l'artifice que nos parties ap-  
portent pour obscurcir la verité. Au de-

meurant, tout ainsi qu'en l'art de navigation, pour les diuerses routtes, qu'il faut tenir, pour la variété des vents, à cause des escueils, & bancs, qu'il conuient esuiter, comme aussi à l'occasion des Pyrates, & des monstres marins, qui se presentent à l'impourueu, il est necessaire, outre les preceptes, qu'on aye un jugement bien solide, une grande prudence, & du courage. De mesmes aussi, veu l'extreme liberté, que se donnent nos parties, d'approuuer, de rejeter, de dire, & de nier tout ce que bon leur semble, comme des Prothées, sans s'assubjettir aux loix de Dieu, ny des hommes, non pas mesme à celles, qu'eux mesmes ont faict, & dicté : Usant de toute sorte d'astuce, & de mauuaise foy, prenant <sup>leur</sup> ~~for~~ aduantages du lieu, des personnes, du temps, de l'audace, des risées, & de mille tels stratagemes;

Ce sera

*Ce sera à la prudence du vray Catholique de marcher en cecy à pied de plomb, reſerurement, & ſans ſe laiſſer ſurprendre à la cholere, mal-aiſée à retenir, quand on deſcouure vne perſonne, qui marche de mauuaiſe foy, en vn affaire ſi important, & où l'on y apporte de la diſſimulation, & tromperie.*

*Sur tout qu'il ſe tienne touſiours à l'ordre, ſans ſe laiſſer jamais jetter dans la conſuſion: ſe perſuadant qu'encore que le Religionnaire deſeſpere de vaincre; ſi a-il tant de courage accompagné de fineſſe, que ſi on ne gagne bien euidentement, ce ne ſera pas auoir gagné: voire (à leur dire) ce ſera auoir eſté ſurmonté. Dieu par ſon infinie miſericorde nous vueille donner la grace de nous bien inſtruire, & puis de pouuoir retirer quelque deſuoyé, qui eſt vne des plus agreables œuures, que nous puiffions preſenter à la diuine Majesté, à*

Iacob 5.

qui soit rendu tout honneur , & gloire  
par IESVS-CHRIST, qui a daigné  
verser son sang , & donner sa  
vie pour les pauvres  
pecheurs , &  
desuoyez.

\* \*

\*





# P R E F A C E.

**L**A vraye cognoissance des causes de nos maladies est le solide fondemēt de leur guerison. Il faut donc sçavoir, que ceste violente conuulsion arriuée de nostre temps, de tant de peuples soubstraits de l'obeïssance de leurs Prelats legitimes, est venuë d'une atroce accusation, que quelques particuliers mal-contents ont brassé contre l'Eglise Catholique Romaine. Ces gens là ont osé asseurer, qu'elle auoit abandonné la *pure parole de Dieu escripte*, pour ne suyure que des inuentions humaines, & des traditions nouuellement controuuées. Au contraire ils se

sont vantez, d'estre enuoyez de Dieu, pour dresser l'Eglise de nouveau, la réglant toute à la pureté de l'Evangile, sans y rien *ajouster*, diminuer, ou changer. La vie licentieuse d'une bonne partie des Catholiques, & de plusieurs personnes Ecclesiastiques, accompagnées de beaucoup d'ignorance des saintes lettres, a donné feuille à l'accusation : & pour le regard de la prétendue Reformation, elle a pris couleur sur quelque apparence, & <sup>de pitié</sup> des <sup>sur</sup>allegations fréquentes de l'Ecriture mise en la bouche des artisans, & femmelettes, au moyen de la Bible traduite en François, & mise en leurs mains, avec des subtractions des liures entiers, & avec des maximes dangereuses : qui rendent la droicte de ceste règle toute courbe, & tortuë. Au demeurant il faut noter sur tout, que la résolution de tout ce party, est, de rejeter audacieusement



tout ce, qui peut estre dict contre eux, non seulement par qui que ce soit, mais de qui, & de quoy que ce soit : quand ce seroit les textes formels de la sainte Bible. Et quant à eux ils ont ceste presumption, que quoy qu'ils disent, voire mesme contre le texte bien exprez de la sainte Escriture, ils le veulent faire passer pour arrest prononcé de Dieu : de maniere que c'est folie à nous de vouloir parler, ou dire quelque chose, quelle qu'elle soit. Tant y a que le mal de leur humeur est si grand, & si estendu, qu'on peut en desirer la guerison, plus tost que de l'attendre. Aumoins conservons ce qui reste de sain, & apportons aux parties affectées le remede possible, avec toute douceur. Plusieurs s'amusent moins vilement à debatre avec ce Ministre icy, ou celuy-là ; ramenant l'auctorité de l'Eglise ancienne, des Conciles, des Peres, des rai-



sons qu'ils ne veulent recevoir : il faut laisser les duels, & combattre tout l'host de l'ennemy ; qui preuoyant la force de nos armes, dict, qu'on n'en doit point vser ; & veut par son courage, que leur dire soit vne loy inuiolable. Entrons donc dedans leur camp ; recognoissant, & renuersant en mesme temps leurs forces, & artifices, qui ne consistent bõnement qu'cz articles de foy, que toutes les Eglises de ceste Religion pretenduë Reformée ont dressé, & qu'ils impriment à la fin de leurs Psalmes apres leur Catechisme ; partant je coucheray icy mot à mot fidelement les articles fondamentaux de ceste confession de foy Reformée, les rapportant entre eux, & les conferant avec la regle vnique, que tout ce party a juré de prendre, pour dresser son nouveau bastiment. Ceste *regle est la seule Bible*, ce disent-ils. Et afin qu'on puisse

voir à l'œil la déformité de ceste Reformation , nous commencerons par l'article, auquel ils constituent ceste *unique regle* , distribuant l'article en ses clauses , & propositions , sans y rien alterer : mais pour avant-jeu voyons vn mot en general de toute la confession de foy : afin que s'ils n'y veulent acquiescer, ils recognoissent qu'ils renoncent à tout leur party de la pretendüe Reformation.

*Consideration generale sur la Confession  
de foy Reformée.*

CHAP. I.

**D**'Autāt plus qu'un criminel craint la condamnation de son forfait, d'autant fuit-il plus subtilement le Iuge , & les loix legitimes. En quoy on peut descouvrir cōme nos parties s'accusent eux mesmes par les difficultez

qu'ils font en la recognoissance d'un Juge, & d'une loy certaine: car c'est la verité, que quiconque prendra garde de prez à leurs artifices, descouvrira, qu'ils ne se veulent presenter deuant aucun parquet, fuyant toute sorte de Juges, si ce n'est qu'eux mesmes en exercent l'estat, qu'ils prononcent les arrests, facent les ordonnances telles, qu'il leur plaira, & qu'ils les manient à leur gré: encore se desdiront-ils eux-mesmes, & casseront leurs arrests, & la loy, qu'ils auoient choisie pour reigle. Or pour recognoistre cecy, faut s'accommoder premierement à leur volonté, les laissant presider à tout cet affaire: afin qu'une bonne fois le monde soit desabusé, voyant, que non par imagination, non par supposition fausse, mais effectuellement les loix faites par eux, & les arrests prononcez de leur bouche propre, sont veritablemēt

desaduouiez par eux mesmes. Voyons donc l'autorité qu'ils donnent à leur confession de foy distribuée en quarante articles. Voicy le tiltre que les Ministres de Geneue donnent à leurs articles de foy : qui sont les maximes generales de tout le party Reformé.

*Confession de foy faicte d'un commun accord, par les François, qui desirent viure selon la pureté de l'Euangile de nostre Seigneur IESVS-CHRIST.*

Ce tiltre du Symbole reformé estant tel, qui sera celuy si refractaire d'entre ces Messieurs les Reformez, que de quitter ce commun consentement, & ceste pureté establie par toute la cause reformée? Outre ce, ces années passées leur Synode general fust assemblé à la Rochelle ( du vivant du feu Roy le grand Henry d'heureuse memoire ) auquel Synode fust adjousté vn article de nouveau aux quarante precedents.

Sçauoir celuy-cy, *que le Pape est l'Antechrist mesme* ; par ce qu'il donne les Royaumes à qui il veut : notable article, attendu la saison ! Voicy donc le tiltre vniuersel qu'ils mettent au Symbole de leur confession de foy, afin de la faire receuoir à tout le party sans contredict.

*Confession de foy reçeuë de toutes les Eglises Reformées de France.*

Cecy posé il n'y a aucun de ce party reformé, qui puisse refuser son cōsentement à ces articles icy, esquels est cōtenu tout le fonds de la Reformation, que les Ministres de la Frâce jurent de prescher, d'observer, & de faire garder en leurs Eglises. Avec ce il est à noter ; que le premier article (qui donne force, & credit à tous les autres) est, qu'il faut croire qu'il n'y a qu'un seul Dieu ; le sixiesme article contient la creance de la Trinité, le secōd, 3.<sup>me</sup>, & 4.<sup>me</sup>, ce qui ap-

partient à l'auctorisation des saintes Escritures; de maniere que le reste estât mis en parallele de ces articles icy (cōme ce qui appartient aux Sacrements, & à l'establissement de la nouvelle Eglise) c'est renoncer à DIEU, que d'abandonner aucun de ces *pointz de la confession Reformée* : par ce qu'ils sont estimez necessaires à salut.

Adjoustez à tout ce que dessus, qu'en la Preface de ceste confession de foy, les Ministres disent au Roy François II. que *c'est icy le cry de toutes les Eglises, & la voix de ceux, qui veulent viure selon la pureté de l'Evangile.* Le Sieur du Plessis en son Mystere d'iniquité dit, que *les Bohemiens, & les Vaudois ont demandé la Reformation de foy receuëez Eglises pretenduës Reformées.* Pour conclusion, les traducteurs de la Bible Geneuoise, assurent en leur Preface, qu'ils laissent aux autres la liberté de tra-

*duire l'Eſcriture ſaincte , pouruen que leur traduction ſoit conforme (diſent-ils) à nos articles de foy. Voicy donc la reigle de la Bible.*

Si donc on recognoit par les diſcours des Miniſtes , qu'en eſſe& ils deſaduouient leurs *articles de foy*, qui eſt pour eux la reigle des reigles: ou bien la ſaincte Eſcriture , ou tous les deux enſemble, quelques belles paroles qu'ils em-  
ploient pour couvrir leur renôciation, il ſera fort aiſé d'en deſcouvrir la tromperie , & de les ſurprendre en la mau-  
mauiſe fin , de laquelle ils ſe ſeruent: par ce qu'on verra euidentement , qu'ils fuyent le Iuge de leur propre nomination , & la loy choiſie par eux : voire on recognoiſtra à l'œil, qu'ils ont honte & peur d'eux meſmes, ſe deſaduouians avec leurs propres arreſts, tant a de force la verité. Ce que nous aſſurons icy ſemble incroyable : mais il ſe veri-



*pour desabuser les esprits.* 29

fiera tres-notoirement par la lecture de peu de chapitres : venons donc à l'examen de l'article quatriesme, contenant la regle des autres. Au reste pour se garder du degoust que la vanité des discours mal conçez de ce party reformé pourroit apporter, il faut faire prouision de cet appetit, & de ceste alteration de la iustice, à laquelle

IESVS-CHRIST a promis le rassasiement en ces termes.

*Beati qui esuriunt &  
sitiunt Iustitiam,  
quoniam ipsi  
saturabun-  
tur.*

*Matth. 5.*



verroyent leans leur Reformation, & tous les abus de la Papauté (ainsi appellent-ils l'Eglise Catholique, qui est la maison de Dieu, l'appuy, & la colonne de la verité). Mais quoy? receuront-ils indifferemment tout ce qui se retrouue dedans leur Bible? non certainement; ains au contraire ils ont esté d'aduis de faire vers les liures sacrez, ce que nostre Seigneur fera, jugeant d'autorité supreme l'vniuers, comme le rapporte saint Matthieu, disant, que *1. Tim. 3.*  
**I E S U S- C H R I S T** separera ses ouailles d'avec les boucs, constituant ceux-cy comme reprouvez à la gauche, pour les condamner; ces autres estant mis à la dextre, & receus comme enfans legitimes de Dieu, & ses heritiers. *Matth. 25.* De mesme nos aduersaires ayant nommé, reçu, & canonisé en l'article troisieme vne partie des liures de la Bible, ils en ont forclos plusieurs pieces toutes en-

tieres, qui contiennent bien huit, ou dix mille clauses, qui sont autant d'articles de foy pour les Catholiques. De maniere que nos accusateurs, & nos parties, pour establir quelque forme de jugement contre nous, commencent leur coup d'essay sur *la parole de Dieu escrite*, faisant qu'elle se presente deuant leur parquet pour ouyr cinq ou six arrests, qu'il faut mettre en ordre, & bien considerer, puis que toute la cause Reformée tourne sur ce puiot. Oyons nos Presidents, qui parlans des liures nommez en l'article troisieme, disent, *qu'il est assure qu'en eux est comprise toute l'Ecriture sainte*. Cest arrest est considerable, estant prononcé sans aucun passage des saintes lettres, & sans aucune autorité. Oyons, ou voyons les autres sentences contenuës en cest article quatriesme.

1. *Nous cognoissons ( disent-ils ) ces  
liures*

*liures estre canoniques,*

2. *Et la reigle tres-certaine de nostre foy;*
3. *Non tant par le commun consentement de l'Eglise,*
4. *Que par le tesmoignage, & persuasion interieure du saint Esprit,*
5. *Qui nous les fait discerner des autres liures Ecclesiastiques;*
6. *Sur lesquels, encor qu'ils soyent vtils, on ne peut fonder aucun article de foy.*

Icy les yeux, Lecteur; & contemplés comme ces gens cy parlent en Maistres; vous souuenant quelles gens ce sont: sçauoir est vn Prebendier de Noyon Calvin; vn Prieur de Longimeau Beze; & voyés comme ils prononcent le premier arrest de ce registre: sçauoir que les liures (qu'eux mesmes de leur autorité priuée ont trié) sont canoniques. Si l'Ecriture dict cecy, ils ont quelque fondement; aumoins ont-ils celuy qu'eux mes-

C

mes ont jetté : car ils asseurent que ceste *Escripture est la reigle tres-certaine de ceste foy* : mais si la Bible ne dict mot de cest arrest, où l'ont-ils pris ? Ils commencent de bon'heure de se despartir de ceste *parole de Dieu escrete*, voire de la reigle qu'eux mesmes ont pris pour reigler leur Reformation. Sans doubte ce sera vne Babel, puis qu'ils ne s'entre-entendent aucunement : Dieu ayant mis en confusion leurs esprits, & leurs langages, si qu'en mesme téps qu'ils jettent les fondements, ils les renuersent.

Estrange aueuglement ! En outre, si cet article doit estre creu par les Religioneux, suiuant leurs principes, il faut qu'ils trouuent autant d'arrests dans la Bible, qu'il y a de liures : prononçant de chacun qu'il est canonique : voire non seulement cecy se doit-il entendre des liures ; mais des chapitres, des versets, & mesme de chaque mot ; autrement il sera loisi-

ble à qui que ce soit d'en vser à plaisir : en ceste maniere nous aurons vne reigle sans reigle, & vne parole de Dieu qui ne le fera, que tant qu'il nous plaira.

Voyez, Messieurs, que vous auez gagné de faire bande à part, & d'entreprendre vn nouveau bastiment, qui se trouue tout ruineux, & confus en ses fondements, en ses montées, en ses chambres, & salles routes aucugles, estant sans fermereté, sans art, sans lumiere.

Mais dictes nous de grace d'où auez-vous pris ce mot de *Canoniques*, duquel vous baptisez les liures inspirez de Dieu, est-il François? Latin? ou Grec? vous auez traduit la Bible en langage vulgaire, pour la rendre claire, & intelligible aux artisans, & trouuez si mauuais, que nous prions le grand DIEU en Latin, comme s'il n'entendoit ce langage là : ce neantmoins vous prononcez voz sentences, & donnez ces articles de foy à

vos ouailles en langage incogneu : car que sçait le vulgaire que c'est que *Canon*, ou *Canonique* ? Encore seriez-vous excusables, si cela se trouuoit dans l'Escripture sainte. Mais puis que vous vous estes liez au seul texte de la Bible, ce mot de *Canoniques*, ny ceste clause ne s'y trouuant point, vous estes obligez par vos principes de renoncer, ou à la Bible, ou à vos principes, ou à tout cela ensemble; quelle Religion si desliée ? quelle Reformation si difforme est donc la vostre ?

C'est vn plaisir de vous voir triompher sur le mot de MESSE, ou TRANSUBSTANTIATION, quand vous criez aux Catholiques, que si on trouue dans la Bible ces termes là, vous quitterez toute vostre Reformation pretendüe ; ostez, Messieurs, premierement le mereau qui vous poche les yeux, auant que vous preniez l'autorité d'oster les pailles des nostres, quand il y en auroit.

*Matth. 7.*

EXAMEN DE LA 2. CLAUSE  
de l'article quatriesme Reformé.

CHAP. III.

**L**A seconde clause de cet article <sup>2. Clause.</sup> est encore plus cōsiderable que la premiere, d'autant qu'elle cōstituë la reigle des autres, & ce par arrest prononcé par Calvin, & Beze, qui en sont les Presidents, les Conseillers, les Greffiers, & toute la Cour, disant: *Que ces liures canoniques sont la reigle tres-certaine de la foy.*

Or dites-nous, Messieurs, quand les Princes parlent ne font-ils pas quelque difference entre ce qu'ils veulent estre tenu pour loy inuiolable, & ce qu'ils disent en forme de simple discours, ou narration? vous autres mesmes, Messieurs les Reformez, auez bien coustume de dire, qu'il y a vne foy historiale, & vne foy



fiduciale. Je vous demande donc, jugez vous que tous ces liures ensemble, ou bien à part, foint la reigle totale de nostre foy? car il est fait mention dans l'Ecriture de plusieurs saints liures qui sont perdus, comme sont les liures d'Addo le Prophete, celui des jours, & des batailles des Roys, de Iuda, & d'Israël, & selon l'aduis d'aucuns, l'Epistre de S. Paul aux habitans de Laodicée. Et quand cecy ne seroit pas, qui nous assure, qu'il n'y a point eu d'autres liures *canoniques*, que ceux-cy, que vous seuls d'autorité privée nommez, pour nous servir de reigle?

Ioinct que ceste reigle est fort manque, puis que vous ne la dōnez pas pour nos actions, aussi bien que pour la foy. Car S. Paul distingue ces deux loix, l'une de la foy, l'autre des œuvres. Et S. Jacques tesmoigne, que nous sommes justifiez par les œuvres. Et de vray la loy du Decalogue regarde autant les actions,

*Par. 1. 9.*

*Par. 2. 15.*

*9. 12. 13.*

*3. Reg. 14.*

*Coloss. 4.*

*Rom. 5.*

*Iac. 2.*

que la creance. Or comme ainſi ſoit que vous autres Meſſieurs nos juges, pronô-  
ciez cet arreſt ſur les liures *canoniques*,  
qu'ils ſont *la reigle de la foy*, comment  
auez-vous oublie la loy des œuures? auſ-  
quelles, ou eſquelles S. Paul dict, que les *Ephes. 2.*  
Chreſtiens ſont creés: & ſelon leſquelles  
I E S V S-C H R I S T aſſeure, que nous ſe-  
rons jugez, comme le teſmoigne auſſi *Matth. 16.*  
ſainct Iean; & le meſme S. Paul aux lieux *Joan. 21.*  
*1. Cor. 5.*  
citez à la marge. *Galat. 6.*

Que ſi l'Eſcriture eſt la reigle des actiôs  
auſſi bien que de la foy, faudra-il ſe tuer  
comme Samſon, ſelon l'hiſtoire des Ju-  
ges? où pourra-on permettre à vn ſi-  
delle d'aſſiſter aux ſacrifices des Idola-  
tres, comme Eliſée le permit à Naaman,  
ainſi que le teſmoigne l'hiſtoire des  
Roys? ou bien pourra-on ſubſtituer au *4. Reg. 5.*  
vray heritier quelque ſuppoſé, comme  
fit Rebecca femme d'Iſraël, ſelon l'hi-  
ſtoire du Geneſe? ou ne faudra-il point *Genes. 27.*

plustost chercher quelqu'autre reigle, qui nous redresse, & sur laquelle ces exemples de si pernicieuse consequence, avec cinquante semblables, soyent reglez. Ce n'est pas tout d'auoir vne reigle, il faut estre Maistre passé, & juré pour s'en bien seruir; mesmement en ce bastiment spirituel & diuin, comme est l'Eglise de Dieu, que vous, nos parties, promettez de bastir de nouveau, ainsi qu'il se vera en vostre article trent'vniesme. Adjoustez à cecy que plusieurs sentences de l'Ecriture sont estranges, comme celles qui attribuent à Dieu des yeux, vne teste, vne barbe, vn bras, la cholere, & semblables choses fort esloignées de ceste essence pure de la diuinité. Cōment se pourra il faire qu'on suyue pour reigle ces propos, que I E S V S est la pierre? qu'il est le sep de vigne? que c'est vn aigneau? Ce considéré, il faut quitter la parole expresse pour aller chercher ail-

1. Cor. 10.

Joan. 15.

Joan. 1.

Apoc. 5.

*pour desabuser les esprits.* 41

leurs le vray sens. Dites-nous donc où est-ce que nous le trouuerons ? certes il sera necessaire d'abandonner ceste *parole escrete*, & ceste *regle* ; si ce n'est qu'on casse ceste vostre clause de l'article quatriesme de la foy Reformée. Et ce d'autant plus le doit-on faire, qu'il choque les passages exprez de l'Ecriture. Car S. Paul par paroles formelles as-  
seure, que la lettre tue, & que l'esprit viuifie. Iugez, Lecteur, de ceste Religion, & de sa reigle, qui ruine l'article mesmes, lequel cōstitue ceste reigle: car l'Ecriture ordonne, qu'on se tienne à l'esprit, quittant la lettre ; & ceste clause nous enchainne à la lettre, comme si l'esprit de Dieu ne residoit que là seulement, voulant qu'on lise dans ces liures *Canoniques* les arrests definitifs de nos differents. Au demeurant, si on allegue à nos parties tous les quatre Euangelistes, qui par paroles formelles ont res-

2. Cor. 3.

Matth. 26.

Marc 14.

Luc. 22.

Ioan. 6.

*La pierre de touche,*  
moigné, que IESVS nous bailloit sa  
chair à manger, & son corps: c'est vn  
passetemps de voir comme ils abandon-  
nent leur reigle, & comme ils re-  
noncent à cet article, montrant qu'il ne  
faut se tenir à ceste seule escriture; eux  
mesmes prenant plaisir de se desdire.

EXAMEN DE LA 3. CLASSE  
de cet article quatriesme.  
CHAP. IIII.

3. Clause.

**L**A troisieme proposition, ou  
sentence exclud le cōmun con-  
sentement de l'Eglise, comme  
moyen entier, & peremptoire, pour  
cognoistre les liures *canoniques*, & pour  
les constituer, *la reigle de la foy, non tant*  
(ce dictes-vous) *par le commun consente-*  
*ment de l'Eglise.* Il semble qu'en mesme  
temps, vous receuez, & ne recevez pas  
l'Eglise pour Iuge. Mais parlez clair,

Messieurs les Ministres, & nous dictes franchement, Recevez-vous le consentement de l'Eglise, ou non, pour autorité diuine, qui nous oblige à croire ce qui s'y determine? Si vous ne le receuez pas, pourquoy ne dictes-vous simplement nous ne cognoissons point les liures saints par le consentement de l'Eglise sans y mettre ceste forme d'exclusion, *Non tant?* La verité est, qu'à vostre langage on recognoist fort bien, que le consentement de l'Eglise est en partie nostre Iuge: (au moins selon cest article fondamental) car en disant, que vous ne le croyez pas, tant par ceste voye, que par le saint Esprit; vous nous faictes croire, que vous receuez ceste autorité de l'Eglise, pour en faire au moins avec le saint Esprit vne cause totale, & conjointe de l'establissement de cest article: N'y ayant à dire de l'Eglise au saint Esprit, que quelque degré



de plus, ou moins. Quoy qu'il en soit, vous voulez que l'Eglise en die, & en prononce quelque arrest ; oultre ce qu'en diët le S. Esprit.

Quand donc, Messieurs, en l'article suyuant vous dites, que ceste *parole de Dieu escrite, prend son autorité de Dieu seul* ; vous ruinez ce que vous bastissez à present : car si Dieu est *le seul oracle des veritez diuines*, l'Eglise n'y a que voir. Et neantmoins vous luy donnez icy l'autorité en partie, auant qu'ouir l'esprit de Dieu : ainsi par vne proposition vous renuersez l'autre ; puis que vous donnez l'Eglise pour compagne à Dieu en ceste declaration des liures *Canoniques*. I'aurois icy vn grand desir que nos parties, & nos juges declarassent de quelle Eglise ils pretendent parler en cet endroict ; si c'est de l'ancienne, ou de la nouuelle ? Car en l'article trente & vniesme, que nous verrons, ils

asseurent auoir basty de nostre temps l'Eglise de nouveau, qui estoit en ruine, & desolation. Que si la vieille est ruinée, son consentemēt sera nul. Neantmoins s'ils pretendent parler de celle là, qu'ils assignent le temps, auquel elle a donné ce consentement sur les liures canoniques, & qu'elle a jugé qu'ils estoient la seule regle de la foy, ce qu'ils ne fairoient jamais. Car tous ceux qui jadis ont faict vn denombrement des liures canoniques, soit Conciles, ou autres anciens Peres, où ils ont adjousté à ce Canon icy reformé; où ils en ont laissé à rapporter quelque piece. Que s'ils parlent de leur Eglise Reformée, & establie par leur propre autorité; jugez, Lecteur, le beau jeu que ces gens icy se font, se mettant avec le S. Esprit, pour donner credit aux liures qu'il leur plaist, & le desnier à ceux que bon leur semble: & puis ils nous voudront faire croire, que Dieu



*seul* parle, sans que personne autre s'en mesle, si n'oit-on qu'eux seuls qui en fassent icy le decret. Il est donc necessaire, que les trompeurs soient aussi bien memoratifs que les menteurs, pour n'estre pas surpris. Si faut-il que nos parties nous fassent raison sur ceste proposition; & qu'ils la nous monstrent dans la *parole escrete*, pour se descharger de la clause mise cy dessus: d'autant que, si *l'Escripture est la reigle de nostre foy*, il faudra rapporter ceste clause, à ce qu'elle en dira: or elle ne parle point de tout cecy. Il faut donc casser (comme a esté dict) ou la Bible, ou cet article, ou tous les deux ensemble. Comment subsistera donc la Reformation? Un homme sage opposera à ce que nos parties disent icy, que l'Eglise inspirée du S. Esprit doit estre ouye, & suyvie, pour adresse peremptoire en la recognoissance des livres saints; veu ce que l'Escripture en

contient en ceste sentence celebre de S. Paul appellant l'Eglise, la maison de Dieu, l'appuy, & la colonne de la verité. *1. Tim. 3.* Que si cecy est vray, comme il est tres-veritable, il vaudra bien mieux puiser ces veritez icy de l'Eglise, que de la ceruelle de nos parties, qui à tout coup se contredisent, s'oublions d'eux mesmes, de la Bible, & de leurs propres articles, combattant avec cela les textes formels de l'Escriture sainte, & singulieremēt l'ordonnance de IESVS-CHRIST, *Math. 28.* commandant qu'on s'adresse à l'Eglise, pour en prendre les resolutions de nos doubtes, enjoignant à tous de tenir celuy là pour payen, & publicain, qui n'obeira à ceste Eglise. Que deviendra donc toute ceste pretendüe Reformation, qui ne veut, & ne peut subsister, qu'en renoncant à ceste Eglise bastie de la main de Dieu, pour estre la maison, & la colonne de la verité?

De ce que dessus il appert, que ces clauses fondamentales sont des caprices Ministeriaux s'entrechoquans, & des-faisans sans aucun adieu de l'Ecriture, voire la combattant de front. Ce mesme refus faict icy par nos parties, de l'autorité de l'Eglise, & de son consentement general, sera encore rembarré plus viuement çà bas. Ce sera assez pour le present, de voir l'inconstance de ces Reformateurs, qui reçoient l'Eglise, & ne la reçoient pas: qui veulent que Dieu seul autorise l'Ecriture; & neantmoins luy dōnent l'Eglise pour compagne en cela: de maniere qu'il est seul, & non seul; ce ne sont en fin que contradictions. Et pour sçauoir la resolution de toute ceste affaire, ce n'est l'Eglise, ny Dieu, ny la Bible, que nos parties veulent croire, ny le S. Esprit: mais ils pretendent en nommant tout cela confusement, se faire croire, & ouïr  
tous

*pour desabuser les esprits.* 49

tous seuls par dessus l'Eglise, au prejudice de la Bible, & avec vne entiere derogation à l'ordonnance diuine.

EXAMEN DE LA 4. ET 5. CLASSE  
*de l'article quatriesme Reformé.*

CHAP. V.

**L**E quatriesme Arrest prononce, que le S. Esprit donne à ces Messieurs les Ministres, *vn tesmoignage interieur, et secret*, par lequel ils se persuadent ces deux poincts là; à sçauoir, que *les liures nommés par eux, sont canoniques; & qu'ils sont la regle de la foy.*

De cecy nous pouuons juger combien il est malaisé de guerir vn homme preoccupé, puis qu'il ne peut voir de prime face ce grãd abus qui paroist icy: il luy faut mettre l'ordure sur l'œil, comme fit IESVS-CHRIST à l'aueugle *Joan. 9.* nay; puis le faut enuoyer à la fontaine:

D

mais si la salue de l'eternelle sapience n'y est meslée, pour neant trauaillons nous.

Ceste clause seule est la base de la foy Reformée, qui se rapporte toute à la *seule Bible*, l'approbation de laquelle depend du tesmoignage du S. Esprit, mais donné en cachette. Or si celuy-cy ne parle qu'en secret à nos Reformateurs, il faut conclurre, que du seul & simple rapport de nos parties, depend le salut, ou la condemnatiõ de tous les peuples, sans aucune preuue, sans aucun miracle, sans approbation de l'antiquité, sans apparence de raison, sans aucune assemblée de Conciles; & sans neantmoins qu'il soit loisible d'en appeller ailleurs, ou d'euocquer nos causes à quelqu'autre parquet. Si que la Reformation de tous les abus, la cognoissance de Dieu, la justification, les Sacrements, & en fin (comme dict est) le bonheur, & perdi-

*pour desabuser les esprits.* 51

tion de tout l'vniuers sera mis en la discretion de deux, ou trois hommes priez. Ne faut-il pas bien dire, que le courage a esté grand (pour ne dire l'audace) de ces gens cy, de se donner ce crédit, & d'vsurper vne autorité non seulement diuine, mais qui se constituera par dessus Dieu, cōme il est aisé de voir en ce seul point. Car si vous alleguez vn texte exprez, & formel de la Bible, qui s'oppose aux songes des Ministres; ils osent bien casser ceste reigle du S. Esprit, & deroger à l'Escripture, pour dōner cours à leurs fantasies, tesmoing ces mots,

CECY EST MON CORPS, que I E-  
SVS-CHRIST (au rapport de quatre  
tesmoins) a prononcé de sa bouche.

1. Cor. 11.  
Matth. 26.  
Marc 14.  
Luc. 22.

Nos Reformateurs pour cela n'acquiescent ny à l'Escripture, ny aux liures canoniques, ny à ceste reigle tres-certaine, ny au tesmoignage du S. Esprit: mais posans le siege par dessus Dieu, veulent,

*Isa. 14.  
Genes. 3.*

qu'en despit de luy il aye dict, ou deu dire, qu'il ne bailloit que la figure de son corps. Satan, & Eue, se contenterent d'estre esgaux à Dieu, & ils furent humiliez : que doiuent attendre ceux qui derogeans à leurs propres articles, & violans la Bible, se veulent encore estabir par dessus la Deité? qui parlant par la bouche de I E S V S, dict, qu'il baille son corps à manger : & les Pretendus dient que non ; mais qu'il n'en baille que le signe? Ce ne fera pas donc le S. Esprit, qui parlera par la sainte Escriture, puis qu'elle est reformée : ce seront nos Reformateurs.

La cinquiesme clause asseure, que les Ministres prennent la cognoissance des liures *Ecclesiastiques, ou apocryphes, du mesme tesmoignage du S. Esprit, qui les separe d'avec les canoniques.* Voicy vne rude condamnation pour plusieurs pieces de la sainte Escriture. Et bien qu'el-

le mesme ne die rien de ceste clause, quoy que personne n'en parle de la part de Dieu, qui n'a dōné ne reuelation, ne miracle pour cecy : il plaist neantmoins à nos parties de dire, que le *S. Esprit leur parle en secret*, & si interieurement, que personne n'en oit, & n'en sçait rien qu'eux: qui estans hommes, & par consequent menteurs de leur nature, se peuvent tromper, & nous decevoir à plaisir; approuuant, & reprouuant ce que bon leur semble de la Bible. Quand donc on demandera; Iudith, Esther, Baruch, les deux liures des Machabées, sont'ils canoniques? nos parties assises sur les Cherubins, sur le throsne de Dieu, respondront par forme d'oracle, *que non*. Que sont-ils donc? ils respondront qu'ils sont *Ecclesiastiques*, ou *Apo-cryphes*. Mais y a-il vne Escriture sainte qui die cela? nenny. Le consentement de l'Eglise y entreuient-il? rien

*Rom. 2.*

*Psal. 115.*



moins ; & quand il y entreuendroit , il n'est considerable, comm'est le S. Esprit, à leur dire. Mais parle-il? Ouy, ce disent nos parties, & nos juges; assurens, qu'il leur parle de la façon. Ouy , mais ce S. Esprit vient de dire , que ces liures de la Bible sont la reigle tres certaine de la foy : & neantmoins ceste reigle ne nous apprend rien de cecy. Il faudra donc que ce S. Esprit nous trompe , & nous deçoieue, ou que les oreilles spirituelles cornent à nos parties, se faisant à croire, que le S. Esprit dict vne chose pour l'autre ; ou vrayement il sera necessaire de les constituer Reformateurs , & contre-roolleurs du S. Esprit, qui dict, & ne dict pas, ou se desdict à chasque coup : quelle cōfuse Babylone est ceste Reformation cy ? qui faiēt parler la sainte Bible, sans qu'elle parle ; puis elle substitue le S. Esprit inuisible à la parole escrite : En fin il n'y a que nos parties qui prononcent l'Arrest.

EXAMEN DE LA 6. CLAVSE  
de l'article quatriesme Reformé.

CHAP. VI.

OYons la derniere clause de cet article. Elle contient deux parties; l'une est, que *ces liures apocryphes sont utiles*. Utiles! certes on les peut donc mettre au rang des *canoniques*, si S. Paul <sup>2.Tim. 3.</sup> en est creu, selon l'interpretation de nos parties, à qui *utile, & suffisant*, sont tout vn, comme nous verrons icy bas. Bien est vray que S. Paul n'est pas le S. Esprit, qui parle interieurement, sa reigle est trop descouverte, elle se peut lire. Il se faut jetter dans les tenebres, & dans le silence, pour ouyr ce que dira *l'esprit interieur* à nos parties, qui se font nos oracles, & nos arbitres à leur plaisir. Il est donc à sçauoir, que nos parties euoquent toutes leurs causes pardeuant la

saincte Escriture: disant qu'elle seule est  
suffisante pour resoudre toute sorte de  
doubtes, & de controuerses en matiere  
de Religion, sans consulter aucun an-  
cien Pere, ou aucune tradition, pour en  
prendre les interpretations. Quand dōc  
nous leur demandons, qu'ils nous mon-  
strent quelque passage exprez, & for-  
mel de la Bible, qui die, que nous som-  
mes tenus, & obligez de ne croire, que  
ceste seule parole escrite; ils nous met-  
tent en auant ces paroles de S. Paul à  
Timothée, disant, *que l'Escriture diui-  
nement inspirée est utile à enseigner, &  
à reprendre; aux fins de rendre vn hom-  
me parfait, instruit en toute bonne œu-  
re, avec la foy en IESVS-CHRIST.*  
En ce lieu icy S. Paul ne determine  
point quels liures sont diuinement in-  
spirez: mais quels qu'ils soyent, il dict  
qu'ils sont *utiles*. Remarquons bien ce  
mot d'*utiles*, il ne dict pas suffisants:

1. Tim. 3.

mais *utiles* : il ne dict pas necessaires  
mais *utiles* ; il ne parle ny du vieil , ny  
du nouveau Testamēt en mots exprez.  
Neantmoins voicy le fort de nos ad-  
uersaires , & leur seule deffence fondée  
sur ce mot d'*utiles* ; lequel ils veulent  
signifier deux choses, l'vne , qu'on est  
obligé de croire ceste parole escrite, cō-  
me inspirée de Dieu : l'autre, qu'elle est  
suffisante toute seule sans autre secours,  
pour nous instruire à salut. Et en effect  
ils citent ce passage en teste de leur arti-  
cle cinquiesme , pour donner couleur à  
ce qu'ils disent , à l'aduantage de la seule  
Bible : afin d'exclurre tout autre parole  
de Dieu non escrite.

Maintenant dōc sur ce qu'ils appellēt  
les liures apocryphes *utiles* , nous les  
prions de reigler , & de reformer leur  
Arrest à la parole de Dieu escrite , cōme  
eux mesmes l'ordonnent en l'article qui  
suit celuy-cy. Que si S. Paul vsant de ce

- mot *utile*, oblige nos consciences de tenir, qu'il signifie nécessaire à croire, & suffisant. Il faudra que nos aduersaires passent condamnation, que les liures apocryphes, & Ecclesiastiques, à leur dire, sont d'aussi grand poids, que les Canoniques: puis qu'ils les appellent *utiles*, & qu'en ceste façon les seuls Canoniques ne serôt suffisans sans les apocryphes: ou il faudra dire, que nos Reformateurs se trompent, & se desfont en cet article icy, ou qu'ils font l'un & l'autre.

2. Tim. 3.

S. Paul dict, que toute l'Escripture diuinement inspirée, est *utile* à enseigner, & à reprendre, & par ce mot d'*utile*, ils pretendent tous, que l'Apostre die *suffisante*, comme nous obligeant à croire nécessairemēt toute verité y contenuë: cōme le soustient opiniastringement l'Eglise pretenduë de Sedan, par vn Ministre Capel. Nos parties jugent, que les liures

apocryphes sont *utiles*, ce que S. Paul a dict des liures Canoniques, ou diuinement inspirez. Que peut-on donc faire dauantage, pour faire que les liures apocryphes ne soyent point apocryphes, ou que les Canoniques soyent ruallez au rang des apoeryphes? puis que le mot *d'utile* chez S. Paul ( au dire de la Reformation ) tire apres soy toute sorte d'obligation à croire les liures Canoniques: si ce n'est, qu'au dire de nos parties, ce mot *d'utile* ne signifie pas *utile*, & quant & quant le signifie. Que s'il faut reformer leurs articles par la sainte Escriture, ils seront contraincts d'aduouer, que leurs liures apocryphes sont Canoniques, ou que les liures Canoniques ne sont pas suffisants: ainsi y aura-il rousiours de la contradiction en leur faict. Mais ( disent nos parties ) on ne peut fonder vn article de foy sur ces liures apocryphes, ils sont donc inutiles.

à cela, qui est le principal sujet de la Bible. Accordez ces deux mots, *utiles*, & *inutiles*. Le saint Esprit parlant de ces livres, par la bouche des Ministres, les appelle *utiles* : & neantmoins eux mesmes inspirez par le mesme S. Esprit (à leur avertis) ne les jugent pas *utiles* au langage de l'Apostre.

Admirable diuision, & contrariété de cet esprit d'union, qui parlant ainsi en secret à nos parties (à leur dire) publie à tout le monde, qu'ils sont poussez d'un autre esprit, qui n'est point saint; veu mesmes, que rien de tout ce que disent ces arbitres, n'est pas la sainte Escriture : & par ainsi, doit estre rejeté par leur propre reigle, puis qu'elle seule est receuable en matiere de foy, attendu (disent-ils) que le vray saint Esprit ne parle que par l'Escriture sainte. Quelle grande confusion dans vn seul article? puis que, ny les *livres Canoniques*, qui

*sont la reigle de la foy, ny les liures Ecclesiastiques, pour utiles qu'ils soyent, ny le S.Esprit (qui a paru, & s'est faict cognoistre jadis par vne colombe, par vn nuage, par vn vent violent, par des langues de feu, & qui a parlé si euidentmēt par les Prophetes, & Apostres) ne dict mot icy, sauf qu'il chuchette je ne sçay quoy à l'oreille de personnes, qui ne s'osent nommer, & qui se rendent nos parties formelles. Quelle assurance pourront jamais auoir nos Religioneires de leur foy, considéré que la sainte Bible, & que ces liures sont si foiblement appuyez, qu'on n'en trouue autre tesmoignage, que celuy que quatre Ministres incognus donnent de leur propre teste: osans dire, que le S.Esprit le leur reuele? Quelles interpretations doit-on attendre de cet esprit tenebreux, quand il se meslera d'exposer les escritures? Ne seroit-ce point ce Python, qui jadis par-*



1. Reg. 28.

Matth. 10.

Act. 2.

loit par le ventre, comme marque l'histoire des Roys ? Pour conclusion, où ce S. Esprit est communiqué aux premiers Ministres seulement, qui ont fabriqué ces articles de foy, sans nous en descouvrir le nom : ou à tous ceux de ce party pretendu Reformé. S'il n'a esté communiqué qu'aux susdicts Ministres, ils sont incapables d'estre creus ; voire mesme quand cela seroit veritable, & ce pour trois, ou quatre raisons. Premièrement par ce qu'il n'est pas croyable, que I E S V S - C H R I S T aye commandé à ses Apostres de publier sur les toits ce qu'il leur auoit dict en priué, & que maintenant le S. Esprit parle seulement au ventre des Ministres ; veu mesmes, que cet Esprit bien-heureux se communiqua aux Apostres si visiblement, & depuis ne se donne infalliblement à personne ; que par les signes visibles des Sacrements. Certes les Prophetes

hi- inspirez de l'esprit diuin, ont esté cu-  
ou- rieux d'escrire leur nom, de cotter le  
e- temps, & de marquer les lieux, où ce di-  
a- uin souffle les a poussez: afin que la créa-  
n- ce fut certaine, qu'ils auoient receu le  
le don de prophetie. Mais nos Reforma-  
teurs se tiennent aussi couuerts, que  
leur esprit pretend de se cacher, leur  
parlant en secret. Peut estre ont-ils  
esté inspirez lors que sortans des Mo-  
nasteres, & quittans la profession de  
chasteré, ils estoient aux sacrez myste-  
res d'Eleusine, avec leurs Comeres: car  
que peut-on dire de ceux qui se cachét?  
Secondement, eux mesmes disent, qu'il  
ne faut plus attendre aucune reuelation  
du S. Esprit, puis que le fils de Dieu a  
enseigné à ses Apostres toute verité né-  
cessaire à salut, & que les Apostres ont  
despuis couché par escrit dans la Bible  
sans y rien obmettre; ainsi parle Caluin.  
Ioint à ce que par l'article cinquiesme

Calu. in  
Iean. 14.  
16.

de ceste mesme confession de foy reformée, il est expressement deffendu de croire aux visions (qui sont encores plus sensibles que les souffles secrets du S. Esprit) si elles ne sont examinées par la parole écrite és livres canoniques, qui sont jugez icy, & subjects à la censure des Ministres. De maniere qu'il est prealable de cognoistre quels sont les livres canoniques, avant qu'on puisse recevoir, & admettre *l'esprit secret* : car il doit estre examiné par ces livres là. Et neantmoins il est déclaré par les Ministres, estre le seul juge, qui peut prononcer ces deux clauses icy : *Que les livres canoniques sont livres canoniques, & que ces mesmes livres sont reigles de la foy.* Que si l'on ne se veut contredire effrontement, il faudroit avoir la cognoissance infallible des susdicts livres canoniques, plustost que de prester creance à cet *Esprit secret*, qui est hors de la reigle, & qui

*pour desabuser les esprits.* 65

& qui neantmoins pretend la faire, ou la donner. Car autrement l'Ecriture sainte sera *reigle de toute verité* (au dire de nos parties, comme il se verra en l'article cinquiesme) & ne le sera pas, puis que la verité fondamentale qui met en credit la mesme Bible, ne prononce point ce pretendu article de foy, que nous lisons icy, *Que le S. Esprit inspire les Ministres.*

*Objection des Ministres sur leur S. Esprit,  
qui leur parle en cachette.*

CHAP. VII.

NOS parties se pensent couvrir pour alleguer quelque passage des Ecritures, soit à propos, ou non, quand ils alleguent ce que dict S. Iean. L'vñction <sup>1. Joan. 2.</sup> vous instruira. Premièrement il ne parle pas de la Bible, dequoy il est icy question. Secondement nous oyons vn  
E

Apostre, qui parle, & qui escrit, & sçavons qui est cet Apostre; & luy cognoissoit fort bien ceux auxquels il escriuoit: Mais vous, Messieurs les Ministres, incogneus, quel credit pouuez-vous donner à vos paroles, qui ne cognoissez aucunement ceux à qui vous escriuez, & auxquels vous ne vous osez donner à cognoistre; quelle autorité auez-vous d'vsurper les paroles de ce bienheureux Euangeliste.

*Act. 19.*

Ce Demon duquel il est parlé aux Actes, ne vous pourroit-il pas bien reprocher ce qu'il fit à ces pauvres conjureurs: le sçay qui est Paul, & cognois IESVS-CHRIST: mais vous qui estes-vous? En outre vostre beau refrain, quand on vous allegue les *Peres*, & les Conciles, est de dire, qu'ils ne *sont qu'hommes*, & que tous les hommes sont menteurs; & que partant il ne se faut arrester à ce qu'ils disent. Je croy que

*pour desabuser les esprits.* 67

vous vous recognoissez pour hommes: trouuez donc bon, que vostre responce vous soit donnée pour toute repartie, & qu'on renonce à tout ce que vous sçauriez dire. Finalement IESVS-CHRIST *Ioan. 5.* veut qu'on croye, que sa parole n'est point veritable, s'il ne nous faict apparroistre autre chose, que son seul tesmoignage: commét osez-vous vous autres, si hômes, & si pleins d'humanité (qu'au dire de Luther, vous ne vous pouuez passer de l'accouplement des femmes, non plus que de pain) comment osez-vous, dis-je, faire de vostre teste vn article de foy, & obliger tout vostre party à croire ce que vous direz, à peine de dânation? veu que nous ne voyons, ny entendons en tous ces articles icy, que des voix incertaines, voire contradictoires de personnes incognuës à tout le monde; aumoins que vos articles de foy n'ozent nommer, & la cognoissan-

Apostre, qui parle, & qui escrit, & sçavons qui est cet Apostre; & luy cognoissoit fort bien ceux auxquels il escriuoit: Mais vous, Messieurs les Ministres, incogneus, quel credit pouuez-vous donner à vos paroles, qui ne cognoissez aucunement ceux à qui vous escriuez, & auxquels vous ne vous osez donner à cognoistre; quelle autorité auez-vous d'vsurper les paroles de ce bienheureux Euangeliste.

*Act. 19.*

Ce Demon duquel il est parlé aux Actes, ne vous pourroit-il pas bien reprocher ce qu'il fit à ces pauvres conjureurs: le sçay qui est Paul, & cognois **IESVS-CHRIST**: mais vous qui estes-vous? En outre vostre beau refrain, quand on vous allegue les *Peres*, & les Conciles, est de dire, qu'ils ne *sont qu'hommes*, & que tous les hommes sont menteurs; & que partant il ne se faut arrester à ce qu'ils disent. Je croy que



*pour desabuser les esprits.* 67

vous vous recognoissez pour hommes: trouuez donc bon, que vostre responce vous soit donnée pour toute repartie, & qu'on renonce à tout ce que vous scauriez dire. Finalement IESVS-CHRIST *Ioan. 5.* veut qu'on croye, que sa parole n'est point veritable, s'il ne nous faict apparostre autre chose, que son seul tesmoignage: commét osez-vous vous autres, si homes, & si pleins d'humanité (qu'au dire de Luther, vous ne vous pouuez passer de l'accouplement des femmes, non plus que de pain) comment osez-vous, dis-je, faire de vostre teste vn article de foy, & obliger tout vostre party à croire ce que vous direz, à peine de dānation? veu que nous ne voyons, ny entendons en tous ces articles icy, que des voix incertaines, voire contradictoires de personnes incognuës à tout le monde; aumoins que vos articles de foy n'ozent nommer, & la cognoissan-



Apostre, qui parle, & qui escrit, & sçavons qui est cet Apostre; & luy cognoissoit fort bien ceux auxquels il escriuoit: Mais vous, Messieurs les Ministres, incogneus, quel credit pouuez vous donner à vos paroles, qui ne cognoissez aucunement ceux à qui vous escriuez, & auxquels vous ne vous osez donner à cognoistre; quelle autorité avez-vous d'vsurper les paroles de ce bienheureux Euangeliste.

*Act. 19.*

Ce Demon duquel il est parlé aux Actes, ne vous pourroit-il pas bien reprocher ce qu'il fit à ces pauvres conjureurs: le sçay qui est Paul, & cognois IESVS-CHRIST: mais vous qui estes-vous? En outre vostre beau refrain, quand on vous allegue les *Peres*, & les Conciles, est de dire, qu'ils ne *sont qu'hommes*, & que tous les hommes sont menteurs; & que partant il ne se faut arrester à ce qu'ils disent. Je croy que

vous vous recognoissez pour hommes: trouuez donc bon, que vostre response vous soit donnée pour toute repartie, & qu'on renonce à tout ce que vous scauriez dire. Finalement IESVS-CHRIST *Ioan. 5.* veut qu'on croye, que sa parole n'est point veritable, s'il ne nous faict apparoitre autre chose, que son seul tesmoignage: commēt osez-vous vous autres, si hômes, & si pleins d'humanité (qu'au dire de Luther, vous ne vous pouuez passer de l'accouplement des femmes, non plus que de pain) comment osez-vous, dis-je, faire de vostre teste vn article de foy, & obliger tout vostre party à croire ce que vous direz, à peine de dānation? veu que nous ne voyons, ny entendons en tous ces articles icy, que des voix incertaines, voire contradictoires de personnes incognuës à tout le monde; aumoins que vos articles de foy n'ozent nommer, & la cognoissan-

Apostre, qui parle, & qui escrit, & sçavons qui est cet Apostre; & luy cognoissoit fort bien ceux auxquels il escriuoit: Mais vous, Messieurs les Ministres, incogneus, quel credit pouuez-vous donner à vos paroles, qui ne cognoissez aucunement ceux à qui vous escriuez, & auxquels vous ne vous osez donner à cognoistre; quelle autorité avez-vous d'vîrper les paroles de ce bienheureux Euangeliste.

*Act. 19.*

Ce Demon duquel il est parlé aux Actes, ne vous pourroit-il pas bien reprocher ce qu'il fit à ces pauvres conjureurs: le sçay qui est Paul, & cognois IESVS-CHRIST: mais vous qui estes-vous? En outre vostre beau refrain, quand on vous allegue les *Peres*, & les Conciles, est de dire, qu'ils ne *sont qu'hommes*, & que tous les hommes sont menteurs; & que partant il ne se faut arrester à ce qu'ils disent. Je croy que

vous vous recognoissez pour hommes :  
trouuez donc bon, que vostre response  
vous soit donnée pour toute repartie, &  
qu'on renonce à tout ce que vous scau-  
riez dire. Finalement IESVS-CHRIST *Ioan. 5.*  
veut qu'on croye, que sa parole n'est  
point veritable, s'il ne nous faict appa-  
roistre autre chose, que son seul tesmoi-  
gnage : commét osez-vous vous autres,  
si hōmes, & si pleins d'humanité (qu'au  
dire de Luther, vous ne vous pouuez  
passer de l'accouplement des femmes,  
non plus que de pain) comment osez-  
vous, dis-je, faire de vostre teste vn ar-  
ticle de foy, & obliger tout vostre par-  
ty à croire ce que vous direz, à peine  
de dānation ? veu que nous ne voyons,  
ny entendons en tous ces articles icy,  
que des voix incertaines, voire contra-  
dictoires de personnes incognuës à tout  
le monde ; au moins que vos articles de  
foy n'ozent nommer, & la cognoissan-

de ceste mesme confession de foy reformée, il est expressement deffendu de croire aux visions (qui sont encores plus sensibles que les souffles secrets du S. Esprit) si elles ne sont examinées par la parole écrite es liures canoniques, qui sont jugez icy, & subjects à la censure des Ministres. De maniere qu'il est prealable de cognoistre quels sont les liures canoniques, avant qu'on puisse recevoir, & admettre l'esprit secret : car il doit estre examiné par ces liures là. Et neantmoins il est déclaré par les Ministres, estre le seul juge, qui peut prononcer ces deux clauses icy : *Que les liures canoniques sont liures canoniques, & que ces mesmes liures sont reigles de la foy.* Que si l'on ne se veut contredire effrontement, il faudroit avoir la cognoissance infallible des susdicts liures canoniques, plustost que de prester creance à cet Esprit secret, qui est hors de la reigle, & qui

*pour desabuser les esprits.* 65

& qui neantmoins pretend la faire, ou la donner. Car autrement l'Escripture sainte sera *reigle de toute verité* (au dire de nos parties, comme il se verra en l'article cinquieme) & ne le fera pas, puis que la verité fondamentale qui met en credit la mesme Bible, ne prononce point ce pretendu article de foy, que nous lisons icy, *Que le S. Esprit inspire les Ministres.*

*Objection des Ministres sur leur S. Esprit,  
qui leur parle en cachette.*

CHAP. VII.

NOS parties se pensent couvrir pour alleguer quelque passage des Escriptures, soit à propos, ou non, quand ils alleguent ce que dict S. Iean. L'unction 1. Joan. 2. vous instruira. Premièrement il ne parle pas de la Bible, dequoy il est icy question. Secondement nous oyons vn

E

Apostre, qui parle, & qui escrit, & sçavons qui est cet Apostre; & luy cognoissoit fort bien ceux auxquels il escriuoit: Mais vous, Messieurs les Ministres, incogneus, quel credit pouuez vous donner à vos paroles, qui ne cognoissez aucunement ceux à qui vous escriuez, & auxquels vous ne vous osez donner à cognoistre; quelle autorité auez-vous d'vsurper les paroles de ce bienheureux Euangeliste.

*Act. 19.*

Ce Demon duquel il est parlé aux Actes, ne vous pourroit-il pas bien reprocher ce qu'il fit à ces pauvres conjureurs: le sçay qui est Paul, & cognois IESVS-CHRIST: mais vous qui estes-vous? En outre vostre beau refrain, quand on vous allegue les *Peres*, & les Conciles, est de dire, qu'ils ne *sont qu'hommes*, & que tous les hommes sont menteurs; & que partant il ne se faut arrester à ce qu'ils disent. Je croy que



vous vous recognoissez pour hommes :  
trouuez donc bon, que vostre response  
vous soit donnée pour toute repartie, &  
qu'on renonce à tout ce que vous sçau-  
riez dire. Finalement IESVS-CHRIST *Ioan. 5.*  
veut qu'on croye, que sa parole n'est  
point veritable, s'il ne nous faict appa-  
roistre autre chose, que son seul tesmoi-  
gnage : commét osez-vous vous autres,  
si hômes, & si pleins d'humanité (qu'au  
dire de Luther, vous ne vous pouuez  
passer de l'accouplement des femmes,  
non plus que de pain) comment osez-  
vous, dis-je, faire de vostre teste vn ar-  
ticle de foy, & obliger tout vostre par-  
ty à croire ce que vous direz, à peine  
de dânation ? veu que nous ne voyons,  
ny entendons en tous ces articles icy,  
que des voix incertaines, voire contra-  
dictoires de personnes incognuës à tout  
le monde ; aumoins que vos articles de  
foy n'ozent nommer, & la cognoissan-



*Ioan. 3.*

ce desquels ils veulent estre aussi secrette, que l'esprit tenebreux, qui leur parle; & qui craint autât la lumiere, & y trouue vn pareil tourment, qu'au feu infernal, qui le brulle.

Que si tant est, que cet esprit secret establiſſant les liures canoniques, s'est communiqué indifferemment à tous les pretendus Reformez; certes il n'est pas besoin de consulter les Ministres, ny mesmes la Bible, puis qu'elle a esté escrite par des hommes mortels, & qui n'ont pas eu manque de quelque imperfection. Si que les filandiers, & les cardeurs, qui ne ſçauent mesme ny lire, ny escrire, seront autant ſçauans comme les Ministres, qui font ces articles icy, voire plus que les Euangelistes: car S. Marc, & S. Luc n'estans point Apostres, ont appris par tradition ce qu'ils nous ont laissé de la doctrine Euangelique; ainsi le tesmoigne S. Luc à l'entrée

de son Euangile, & tous les anciens le nous rapportent aussi. Partant qui a le S.Esprit pour cognoistre les veritez fondamentales, comme sont celles cy couchées en cet article, n'a pas besoin de se conseiller avec des hommes, ny d'estre instruit par les menteurs, veu qu'il possède l'Esprit de verité, qui enseigne toute verité, dict le Sauueur du monde. *Joan. 14.* A quoy faire donc les Ministres, homes si subjects à l'erreur, se meslent-ils de donner des articles de foy à ceux, qui ont autant, ou plus le saint Esprit qu'eux? Que si cet esprit donne la cognoissance certaine du principal article de tout ce party icy; il n'est pas croyable, qu'il leur refuse la cognoissance euidente, & infallible de tous les autres articles, & de toutes les autres interpretations qui se peuuent faire sur la Bible. Et à ce conte ils n'auront que faire ny de Bible, ny de Ministre, ny

*Pſalm. 2.*

de leurs preſches, ny de leurs articles de foy : ainſi ſe ruinent ceux, qui combattent la verité. Conſiderons auſſi, que les Lutheriens, les Zuingliens, & ſingulierement le Anabaptiſtes ſe targuent tous, auſſi bien que nos pretendus Reformateurs, d'auoir cet eſprit caché, ſecret, & inuifible. C'eſt donc vne grande merueille de les voir entr'eux ſi differents, voire ſi contraires, que s'eſtans assemblez maintesfois, pour s'y nir contre nous, ils ne ſe ſoient jamais peu accorder ; ſigne euident, que celuy qui habite au ciel, ſe mocque d'eux, & de l'eſprit d'erreur, qui les agite. Sans doubte toute ceſte confeſſion de foy n'eſt qu'un artifice, pour ſe deſfaire de toute ſorte d'autorité : & ſi chaſcun de nous veut emprunter la hardieſſe, & l'eſſronterie de dire ce que diſent les pretendus Reformateurs, ils n'auront aucun moyen de venir à leur entrepri-

*pour desabuser les esprits.* 71

se, que de reformer le monde. Puis  
qu'ils se priuent de toute l'autorité,  
donnant à tout le monde le saint Es-  
prit, qui a force d'estre dedans tous  
(non pour les rendre dociles, & capa-  
bles d'estre instruits par ses Pasteurs)  
■ les rend tous juges des Ministres, &  
de la Bible mesme; Iugez quelle anar-  
chie, & confusion Babylonique nous  
introduisent icy ces Prestres, & Moi-  
nes reuoltez, pour toute reformation,  
& pureté de l'Euangile! Passons  
à l'examen de l'article suiuant,  
où nous verrons de

pareilles confu-  
sions à cel-  
les cy.



E 4

EXAMEN DE L'ARTICLE  
cinquiesme;

*Par lequel les Ministres, & tout leur  
party ne reçoit pour regle, que la  
parole escrite dans la Bible.*

## C A A P. I.



Os parties ayant d'autorité  
non legitime, ains vsurpée,  
prononcé plusieurs arrests, pour  
s'establiir la reigle qui leur a pleu, decla-  
rent en l'article luyuant (qui est le cin-  
quiesme de leur cōfession de foy) com-  
me il faut appliquer ceste reigle de la  
parole escrite. Voyons toutes les clau-  
ses, qui sont autant de jugemens pro-  
noncez au gré de personnes, qui asseu-  
rent, que la seule Bible doit estre creüe:  
& neantmoins on n'y trouue rien de ce,  
qu'ils prononcent icy aussi hardiment,  
comme si Dieu parloit.

pour desabuser les esprits. 73

1. Nous croyons que la parole, qui est contenue en ces liures, est procedée de Dieu,
2. Duquel seul elle prend son authorité, & non des hommes:
3. Et d'autant qu'elle est reigle de toute verité,
4. Contenant tout ce, qui est necessaire pour le service de Dieu, & nostre salut,
5. Il n'est loisible aux hommes, ny aux Anges d'y rien adjouster, diminuer, ou changer.
6. D'où il s'ensuit, que ny l'antiquité, ne les coustumes, ne la multitude, ne la sagesse humaine, ne les jugemens, ne les arrests, ne les edicts, ne les decrets, ne les Conciles, ne les visions, ne les miracles, ne doibuent estre opposez à icelle escriture sainte.
7. Ains au contraire toutes choses doi-

uent estre examinées, réglées, & reformées selon icelle.

2. Et suyuant cela, nous aduouons les trois symboles, à sçauoir des Apôtres, de Nice, & d'Athanasie, pour ce qu'ils sont conformes à la parole de Dieu.

Examinons les trois premieres clauses ensemble: & sçachons, que s'il estoit aussi aisé de guerir vne playe, qu'elle se faict, nous serions bien tost hors de peine, & sauuerions plusieurs ames, qui vont en perdition. Mais l'erreur ne se peut si tost oster, qu'il se prend; voire il y a vne grande peine à le descouurir, par ce qu'il est fort enucloppé d'artifices, outre que nous auons d'ordinaire trop d'autres occupations, qui nous empeschent de nous donner le loisir, avec l'attention necessaire à nostre guerison. Dieu par sa grace veuille fauoriser nos desirs, & nos trauaux. Passons donques

*pour desabuser les esprits.* 75

les yeux sur chascun vn de ces arrestz reformez : conserons-les entr'eux, & avec la *Bible choisie pour reigle*, & nous verrons la nullité de ce party pretendu Reformé, qui n'a pour reigle que les inuentions humaines.

*Nous croyons* (disent les Ministres, & tous les Religionaires avec eux) *que la parole contenue en ces liures, est procédée de Dieu.* Arrestons nous icy, & considerons ce que S. Paul dict aux Rom. *que la foy vient de l'ouïe.* Il faudroit donc sçauoir de qui nos parties ont ouï ce, qu'ils prononcent icy, touchant les liures Canoniques, & la parole escrite y contenue. Et puis qu'ils n'alleguent ny Escriture, ny auteur aucun, ils n'ont rien à dire la dessus, si ce n'est qu'eux mesmes en sont les auteurs, comme à la verité ils le sont. Car quant à leur reigle l'Escriture elle n'en dict mot que ce soit : & quand elle contiendrait la

Rom. 10.



clause susdicte, tousiours faudroit-il rapporter la creance à quelque parole preschée, puis que nous ne pouuons pas sçauoir, si la Bible mesmes est parole diuine, que ce ne soit au moyen de *la vaine voix* de quelque personne constituée en autorité, par ordonnance diuine, & Apostolique: comme on peut voir par l'attentive consideration du susdict passage de S. Paul, & de plusieurs autres, qu'on pourra voir icy à la marge. Mais laissons à part toute sorte de loy, & de preuues, receuons nos parties pour juges. Oyons-les parler. Sus donc, Messieurs les Religionnaires, faictes-moy raison. Vos Ministres asseurent, *que Dieu ne parle à nous, que par l'Escripture*. Or elle ne justifie pas par paroles expresse aucun de ces liures, appelez de vous *Canoniques*; comment osez-vous donc dire si hardiment, sans l'adueu des liures sacrez, *que la parole contenue en ces*

*Ephes. 4.*

*1. Cor. 12.*

*2. Cor. 1.*

*Act. 20.*

Artic. 2.  
de l'arrest.

*liures est procedée de Dieu ?*

Que si tant est , que veritablement vous creussiez , que ceste *Escripture est procedée de Dieu* , comment vous donnez-vous la liberté de la contrerooller à plaisir ? Car elle disant en S. Matthieu, *Matth. 16.*  
*que l'Eglise ne sera jamais rainée ;* Vous dictes qu'elle l'est , & en faictes vne partie de l'article trent'vniésme. D'ailleurs I E S V S asseurant par paroles formelles, qu'il BAILLE SON CORPS A' MANGER, *Matth. 26.*  
 vous contredites à ceste parole escrite, & asseurez, qu'il n'a baillé que la figure. Accordez-vous, ou avec vos articles, ou avec vous mesmes, ou avec l'Escripture. Que si vous estes resolu de ne faire rien de tout cela , trouuez bon , qu'on vous delaisse ; puis que vous vous moquez de Dieu , de sa parole , de vos articles, de vous mesmes , & de ceux , que vous abusez , leur faisant quitter ceste *parole procedée de Dieu* , pour suiure vos inuentions friuoles.

La seconde clause est celle-cy, *duquel  
seul elle prend autorité, & non des hom-  
mes.* A la verité si le S. Esprit ne parloit  
si secrettement, & interieurement à nos  
parties, comme elles l'assurent au pre-  
cedent article, nous pourrions croire,  
que l'autorité, & que le credit des li-  
vres Canoniques (qui font toute l'Escri-  
ture) ne prendroit son approbation, que  
de Dieu *seul*, comme prononcent icy  
nos parties: bien qu'en l'article prece-  
dant, ils luy donnent pour adjoindre  
le consentement de l'Eglise. Mais puis-  
qu'à leur dire, Dieu ne parle point à  
nous, que par l'Ecriture, & qu'elle n'en  
dit mot, non seulement nous Catholi-  
ques sommes dispensez de ne croire ce-  
ste clause: mais mesme le plus Religieux  
Reformé est tenu par ses principes de  
né la recevoir aucunement. Ains au  
contraire il est obligé de la rejeter, cō-  
me abusive, & erronée. Et à vray dire,

attendu que nous n'oyôs parler en tout cecy, que des hommes, purs hommes, & grandement interressez, ou passionnez: qui pourra jamais croire, que Dieu *seul* donne le prix, & le poids à ses Escritures, & non plustost que ce sont les hommes seuls, & nullement Dieu? Si que, soit qu'on ramene ceste clause reformée à l'vnique reigle de la Reformation (*qui est la parole escrite*) soit qu'on la rapporte aux autres maximes reformées; tous-jours y trouuera-on de la contradiction, voire vne pure nullité, tant le vray a de force pour dissoudre le nuage du mensonge, ores qu'il soit desguisé par vn grand artifice.

Venons à la troisieme clause. *Et d'autant* (disent-ils) *qu'elle est regle de toute verité.* Ceste proposition n'est bonnement qu'une redite de la seconde clause de l'article quatriesme, examiné cy dessus; sauf qu'elle y adjoust vñ terme plus

precis, disant, que ladicte parole escrite  
*contient toute verité.* En quoy il faut  
bien peser ce terme vniuersel de *toute*.  
Car il comprend, sans exception, tout  
ce qui se peut dire de vray, & de rece-  
uable en matiere de foy, & de Religion.  
Or prenez garde icy, Lecteur, comme  
nos aduersaires, lors mesmes qu'ils par-  
lent de la *parole de Dieu escrite*, & au  
mesme temps qu'ils discourent de la ve-  
rité, & de la reigle de ceste verité diuine,  
sement l'erreur, & la mensonge. Car il  
ne se trouuera en toute l'Escripture vne  
seule sentence, qui porte ceste clause  
pretenduë Reformée. Comment peut  
on donc ou la receuoir pour veritable,  
sans deroger à l'Escripture ( qu'on dit icy  
*contenir toute verité*) ou cōment la peut-  
on croire, sans la renuerser, puis qu'elle  
mesme se ruine? Disons-nous mainte-  
nant, comme nos Parties se dementent,  
quand on leur allegue les paroles ex-  
presses

*pour desabuser les esprits.* 81

presses de leur reigle pretendue, qui prononce, **CECY EST MON CORPS.** Car abandonnant tout à fait ceste reigle, & leur maxime, ils se retranchent dans le discours humain, dans la Philosophie: ils euoquent leur cause au sentiment exterieur, inuentent *des figures, des metonymies, des metaphores, des analogies, & des spiritualités inouyes.* Ioint qu'ils ne trouueront dans ceste pretendue reigle de *toute verité*, qu'il n'y a que *deux Sacrements*: que nous *sommes justifiez* par la seule foy: que ce soit vne illusion de Sathan, que la priere pour les trepassez, & semblables propositions; desquelles neantmoins nos Reformateurs font des articles de foy: voulât ailleurs qu'on recoiue pour indubitable, ce qu'ils deffendent icy de croire. De façon que quand il leur plaist, *l'Escripture contient toute verité*, quand il ne leur plaist pas, la clause est fausse. Par ainsi

Artic. 35.

Artic. 20.

Artic. 24.

F

ils soufflent froid, & chaud d'une même bouche, cōme s'ils auoient le vray, & le faux à la discretion de leurs paroles, & inuention humaine. Ceste même clause sera desmentie en toutes les autres propositions reformées, qui sont plus de cinq cens. Venons à la quatriesme clause, apres auoir remarqué vne incroyable absurdité, contenuë en ceste proposition, que *l'Escriture est reigle de toute verité.* Car si cecy est vray, tout ce qu'Aristote, & la Philosophie; tout ce qu'Hypocrate, & Galen; tout ce qu'Ulpian, Paulus, Trebonian; tout ce que Cicéron, & Quintilian; tout ce que les Astrologues, Poëtes, & artisans enseignēt de leurs mestiers, aura besoin d'estre reglé à S. Paul, ou aux Euangelistes, & au Prophetes. Il faudra que la verité des jugemens, des arrests, & des Edicts ne soit receuë, si on ne les trouue dans la Bible. Quelle confusion? mais

*pour desabaser les esprits.* 83

quelle garite ont-ils trouué pour eluder toute autorité. Or ce n'est pas assez qu'ils dient, qu'ils prennent la reigle de l'Escripture pour reigler, & reprendre les faussetez : mais il est dict, que ceste Bible est *reigle de toute verité*, sans exception. Si que vn volleur condamné au gibbet, ou à la rouë, en peut appeller à l'Escripture, pour sçauoir s'il doit subir la condamnation. Quelles impertinences nous donnent ces gens pour article de foy ?

EXAMEN DE LA 4. CLAVSE  
*de l'article cinquiesme.*

CHAP. II.

**L**A quatriesme clause est vn Arrest prononcé en faueur de la susdicte reigle l'Escripture : & porte ces mots, *Contenant tout ce qui est necessaire pour le seruice de Dieu, & nostre salut.* Cete

F 2.



sentence est vn renfort de la precedente : & quiconque la rapportera aux conclusions purement reformées , trouuera qu'il n'y eut jamais proposition plus fausse , que celle-cy : si tant est que les Ministres pretendent conclurre , que leurs conclusions reformées , ou ces clauses icy soyent dans l'Ecriture. Par ainsi, qui que ce soit de ce party là, estât soigneux de son salut , & desirieux de justifier sa creance à ceste reigle , trouuera sans exaggeration , qu'il n'y a pas vn seul Arrest en propres termes , de tant qu'en prononçant nos Reformez, dedans toute leur confession de foy , en ce qu'elle pretend reformer les abus de l'Eglise Romaine.

Ce qui semble vn paradoxe : attendu que toutes les heresies passées se sont trouuées garnies de quelque texte formel de l'Ecriture, qui (aumoins en apparence) fauorisoit l'erreur. Et toutes-

fois elles ne se vantoient pas si hardiment d'auoir la Bible fauorable, comme faiçt le party contraire à nostre Eglise Catholique; Party, lequel par son audace\* a si fort estonné la Chrestienté, que plusieurs ont creu, qu'ils ne pouuoit faire si grand estat de la parole escrite, si ce n'est, qu'il cust en icelle vn extreme aduantage; attendu mesme les frequentes citations qu'il met en auant, & desquelles il remplit nos oreilles, & la bouche du simple populaire, qu'il attire à soy par ceste fausse feuille, que de rapporter en apparence toutes leurs causes à la seule Bible. Ce qu'il faut considerer sur toute autre chose, & tant insister là dessus, que l'on justifie à la lettre, s'il est bien veritable, que la seule parole escrite, sans la non escrite, contienne formellement, & en propres termes tout ce, qui appartient à nostre salut. Car c'est ce qui a pipé le monde jusques icy. Mais

*La pierre de touche,*  
reposons-nous vn peu pour mieux con-  
templer ceste ruse.

*Continuation de l'examen de la quatriesme  
clause de l'article cinquieme.*

CHAP. III.

**C**OMment se peut-il faire, dira quel-  
qu'un, qu'on ne descouure ceste  
fourbe, & ceste contrarieté, puis qu'elle  
est si euidente, qu'au commencement  
de toutes les disputes, les Ministres ne  
promettent autre chose, que de ne pro-  
nôcer rien qui ne soit escrit en la Bible;  
veu qu'ils n'en scauroiét fournir vn seul  
passage propre, & en termes formels? Je  
responds, que l'ignorance des vns, l'ar-  
tifice aussi joint à l'audace des autres, &  
le peu d'accortise de la plus part en est  
cause. Et afin de ne s'entretenir point  
en preuues non necessaires, qu'on con-  
sidere seulement, que nulle des clauses

iusdites n'est dans ceste reigle pretendue, la seule Escriture. De façon que cette mesme proposition, contenuë en ceste clause la desment. Que si toute verité est *escrite dans la Bible*: certes ceste-cy, de laquelle dependent toutes les autres, y deburoit estre. Mais tant s'en faut, qu'el'e y soit, que plustost on y trouuera le contraire. Car en la vieille loy, que Dieu auoit donnée par escrit, les iuifs estoïent obligez pour s'informer de toutes les veritez diuines, *de consulter le gr<sup>ad</sup> D<sup>ent</sup>. 17.* Prestre, & le mesmes en a-il ordonné sur les doubtes de la loy escrite. Ce qui a faict dire au Prophete Malachie, non ja *Malach. 2.* que la Bible (comme veut la pretendue Reformation) mais que les leures du Prestre conseruoient la science sainte, & qu'il falloit consulter sa bouche: d'autant qu'il estoit le Messager, ou l'Ange des volontés de Dieu, qui est l'eternelle verité, aussi a-il cōmandé aux Apostres en la trans- *Matth. 17.*

Joan. 14.

figuration, qu'ils ouïssent son fils, lequel dict de soy-mesme ( & non de la lettre qui tuë ) *Je suis la voye , la verité , & la vie.*

Matth. 18.

Le mesme Sauueur du monde ( qui est nostre vraye adresse, & nostre vray guide ) commande par paroles bien expresses, qu'ez differents, qui pourroient naistre entre nous, on aye à se retirer par deuers l'Eglise, pour en apprendre la resolution ; voulant qu'on tienne ce-luy pour Payen, qui sera refractaire à l'ordonnance de l'Eglise. Disons nous comme aussi le mesme Sauueur de nos

Matth. 23.

ames ( la Synagogue estant encore en pied ) a commandé qu'on eut à croire aux Scribes , & Pharisiens ( quelques meschants qu'ils fussent ) attendu qu'ils estoient fondez en auctorité diuine, eux estans assis sur la chaire de Moÿse, comme faisant la meilleure part de la Synagogue ?

S. Paul escriuant à l'Eglise Romaine, *Rom. 10.*  
nous assure (comme a esté dict) que  
la foy vient de l'oüye, au moyen de la  
parole de Dieu, preschée par les person-  
nes legitiment enuoyées. C'est donc  
d'eux qu'il faut apprendre toute verité  
diuine, & non pas du parchemin, ou du  
papier. Voire mesme ce vaisseau d'ele-  
ction, par paroles bien expresse nous  
apprend, que le fils de Dieu montant *Ephes. 2.*  
au ciel, a institué vn ordre de Pasteurs,  
& de Docteurs, qui debuient durer  
jusques à la fin du monde, pour l'edifi-  
cation de nostre foy: ce qui ne seroit pas  
necessaire si la seule Bible contenoit toute  
verité, & tout ce qui appartient au service  
de Dieu, & à nostre salut, cōme chan-  
tent ces clauses reformées. Et qui plus  
est, l'Apostre nous faict entendre, que  
ceux qui ne dependront de cet ordre  
des Pasteurs, & Docteurs (en ce qui ap-  
partient à nostre foy) flotteront à tous

uents de doctrine, comme si c'estoient de petits enfans. Aussi voyons-nous que nos aduersaires ne font que questionner, & demander, comment cecy, & comment cela? Mais qu'est il besoin de preuves tirées des saintes lettres, pour nous faire croire, que les veritez de la religion se doiuent prendre des hommes viuans, & non des lettres mortes? puis que nos ennemis cōmandans à baguette (comme on dit) sans escriture, sans allegation, combattent leurs propres paroles, quād ils les escriuent: eux mesmes tombans à la renuerse par vne victoire Cadméeenne, lors mesme qu'ils nous pensent terrasser. Car si de leur propre autorité ils prononcēt ces clauses tout ainsi que des oracles, qui neantmoins ne se trouuent aucunement dans *la parole de Dieu escripte*, ne se ruinent-ils pas de reputation, & de credit, s'exposans à la risée, voire mesme des plus ignorans? pour-

*pour desabuser les esprits.* 91

ueu que le charme d'une fausse preoccupation d'erreur ne leur sille les yeux, & ne leur rende l'entendement tout interdit. Si que disant, que toute Verité est contenue dans l'Ecriture; & tout ce qui appartient au service de Dieu, & à nostre salut, puis que ces termes ne se trouuent nullement dans ceste Escriture, il faut rejeter nos parties par les clauses mesmes, par lesquelles ils bastissent leur estat pretendu de la Reformation. Sçauroit-on au monde trouuer de plus euidentes contrarietez; sur lesquelles il faut tousiours auoir l'œil au guet en disputes, & y ramener les errans, sans prendre le change, que leur audace nous donne, accompagnée d'un

doux parler, qui cou-  
ure leur subtilité.



*Déclaration des souplesses, desquelles vsent  
nos aduersaires, quand on les presse de  
ramener vn passage exprés de l'Escriptu-  
re, pour leur pretenduë Reformation.*

CHAP. IIIL.

**M**Ais prenez garde, Lecteur, que  
comme la verité manque à nos  
parties, ils ont recours aux souplesses, &  
aux artifices, accompagnez d'une har-  
dieffe qui faict peur: tellement que si  
nous leur representons plusieurs choses  
qu'ils croient; lesquelles neantmoins  
ne sont point expressement dans l'Es-

1. criture, Ils respondent; *que cela y est tai-*
2. *siblement; que si les paroles n'y sont, que*
3. *la chose y est; que si on n'y trouuë les mots*  
*formels, & propres, il y en a d'equiva-*
4. *lents; que si la lettre n'est pour eux, le*
5. *sens y est; qu'ils ont le don d'interpre-*
6. *tation; & que le S. Esprit leur parle in-*

*pour desabuser les esprits.* 93

*terieurement, & en secret ; & par des 7.  
similitudes captieuses ils tendent des pie-  
ges aux pauvres simplards.*

Voila les moyens qu'ils ont tenu pour  
subsister jusques à present, fatiguant les  
Docteurs Catholiques par ces belles  
escoulées ; sans mettre en conte, les al- 8.  
legations des Peres, des Conciles, des com- 9.  
paraisons à douzaines ; & autres allega- 10.  
tions de passages fort esloignez du sub-  
ject qui se traite :

Afin de nous diuertir de la conside- 11.  
ration de celuy que nous auõs ramené,  
ou duquel nous sommes en dispute, raf-  
chent par ce moyen de nous donner le  
change ; ramenant vn autre lieu, sous 12.  
pretexte que le nostre est obscur, & que le  
leur est clair ; persuadant aux esprits foi- 13.  
bles, que ce n'est pas sortir de l'Escripture,  
que d'apporter vn autre passage, qui  
pourra seruir d'interpretation, & des-  
claircissement. Façons de proceder ar-

utiles, desquelles ils estonnent un peuple ignorant ; lequel deburoit considerer, qu'encore que la Bible fust la reigle vnique de la foy, côme l'esquairre est la reigle de l'angle droit ; que neantmoins la reigle ne juge pas du bâtiment, ny l'esquairre de l'angle : mais que c'est l'Architecte lequel applique la reigle, & prononce les arrets. De mesme, jaoit que la Bible soit reçeuë pour reigle, il n'appartient qu'aux vrais Juges, & Architectes de la maison du Seigneur, qui sont les Pasteurs enuoyez de Dieu, d'appliquer les passages, & en donner l'interpretation, les rapporter les uns aux autres, pour plus grand esclarcissement, & prononcer les arrets là dessus. Pour donc se desfaire nettement de ces importunes fuites, il est necessaire de constamment arrester nos parties, & de leur faire dire clairement, si le texte formel allegué par eux, ou par

1 nous, dict precisement, & en termes  
propres, ce dequoy il est question, ou  
1 non; que si ce qu'ils alleguent n'est pas  
formel qu'ils l'aduoient, & le signent,  
donnant cest illustre tesmoignage à la  
verité. Que si l'Escripture ne dict rien de  
tout cela; la base de sablon de toute ce-  
ste pretéduë Eglise Reformée sera des-  
couuerte, & le masque osté. Apres cecy  
s'il faut conuenir d'une autre regle, on  
verra que nos parties se seruiron de no-  
stre creance (qu'ils blasment tant) pour  
establir leurs principes: de maniere  
qu'ils tomberont en la preuarication,  
de laquelle S. Paul s'est bien gardé. *Si Galat. 3.*  
*je bastis (dict-il) ce que i'ay demoly, je*  
*me constitue preuaricateur; on recognoi-*  
*stra au moins par ceste juste procedure,*  
*les paaures abusez: d'autant qu'on fera*  
*toucher au doigt aux plus ignorants,*  
*que les Ministres se ventent de la sainte*  
*Bible, sans qu'ils y ayent aucune sen-*

rence, toute leur Reformation ne consistant qu'en pures inuentions humaines.

Le monde sçait que nos separez employent la plus grand part de leurs presches à crier contre nous, disant, que nous ne suyons que des traditiōs nouvelles, au prejudice *de la parole écrite* laquelle ils suyēt mot à mot, à leur dire. Il faut vider vne bonne fois ceste calomnie ouuertement, & sans nuage, pour mettre en euidence leur preuarcation, accompagnée d'une fausse accusation: car il apparoiſtra par ceste methode, & discipline, qu'ils ne craignent rien tant en effect, que le testament de IESVS-CHRIST, euoquant leurs causes hors de son parquet, & jugement, pour ne croire que leur cerueau. Adjouſtons à cecy, que les articles pretendus reformez, n'estans en ceste parole écrite, il ſera neceſſaire de chercher vn'autre

vn'autre reigle , pour juger des desre-  
glemens que nos aduerfaires commet-  
tent , lors meſme qu'ils eſtabliffent vne  
reigle : ſi ce n'eſt qu'on die, que la Bible  
meſme ( reclamée par eux ) en ſe faiſant  
de tous leurs arreſts , les dément à ſuffi-  
ſance. Toutes ces contradictions , qui  
reſultent ſi manifeſtement de la procé-  
dure , que nous tenons avec nos Nou-  
veaux , nous faiſt voir , ce ſemble , qu'il  
n'y a guiere de moyē plus propre pour  
arreſter les cōqueſtes pretendues de ce  
party reformé, pourueu qu'on le reduiſe  
conſtamment à ces deux clauſes de ce cin-  
quième article de la foy ; les obligeant  
de ne parler que par les termes de la Bi-  
ble, puis qu'on l'a ainſi voulu. Si ce n'eſt  
qu'on vueille renoncer à ces deux clau-  
ſes , que nous examinons icy ; encore  
faudra il qu'ils y renoncent, & de bou-  
che, & par eſcrit. En fin ſ'ils pretendē  
ſe ſervir de toutes ces fuites marquées

*La pierre de touche,*  
icy dessus, qu'ils confessent franchement, qu'il leur est nécessaire, aumoins d'adjouster quelque chose à leur *vnique reigle* de la parole escrite: ainsi elle sera seule, & non seule; & sera escrite, & non escrite. Que si elle est escrite, les yeux la vertont, & liront; & ainsi les deux clauses susdictes subsisteront: mais aussi il faudra pour les justifier, que toute la Reformation pretenduë se lise dans la Bible, avec tous ses articles: autrement il la faudra rejeter par ceste mesme reigle, que les Ministres en donnent icy, disant, que la parole escrite contient toute verité, & tout ce qui appartient au seruice de Dieu. Et aduenant, que ceste parole pretenduë escrite, qu'ils prétendent estre de leur reformation, ne soit pas en effect escrite; ce sera vne notoire piperie digne d'un chastiment, plustost que de mocquerie, que de dire qu'elle est escrite. Outre qu'il n'y a maxime plus re-

batuë en ce party Reformé que celle cy, sçauoir, *qu'il n'y a point de parole de Dieu non écrite.* Et pour cela nos aduersaires ont traduit la Bible en François, & l'ont mise entre les mains du populaire, l'accompagnant de ces deux articles de la foy, contenus en ces deux clauses dernieres. *Que la parole écrite contient toute verité, & tout ce qui est nécessaire pour le seruice de Dieu, & pour nostre salut.* Voire mesme toutes & quâtes fois que les Catholiques pensent ramener ez disputes, ou l'Eglise, ou l'antiquité, ou les raisons, ou quelque interpretation, ou quelque inconuenient, pour descouurir le vray sens de l'Ecriture; nos parties audacieusement les rappellent à la parole écrite (je dis écrite) comme à la seule, & vnique reigle; ne voulant pour tout, rien receuoir de nostre bouche, que ce que les yeux peuuent lire dans la Bible: encore n'ont-ils point desisté



d'y contredire ; tant le proceder de nos  
aduerfaires eft plein de contrariété, d'in-  
égalité, & d'injuftice; en ce principale-  
ment qu'eux faifant profeffion exprefse,  
& jurée de reformer le monde, par la  
feule Efcriture, ils ne veulent qu'on les  
oblige de fe tenir à leur entreprife: &  
nous veulent forcer de quitter l'Eglife, à  
*Matth. 18.* laquelle l'Efcriture nous renuoye pour  
adherer à leurs inuentions, qui ne font  
que des songes, & qui le plus fouuent  
*1. Tim. 3.* combattent outrageufemēt les senten-  
ces formelles de la faincte Efcriture.

**EXAMEN DE LA 5. CLAVSE**  
*de l'article cinquiefme Reformé,*  
*Qu'il ne faut rien adjofter*  
*à l'Efcriture.*

**CHAP. V.**

**L**A claufe fuyuante eft vne chafne de  
fer, de laquelle nos parties font mō-

stre; comme s'ils s'y estoient liez, & captiuez: mais elle ne sert que de lurre, pour piper les simples. Et à vray dire, puis que la verité leur manque, il est tout à fait nécessaire, qu'ils se maintiennent par vne grande finesse, jusques à ce qu'à force ouuerte ils nous puissent cōtraindre, si Dieu nous abandonne entre leurs mains. Car de raison ils n'en ont point contre nous, de legitime auctorité encore moins; quant aux textes de l'Escripture, ils n'en ont du tout point. Voicy donc la clause cinquiesme: *Il n'est loisible aux hommes. ny mesmes aux Anges d'y adjouster, diminuer, ou changer.* Il faudra donc que l'Escripture (je dis ce qui est escrit dedans la Bible, & ce qui se pourra lire: car autrement ce seroit Escripture, & nō escripture) soit tellement la reigle de toute verité, qu'on ne puisse adjouster rien que ce soit, à quoy les yeux ne puissent atteindre, comme en effect

nos Reformateurs (ainſi que nous diſiõs tantõſt ) nous obligent à cela ; ne permettant pas meſme , que pour l'eſclairciſſemẽt de quelque paſſage , nous puiſſions dire vn petit mot , ſoubs quelque pretexte que ce ſoit , ou de contrarietẽ , qui paroĩſt ez paſſages , ou d'obſcuritẽ , ou d'interpretation legitime ; au moins vſons de meſme droit contre ceux , qui nous perſecurent , puis qu'il n'y a loy plus juſte au monde que celle cy , que chaſcun ſoit jugẽ par les loix qu'il preſcrit à ſes parties. Veu donc que nos aggreſſeurs nous veulent tenir renfermez dans les termes de la ſeule Bible : certes eux ſeront beaucoup plus obligez , que nous , de ſe tenir à ceſte loy ſi eſtroĩte , & d'alleguer pour leurs articles de foy les textes formels de la parole eſcrite. De facon qu'il ne leur peut eſtre permis non ſeulement de n'y adjouſter rien : mais auſſi de n'y changer rien , ou alterer , ny

pàrole, ny syllabe, ny poinct, ny accent. Car c'est vne reigle d'equité, ainsi que venons de dire, qui ne peut estre refusée (que par vn hõme de mauuaise foy) que nous mesmes gardiõs le droit, que nous pretendons estre gardé par les autres. Nos aduersaires donc estant hommes, & non Anges: & bien qu'ils fussent Anges, ils s'ostent neantmoins tous les moyens, sous quelque pretexte que ce soit, de dire, d'escrire, ou de prescher rien qui soit, dequoy les yeux ne puissent respõdre de l'auoir leu dans l'Escripture, jusques là, que (suyuant ce principe Reformé) la conscience des femmelles, des laboureurs, & des artisans, ne pourra jamais estre asseurée de la foy, qu'ils n'ayent leu dans la pàrole escrite tous les articles, & clauses de leur confession de foy: afin d'estre asseurez, que ny homme, ny Ange n'y aura rien adjousté, diminué, ou changé. Que fera donc la

plus part des hommes, qui ne sçauent ny lire, ny escrire; & de ceux qui sçauent cecy, combien y en a-il qui entendent le Grec, & l'Hebrieu, qui font les langues originaires, desquelles s'est seruy le S. Esprit, pour declarer ses volontez en ceste parole escrite? & veu qu'il y a plus de mille ans qu'aucun n'a veu les originaux des Escritures saintes; qui de nous pourra jamais (insistant sur ceste clause reformée) mettre sa conscience en repos, ne pouuant aucunement justifier, si on n'a rien *adjousté, alteré, diminué, ou changé à la minutte des Apostres, & des Euāgelistes?* De maniere que pour croire fermement ceste clause, il faut estre en doubte de toutes les Escritures saintes. Et veu qu'en icelles, ceste dicté clause n'est nullement contenuë, & que neantmoins on la doit croire comme vn article de foy: nous pouuons dire (qu'au mesme temps que nos parties defendēt

d'adjouster à l'Escripture ) eux mesmes violent leur loy, y adjoustant ce à quoy elle ne pensa jamais. Voire assaurât leur article, ils mettér en doubte, & en compromis toute la Bible. Bien sçauõs nous, que Dieu au Deuteronomie faict vne *Deut. 4.* deffence expresse, de rien adjouster à ses commandemens : mais il ne parle point de la seule *parole escrete* ; voire il specifie la parole non escrete, disant en termes propres , qu'on n'adjoustaist rien à ce qu'il parloit, & qu'on n'y diminuast rien. De sorte que c'est vne fraude manifeste d'alleguer ce passage en faueur de la seule parole escrete. Et quand Dieu auroit faict vne ordonnance formelle, de ne rien adjouster à sa parole escrete, il auroit esté contraire à soy-mesme , y adjoustant tous les liures des Rois, & des Prophetes : & mesmes tout le nouveau Testament. D'où nous concluons, que non seulement ce que prononcent

*Galat. I.*

icy nos aduersaires, n'est point d'as l'Ecriture: mais aussi il ne se peut faire qu'il y soit: si ce n'est, que Dieu se démente soy-mesme, & sa parole, ce qui est vne extreme impertinence. Saint Paul aussi escriuant aux Galates leur interdit d'ouïr, soit homme, soit Ange, qui leur presche autre chose que l'Euangile, qu'il leur a annoncé. Mais outre que nous ne sçauons pas quel Euangile l'Apostre a presché aux Galates, il ne parle pas icy ny prez, ny loin de la seule parole escrete. De façon que quand nos parties ramènent ces deux passages en faueur de ceste leur susdicte clause, ils deçoient le monde à leur accoustumé, alleguant pour passage formel ce qui ne l'est point. Néanmoins il faut auoir bon pied bon œil, pour n'estre pipé par ces subtilitez mises en auant, avec tant de hardiesse, comme si jamais on ne les auoit rembarrées. Tous nos Reformateurs

ſçauent couvrir leur ruine , & par vn courage plein d'un ſourcilieux deſdain, combattre le teſmoignage de leur propre conſcience. Artifice incogneu aux Catholiques , qui marchent de bonne foy, & s'imaginent, que nos pretendus Reformateurs y procedent avec pareille candeur. A tant eſt-il bien verifié, que ces gens cy dreſſent des articles de foy à plaifir, qui s'entreheurtēt, & ſe deſfont, & qui ne ſe trouuent nullement dans ceſte leur reigle de la parole eſcrite, combien plus ſeront-ils donc reprochables, entreprenans de reformer nos abus, preſumez par ceſte reigle qu'ils ont choiſie; ſi nous trouuons que la meſme reigle les deſaduouë; & prononce des arreſts formels contre eux. Or eſt-il que S. Paul eſcriuant aux Theſſaloniens, leur commande d'auctorité Apoſtolique, de garder les traditions, *ſoit qu'elles ſoyent eſcrites, ou non eſcrites*; attribuant pareille



force, & auctorité aux diuines traditions non escrites, qu'il faict à la parole de Dieu escrite: ce qui donne droit à la visiere de nos aduersaires, lesquels ne veulent admettre aucune parole non escrite. Bien qu'à la verité nul de leurs articles reformez ne soit dans ceste parole escrite: car en effect ils se contentent de le dire avec tant de courage accompagné d'effronterie, qu'elle seule nous estonne, & induit le simple populaire à le croire. Que s'il se trouue abusé si grossierement, qu'il en donne la faute premierement à son endormissement, & à sa legereté, en ce qu'il ne daigne conferer ces articles icy avec leur Bible, à laquelle seule ils sont renuoyez par ces mesmes articles: d'autre part, qu'il s'accuse de ce, que quittant ses legitimes Pasteurs, enuoyez par les Apostres, instituez d'auctorité celeste, continuée jusques icy: il a neantmoins preferé l'e-

stranger contre la defense, que I E S V S  
le bon Pasteur nous en a laissé en S. Jean  
dixiesme.

*Continuation de l'examen de la clause cin-  
quiesme, du cinquiesme article, qui ne  
veust autre reigle que la seule  
Ecriture.*

C A A P. VI.

**R**emarquons en suite de ce que des-  
sus, Que c'est vn refus euident de  
toute sorte de juges, de ne vouloir pour  
toute reigle, que *les loix escrites*, lesquel-  
les sont tousiours de choses vniuersel-  
les, & qui ne comprennent que les actiōs  
à venir ; là où les jugemens d'approba-  
tion, ou de condénation, sont tousiours  
des choses, ou presentes, ou pour la plus  
part passées, & se prononcent sur les per-  
sonnes determinées, & sur les faicts par-  
ticuliers : d'où il est aisé à recognoistre,

que la reigle de nos aduersaires est toute desreiglée, & qu'ils ne l'establissent que de parole; afin de n'estre jamais reiglez en effect. jusques là qu'eux mesmes cassent ceste reigle quand ils l'establissent: car ils adjoustent à la parole escripte tout ce qu'ils disent. D'abondant nous pouuons maintenir sans interest de la verité, que nul de leurs articles, nulle de leurs clauses reformées (de quatre, ou cinq cens qu'il y en a) ne se trouuēt dans ceste leur reigle de l'Escripture. Ce qu'il faut dire, & redire sans cesse; par ce que le pauvre peuple abusé sous ce faux masque, que la parole de Dieu escripte est toute pure, pour leur reformation, se retirera de l'erreur, sçachant au vray, & claiement, que rien de tout cela n'y est, que par la seule inuētion, & fausse imagination des Ministres. Par ainsi ils recognoistront, que toute leur reformation ne sera qu'un desreiglement.

*pour desabuser les esprits.*     III

verifié par leur propre doctrine; puis qu'ils adjoustent à la parole de Dieu écrite les paroles prophanes des hommes. Encore seroit ce peu, si par les seules inuétions humaines ils ne ruinoient entierement les principaux articles de la doctrine formelle du saint Euangile. Je laisse à dire, que les Ministres de Geneue traduisant la Bible, aduoüent en leur Preface, d'auoir *adjouste, diminué, retranché, ou adoucy en leur traduction plusieurs façons de parler Hebraïques, vsans en cela d'une sainte liberté, que le S. Esprit leur auoit departy.* Mais à propos du S. Esprit, puis que nos parties ont si hardiment asseuré en l'article quatriesme, que le S. Esprit leur donnoit ces grands tesmoignages pour establir les liures Canoniques, *esquels consiste toute ceste parole écrite; afin de constituer la reigle tres-certaine de la foy: & pour prononcer ces arrests icy, que ceste Escriture dist*

*toute vérité, sans qu'il soit loisible aux  
Anges mesmes d'y rien adjouster ; voire  
mesme, pour condâner tant de milliers  
de clauses contenuës ez liures, qu'ils  
nomment Apocryphes. Le S. Esprit, dis-  
je, estant le Dieu de gloire, l'auteur  
des propheties, & de la doctrine celeste,  
ne pourra-il pas dire par les Ministres  
ce qu'il luy plaira? Et comme il a desia  
adjouste à la Bible, par ces prétendus ar-  
ticles, ou clauses proposées, tant de ma-  
ximes reformées, qui doibuent estre  
cruës à salut: certes il pourra adjouster  
à l'Ecriture, ou oster, & changer ce  
que bon luy semblera. Et nos Ministres  
faisant tout cela au gré de leurs desirs,  
ce sera Dieu qui le fera, & non les hō-  
mes, ny les Anges. Pauvre populace;  
& vous Messieurs les Aduocats, & Me-  
decins, qui soustenez ce party ruineux,  
comment vous repaissent vos preten-  
dus Pasteurs? ne sont-ce pas icy des con-  
tes*

tes faicts à plaisir. Les Ministres se constituans les juges de la Bible, des hommes, & des Anges, sous ce manteau Reformé, que *ny hommes ; ny Anges ne sont receuables à rien adjouster à la Bible*, sauf les Ministres, qui ne sont ny hommes, ny Anges (ainsi qu'il apert en leurs femmes, & enfans) mais sont eux mesmes le S. Esprit, qui adjouste sans adjouster, qui change sans changer, qui retranche sans retrancher ; & ce par des hommes qui ne sont hommes : mais nâs à la ruine des humains. Au dire donc de nos pretendus Reformateurs, les liures sacrez *comprennent tout ce qui appartient à nostre salut* ; lesquels liures neantmoins Dieu a mis, & abandonné à la pleine disposition, & au jugement de nos parties (si nous les voulons croire) attendu que le S. Esprit, parlant par leur bouche, oste, change, & adjouste en sainte liberté ce qu'ils trouuēt bon.

H

Ainsi nos Reformateurs ne seront plus hommes, ny Anges, ny Dieu ; ains seront plus que tous les hommes, que les Anges, que la Bible, que la parole de Dieu écrite; voire seront plus que Dieu mesme. Et tout ce qu'ils dirôt sera receuable, ou repugnant, & contraire, ou à la Bible, ou à ce qu'ils auront desia écrit. Iugez, Lecteur, cōme nos gens cōposent des articles de foy, sans qu'ils s'y assubjettissent aucunement ; & toutesfois le peuple pense, qu'ils escriuent des loix inuiolables, ausquelles ils se liēt. Cet excez d'arrogāce, recogneu en nos aduersaires, & ceste subtilité de l'esprit des tenebres estant bien recogneuë, qui se pourra excuser d'innocence, ou de faute de malice, perseuerant en ce party si ruineux? si contrariāt à foy-mesme? si injurieux à l'Eglise de IESVS-CHRIST? & si plein de fraudes, & de blasphemés contre la Majesté diuine?

Auant qu'acheuer l'examé de ces trois clauses, il faut recognoistre vn étrange, & subtil stratageme de nos Sectaires, par lequel ils se desdisent tout ouuertement. Et toutesfois au lieu de leur remontrer leur tromperie, nous auons accoustumé de nous mettre en peine de leur répondre. Voicy donc trois propositions fondamentales, contenant le fort, ce semble, du party reformé : sçauoir, 1. *qu'il* 1.  
*ne faut pour toute reigle de la foy, que la*  
*seule parole escrite,* 2. *sans y rien adjou-* 2.  
*ster, diminuer, ou changer,* 3. *à quoy les* 3.  
*Anges mesmes ne peuuent estre receuz.*

Ce neantmoins les Ministres ne pensent à rien moins qu'à s'y tenir; se moquans ainsi du monde. Mais la ruse, & la trame se descouure en ceste façon.

Quand on allegue contre eux les paroles formelles, & bié expresses du nouveau Testament, comme ces termes propres du fils de Dieu, C E C Y E S T



MON CORPS, rapportés par quatre  
Notaires sacrez. Nos Rusez alleguent  
incontinēt d'autres passages, pour nous  
donner le change; & afin d'empescher  
qu'on ne s'arreste à considerer ce que  
Dieu a prononcé de sa propre bouche,  
touchant la sainte Eucharistie. Qu'alle-  
guent-ils donc? ils ramenant des lieux  
de l'Escripture, qui ne parlent ne prez  
ne loin de l'Eucharistie. Voicy leurs al-  
legations, *Christ estoit la pierre; & je  
suis la vigne.* Remarquables sentences!  
par lesquelles on conuainc demonstra-  
tiuement, qu'il ne se faut arrester à la  
*seule parole escrite*: mais qu'il est neces-  
saire de quitter la lettre meurtriere (ainsi  
que parle S. Paul) pour chercher l'esprit  
de Dieu, qui nous donne la vraye, &  
propre interpretation de ces paroles fi-  
gurées, & mystiques, qui disent vne  
chose, & nous induisent à rechercher  
quelque secrette intelligence, cachée

1. Cor. 10.

Joan. 15.

2. Cor. 3.

ez mots, que nous lisons dedás la Bible. Ainsi en est-il de ces deux lieux ramenés par nos aduersaires : par ce qu'il faut auoir recours à d'autres paroles non écrites, contenant le vray sens de ces paroles figurées, & paraboliques. De maniere que ces premieres clauses de l'article cinquiesme, que nous examinons, resserrent seuerement tout ce qui appartient à la Religion, dans *la parole écrite*, qui est visible, exposée aux yeux de tout le monde. Mais les citations que nous font icy nos Nouateurs, disent en effect tout le contraire; sçauoir est, qu'il ne se faut pas arrester *seulement* à la parole écrite. Accordez ces discordans accords; & considerons cōbien de Catholiques allant apres nos Ministres, & leur change, se trouuent en defaut. Si que nos subtils se voyant pris dans les laqs qu'ils nous auoient tendus, taschent d'eschapper, recourāt à la *parole non écrite*, qu'ils

auoient tant descrite au peuple, comme vne chose absurde, & tout ainsi qu'une imposture. C'est en ceste sorte qu'on surprend les fins, & qu'on descouure leur preuarication manifeste, en ce qu'ils veulent abolir, & bastir la mesme chose; la trouuant bonne, & sainte pour eux, & la condamnant en nous, comme vne prophanation. Ce n'est pas donc

*Matth. 10.*

sans cause, que I E S V S desire en ses Disciples vne prudence serpentine, puis qu'ils doiuent viure entre les loups. Nos parties donc se voyant pressez, & d'alleguer vn passage exprez de leur *reigle*, *La parole escrite*, & ne le pouuant faire; ains se trouuant conuaincus par nos allegations formelles, prises de la *parole escrite*, recourent à nous, nous crient misericorde, voulant qu'on leur permette de renoncer à ceste rigoureuse reigle (establie neantmoins par eux mesmes de la seule parole escrite, sans y rien ad-

jouster, diminuer, ou changer) ils nous requerent ceste grace, de leur permettre de chercher quelque euasion dans quelque *parole non escrite*. Mais quoy? recherchent-ils de nous amiablement ceste faueur? non certes: mais d'un plein vol, & d'autorité ils pensent s'vsurper ce droict: bien est vray, que nous les arrestons, leur remonstrant, qu'ils n'ont aucun tiltre de se seruir des armes, auxquelles ils ont renoncé si ouuertement, & par article juré. Que si tant est, qu'ils veuillét qu'on leur en permette l'vsage, nous le faisons à quelques conditions justes, & raisonnables. L'une sera, qu'ils tesmoignent premierement de bonne foy, & notoirement, que la reigle prise, & donnée par eux, de la *seule parole escrite*, leur est inutile, quoy qu'ils l'ayent efforeillée, desmembrée, & changée; veu qu'ils n'y ont aucun poinct de leur reformation. L'autre est, qu'ils aduoüent

ingenuëment, que par nécessité il se faue  
seruir de quelque *parole non escrite*, pour  
bien cognoistre les volonte<sup>z</sup> de Dieu,  
sauf à nous accorder du lieu, ou des  
personnes, que nous prendrons pour  
Arbitres. Il sera aussi neccessaire en troi-  
siesme lieu d'assigner vn juge commun  
institué de Dieu, qui applique sans er-  
reur, les moyens, desquels nous cōuien-  
drons pour nous detromper, ou pour at-  
teindre à ce que nous cherchōs; sçauoir  
la volonté de Dieu, en ce qui est de son  
seruice, & de nostre salut. Faute d'auoir  
obligé nos parties à se tenir à leurs loix,  
& de proceder ainsi, avec ordre, & di-  
scipline, l'erreur a duré, & durera si on  
ne luy coupe le chemin par ces voyes  
que nous prenons. Il sera bon aussi de re-  
monstrer constamment au Reformé pre-  
tendu (sans se departir jamais de ceste  
procedure) que le Religioneire suyuant  
ce train, descouure euidentement, que

la doctrine se va contrariant, & ruinant foy-mesme; tantost ayant recours à ses Ministres (contre leur reigle seule, qui est la lecture de la seule Bible) tantost à son esprit particulier, qui ne se peut lire dans l'Eſcriture; tantost à la parole escrite, qu'il ne trouue jamais; tantost à la nō escrite, qui n'est pas visible: & neantmoins il a juré, comme article de foy necessaire à salut, qu'il n'auroit recours qu'à la *seule parole escrite*. l'aduouieray, que ceste voye icy semble longue, & ennuyeuse; mais neantmoins c'est la seule propre, afin de faire bien cognoistre l'erreur à vn opiniaſtre. Venons à la fixiesme clause.

EXAMEN DE LA 6. CLAVSE  
de l'article cinquiesme.

CHAP. VII.

**V**Oicy la fixiesme clause de l'article cinquiesme de la pretenduë Re-

*La pierre de touche,*  
formation. D'ont il s'enfuit ( disent les  
Ministres ) que,

1. *Ne l'Antiquité,*
2. *Ne les Coustumes,*
3. *Ne la Multitude,*
4. *Ne la sagesse humaine,*
5. *Ne les jugements,*
6. *Ne les Arrests,*
7. *Ne les Edicts,*
8. *Ne les Decrets,*
9. *Ne les Conciles,*
10. *Ne les visions,*
11. *Ne les Miracles , ne doiuent estre  
opposez à icelle Escriture sainte.*

Voicy vn denombrement de plusieurs  
argumets, desquels les Docteurs Catho-  
liques se seruēt, pour descouuir les diui-  
nes volonte, qui ne sont escrites en la  
sainte Bible en paroles expresse, & for-  
melles, ou qui sont si obscurement, &  
difficilement couchées par les Prophe-  
tes, Apostres, & Euangelistes, qu'il est



*pour desabuser les esprits.* 123

necessaire d'entendre là dessus quelque  
interprete asseuré, & infallible.

Quant à l'Eglise, qui est appellée par  
l'Apostre S. Paul, la maison de Dieu, co- 2. Tim. 3.  
lonne de verité, & à laquelle I E S U S -  
C H R I S T nous adresse, pour en appré- Matth. 18.  
dre ses volonte: nos parties n'en disent  
mot, craignans de monstrier le baston,  
duquel leur conscience est mal-menée:  
car desia ils l'ont receuë pour juge, sans  
la recevoir en l'artic. 4.<sup>me</sup> & au trent-v-  
niesme ils la mettrôt à terre: puis la rele-  
uerôt de nouveau. Ils ne touchët point  
aussi les traditiôs, ny les histoires Eccle-  
siastiques, bien qu'elles semblent estre  
côprises *par l'Antiquité, par la Multitu-*  
*de, & les Conciles.* Tant y a que voila  
vn grand amas de moyens, par lesquels  
on se peut instruire des façons de faire,  
de la creance de la primitiue Eglise,  
& de ce qu'ont creu les anciens, les  
saincts Peres, & Docteurs; l'espace de



plus de mille, & cinq cens ans. Somme c'est vne bonne partie des lieux communs Theologiques, qui ont grande vogue en nos Escholes.

Or quel jugement font nos nouveaux venus de ces moyens ? ils marchent en cecy fort reseruément, & avec quelque couverture de brebis. Car ils disent premieremēt, que rien de tout cela ne doit estre reęeu, *quand il sera contraire à la sainte Escriture.* Ce qui est trop veritable, & jamais les Catholiques n'ont péssé de rien ramener à part de tout cela, ny le tout ensemble, pour contrecarrer la Bible. Bien s'en sert-on pour ce que dict est, cōme pour sęauoir quels liures sont vrayemēt Canoniques, quels apocryphes, & pourquoy on les appelle ainsi. Des mesmes lieux on apprend la continuation de la premiere creance Apostolique, comme aussi la succession legitime des Prelats ; & pareillement

nous consultons ces tesmoins sacrés, où nous voyons ez registres des Conciles les prejuges prononcez contre les erreurs anciens. On y lit semblablement les loix Ecclesiastiques, avec les interpretations des passages obscurs, difficiles, & figurez des saintes lettres. Tant s'en faut d'oc que l'Eglise Romaine tire contre la Bible, quelque opposition de ces arcenaux icy, qu'au contraire tout cela sert à la mesme Bible, & à son intelligence. De maniere que ceste proposition est faussemēt appelée Reformée: car elle appartient aux Catholiques. Au reste nos Reformateurs ne prennent pas garde, que ce n'est rien dire, quand ils nous aduertissent de ne mettre en oeuvre ces machines icy *contre l'Ecriture*: car ils deuroient nous assigner vn juge, lequel recogneust, quels, & quand quelqu'un de ces moyens s'opposent à la Bible. Car celle-cy, & ces lieux là sont

choses bien differentes, de diuers aloy & qualibre, de diuers poids & autorité. Il faut donc trouuer vn tiers, qui soit authorisé de Dieu, qui ajuste toutes ces reigles icy, & qui les range, & en retire le resultat conforme aux volonte<sup>z</sup> diuines; voire qui soit la mesme volonte<sup>z</sup> de Dieu, ou contenuë expressement e<sup>z</sup> Escritures saintes, ou qui donne sentence, que cela y est conforme, ou que la conclusion qui se tirera de là, sera bonne, juste, & necessaire. De façon qu'à ce cōpte il faudra que nos Separez nōmēt vn autre Iuge, que l'Escriture sainte, & qu'ils se pouruoyent d'une autre reigle, qui nous marque les contrarietés, ou oppositions, quand il y en aura, ou quand il n'y en aura point: ou qui nous apoincte là dessus, si nous sommes en contention.

Tout ainsi qu'en l'Architecture, & au labourage, les materiaux, & les instru-

mēns ne fairont rien de ce qui appartient à l'art, si vn ouurier n'y met la main : car que sert l'esquierre, le plomb, le niueau, les pierres, & le mortier, si vn bon mason ne sçait l'usage de tout cela ? & ne le met en œuvre selon les loix de la masonerie ? De mesmes aussi, quelque Bible qu'on aye, quelque passage qu'on allegue, quelque Concile, Decret, ou Antiquité, qu'on ramene, il sera du tout necessaire, pour juger si cela est à propos, bien adjusté, ou non, qu'il y aye vn Iuge d'autorité diuine, & infallible, lequel prononce quelque arrest definitif là dessus, tant ez choses incidentes, qu'aux principales : autrement on ne s'accorderoit jamais. Et c'est proprement ce que desirent passionement nos parties, que de disputer sans fin : craignant toute sorte de juge, & de reigle, comme dict a esté : & le faut tousiours dire, & considerer, sans jamais s'en las-

fer; pour ce que la decouuerte de ce mal est la guerison de l'erreur; lequel (sans ceste methode equitable, fondée sur les propres volōtez de nostre aduersaire, & sans ceste discipline si raisonnable) prend accroissement tous les jours, & se rend inuincible.

Pour conclusion de l'examen de ceste fixiesme clause, nous remarquerōs l'extreme finesse de nos Separés, en ce qu'ils mettent toutes les puissances ensemble, tant spirituelles, que temporeles: afin qu'on ne recognoisse pas à qui ils en veulent, & comme ils se soubstrayent de toute sorte d'autorité, quelle qu'elle soit, diuine, ou humaine; tant au spirituel, qu'au temporel. Car ils mettent en vn bloc les Decrets des Papes; les Canons des Conciles; les jugemens, & les Arrests (qui appartiennent aux Cours souueraines) & les Edicts des Roys, & Empereurs. Or pour mieux colorer

colorer leur reuolte; ils s'affablent de ce pretexte, que rien de tout cela *ne doit estre opposé à la parole de Dieu escrite.*

Qui ne jugeroit que c'est icy vne fort equitable ordonnance? mais elle tire apres soy vne queuë de Scorpion; qui se recognoistra en l'autre clause: d'autant que nos pretendus Reformez pretendent se constituer eux-mesmes les Arbitres de tous les Iuges, & des Roys, comme aussi des Conciles, des Papes, des Prelats, & des Docteurs de l'Eglise: disant, qu'il faut examiner, reigler, & reformer tout cela selon l'Ecriture. Il appartiendra donc à la prudence des Ministres, qui ne sont ny hommes, ny Anges, mais le mesme S. Esprit, & le Dieu de gloire, d'en faire l'examen. Voyons donc la clause septiesme, apres auoir remarqué vn'autre fois, que nos aduersaires n'osent refuser tout à fait l'autorité de tout ce que dessus: mais se

contentent pour le present de dire, Que rien de cela ne doit estre opposé à la Bible. Qu'on se souuienne de ces aduertissemens, afin que l'extreme ruse de nos aduersaires soit bien descouuerte.

EXAMEN DE LA 7. CLASSE

*du cinquiesme article Reformé.*

CHAP. VIII.

**A** *Ins au contraire (dit la clause 7.<sup>me</sup>)  
Toutes choses doiuent estre  
Examinées,  
Reglées,  
Reformées, selon icelle Escriture.*

Qui croiroit qu'il y eust icy vn piege pour les simples ; & vne desfaiete pour nos parties ; afin qu'elles eschapent la condamnation, voire mesme minutée par leurs propres articles ? Le sens de cest article est tel. Tant s'en faut, qu'on puisse opposer à la Bible ces lieux, que



dessus, & les susdictes authoritez; qu'au contraire, il les faut toutes examiner selon la pretendue vniue rselle reigle: qui est, au dire des Ministres *la parole de Dieu* *escrite*: mais où la trouuera-on? ce sera dans l'armoire de leur conscience, & dans la teste des Ministres. Reformez à leur gré.

Sur cecy, je prie le Lecteur de mettre en consideration trois, ou quatre points. Premièrement cet article presupposé, que l'Ecriture contienne en termes propres, & exprez, toutes les questions, qui se peuuent faire de toutes les choses du monde; de Grammaire, de la Philosophie, du Droit, de la Cosmographie, de toutes les sciences, de tous les arts liberaux, & mecaniques; & de toutes les actions, paroles, ou pensées de tout l'vniuers, & de tous les temps passez, present, & à venir. Ce qui ne peut estre: d'autant que mesme tous les li-



*De Doctr.  
Christ.*

ures du monde ne peuuent esgaler la multitude des choses ; ainsi qu'a remarqué sainct Augustin, apres Aristote. Comment se peut il donc faire, qu'on puisse *examiner toutes choses* (ainsi que parle l'article) *par la seule, & vniue*  
*que parole escrite dans la Bible?* Par ceste façon de parler si vniuerselle ( comme la reuelent icy nos Reformateurs ) si on la veust receuoir pour article de foy, les Moynes deffroquez, les Prestres reuoltez, tels qu'ont esté les Fondeurs de ces articles, & les Architectes de ces clauses ; & non seulement eux, mais tous assassins, perfides, incendiaires, se peuuent deffendre cõtre toute sorte de sentences des juges, contre tous les Edicts des Roys, contre tous les arrests des Parlemens, & contre routes les condẽnations emanées de l'Eglise ; comme en effect ils le pratiquent tant qu'il leur est possible, s'emancipans de toute juridi-

tion, disant, qu'il n'est pas dans l'Escriture, qu'ils ayent a estre chastiez, ou de s'affubjettir aux hommes, estant appelez à la liberté Euangelique.

En second lieu, posons le cas que l'Escriture seule, sans aucun subside de la parole non escrite, contienne formellement toutes les questions qui se peuvent debattre en matiere de Religion, tout ne plus ne moins, que l'esquierre contient la reigle de toute sorte d'angles droicts: tousiours sera-il necessaire, que cōme cet esquierre, ne se peut appliquer de soy-mesme, jugeant l'angle qu'on mesure s'il est aigu, ou obtuz, ou droit: mais il requiert vn maistre entendu, pour en juger, & pour en ajuster l'outil à l'angle qu'on mesure, ou celuy cy à l'esquierre, suyuant les reigles de l'art: de mesme ce n'est pas assez d'auoir l'vnique, & l'vniuerselle reigle des veritez diuines, quelle qu'elle soit: mais il

faut qu'on sçache, qui sera l'Arbitre des differents qui naistront là dessus, & faudra que le susdict Arbitre ( ayant vne cognoissance infallible de ce qui est disputé, & de la reigle ) l'applique pour determiner s'il est equitablement ajusté; & qu'il prononce là dessus des arrests certains, desquels il n'y aye aucun appel. Les balances, les poids, les aulnes, les boyssaux, & toutes les mesures sont ez mains de tous: mais il en faut prendre la loy du Prince; & outre ce, il en faut sçauoir vser. Or combien de fraudes y commet-on, non obstant tout cela? Et sur les contestations des bones, ou mauuaises mesures, ou poids, il en faut tousiours demeurer au jugement du Magistrat; afin de sçauoir si la mesure est juste, & s'il n'y a point eu de fraude à l'autrui; & en l'ysage ou du boisseau, ou des autres mesures. Je demâde donc à noz Separez, quel Iuge

ils veulent admettre pour vuidre nos differents, qui naissent tous les jours sur l'Escriture, & sur tous les autres lieux alleguez? car de n'en vouloir point, c'est se declarer trop ouuertement criminel. Vouloir aussi estre Iuge, & partie tout ensemble, c'est vne injustice tyrannique, & insupportable.

Troisiesmement il ne faut pas tenir nos aduersaires pour si ignorans, qu'ils n'ayent preueu ces inconueniens; ny les estimer si peu rusez, qu'ils n'y ayent pourueu, tant que le mensonge foible, & tenebreux se peut deffendre contre la force viue, & reluisante de la claire verité. Car ils ont reduit l'examen des *Decrets Ecclesiastiques*, & des *Arrests*, ou *Edicts des Princes* à ce poinct: qu'ils seront reiglez selon la parole de Dieu es-crite. Où il est fort à considerer, que ce selon se peut estendre, & se reserrer, tout ainsi que l'aduis du Iuge le voudra

relascher, comme tres-bien sçauent tous les Iuges, & les Aduocats: ceux-cy ramenans pour leur droict de la clause qu'ils plaident, les Ordonnances, les loix Romaines, les Coustumes des nations, les auteurs Grecs, & Barbares, le sens commun; & mesme les saintes Escritures. Et quoy que la sentence des Iuges ne contienne aucun mot cõpris ez loix anciennes, ou modernes, ou ez autres allegations: si est ce qu'elle est censée estre *selon* tout ce qui a esté raisonnementalement allegué. De mesme nos parties (hardies à merueille) qui ont mis tout leur aduantage en vne effrontée prononciation de leur aduis, soit pour l'affirmatiue, soit pour la negative, estiment, que tout ce qu'ils diront, sera cõforme à l'Escriture, & *selon* icelle; voire lors mesme qu'ils y contrediront. Et au contraire, tout ce que nous sçaurions mettre en auant, quand ce seroit les ter-

mes formels de la mesme Escripture, ils crient d'un sourcil esleué, que rien de cela n'est *selon* la parole escrete. Le gentil Poëte Phædrus a condané ceste injustice d'un Iuge passionné par le Cochon, que Plutarque appelle de Parmenion, lors qu'un homme contrefaisant la voix de cet animal, fut jugé en auoir le cry plus naturel, que la beste mesme, qu'un sien compagnon faisoit groigner sous son manteau, pendant que l'autre le contrefaisoit. Voila comme nos parties Aduerses accommodant la Bible à leurs passions, par pure audace, & par violéce, se constituënt les Presidents en toutes les assemblées, prononçant *selon* leurs jugemens alterez, que ce qu'on dict, ou ce qu'ils disent, est *selon l'Escripture*. Et au contraire, sans consulter autre reigle, que leur volonté obstinée, ils prononcent brauemēt, que ces paroles, **C E C Y E S T M O N C O R P S**, ne sont *Matth. 16.*



point selon l'Ecriture, quoy qu'on les y lise formellement. Que fairesiez-vous à ceux qui s'aheurtent opiniastrement à tout ce qu'ils affectionnent, au prejudice mesme de la verité manifeste?

*Continuation de l'examen de la septiesme  
clause de l'article cinquiesme.*

## CHAP. IX.

**C**E que dessus estant bien cōsideré, estimez Lecteur, comme ce selon fert d'un piege bien caché pour les moins accorts; & de poterne pour nos Dieux de paille, qui se gardent en tous ces articles vne porte de derriere; afin d'euitier la condemnation, qui se peut tirer de leur propre reigle l'Ecriture, ou de leur doctrine. Laquelle estant men-songere, se fracasse elle mesme, à mode de vieilles ruines d'un bastiment fort caduc, duquel les pieces se brisent, les

vnes tombans sur les autres: comme à la verité l'Eſcriture contenant vn nombre certain de paroles, d'affaires, & de personnes, ne peut estre vniuerſellemēt la propre & formelle reigle de toutes les disputes, que le temps, que la curiosité des esprits, & que l'inegalité des hommes faiēt soudre tous les iours. Si que ce sera des Hommes non hommes, ny Anges, mais Dieux: d'estendre si loing, & au large leur *selon* qu'il leur plaira, & de l'apetisser, ou racourcir comme des estriuières. Qui n'admirera icy l'audacieuse entreprise de ces patures Moynes, les premiers fondateurs de ce desordre Infernal? Partant si on consulte

1. L'Antiquité de la Tradition,
2. Les *Costumes*,
3. La multitude des Peres, & Docteurs,
4. La sagesse humaine qui contient les discours, & les conséquences nécessaires,



- La pierre de touche,*  
avec tous les arguments, syllogif-  
mes, formes, modes, & figures,
5. *Les jugemens, ou les Arrests des Cours*  
*souueraines,*
  6. *Les Edicts des Princes, & Roys,*
  7. *Les Decrets des Docteurs, & Uni-*  
*uersitez, ou des Papes,*
  8. *Les Conciles provinciaux, & gene-*  
*raux,*
  9. *Les visions des Saints.*
  10. *Les Miracles, & tout ce qu'on a ac-*  
*coustumé d'alleguer d'autorité diuine,*  
*& humaine, soit des histoires, soit de la*  
*vraye Philosophie, & de la sagesse hu-*  
*maine. Nos pretédus Reformez ne pre-*  
*tendent s'y tenir, ne s'y obliger aucune-*  
*ment, ny estre jugez, examinez, ou re-*  
*glez par ces autoritez de si grād poids:*  
*mais eux mesmes veulent, comme les*  
*Arbitres des ames, comme Maistres du*  
*ciel, & de l'enfer, examiner tout cela,*  
*nō au niueau de l'vnique Esriture, tant*

vantée de parole ( comme ils chantent aux idiots, & au vulgaire ) mais à leur *selon*, c'est à dire au jargon Reformé, tout ainsi qu'il leur semblera bon de prononcer ; de mode que tout ce qui leur viendra à gré fera *selon* les Escritures, autrement rien ne fera *selon* icelles, quand bien on alleguerait les propres termes. C'est sous ceste couverture de ce *selon*, qu'ils se donnent la liberté de farcir leurs liures d'histoires, d'allegations, de Conciles, & de Peres, s'attribuans l'autorité de Iuge, & prononçant, que cecy, ou cela, est *selon*, ou non *selon* l'Escripture : mais à leur mode, l'entente estant chez le diseur. Voicy come le pauvre monde est deceu à milliers, & induit en erreur, & par ainsi precipité à la dānation ; & ce depuis soixāte ans, sans qu'on se soit apperceu des menées de ces gens, qui ourdissent vne trame subtile, afin de gagner temps, & de

fatiguer, voire lasser les Docteurs Catholiques: lesquels à mon jugement, deuoient vuidier premierement l'esprit du peuple, de cet erreur de guisë en Religio reformée. Car il pense que nos prédus Reformez ne se seruent que de la seule Escriture pour Iuge; & croit fermement qu'ils fuyent la parole de Dieu non écrite, pour se tenir à la seule écrite. Bien qu'à vray dire, ils ne veulent la parole de Dieu, ny écrite, ny non écrite; mais leurs songes seulement, pour toute Religion, pour toute Reformatio, pour tout Iuge, & pour toute reigle, voire pour toute Diuinité. Ce qu'estât vne fois bien recogneu, de deux maux qui se trouuent en l'herésie, sçauoir l'erreur, & l'obstination fondée souuēt sur l'erreur, nous guerirons au moins l'erreur. Considerant donc à part moy, d'où il peut estre arriué, que les Docteurs sçauans, desquels i'apprends tous les iours, n'ont

vſé de ceste methode, qu'ils ont à mon  
aduis fort bien recogneuë, je me re-  
foulds à croire, qu'ils y ont recogneu de  
la subtilité, de laquelle ce peuple encore  
rude au cōbat des controuerses n'estoit  
capable: où ils ont estimé, comme je me  
le persuade aisement, que les esprits li-  
centieux de quelques Catholiques s'e-  
stoyent laissés esbrâler par les apparen-  
ces sucrées de ces Euangeliques: si qu'ils  
ont fortifié les consciences par les lieux  
ordinaires aux saints Peres. Ioinct aussi,  
que pour le cry des personnes, il ne faut  
pas quitter ses droicts. Mais puis que le  
mal ne s'est peu guerir, l'essay de ce re-  
mede en quelque façon nouveau ne  
sçauroit nuire, & peut estre profitera.  
D'icy on peut aussi voir, que le Roy  
de la grand Bretagne, le S.<sup>r</sup> du Plessis,  
avec son maistre Caluin, se riet de nous,  
quand il leur plaist d'appeller nos causes  
pardeuât les Peres des quatre cens pre-

miers ans, ou bien ils trahissent leur parry, & renoncent à toute leur confession : car ils n'en vsent pas conformément à leurs articles de foy, qui les obligent de reformer par l'Escriture l'Antiquité, & la multitude par *la seule parole escrite*, auant que de les recevoir. Tant y a qu'à bien cōsiderer ce que ces Messieurs couchent icy; les Roys, ny les Magistrats n'auront rien à leur cōmander, non plus que les anciens Pere; voire ce sera à nos nouveaux Venuz de les regler tous au *selon Reformé*. Iugez Lecteur, à quoy faire maintenant ils crient contre les Papes, de ce qu'ils ont quelque autorité spirituelle sur les Princes, eux pretendāt d'en vsurper vne Diuine sur les Papes, & les Roys, aurāt tēporelle, que spiritue'e. Voulant (sous pre-texte de leur Bible, interpretée au *selon* de leur sens) *examiner, & reformer* tous les Edicts des Roys; les Arrests des Cours;

Cours ; & les Décrets des Papes. Or pour mieux justifier cecy, qu'on voye l'article vingt-sixiesme de leur prétendue cōfessiō de foy Reformée, on verra qu'ils jurēt *je ne sçay quelle vniō*, & disent, *qu'il se faut assembler, encor que les Magistrats & leurs Edicts y soyent contraires.* Or les Edicts ne se font que par les Roys, & Princes souuerains : & afin qu'on n'entreprene rien qu'avec la force, ils adjouctent, *En quelque lieu que ce soit, où Dieu aura estably vn vray ordre de l'Eglise, sans specifier en quel lieu sera cet ordre, quel sera cet ordre, & quelle deura estre ceste Eglise, qu'on n'oseroit auoir déclaré, tant par ce que c'est vn article secret, reiglé au selon Reformé: comme aussi, par ce que ce n'est qu'un desordre, & ne contient qu'une reuolte.* En l'article aussi dernier, ils jurent *d'obeir aux puissances de la terre, Princes, & Roys, mais avec limitation, &*



à la charge ( disent-ils ) ou moyenant que l'Empire souuerain de Dieu demeure en son entier. Or quel est cet Empire de Dieu? & quand sera il en son entier? & comment entendent-ils, où prennent-ils ceste integrité? cela n'est point spécifié.

De maniere que les Princes Chrestiens sçauent bien clairement quelle puissance est celle des Papes, & jusques où elle est déterminée, par les Conciles generaux, & par la sainte Escriture: mais les Nouveaux venuz font icy des articles, qui contiennent plus de machines de guerre, que ne dressa jamais Archimedes, & que n'en forgea Vulcain; sans qu'ils puissent alleguer ny Escriture, ny tesmoignage, ny autorité de ceste puissance plus que souueraine, qu'ils s'vsurpent, voire plus que diuine. Car elle veut contreroller, examiner, & reigler, toute sorte de souueraineté par leur selon, qu'ils jugeront estre conforme à la pa-

*pour desabuser les esprits.* 147  
role ( non de Dieu ) mais de leur in-  
vention. Considerons derechef ceste  
clause septiesme , pour la mieux exa-  
miner.

*Continuation de l'examen de la clause sep-  
tiesme, comprise en l'artic. cinquiesme.*

CH A P. X.

**A**Ins au contraire toutes choses doiuent  
estre examinées , réglées , & refor-  
mées selon icelle Escriture sainte. Tout  
cecy a quelque couleur de verité, ou de  
piété; mais il luy faut leuer le masque  
d'apparence: car quand le Catholique  
veut monstrez par vne grâde nuée d'au-  
thoritez, que sa foy, ou doctrine est or-  
thodoxe, & vrayement Catholique, ou  
qu'il se met à prouuer la nouueauté, &  
fausseté de ceste Religion pretendue  
Reformée, avec l'vsurpation qu'elle a  
faict d'une souueraine authorité, au grâd

K 2



prejudice de la mission Diuine, que possède l'Eglise Romaine; & contre la succession Apostolique, non interrompue depuis 1600 ans, qui se garde entre les Euesques. Quand, dis-je, le Catholique veut demonstrier la repugnance de ceste foy moderne, avec l'ancienne, par les histoires tant sacrées, que prophanes; par l'autorité des saints Peres; par les Decrets des Papes; par les Canons des Conciles generaux; par les arrests des Parlemens; par les Edicts des Princes; nos Parties crient deuât vne rude populace, à l'*Ecriture*, à l'*Ecriture*: disant, que tout cela n'est qu'autorité humaine: & d'une grande hardiesse ozent dire, que l'Eglise est fautive, & menteuse; mais que ceste parole de Dieu escrete demeure eternellement. Outre qu'estât question és disputes, que nous auôs d'oïr quelque iugemēt des choses qui se passēt de nostre tēps, entre

personnes particulieres, cōme sō Calvin, Luther, & semblables, la loy escrite dās la Bible ne peut pas prononcer contre ces gens modernes, qui n'estoient pas pour lors qu'elle fut couchée sur le parchemin. Ceste mesme loy ne faiçt pas aussi vne speciale mention, ny conference des temps, des successions, des erreurs, qui sont en nos siecles: de maniere que nos ennemis sous ceste feuille de *Reformation par l'Ecriture seule*, se cachent honnestement, & se tiennent tapis dans ce silence muet d'une parole escrite il y a plus de mille cinq cens ans: & par ce braue stratageme, ils se damnent, & trainent apres eux tous ceux qui se laissent transporter par ces vaines subtilitez.

Voyez icy, Lecteur, comme nos Parties ne veulent recevoir les Conciles, ny les Peres, ny les Canons, ny les Decrets des Papes, ny les Edicts des Prin-

ces qui contiennent la condamnation de leurs opinions erronées, nées avec eux, ou inuentées par leurs predecesseurs heretiques; tellement qu'ils pensent estre à l'abry: ne voulant aussi recevoir les Conciles, qui establisent plusieurs reglemens reçus par toute l'Antiquité, de quoy la Bible ne parle pas expressement. De la mesme auctorité nous empruntons les interpretations de plusieurs passages difficiles de l'Ecriture, laissant pour le present à parler de la pratique des Sacremens, avec la police de l'Eglise, & des Excommunications. Dequoy on ne sçauroit qu'en penser, ou faire sans les Conciles, sans la Tradition, sans l'Antiquité, ou les monumens des Anciens Peres: puis que le nouveau Testament ne s'est pas chargé de deduire tout cela par le menu.

C'est par ce moyen de Renonciation que nos parties s'exemptent de bien fai-

re, de bien croire, & de toute sorte de subiection se constituans par dessus les Roys, les Estats, les Prelats, les Cōciles, & par dessus tout'autre autorité, mesme Diuine. Que si S. Paul dit, que c'est *Rom. 13.* resister à Dieu, que de n'acquiescer à la puissance temporelle; & d'autre part I E S V S assurant, que c'est le S. Esprit *Matth. 10.* qui parle en la personne de ceux qu'il a enuoyez; il faut bien dire, que nos parties se constituent au dessus de la Bible, & de Dieu mesme, bouleuërsant (tant qu'en eux est) tout ce grand fort de Iurisdiction sacrée, que le Createur auoit basti en l'Eglise son Espouse. Or par ce grand ascendant qu'ils donnent à la Bible en ce lieu icy, au moins en apparence, ils ne pretendent pas s'y obliger: car quand ils verront leur a-point, ils allegueront brauement vn Pere, vne raison humaine, vne similitude, vne sentence de leur teste, des histoires, mes-

mes prophanes, ou de leur creu: & met-  
tent en auant leurs inuentions, avec tant  
d'audace, que cela effraye les pauures  
Catholiques, qui ne sont aguerris, & qui  
ne cognoissent les pelerins. Quoy? Mō-  
sieur du Plessis, l'Agent & le Protecteur  
de la Reformation, n'a-il pas escrit qua-  
tre grands volumes; vn de l'Eglise, deux  
de l'Eucharistie, & vn Mystere d'iniqui-  
té, sans faire estat d'y alleguer vn seul  
passage de l'Escripture, qui contienne  
formellemēt ses propositions erronées?  
il s'est contenté de couvrir ses imagi-  
nations de quelques lambeaux d'histoi-  
res, prises à contre-temps, & corrom-  
pues, les entrelardant de quelques li-  
gnes tronçonnées des anciens Peres.  
Comment ont-ils donc juré, *de ne se  
tenir qu'à la parole escrite, & de refor-  
mer toute ceste nuée d'authoritez par la  
seule Bible*; Puis qu'ils n'en peuvent ti-  
rer vn seul texte contre nous? Ou com-

ment se peuuent ils tant oublier, que leur manquant leur *unique reigle*, ils se seruent de toutes ces armes qu'ils auoient mis bas, & qu'ils auoient cassées? Comment, dis-je, ont-ils pris pour reigle ce qu'ils disent deuoir estre reiglé par l'Escripture, qui ne dict nul mot des articles de leur reformation? de maniere qu'ils sont contraincts de mandier çà & là, hors ceste parole escrite quelques tiltres falsifiez, ne contenant que des opinions humaines, de quoy ils se seruent pour nous faire quelque petit reproche, accompagné tousiours d'injures atroces, & de venteries de la pureté de leur doctrine Euangelique, qui n'est neantmoins qu'une Caballe Rabinesque.

Quant à nous Catholiques, nous receuons, & honorons tout ce que dict la Bible, & en sa faueur, nous appellons au secours tout ce roolle d'autoritez,

que nos Parties veulent aneantir, sous  
pretexte de ne recevoir que la parole  
de Dieu écrite. Partant si nos Parties  
y ont tant de deuotion, & d'auantage;  
qu'ils y alleguent hardiment ceste paro-  
le vniue; qu'ils nous y facent voir, &  
& lire nostre salut, leurs articles de foy,  
avec leurs clauses, nous leur en sçaurons  
bon gré: mais si criant si haut, *Viue  
l'Ecriture*, qu'ils nous assourdissent, ils  
pensent casser & l'Antiquité, & la raison  
humaine, avec les Cōciles, & les Edicts,  
(si prealablement *tout cela n'est examiné,  
reglé, & reformé selon l'Ecriture;*) & ce  
neantmoins ne ramenant que des hi-  
stoires, ne nous contēt que des discours  
à perte de veü, sous couleur, que ce  
sont des *consequences nécessaires*, ils se  
descouurent trop manifestement estre  
non seulement mocqueurs, mais aussi  
de vrais preuàricateurs; bastissans & rui-  
nans la mesme chose, cōme nous redi-

sons souuent, de peur qu'on ne s'en oublie. Voire mais, Messieurs, rapportez à la Bible vostre grand Arrest de Reformation, que vous establissez en ceste clause, *Examinez le, reiglez-le, Reformez le par ceste reigle vnique, par ceste parole escrite;* esprouuez-la à ceste pierre de touche, si elle se trouue expresse dās la Bible, à la bonn'heure; preschez la, escriuez la, mettez-la au nombre des articles de la foy Reformée. Mais si vostre proposition est bannie de tout le vieil & nouueau Testament; si elle ne se peut lire dans l'Escripture; si ce n'est en l'inuisible; quelle est vostre audace, de dire deuant le Createur, & ses Anges, que Dieu parle, & prononce dans la Bible vos articles. Aufquels (si vous mesmes en estes creus) il ne pensa jamais? veu que vous prononcez, que Dieu ne parle plus que par ceste *parole escrite.* Laissez-la donc parler de par Dieu; & si



elle ne di& mot de vos pretenduës clauses, taisez-vous en, quittez-les, reformez-les, ne vous desdi&tes si vilainement; ne vous essayez de renuerfer tout à coup les Republiques, les Royaumes, les Pasteurs, les Prelats; toute l'Eglise de Dieu, voire Dieu mesme, par vostre simple, & audacieuse affirmation, vous bandant contre le ciel. Petits Geans, enfans de la terre, Ne voyez-vous pas que vous ruinez vos projets, & desfeins, d'autant plus violément que vous desirez d'esleuer plus haut (au rabais de l'Eglise Romaine) les murs de vostre Babylone reuoltée?

Pour closture de l'examen de ceste clause, il est singulierement à noter, que la sagesse humaine est icy rebutée, & estimée inutile à la Religion, si elle n'est *reglée, reformée, & examinée selon l'Escripture.* Or le maistre poin& de la sagesse humaine est l'art de Dialectique, par la-

quelle nous apprenons à discourir raisonnablement, & au moyen de laquelle on tire des consequences vraiment necessaires; & par laquelle on les juge telles. C'est pourquoy nos Parties se voyant pressées d'alleguer vn passage formel de l'Escripture, & ne le pouuant fournir, au lieu de nous appeller à la parole *eserite*, nous renuoyent aux consequences: qui sont le sublimé de la *sagesse humaine*, qu'ils jurent icy, de ne receuoir aucunement, si elle n'est reglée par l'Escripture, si elle n'est reformée par la Bible, qui ne parle point de la *forme des consequences*; aussi voulez-vous qu'elle soit examinée par la parole *eserite*, examinez-la donc. Voila comme nos Reformateurs se contredisent ouuertement, & quittent à la veüe de tout le monde, ceste mesme reigle qu'ils establisent icy avec tant de force, & d'apparence de respect vers la pa-

*La pierre de touche,*  
role de Dieu, de laquelle en effect ils se  
mocquent.

EXAMEN DE LA 8. ET DER-  
niere clause du cinquiesme article  
de la foy Reformée.

CHAP. XI.

O Yons la clause : *Et suivant cela* (dites-vous) *nous auotons les trois symboles, à sçauoir des Apostres, de Nicée, d'Athanasie, pour ce qu'ils sont conformes à la parole de Dieu.* La piece principale de ce Canon reformé, est la *conformité* que nos parties pretendent estre entre la Bible, & les Symboles. Voicy dōc desia deux choses qui seruēt au iugemēt; la Bible, & les Symboles. La troisieme est, qui sera le Iuge de ceste cōformité. Et outre cela il faut yne reigle fort cogneuë, & infallible, sur laquelle il faudra que le Iuge fonde les arreſts qu'il prononcera.

Voyez, Lecteur, où ce mot de *conforme* nous relâce : & cōme nous sōmes escartez de la reigle vnique la Bible qui ne dit mot de tout cela. Voicy donc vne conclusion bien estrange desduire par vne consequence qui n'est pas reformée, & reiglée par l'Ecriture sainte, laquelle n'en dict mot : elle n'est pas compassée aux reigles des syllogismes d'Aristote, qui en a parfaictement bien escrit. Mais à quoy faire s'amuseront nos Parties à ces subtilitez Philosophiques des proportions, & conformitez, puis qu'ils ont si solēnellement renoncé à la sagesse humaine, si prealablement l'Ecriture ne parle? Mais quoy? n'ont-ils pas faict passer en article de foy, *Que ny les hommes, ny les Anges, n'estoient receuables à rien adjoûter à l'Ecriture sainte?* Voicy neantmoins que renonçant à leurs articles, cassant leur *reigle vnique*, & renuersant leurs maximes fondamentales, ils ad-

jouſtent en vn ſeul *item*, plus de cent  
clautes à l'Eſcriture ſaincte ; & de leur  
propre auctoriſté uſurpée, ils les canonif-  
ſent en qualité d'article de foy, ne les  
fondant que ſur leur bon plaiſir, ſoubs  
couleur qu'ils ſont *conformes* à la parole  
eſcrite : & toutesſois ils ſont croire aux  
ignorans, qu'ils ne crachét que la chref-  
me de la B. ble. Que ſ'il eſtoit arriué aux  
Catholiques en quelque ſolemnelle diſ-  
pute, d'alleguer S. Athanaſe, ou le Con-  
cile de Nicée, Dieu ſçait quelles huées  
leueroient nos Aduerſaires, auſſi pleins  
d'injuſt ce, que deſpourueus de textes  
de l'Eſcriture: on les oyroit crier, *Laiſſōs*  
*là les hommes menſongers ; Oyons par-*  
*ler Dieu en ſa pure parole eſcrite.* Or bien  
que Caluin aucteur, & deſſenſeur de ces  
articles icy, ſemble deſſerer beaucoup  
à la parole de Dieu, & au ſymbole des  
Apoſtres : ſi eſt-ce qu'il l'abandonne  
quād bon luy ſemble, ne voulant croire  
ce qu'il

ce qu'il contient de la descente de l'ame de IESVS-CHRIST aux enfers, & qui est non seulement conforme aux Escritures: mais y est cōtenu formellement, comme il se verra en son lieu. Voicy cōme ces gens vsent de leur bridée volonté, disant; se desdisant sans front, & sans honte; ne voulant se tenir à ce que l'Escriture declare en termes formels, touchant ceste descente aux enfers. Et affirmant effrontement, que cet article veust dire, que IESVS a souffert en croix les peines des damnez, & perdus, qui sont aux enfers: & enseignent ouuertement, que le Sauueur du monde estant en ceste mesme croix, & dans ces tourments, auoit prononcé des paroles de desespoir. Il est dōc descendu lors qu'il a esté esleué en croix, où il s'est desesperé: & auant que de mourir il est mort, a esté enseuely, & est descendu aux enfers. Estrange doctrine! ordre renuersé! &

puis croyez que ces gens prestent quelque creance aux Symboles; à l'Escripture, & à ce qui luy est conforme.

Les hommes prudens trouueront que ceste *conformité* est vn des mysteres, & l'vn des articles secrets des propositions misterieuses de la caballe Reformée.

Mais dictes-nous, Messieurs, auez vous *reglé, examiné, & reformé* toute ceste centaine de conclusions cōtenues en ces trois Symboles à la pure parole de Dieu *escrite dās la Bible*? Certes non; car à peine y a-il deux propositions formelles de tout cela, non pas mesmes le mot de *Symbole*, que n'avez voulu recevoir dans vbs Bibles Reformées. Cōment attachez-vous donc ceste consequence, Que partant vous receuez ces Symboles pour estre conformes. Certes tout cet *examen, & reglement*, que vous venez d'establir, & que vous desirez estre pratiqué, auant que les Conciles,



que l'Antiquite, ou que la sagesse humaine puisse estre receuë à rien prononcer qui appartienne à la foy, n'a pas encore apparu à nos yeux, & ne peut apparoir, veu que vous ne trouuez point en vostre reigle de l'Escripture les propositions, ny les termes qui sont au susdict Symbole de S. Athanase, plein de subtilité, & de distinctions, que les plus sçauans à peine peuuent conceuoir, comment les receuez vous donc ? Vous respondrez pour toute raison, & auctorité, *que cela est conforme à l'Escripture.* L'idiot sera estourdy par ceste responce : mais l'aduisé Catholique vous demandera, quelle Escripture dit, que cela *luy est conforme* ? D'où auez vous emprunté cet arrest ? qui vous a donné l'auctorité de prononcer ce dequoy l'Escripture ne dit mot ? Comment pouuez vous faire vn article de foy, qui en contient cent autres, sans l'auoir *reiglé, examiné, & re-*



*formé à ceste vniue reigle de la parole écrite, comme vous l'ordōnez icy, sous pretexte de je ne sçay quelle conformité; ou qui fera l'arbitre, lequel donnera la sentence sur ce grand affaire? de quelle auctorité sera il pourueu, pour dire que cela est selon la Bible, ou conforme à la seule parole écrite? Si on nous faisoit voir dans la Bible les reigles des conformitez, si on nous y faisoit lire tout au long, qui seront les juges ausquels il faudra acquiescer, prononceant les sentences sur ce qui est, ou n'est point conforme? ce seroit quelque consolation: mais on ne void rien de tout cela. Peu auant vous auiez asseuré, que toute verité, & tout ce qui est necessaire à nostre salut, se trouuoit dans la parole écrite; ne voulant pas mesme que les Anges y touchassent, pour y rien changer, beaucoup moins pour y adjouster: & toutesfois vous qui n'estes pas Anges, ainsi que*

vous auons desja remonstré, & comme tous les jours il paroît par la propagatiô des petits ministeriaux, qu'on void au berceau; comment auez-vous le courage de mettre en auant ceste *conformité*, par laquelle d'autorité priuée, & vsurpée, vous osez accroistre l'Euangile d'une mont-joye d'articles? si ce n'est que pour toute responce vous disiez, que vous adjoustez au testament de Dieu, sans y adjouster; que vous trouuez dans l'Escripture ce qui n'y fust jamais; que vous hommes non hommes jugez sans juger, & ce par la reigle seule l'Escripture, qui n'est ny reigle, ny seule, ny Escripture pour vous. Qui est-ce d'ores en là, qui vueille croire à vos paroles si contradictoires, voyant en quel labyrinthe vous jettez les esprits qui vous suiuent, & qui prennent vos inuentions, au lieu de la parole de Dieu? Vne chose desirerions-nous fort de sça-

noir de vous, nos Reformez, d'où vous prenez la mire, & la justification de ceste *conformité*, qui vous sert si souuent d'espée, & de bouclier. Certes il faut dire, que vostre bõ plaisir est vostre droit; que c'est vostre loy escrite, & non escrite: puis que vous reduisez toute vostre foy Reformée à ce seul poinct inuisible des *conformitez*. Rendez nous encore sages sur ceste clause Reformée; pourquoy n'avez vous pris plaisir de recevoir en vostre foy tant d'autres articles, & canons contenus au Concile de Nicée, ou compris aux œuvres de S. Athanase, cõme il vous a pleu d'en recevoir le seul Symbole? Vous bannissez par vos articles de foy toute sorte de raisons, & de *sagesse humaine*, ne recevant que la *seule Bible pour toute reigle*. Or elle ne decerne rien de vos Symboles, non plus que de plusieurs autres traditions; vous n'avez non plus de droit de

recevoir cela, que le reste. Pourquoi donc, ou de quelle auctorité recevez vous vne partie, & en exilez le reste? si ce n'est, que vos volontez nous soyent données pour toute reigle, & loy diuine? Le m'esbahis d'une chose (puis que le saint Esprit vous parle en secret, & interieurement) c'est qu'il n'aye pas la force, ou le credit de vous faire dire franchement, que l'on ne peut, & qu'on ne doit croire, que ce qu'il vous plaira de prononcer, ou de tracer par vos bouches, & par vos plumes respectiuement; comme ainsi soit, que vous faict parler cet esprit secret sur d'affaires de plus grande consequence, sçauoir est pour establir le canon de la Bible, & pour constituer la reigle de la foy, qui est (selon vos aduis) la *parole escripte*, toute seule, qu'à tout coup neantmoins vous abandonnez, voire mesme lors que la mettez en credit, ceste inconstance de vostre

proceder, descouure vostre mauuaise foy, declarant qu'il ne vous chaut, si la Bible, ou le S. Esprit parle, ou ne parle point: car tousiours ferez-vous à couuert (ce vous semble) disant avec ceste effronterie accoustumée, qu'un bel esprit jugera tousiours; que toutes vos imaginations *sont conformes à la parole de Dieu écrite*, ores qu'elles s'entre-destruisent; & quand mesmes elles renuerseroient les plus claires propositions qui se puissent trouuer dedans les saintes lettres, ou dedans vos articles de foy. Estrange punition du deplorable aueuglemēt, duquel Dieu a frappé le cœur de ceux, qui (quittant *la maison du saint Esprit, l'Eglise, l'appuy, & la colonne de verité*, pour parler avec l'Apostre) se sont jettez en un party basti à discretiō de quelques Clercs reuoltez, qui se disent auoir un Esprit familier. Quelle merueille fera-ce donc s'ils se trouuent,

3. Tim. 3.

*pour desabuser les esprits.* 169

comme a predict S. Paul, flottans à tout vent de doctrine, par la piperie des hommes artificieux, tels que sont nos Reformateurs, qui sans aucune reigle, ny sans aucun juge, qui serue pour la justification de leurs *pretendues cōformitez*, laissent tout dans l'incertain: & nous veulent neantmoins faire croire, *qu'ils reiglent tout, qu'ils examinent tout, & qu'ils reforment tout par la seule Bible.* *Ephes. 4.*

Receuez icy, Lecteur, vne maxime generale, que comme pour surprendre vn menteur, il luy faut remettre deuant les yeux ses premiers propos, & les conferer avec les derniers; afin qu'il voye clairement sa contradiction: de mesme aussi il faudra tousiours représenter à nos parties les recommandations, voire parfois, excessiues qu'ils font de *l'unique parole escrite*, la constituant la reigle seule, la pierre de touche, avec ceste rude defence qu'ils font *aux Anges mesmes*, de

*ny rien adjouster, diminuer, ou changer.  
& toutesfois en effect on ne les void  
rapporter que de froides conformitez,  
reglées à leurs traditions, purement hu-  
maines. Prenons icy vn peu d'haleine.*

*Continuation de l'examen de la dernière  
clause de l'article cinquiesme  
pretendu Reformé.*

CH A P. XII.

**O** Vtre cela il leur faudra remettre  
en memoire l'*Examen*, le reiglemēt,  
& la *Reformation*, qu'ils ordōnent estre  
faicte par l'*Escriture* seule, de toutes les  
raisons humaines, de toutes les propositions  
des Conciles, des Peres, des Decrets, &  
des Edicts. Cela faict, il est necessaire (si  
nous les voulons arrester, voire aider) de  
rejeter constamment par leurs susdicts  
principes, toutes leurs pretendues Con-  
formitez, Equivalences, Consequences.



*Analogies, Metaphores, Metonymies,* leur sens inuisible, leurs interpretations, avec toutes telles suites, & escoulées, desquelles ils se seruent : afin d'esbloüir les yeux des moins accorts, leur passant par les yeux je ne sçay quelles *conformitez* qui difforment tout ; leur remonstrant, que rien de tout cela n'est pas es-crit. Que s'ils s'obstinent à dire, que que c'est le vray sens, auquel ils visent, & non à la simple lettre ; qu'ils renoncent donc à ceste vniue rselle reigle de la seule parole escrite ; à laquelle les Anges mesmes ne peuuent rien adjoüster : & qu'ils nomment quelque autre reigle, que nous puissions voir, & consulter, pour en auoir le iugement : afin d'estre resouls du vray sens de la parole escrite ; oultre qu'il faudroit vn iuge infallible, auquel on peut recourir tousiours sans eluder les textes de la Bible, comme à tout coup font nos pretendus Refor-



mateurs. Car soit qu'on leur allegue cõ-  
tre leurs erreurs quelque parole bien  
expresse de la Bible : ou qu'on leur face  
rendre compte de leurs articles de foy,  
demandant vne sentence d'Escriture  
bien expresse, & formelle, qui les con-  
tienne; soit qu'on les induise à voir les  
contrarietez manifestes de leurs arti-  
cles, qui s'entre-ruinent, ainsi que dit  
est, comme les pieces d'un vieux basti-  
ment, qui se fracassent, tombant les vnes  
sur les autres: ils se moquent de nous  
au moyen de ceste selle à tous cheuaux;  
Cela est conforme aux sainctes lettres.  
Faute de prendre garde à ces deffaiçtes,  
qui semblent hõnorables, les Docteurs  
Catholiques, les meilleurs, traitant  
avec les Ministres (principalement en  
presence de personnes ignorantes, com-  
me le nombre en est grand, & tres-grãd)  
n'en sçauroient jamais edifier le peuple,  
ny rapporter de ces abbouchemens,

vne victoire bien nette , & euidente:  
d'autant que ces ouuriers , duits aux ru-  
ses , broüillent tout l'affaire au moyen  
des fuidictes *conformitez* , & de telles  
galanteries , qu'ils substituent , comme  
fruits supposez à la sainte Escriture.  
De façon qu'ils jettent vne grande ob-  
scurité aux esprits, tout ainsi que le Caf-  
feron, ou la Seche, verse l'ancre noire,  
de peur qu'il ne soit apperceupar les pes-  
cheurs. Que s'il eschet que nous ayons  
affaire aux personnes moins sçauantes,  
ou moins malicieuses de ce party là, il  
leur faudra remōstrer doucement, qu'on  
ne peut jamais sortir d'une contestation  
qu'on n'y garde l'ordre des jugemens,  
& la fermeté des conuentions, gardant  
touſours vn meſme Iuge, & vne rei-  
gle inuariable, jusques à la fin du pro-  
cez. Puis donc que nos Reformateurs  
ont pris *pour juge* , & *pour toute reigle*  
*la seule Escriture* , ils sont obligez par

toutes les raisons du monde de s'y tenir, sans estrauaguer jusques à ce qu'ils y renoncent. Que si au lieu d'oïr parler ceste vnique règle, ils veulent prononcer des Arrests, qui ne se lisent dans l'Escripture, il les faut rendre rai'sans par la descouuerte notoire de leur preuarication; en ce qu'ils protestent de ne recevoir aucune *parole de Dieu non escrite*: & ce neantmoins ils alleguēt de leur teste, renonçant tacitemēt à leur règle jurée, non seulement de parole, mais en effect. Car leurs sentēces ne se lisent point dās la Bible, qu'ils auoient prise pour seul arbitre, sous le nom duquel ils ont reuolté les millions d'ames, les retirant de l'Eglise Catholique; d'autant (ce disent-ils) qu'elle quitte l'Escripture pour suivre la parole non escrite. Et neantmoins par ceste mesme parole escrite dans la sainte Bible, il apert, que ceste Eglise doit estre le vray Iuge des differents; si les vs

& son disciple S. Paul en sont creus: ce- *Matth. 18.*

luy là nous enuoyant à l'Eglise pour ouïr  
la resolution de nos differens, à peine  
d'estre estimez Payens: celuy-cy, disant,  
que ceste Eglise est la maison de Dieu, l'ap- *2. Tim. 3.*  
puy, & le firmament de verité. C'est aussi  
par ceste Eglise, au moyen de ses Pa-  
steurs, & Docteurs, que nous rendons  
raison pèremptoire de nostre foy Ca-  
tholique, des interpretations, & du vray  
sens des passages de la sainte Bible. Et  
afin que nous puissions mieux descou-  
vrir les jugemens de ladicte Eglise, nous  
consultons l'Antiquité des traditions  
Apostoliques, les Conciles generaux, le  
rapport des saints Peres, & tous les au-  
tres moyens, que nos parties desireroiēt  
bien casser par cet article, s'ils pouuoÿēt.  
Vray est, qu'ils les cassent, & ne les cas-  
sent pas, puis que si tost qu'ils ont renō-  
cé à tout cela, auant que de clorre l'arti-  
cle, ils les remettent sus, se rapportans

*aux hommes, à la Tradition, aux Conciles, aux Symboles; & aux Conformitez fondées seulement sur leurs discours, quoy que l'Eſcriture leur vniue reigle pretendue n'en parle aucunement en termes propres, & exprez: veu qu'il eſt icy queſtion de ce qui a eſté arreſté long temps aprez que la Bible a eſté faiçte. Iugez, Lecteur, quel eſprit vertigineux agit les ames de ces Meſſieurs nos Reformateurs; & ſçachez, que pour les ranger au debuoir, il eſt neceſſaire d'oppoſer à leurs troubles vn bel ordre; & à leur audace, vne conſtance diamantine; les obligeant touſiours de ſe tenir à leur prix faiçt, & à leurs maximes, ſans varier; & de nous tenir parole ſans ſe deſdire. Mais ſur tout, il faut inſiſter ſur cecy, que de faire voir au monde avec vne grande clarté, qu'ils ont pris en apparence l'Eſcriture ſaincte pour leur garant, & leur reigle; mais qu'en eſſect, eux meſmes*

*pour desabuser les esprits.* 177

mesmes seuls veulent estre les Iuges, & la reigle, n'ayans aucune Escriture pour leurs opinions: voire quand ils ont à faire aux sçauans, ils craignent l'Escriture, comme le criminel fait le Preuost: mais traictant avec les simples, ils se jouient du texte sacré de la Bible, comme d'une pelote de neige, au moyen de leur *conformité* licentieusement expliquée. Qu'il ne soit vray, alleguez contre leur *figure de Cene* la parole expresse de IESVS-*Math. 26.*  
CHRIST, disant, CECY EST MON CORPS, ils s'en rient. Demandez-leur où ils prennent leur *figure* pretendue, de laquelle la Bible ne parla jamais, ils se contentent de dire, avec vn'extreme audace, que cela y est. Et que si cela n'y est, il y doit estre, qu'au moins à tout rompre, que cela y est *conforme*. Qui nous donra le moyen de tenir ces anguilles glissantes, & qui abusent tant du franc arbitre, quoy qu'ils y renōcent, pu-

M

bliant par tout, qu'ils en font priez? Ces personnes s'estant ainsi vouïées au mensonge, & au desreiglement de leur langue, Que fâiriez-vous là? Plusieurs se lassent, ou se picquent là dessus, & en abandonnent le combat. Mais les mieux cōseillez persisteront tousiours; presentant vne constance diamantine à l'obstination d'airain, fortifiez par ceste genereuse assurance, que de mourir en ce conflict, c'est viure, vaincre, & sauuer le monde de la perdition prochaine. Car

*Joan. 3.* qui ne croit (dit la verité) est desia condamné. Or puis que les Ministres, & nous, sommes apoinctez contraires; il faut de necessité, que les vns, ou les autres soyent en voye de damnation. Bien est vray, que nous sommes fondez en l'Escripture expresse, qui nous cōmande de tenir pour Payens ceux, qui n'oyent pas l'Eglise, que I E S V S a bastie sur S. Pierre. Que peuuent donc seruir ces

ruses de nos Parties, qui non seulement ne veulent point ouïr ceste Eglise: mais ils font vn article de foy, & jurent de croire, qu'ils l'ont trouuée en ruine, & desolation, qui est desmétrir la Bible formelle, & le Fils de Dieu, lequel prononce en termes propres, que ceste Eglise ne cederà jamais aux puissances d'enfer: ce qui a faict dire à S. Paul, qu'elle est l'appuy mesmes, & la colonne de la verité. *Matth. 16.*  
*1. Tim. 3.* Examinons maintenant l'article trent'vniesme, qui est de ce sujet, & nous verrons, comme ces pauues

Religionnaires se perdent, combattant la maison de Dieu,  
son espouse, son  
corps, qui est  
l'Eglise.  
se.



EXAMEN DE L'ARTICLE  
trent'vniesme de la Religion  
pretendüe Reformée;

*Par lequel nos Parties se constituent les  
Juges, & cassent l'Eglise Catholi-  
que Apostolique.*

CHAP. I.



VI veust bien cognoistre le  
dessein de la secte pretendüe  
Reformée, voire ses euidentés  
contradictions ; & comme elle n'a pour  
toute reigle, que les inuentions du tout  
humaines ; qu'il considere attentifue-  
ment les clauses de cest article : car il  
verra, que nos Parties se rendent gran-  
dement coupables contre Dieu, & si  
fort reserrées dans les cōtrarietez, qu'ils  
ont à renoncer à toute raison à la Bible,  
& à la plus part de leurs maximes, s'ils

pretendent se tenir à cet article fondamental, qui ne peut subsister, puis que luy mesme se destruiet. En voicy la teneur.

1. Nous croyons, que nul ne se doit de son autorité propre ingerer pour gouverner l'Eglise.
2. Mais que cela se doit faire par election;
3. Entant qu'il est possible, & que Dieu le permet.
4. Laquelle exception nous adjouſtons notamment, pour ce qu'il a falu quelquesfois; & mesmes de nostre temps, auquel l'estat de l'Eglise estoit interrompu, que Dieu ait suscité gens d'une façon extraordinaire, pour dresser l'Eglise de nouveau, qui estoit en ruine, & desolation.
5. Mais quoy qu'il en soit, nous croyons, qu'il se faut tousiours conformer à ceste reigle, que tous Pasteurs, Sur-

*La pierre de touche,  
ueillans, & Diacres, ayent tesmoi-  
gnage d'estre appelez à leur office.*

Il n'y a rien en l'Ecriture plus eui-  
dent (dict S. Augustin) en maints passa-  
ges, que la declaration du vray Messie,  
& sa Majesté acquise par sa croix ; &  
apres cecy, rien n'est si clair, que l'esta-  
blissement de son corps mystique ( qui  
est l'Eglise son espouse) que S. Paul ap-  
pelle la maison de Dieu, l'appuy, & co-  
lonne de verité : & d'ailleurs, il l'appel-  
le l'Espouse du mesme IESVS, se l'es-  
tant, dict-il, renduë telle par les meri-  
tes de son sang, sans souilleure, & sans  
ride. C'est à ceste mesme Eglise, que  
nostre Sauueur nous renuoye, pour en  
prendre les arrests en nos doubtes : &  
en S. Mathieu, il dict, qu'il bastiroit  
ceste sienne Eglise sur S. Pierre, auquel  
il promet aussi les clefs du ciel, luy don-  
nât la puissance de lier, & de deslier tou-  
te chose, assurant, que Dieu auouëroit

1. Tim. 3.

Ephes. 5.

Math. 16.

au ciel ce que fairoit en terre celuy à qui  
il dōnoit cest admirable depost des clefs  
du Paradis. Il a aussi ordonné au mesme  
S. Pierre, qu'il regist, & donnast la pastu-  
re à ses brebis, luy parlant en ces ter-  
mes: Pais (dict-il) mes brebis, & mes *Joan. 21.*  
aigneaux. Finalement en S. Luc, nostre  
Redempteur dict en presence de tous  
les Apostres: l'ay prié pour toy Pierre *Luc. 22.*  
(faict-il) afin que ta foy ne manquast  
jamais.

Tous ces passages diuinement inter-  
pretez, couchez dans la Bible en paro-  
les formelles, & soubscrites par les  
saincts Peres, ne seruent de rien à nos  
Parties: car ils destournent leur consi-  
deration (par la liberté de leur conscien-  
ce) de tout ce que nous sçaurions alle-  
guer: veu qu'ils nous ont condamnés  
plus rudement qu'ils ne sçauroient ful-  
miner contre Sathan, ou contre les plus  
barbares, & impies du monde. Si qu'ils

jurent de croire que le Pape nostre chef est l'Antechrist, & que nous tous ses subjects, sommes ses membres, comme il se verra en l'examen de l'article vingt-huictiesme, que nous considererons apres celuy-cy.

Puis donc qu'ils ne veulent rien recevoir de ce qui vient de nous, voyons leur article de l'Eglise: car puis qu'ils ne nous promettent que la cresse des Ecritures, & la *pure parole de Dieu écrite*, peut estre, ferons nous remis en bonne forme par ceux, qui par le tiltre de leur profession, font estat de r'appeller au bon chemin le monde abuzé. Ayant donc distribué cet article trent'vniesme en cinq clauses, qui contiennent plusieurs grandes considerations. Voyons les de bon cœur, & doucement, les examinant, comme l'argent à la coupelle; sans rien flatter.

EXAMEN DE LA I. CLAVSE  
de l'article trent<sup>e</sup> uniesme,  
sur l'institution des  
Ministres.

CHAP. II.

**V**Oicy l'une des plus innocentes propositions de tous ces articles icy. Vray est, que ce n'est pas vne clause des reformées : ains c'est vne creance Chrestienne, & Catholique, qui sert à nos Parties de couverture. Oyons ceste proposition prononcée pour plusieurs mauuais desseins à la Ministeriale.

*Nous croyons, que nul ne se doit ingerer de son auctorité propre, pour gouverner l'Eglise.*

Nostre Seigneur nous aduertist de pré- *Matth. 7.*  
dré soigneusement garde, que les loups ne nous trompent, estant desguisez en brebis. Tels appelle-il les faux Prophetes. Voicy la peau d'un aiglelet, que ce-

ste clause, laquelle est si juste, & si bonne, que tout homme mortel naturellement la juge droituriere. Vray est, que si nous autres la prononcions, ces personnes icy nous la rejetteroyent, côme prophane. Receuons-la donc, & nous en seruons pour mesure, & pour reigle contre maintes propositions contenües en ce mesme article. Mais il faut auoir les yeux tendus sur ceste clause, sans la perdre de veüe.

Premierement contéplons ces gens icy, qui parlent d'autorité. *Nous croyons* (ce disent-ils) mais qui sont ceux-cy? Certes ce sont tous ceux, qui font profession de la Religion pretendüe Reformée. Si quelqu'un de ce party refuse de le croire, il le faut mener au Magistrat: afin qu'il aye à declarer de quelle secte il est: car il desment la Religion pretendüe Reformée, qui est la seule secte, que nostre Roy tres Chrestien permet exer-

cer ses ceremonies contraires à l'Eglise Romaine, de laquelle il est le fils aîné. S'il se trouue donc quelqu'un contredisant aux Catholiques Romains, qui ne s'accorde pas à ceste proposition, il sera preuostable, estant surpris du crime de leze Majesté Diuine, & Humaine.

*Nous croyons* (dit tout ce Party) *que nul ne se doit ingerer.* Notōs bien ce *nul*: car c'est vn terme general, qui ne souffre apres soy exception aucune; & ce parlāt selon les loix des consequences dialectiques, & vraiment necessaires, telles que pretendent de tirer les Ministres cōtre nous. Car ils n'ont (à le bien prēdre) aucune proposition affirmative à prouuer, pour leur creance reformée, sauf l'atroce accusation, qu'ils nous mettent à sus: tout le reste de leur foy ne consistāt qu'à nier fort, & ferme. Je dis donc que ce terme *nul* exclud vniuersellement toutes les personnes; tellement que



l'Aduersaire ne peut receuoir aucun *ingeré*, sans vne manifeste contradiction. Car quiconque diroit, *NUL* n'est Roy, seroit manifestement conuaincu de faux monstrant nostre Roy, quand il seroit seul Roy au monde. De mesme aussi, s'il est vray, que *nul* ne se puisse ingerer de sa propre auctorité, pour gouverner l'Eglise; s'il se trouue jamais, où que ce soit, en quelque temps que ce soit, vn seul homme, qui aye peu, ou qui aye eu droit de s'ingerer, comment que ce soit, la proposition est ruinée, contredite, & mise à neant par le signe contradictoire *quelqu'un*, opposé directement à *nul*. Qu'on se souuienne donc de ce terme general de *nul*, qui exclud tout homme ingeré, du gouvernement de l'Eglise. Secondement qu'on note bien ce *ne doit*: car en matiere de droit, ce qui se doit faire, est cela mesme, qui se peut justement, ou legitiment faire.

A tant le droict, & le pouuoir sont la mesme chose en justice. Si donc *nul* ne *peut*, ou ne *doit*; certes ce sera folie de dire, que quelqu'un puisse equitablement, ce qui ne se peut faire avec raison, & sans injustice. Parlant donc moralement; ce qui est hors du droict, est impossible, & ne peut estre; que s'il arriue, qu'il soit mis en execution, avec auctorité, & justice, il ne sera pas vray, que cela ne se puisse, & ne se *doine* faire. Cômte qui diroit, qu'il est impossible de trouuer vn Corbeau blanc; certes en ayant trouué vn, il est faux, qu'il soit impossible de le recouurer. De mesme; si on disoit; que par nulle juste auctorité on ne peut faire mourir vn coupable, ceste proposition se trouuera fausse, en ce que justement on faict pendre les larrons, & les faussaires.

Remarquons donc, que ce Party pretendu Reformé jure de croire pour arti-

cle de foy, que nul ne doit, ou ne peut  
avec bon tiltre, s'ingerer pour gouverner  
l'Eglise. Or qu'est-ce autre chose de  
s'ingerer en quelque estat, ou office,  
que d'entreprendre les fonctions d'une  
charge, sans estre deuëment pourueu,  
au moyen d'une auctorité legitime, ju-  
gée telle par ceux, que Dieu aura insti-  
tués? car il n'y a aucun pouuoir legitime,  
qui ne soit de Dieu (dict S. Paul) & qu'il  
ne porte son tesmoignage bien euident  
de son institution, veu que les Magi-  
strats, & les loix prennent le nerf de  
leur auctorité de la legitime declaratiõ,  
& publication. D'icy est, que I E S U S  
a dict (parlant de sa personne, de sa mis-  
sion, & office de Messie) que s'il n'ap-  
portoit autre tesmoignage, que le sien  
seulement, il vouloit qu'on l'estimast  
menteur. Et ailleurs il assure, que s'il  
n'auoit dict, & fait ce que les Iuifs  
auoyent ouy, & veu, ils seroyent excu-

Rom. 13.

Joan. 5.

Joan. 15.

sez du peché d'infidelité. Car il faut que la volonté de Dieu, & des Princes nous soit intimée auçtentiqument, afin de nous obliger. Ce qui est vn principe naturel, reçu au droit des gens. Aussi voyons-nous, que nos Roys apportent tant de solemnitez à l'establissement de leurs officiers, & à la publication de leurs Edicts : voulant mesme, qu'ils soyent verifiez en leurs Cours souueraines.

Ceux-là donc sont intrus, & s'ingèrent, qui sans estre instalez par quelque auctorité legitime, cogneuë aux hommes ( car ce qui n'est cogneu, est censé n'estre pas ) s'vsurpent l'auctorité de commander aux hommes en quoy que ce soit, quand ce ne seroit qu'en qualité d'un Sergent. Nos Parties mesmes déclarent assez, que veut dire *s'ingerer*, adjoustans ces mots *de sa propre auctorité*. Par ainsi quiconque voudra gouverner

l'Eglise legitiment, qu'il se pouruoye par auctorité publique, & non propre; vniuerselle, & non particuliere: tellen' est que sans ceste prouision, nous ne deurôs souffrir aucun commandement. Que sera-ce donc de faire le Pape, & l'Apostre, pour s'assubjetir les consciences des Roys, & des Monarques, & de tous les Prelats du monde, ainsi que pretendent de faire ceux, qui parlent icy? Qu'on considere bien la tyrannie contenuë en ceste vsurpation, & en ceste intrusion; on verra qu'un charbonnier, ne la voudroit pas souffrir d'un gentilhomme, & ne permettroit jamais qu'aucun s'ingeraist de conduire sa petite famille. Nos Roys mesmes n'entreprennent pas cela sur la disposition des maisons particulieres.

Qu'on jüge maintenant quel violent orgueil sera celui cy, de *s'ingerer de sa propre auctorité*, de faire les loix de conscience:

science: entreprennant d'examiner, de reformer, & de casser tous les edicts des Princes, & tous les Decrets des Papes, & des Conciles; comme font nos Parties par l'article cinquieme, avec ce que nous verrons tantost. Et à ce qu'ils ne nous escoulent comme des anguilles, tenons les fermes icy sur ceste proposition: car il faut qu'ils y renoncent, ou qu'ils renuersent leur party; & qu'ils le mettent en confusion par leur propre bouche.

Qu'il vous souuiene donc, Messieurs les Reformez, de vostre serment, & de vostre article juré, *que nul ne se peut ingerer de sa propre auctorité pour gouverner l'Eglise.*

Au demeurant, afin que personne ne s'ingeraist en la maison de Dieu sans scauoir la punition qui luy est reseruée, la vieille loy l'a faict voir en la violation des Majestez de Moyse, & d'Aaron, l'aucto-

*Numer. 15.*

rité desquels Choré, Dathan, & Abiron vouloient vsurper : car Dieu fit abîmer ces intrus & ingerez, avec toute leur famille à la veüe de tout le peuple, les precipitant tous viuans en enfer, cōme porte l'Ecriture. Et le Roy Ozias osant entreprendre l'office des Prestres, fust frappé de laderie. Comme aussi le Roy Saül se donnant le pouuoir de sacrifier, fust taxé par le Prophete de Dieu, d'auoir follement vsurpé ceste charge sacrée. Il est donc tres-vray, & aduoué par nos Parties, que nul ne se doit ingerrer de gouuerner l'Eglise. Ce qui nous seruira à les cōvaincre d'un extreme crime; ou de faire en sorte, qu'ils se contredisent notoirement; ou qu'avec un horrible blaspheme ils rejettent la parole de Dieu escrite, contre leur maxime

fondamentale. Venons à l'examen de la seconde clause.



EXAMEN DE LA 2. CLAVS 6  
de l'article trent'vniesme Reformé.

## CHAP. III.

**A** Pres que nos parties ont ramené la negative vniuerselle, *que nul ne se doit ingerer au gouuernement de l'Eglise*, ils viennent à l'affirmatiue, determinant de quelle façon on vient par voye legitime, & non par intrusion au regime Ecclesiastique. *Mais (disent-ils) cela se doit faire par eslection.* Voicy vn point remarquable, pour ce que les Ministres qui parlét icy, ne mettent pas l'eslection à la discretion d'un chascun : mais ils en font vne loy d'obligation, disant, que ceste auctorité spirituele *doit estre conseruée par eslection.* Notons qu'elle doit. C'est donc vn faire le faut, que tout Magistrat spirituel legitime passe par l'eslection.



Or icy commence l'artifice reformé : car ceste grande rigueur, *que nul ne peut estre receu à l'administration Ecclesiastique, s'il s'ingere de soy-mesme*, est modérée par l'eslection, que l'on suppose icy : d'autant qu'il n'est pas spécifié quelle est ceste eslection ; qui seront ceux, qui esliront, ou qui, & comment s'institue-ra ceste puissance d'eslire. De maniere qu'un Cardeur donnant à boire à ses cōperes, les fera passer pour ses eslecteurs au gouvernement de l'Eglise ; & vostre reformation jugera, que cet esleu ne sera ny intrus, ny s'ingerant.

Mais faictes-nous raison, Messieurs les Reformez, & nous parlez claiремēt, quelle eslection a esté celle, qui a donné à Luther, à Zuingle, à Caluin, & à Beze, l'auctorité d'eriger l'Eglise de nouveau, cōme vous nous direz tantost, ou de la gouverner ? Que s'il ne nous apparoist, qu'ils ayent receu aucune au-

**A**utorité, comment les estimerez vous capables d'auoir laissé quelque puissance légitime en vos Eglises d'estire les Pasteurs? car personne ne peut donner ce qu'il n'a pas.

Il faut donc conclure qu'il n'y a en vostre party, que de la deformation, & du desordre; puis qu'il n'y scauroit auoir aucune juste election qu'imaginaire. Partant tous vos Ministres seront intrus; s'estans *ingerez de leur propre auctorité pour gouverner l'Eglise*; ce qu'ils ne pouuoient ny ne deuoient faire, dict vostre confession de foy. D'où il s'ensuit qu'ils peuuent, & ne peuuent pas gouverner vos Eglises prétendûes. Ils ne peuuent s'estans *ingerez*; ils le peuuent, puis qu'en effect vous les laissez gouverner, sans qu'ils ayent aucune juste election; que de ceux qui n'auoient pas plus d'autorité qu'eux.

La conclusion finale de ceste clause

N<sup>o</sup> 3

est, que vos bergers doiuent estre esleus canoniquement, & legitiment (ce dictes vous) & ne l'estant point, vous les tenez neãtmoins pour esleus. Si que vous les jugez en mesme temps intrus, ou ingerez, & non ingerez. Qui entendra ceste confusion Babylonique?

Mais puis que vous reformez le monde *par la seule parole escrete*, trouuez bõ, que toutes ces clauses icy soyent mises au neant, veu qu'elles ne sont expressement couchées dans la Bible: mais elles n'y estant point, n'estes-vous pas dignes d'une hayne publique de les persuader au peuple; trainant le monde avec vous en ruyne, & perdition?

La declaration des autres propositions nous fera penetrer plus auant dans la malice de tout ce party. Venons donc à l'examen de la troisieme clause, nous souuenant tousiours, que qui manque d'eslection, ne peut aussi maquer d'estre intrus, & de s'ingerer.

**EXAMEN DE LA 3. CLASSE**  
*de l'article trent'vniesme Reformé,*  
*contenant l'intrusion des*  
*Ministres.*

**CHAP. III.**

**N**OUS auôs veu nos Reformateurs  
separez de nous (selon l'adieu de  
Caluin) criant Anatheme contre les in-  
trus, qui s'ingerēt sans auctorité au gou-  
uernement de l'Eglise, c'est à dire sans  
election. Maintenant ils se desdissent  
d'une façon autāt subtile, que hardie: as-  
seurant, que cela se doit entendre, *entāt*  
*qu'il est possible, & que Dieu le permet.*  
Il se faut souuenir, que nos Aduersai-  
res dressent icy des articles de foy, qui  
sont censez venir de Dieu, & autant ne-  
cessaires à croire, que la Trinité, & les  
plus hauts mysteres de la Religion: que  
si elle est bonne, elle contient le pur ser-  
uice du Createur, ordonné par luy mes-

Lib. 4.  
Instit.  
chap. 2.  
§. 6.

mes : partant elle ne peut estre alterée par les hommes sans sacrilege.

Prenons donc bien garde à ce que la premiere propositiō de cet article châte en termes exprez, *que nul ne se doit ingerer de son auctorité propre pour gouverner l'Eglise, mais que cela se doit faire par eslection.* Ceste maxime est de Dieu, cōme pretendent nos parties. Du mēme Dieu viendra donc sa suiuanre, qui est, *entant qu'il est possible, & que Dieu le permet.* De maniere qu'à bien prendre, c'est Dieu qui parle, & qui d'ict tous ceux à seront intrus, qui ne seront pas esleus. Vray est, que quand je ne pourray pas conseruer les eslections, il faudra qu'on se gouuerne comme on pourra. Et afin qu'on puisse entendre que c'est icy le vray sens, les paroles de ceste clause ont besoin d'une grande attention : par ce qu'en icelles est compris vn grand attentat cōtre la Diuine Majesté,

contre l'ordre qu'il a estably, & contre l'article mesme, duquel il est vne piece.

Nous examinerons cecy par le menu, mais que nous ayons vuide la difference, que nos Parties font de ce qui est possible, ou permis. Surquoy il ne se faut laisser decevoir par la ruse de nos subtils, comme si chez eux c'estoit chose diuerse, que Dieu permette, ou qu'il ordonne d'auctorité absolue quelque chose. Car nous autres Catholiques disons, que permettre & ordonner en Dieu, sont choses differētes: & affirmons qu'il permet les pechez sans jamais les commander. Là où Calvin en termes propres dict, que ceste distinction est vne resuerie, & un badinage. Qu'on voye le premier liure de ses Institutions chapitre 18.<sup>me</sup> en la section premiere; on y trouuera les susdictes paroles. De façon que selon l'intelligence reformee, Dieu permettre, est Dieu commander, ordonner.



voire c'est necessiter les hommes à obeïr. C'est donc vn piege fort caché, & vne ruse, que ceste proposition, *Entant qu'il est possible, & que Dieu le permet.*

Or qui sont ceux, qui mettent en auât ceste proposition cy *Entant qu'il est possible* ? sans doubte ce sont des controlleurs de Dieu, qui le font parler à leur fantasie, qui taxent son pouuoir, & jugent de sa permission sans son adueu, sans Escriture saincte, sans sa parole, soit escrite, soit non escrite. Car quand est ce que Dieu n'a *peu conseruer les eslections* ? & qui l'en empesche? veu que c'est la loy eternelle que les gouuernemêts se prennent & donnent par *eslection*: afin de fermer la porte aux intrus, aux loups, aux volleurs, aux brigands? Que lon contemple comme IESVS-CHRIST a fracassé (suiuant la prophetie) la puissance de tant, de si vaillants, & forts

Empereurs commendans sur l'estenduë de la terre habitable: Princes armez, riches, redoutables à tout le môde, voire enragez d'enuie d'exterminer le nom Chrestien; poursuuians les pauures agneaux, & les Bergers de I E S V S, par mer, par terre, à feu, à sang, l'espace de trois cens ans, & plus. Ils ont rougy les plaines du sang de nos martyrs: ils ont blanchy les champs de leurs os: sur tout la poursuite a esté dressée, & la plus grande batterie contre l'Euesque de Rome: mais qu'ont ils gaigné? toutes ces Monarchies s'y sont perdues avec leur rage: & les *eslections* ont tousiours subsisté: sans que rien de tout cela aye preualu contre la puissance diuine.

Les Heretiques d'autre costé se sont esleuez, remplis de mauuaise volonté, armez de ruse, accompagnée par fois de grand pouuoir, & maltalët des Constans, des Leons, de Iulien, puissans Monar-



ques armez de langues, de plumes d'épées, & de flammes, qu'ont ils aduancé? les Heresies s'en sont allées, tout ainsi que la bouvre du fenécon: & les meschâs s'y sont perdus, sans que les Prelats legitimes ayent jamais manqué, ny leur reglée & cōtinuelle succession, signamment en la chaise de S. Pierre, qui a fondé l'Eglise Romaine.

Quelle apparence y a-il maintenant de croire, qu'en la profonde paix, qui a regné en l'Eglise depuis Constantin le Grand, les *elections* ou successions ayent manqué? ou d'où sera venu ce malheur au Dieu tout puissant, au verbe incarné, triomphant de l'enfer, d'abandonner son épouse: d'en rompre l'ordre & la hierarchie, & d'en casser les *elections*? lesquelles de temps en temps sont marquées dans les Annales, & tesmoignées à l'univers.

Qui pourra donc soutenir ces propo-

sitions contradictoires, ces blasfemes contre la toute puissance du Createur, qu'il n'aye permis que les *elections* fussent, puis qu'en effect elles ont subsisté sans interruption? & commét luy auroit il esté impossible de faire ce qu'il a toujours fait? mesmement en l'Eglise Romaine, de laquelle les *elections* sont marquées & tésmoignées par les Centuriateurs mesmes estans ennemis jurez de la Papauté? Concluons donc en faueur de la Diuine puissance, avec l'Ange, qu'il n'y a rien d'impossible à Dieu, si que Luc. i. ayant prononcé suiuant vostre article, qu'il ne veut que les intrus s'ingerent au Gouuernement de son Eglise: ains qu'il veut que les *elections* empeschent ceste intrusion, il n'a besoin d'y mettre aucune exceptiō, disant, que cela se doit entédre, Entant que luy pourra les conseruer: ce seroit mettre sa puissance en doute.

Ioinct qu'au discours que font nos parties, ils prennent vn grand affaire à desmeler: car il faut qu'ils se mettēt à prouuer quand ce pouuoir diuin a manqué ou manquera, pour quel temps & pour quel subiect; estant obligez de rendre raison de tout ce qu'ils aduancent pour leur Reformation de quoy en voicy vn maistre poinct. Et faut suiua. leurs maximes, qu'ils alleguent des textes formels de leur Bible, pour justifier tout ce qu'ils diront là dessus.

D'ailleurs, le pouuoir & le permettre de commander, est la mesme chose, selon vos aduis reformez (comme ils s'est veu) faudra il donc dire, pour contenter vos humeurs, que Dieu aye esté si impuissant, qu'il n'aye peu garder l'ordre, que luy mesme auoit estably, sçauoir est l'election legitime, de laquelle depend  
*Matth. 16.* l'estat de l'Eglise? à laquelle il auoit donné parole, que jamais elle ne seroit ab-

batue par toutes les forces de l'enfer? Voyez, Lecteur Chrestien, par combien de secrettes mines nos parties, sans force, pleines de ruse nous attaquent? 1. Tim. 2.

Que si la seule *election* empeche, qu'un homme intrus ne gouuerne l'Eglise; Dieu ayant tout pouuoir, & ne pouuant estre empeché de faire ce qu'il veut, il faut nécessairement que vous accordiez, ou que Dieu n'est pas tout puissant, ou qu'il a tousiours conserué l'*election* dans son Eglise, ou que vous estes des brouillons, voulâs que Dieu puisse, & ne puisse; qu'il soit veritable, & menteur; & qu'en mesme temps l'*election* se face, & ne se puisse faire: ou que les hommes esleus, soyent intrus, ou que les intrus ne laissent pas d'estre esleus. Et en fin serez vous contraincts de recognoistre, que tous vos articles ne contiennêt pas vne confessiô de foy, mais vne cōfusion pareille à celle de l'enfer, *cubi nullus or-*

*do sed sempiternus horror inhabitat*, dict Iob. Voicy toute l'ourdisseure de ce discours reformé. Iasoit que personne ne se doive ingerer pour gouverner l'Eglise, & bien que tous ceux qui entreprennent ces charges Ecclesiastiques, doivent estre esleus suivant l'ordonnance diuine: ce neantmoins Dieu, à qui appartient la vengeance de son espouse, ne le pouuant faire, & ne le voulant permettre, il veut & ordonne que sans *election* (qui seule empechoit l'intrusion) il y ayt des gens, qui de leur propre autorité s'ingerét de gouverner l'estat du Royaume du ciel. Et leur garantie pour cest attentat n'est autre qu'une effronterie horrible, qui leur faict dire, *que Dieu les a suscitez* extraordinairement, ne pouuant faire autrement. Sera il bien possible apres ce mode de cōfusiō, qui se descouure icy, qu'il y aye vn esprit si amy de l'erreur, si ennemy de la verité & de son salut,

salut, qui sejourne dans ce party remply de scandales, & de precipices?

Sainct Paul nous apprend, que la foy *Rom. 10.*  
& le salut ne nous peuuent estre admini- *Ephes. 4.*  
strez; que par la predication des per-  
sonnes legitiment enuoyées. Et voicy  
nos Reformateurs, qui defforment l'E-  
uangile; qui se ruynent eux mesmes, &  
introduisent totale confusion dans la  
maison de Dieu: disans qu'il faut qu'elle  
soit gouvernée par fois par les hommes  
intrus, & qui s'ingerent sans legitime  
mission. N'est ce pas se declarer tout à  
faict faux Prophetes, qui sont marquez  
en l'Ecriture sainte par paroles equi-  
uvalentes à l'exception, que nos parties  
couchét icy en faueur de leurs premiers  
Ministres?

Nostre sauueur assure que les faux  
Prophetes viennét, sainct Paul dit qu'ils  
s'esleuent, le Prophete Ezechiel escrit;  
qu'ils courent sans estre enuoyez; qu'ils

parlent de par Dieu, mais le saint esprit les desaduouë, chassant de son saint temple l'Eglise, toute sorte de personnes, qui s'ingerent effrontement.

Or qu'est il besoing d'insister icy dessus, comme ainsi soit qu'il ne se peut establir aucun ordre ez familles, ez communautéz, és citez, és estats, que par les commissions, & charges données, resmoignées, & autorisées par les souuerains; & les mesmes souuerains doiuent montrer leur establissement par les ceremonies visibles, & apparentes des prises de possession, par les hommages à eux rendus, & par semblables vz & coustumes.

Dieu n'a jamais enuoyé aucun de sa part, qu'il n'aye donné quelque feel de sa chancellerie, comme sont les miracles, pour establir les saints ordres, & la Hierarchie sacrée, marquant ceux, qui sont enuoyez legitiment; car à faute de ce

faire, tout iroit en confusion.

Car le premier venu se diroit Prophete, Prestre, Euesque, Roy, Gouverneur. Quel homme sensé pourra jamais recevoir ou digerer ceste doctrine pretendue Reformée? qui sous pretexte de la pureté de la parolle de Dieu, & de reformation ruine tout, diffame Dieu, destruit sa parole, & difforme l'univers: lequel n'est beau que par l'ordre qui est icy confondu en mille façons.

Considerons encor l'effronterie de cest article, en ce qu'il oblige tout le party de jurer que Dieu veut, & qu'il ne se peut faire autrement, voire qu'il est necessaire que quelque ingeré en quelque temps gouverne la maison de Dieu, duquel rien ne procede, qui ne soit ordonné dict saint Paul.

*Rom. 13.*

Vous voyez bien icy Lecteur, que tous ces discours ne sont que pures inuentions, qui non seulement ne sont



point dans le testament de Dieu; mais qu'au contraire cecy tend à son entière subuersion.

EXAMEN DE LA 4. CLAVSE  
de l'article trent' uniesme, concernant  
la preuve euidente de l'intrusion des  
Ministres Pretendus Reformez.

CHAP. V.

**V**Oicy la clause des Reformateurs diuisée en ses propositions; afin d'y proceder avec plus d'ordre, & de clarté.

1. Laquelle exception (disent ils) nous y adiousons notamment.
2. Parce qu'il a fallu
3. Quelque fois;
4. Et mesme de nostre temps,
5. (Auquel, l'estat de l'Eglise estoit interrompu)
6. Que Dieu ayt suscité des gens
7. D'une façon extraordinaire,

8. Pour dresser l'Eglise de nouveau,

9. Qui estoit en ruine & desolation.

Il est grandement à noter en premier lieu, que toute exception tombe sur les parolles formelles de la proposition generale, de laquelle on veut soustraire, ce qui est excepté. 1. Proposition.

Or la proposition estoit ceste loy reformée, *que nul ne se doit ingerer de son auctorité propre, pour gouverner l'Eglise sans election*: laquelle ostée il ne reste que l'intrusion, & vne usurpation de la charge: si que l'exception contenue en ce lieu, pourueu qu'il die haut & clair que Dieu l'a suscité ainsi que nous ver- rons plus bas, oblige tous les pretendus Reformez, de croire que quelqu'un peut avec droit & raison s'ingerer de son auctorité propre à gouverner l'Eglise, sans aucune election.

Premierement qu'on remarque que ceste exception ne se trouue aucune-

ment dans la parole de Dieu écrite, que nos prétendus Reformateurs crient estre l'ynique regle contenant toute Verité, sans qu'homme, ny Ange y puisse rien adiouster. Et non seulement l'Escripture ne parle point de cecy, voire elle y contredit: mais aussi jamais homme d'autorité, ny Concile, ny Roy, ny Parlement, ne mit en auant vne telle doctrine; voire la condamnera tousiours. Aussi est elle contre le sens commun iusques là, qu'il ne se trouuera Ministre, ny Religioneux si opiniastre, qui voulut receuoir le premier venu pour estre surintendant de sa maison, sous ce maigre pretexte qu'il alleguerait que Dieu permet, & commande qu'il en vse de la façon.

Quel homme sera donc si peu sensé de se persuader qu'un incognu, & sans adueu puisse legitiment gouverner le Royaume des cieux l'Eglise, ( qui est la maison de Dieu ) sous ceste faulce

couleur de quelques moynes malcontents, disans d'eux mesmes que Dieu le permet, & qu'il le trouue bõ; sans qu'on ramene aucune preuue de son dire, sauf la seule audace de celuy qui l'ose dire.

Remarquez aussi Lecteur, que nos parties parlent en maistres Massons, quand ils disent *nous y adionscions ceste exception* : car quels sont ces *nous* qui ne s'osent nommer, craignans le jour, & la descouuerte? Sõt-ce peut estre les cordonniers? les cabaretiers, ou semblables personnes du menu peuple pretendu Reformé, qui font ceste exception? ou sont-ce les Ministres seulement? Si ceux-cy; puis qu'ils n'alleguent nul texte formel de la Bible, & estans hommes fautifs, & menteurs, ils doiuent estre rejettez suiuant leur cinquiesme article de foy, qui ne pretend pour toute regle que la sainte Escriture, à laquelle toute autre auctorité doit estre *exa-*

*La pierre de touche,  
minée, réglée, & Reformée.*

1. Tim. 3.

D'ailleurs puis que saint Paul com-  
māde à Timothée de garder inuiolable-  
ment le depost de la foy, sachant de qui  
il le tient; il est raisonnable que le peuple  
huguenot rejette ceste exception, puis  
qu'il ne sçait de qui il la tient, les Mini-  
stres s'estans si bien cachez, que le saint  
Esprit mesme, que les Reformez preten-  
dent auoir, ne les sçauoit deuiner.

Que si maintenant on veut que la  
populace prononce cest arrest Reformé,  
Que Dieu trouue bõ que quelqu'un  
s'ingere au gouuernement de l'Eglise,  
sans en attendre l'institution d'autre au-  
torité que de la sienne propre; Pre-  
mierement les brebis sont obligées de  
suiure la doctrine de leurs Pasteurs,  
saint Paul disant, que tous n'ont pas  
le don de gouuernement, ou de l'inter-  
pretation. Mais puis qu'il n'est icy que-  
stion de suiure l'Escripture, & la parolle

de Dieu, qui met tout en bon ordre; ains qu'il nous faut suiure vne pretenduë Reformation, qui met tout en desordre, posons le cas que la petite commune du peuple prononce ceste sentence, pourquoy ne sera il loisible au premier crocheteur, & portefaix de la Rochelle, d'vsurper le souuerain gouvernement de toutes les Eglises pretenduës Reformées, pourueu qu'il aye l'effronterie de dire que Dieu le permet, & le trouue bon? & qu'il n'est subiect aux regles generalles, quelque texte de Bible qu'on luy puisse alleguer au contraire. De façon que quelque loy, quelque coustume, quelque saint Pere, quelque Concile, quelque Roy, quelque synode, ou Ministre qu'on luy puisse ramener contre son aduis, ne sera suffisant d'arrester ce porte-faix, qu'il ne s'ingere au gouvernement de toutes les Eglises de France; puis qu'il est fondé sur les parolles

expresſes d'un article de la foy toute Reformée & repurgée de toute ſorte d'abus, ainſi que le pretend tout le party Religioneux.

Voyons maintenant quelles ſont les raiſons, qui ont eſmeu nos parties de faire ceſte exception, qui confond tout l'ordre du monde ſans exception aucune, ſoit en la milice, ſoit en la juſtice, ſoit en l'œconomie, ſoit en la police, ſoit aux eſtats & Republiques, & que nos meſmes Reformateurs ne voudroyent recevoir, ainſi que nous auons remarqué, en aucune façon, en choſe qui les cōcerne: Les premiers Miniſtres s'eſtans contentez de dire cecy, & de l'auoir faiſt paſſer en article de foy, pour courir leur Apoſtaſie, & pour ſe donner toute ſorte de liberté: ſans neantmoins auoir conſideré, que les meſmes armes, qu'ils ont tourné contre nous, ruinent toute leur pretenduë reformation:

y plantant le desordre , & donnant toute liberté aux propofans , aux diacres , aux furueillans , & anciens de raualler les Ministres , & de s'establis sur leur Throſne.

EXAMEN DE LA 2. PROPOSITION de la clause quatriefme.

CHAP. VI.

**P**ource ( dit la proposition deuxiefme ) *qu'il a fallu quelque fois , & meſme de noſtre temps.*

Contemplons icy des arreſts definitifs , que nous oyons , & voyons couchez par eſcrit , par des perſonnes inconnues & inuiſibles , tout auſſi bien que l'eſprit interne eſt caché , qui les inspire ( à leur dire ) les paſſages meſmes de la parole de Dieu eſcrite , qui doit prononcer tout article de foy , ſont pareillement imperceptibles ; ſi que tous les titres , &



les droicts de ce party: & ceux qui les ramènét, sont inuisibles, & insensibles hormis l'erreur & l'audace de ceux, qui font soustenir ces fables contre toute raison.

Ils afferment donc en second lieu *qu'il a fallu*. Certainement ce qu'il faut faire, ou qui est reduit à la necessité, ne peut estre fait autrement; voire il n'y a loy aucune, qui ne soit subiecte à ce *faire le faut*, & à la necessité.

Les Ministres jugent donc qu'il a esté necessaire, que quelques intrus *se soient ingerez de gouverner l'Eglise par leur propre auctorité*, n'estant point esleus. Messieurs, sur qui tombe ceste necessité vous le declarez vn peu apres, osans dire, qu'elle tombe sur Dieu; si qu'à vostre compte il a fallu que Dieu aye suscité ceux qui se sont *ingerez de gouverner l'Eglise de leur propre auctorité*. Or n'auiez vous point quelque autre moyen de vous garâtir du supplice, que vous crai-

gnez, sans obliger la diuine puissance à vos humaines inuentions, qui battent de front sa parolle? Car nostre sauueur n'a pas seulement dit en propres termes, que l'Eglise par luy bastie sur saint Pierre ne seroit jamais vaincüe par les puissances de l'enfer: mais aussi il a protesté, qu'il seroit avec ses Apostres iusques à la fin du monde. Je seray (ce leur dit-il) avec vous iusques à la consummation du siecle. Promesse qui n'est pas personnelle (puis qu'ils sont tous morts, il y a plus de mil cinq cens ans, long temps auant la fin du monde, mais qui passe à leurs successeurs legitimes. Saint Paul aussi tesmoigne, que les Pasteurs, & Docteurs, que le Fils de Dieu establit peu apres qu'il fust monté au ciel, dureront iusques à la consumation de l'vniuers: afin de nous establis en la foy, & de peur que les esprits ne fussent chance-lans à tous vents de doctrine, que les

trompeurs rusez pourroient introduiré,  
pour piper les simples.

Tant s'en faut donc qu'il ait fallu, que  
*Dieu aye esté obligé de prendre des per-*  
*sonnes intruses, pour regler son Eglise; que*  
sa parole, & sa promesse est vne foy in-  
uiolable pour luy, qui le constitue debi-  
teur de garder ce, à quoy il s'est voulu  
attacher par sa bonté infinie : à ce que  
l'ordre, qui est toute la beauté de sa mai-  
son, & la marque de son assistance per-  
petuelle, ne fust jamais ruiné.

Voyez Lecteur, comme toutes ces  
propositions reformantes ne tendent  
qu'à destruire toutes les bônes formes,  
non seulement diuines, mais mesmes les  
humaines : & apres cecy jugez, si ces  
premiers deformaturs ne se mocquent  
pas du simple peuple, qui se laisse me-  
ner à perdition par des chemins si te-  
nebreux, qui fondent tous, & qui ne  
sont que des abysses plus dangereux,

que ceux qui noyèrent l'armée de Pha- *Exod. 14.*  
raon. .

**EXAMEN DE LA 6. PROPO-**  
*sition de la clause quatriesme.*

**CHAP. VII.**

**P**Assons aux autres propositions de  
ceste clause, *Il a fallu* (dict la Reformation) *quelque fois*. On pretend dire  
icy par ceste troisieme proposition,  
que Dieu a esté necessité d'establir au  
gouvernement de son Eglise, des per-  
sonnes, qui s'y sont ingerées de leur  
propre auctorité : puis qu'au dire de nos  
Reformateurs, là où manque l'eslection,  
l'intrusion s'y fourre. Ce n'a pas esté vne  
seule fois, que Dieu a souffert la loy ne-  
cessaire de commettre des intrus pour  
regir son troupeau : mais cela est arri-  
ué *quelque fois*. Dites nous donc com-  
bien de fois ? car puis que le S. Esprit

vous esclaire, & que la loy de Dieu est aussi luisante, que si elle auoit esté écrite avec vn rayon solaire ( comme vous dites ) ne vous jettez point dás l'incertain: mesmement lors que vous entreprenez de reformer nos abus pretendus?

Ce n'est donc pas chose nouuelle, que Dieu soit reduit à ceste exception d'une regle si generale, *que nul ne doit gouverner par intrusion, ou s'ingerant* : ainsi qu'il faut entendre l'election. Cottez nous donc le nombre des fois, cottez nous le temps prefix, les personnes, ou les lieux, & les autres particularitez, & circonstances accoustumées d'estre amenées pour tesmoignage certain, que ce qu'on dit n'est pas vn conte fait à plaisir, ou vne calomnie; mais que c'est vne verité, veu mesme que la naissance, & la mort du fils de Dieu ont esté verifiez par les lieux, par les temps, par les Propheties, par les Princes, par les Prestres, par les luges,  
par

par les personnes, qui ont esté présentés. Voudriez vous donc faire des articles de foy? vous dis ie hommes menteurs, fautifs, & incogneus; & nous forcer à recevoir vos songes pour article de foy sur le seul credit de vostre parolle, au prejudice de l'Eglise, qui est la maison de Dieu, bastie par I E S U S C H R I S T, qui luy a donné parolle expresse, qu'elle ne manqueroit jamais? Matth. 16.

Certes c'est icy vne audace inouye. Ne seroit ce point la marque que Daniel donne de l'Antechrist, que *erit impudens facie*; c'est à dire qu'il sera effronté, ou comme porte vostre Bible Reformée, *vn Roy selon de face, & entendu en subtilitez*. Il m'estoit quasi eschappé de représenter icy vne responce qu'ont fait les Ministres de Sedan pensans deffendre ce blasphème que d'imposer à Dieu quelque nécessité au gré des Ministres. *Ce n'est pas (disent ils) chose nouvelle à*

*Dieu que de parler en ces termes absolu  
de nécessité, & ramenant à ce propos ce  
qui est dans sain Et Luc, il falloit que le fils  
de l'homme fust livré entre les mains des  
malveillans, & ainsi avoit esté escrit, il  
falloit que CHRIST patist.*

Mais c'est peu à nos parties de s'esga-  
ler à Dieu, puis qu'ils prennent cest as-  
cendant sur sa toute-puissance, que de  
luy faire la loy, & de l'obliger d'auctori-  
té de tenir la main aux desseins, qu'ils ba-  
stissent contre le mesme Dieu ; qui s'e-  
stant obligé de parole de ne souffrir que  
son Eglise fust jamais ruynée par Satan,  
se trouue maintenant sous vne servitu-  
de fatale Reformée, qui vse contre Dieu  
d'un commandement nécessaire, & d'un  
faire le faut. *(Car il a fallu (ce disent ils)  
que Dieu, & ce qui s'enluit. Si que ces  
gens incognus, & les Sedanistes (qui  
n'osent aussi mettre leurs nōs que sous  
la rondache d'un Capitaine affeublē*



d'un chapeau, ou Capel, qui luy sied mal) veulent que la sagesse eternelle soit aussi tenuë (non vne, mais plusieurs fois) de mettre au monde leurs inuentions fabuleuses, au preiudice de son testamēt signē de son sang, Qu'elle se tiendroît obligée d'acquiter ses promesses infallibles.

EXAMEN DE LA 4. PROPO

*sition de la cläuse quatriesme.*

CHAP. VIII.

**L**A quatriesme proposition porte, que non seulement Dieu a esté forcé par fois, mais que mesmes en nostre temps il a fallu, que Dieu passast par là, que de laisser gouuerner son Eglise par des personnes, qui s'estoient ingerées à faure d'election. Il faudra reformer icy les formes de tous les Notaires, qui prennent la peine de nommer les Princts,



de coter le milliesime, les centenes des ans, les mois, les jours, les heures: & qui specifiét les lieux, & les personnes, pour faire foy à leurs contracts de si petite importance, qu'ils puissent estre; ou bien il faudra mettre au neant ces nouveautez, veu que nos Religioneires; pour doner foy à leur dire, se dispensent de tout cela, quoy qu'ils protestent de manquer de foy à leur Dieu, s'ils disent rien du leur, & s'ils adjoustent rien à l'Ecriture; ou s'ils en diminuent, ou en alterent vn seul poinct, cassant toute parole non escrite. Ce neantmoins de leur propre teste, & par leur gentile inuention, en l'affaire la plus importante de tout le mode, qui est l'Eglise, la damnation des ames, ou leur salut, ils se contentent de dire sans preuue, sans tesmoignage, sans indice, qu'il est *arrivé de leur temps* vn desordre, qui renuerse tout le reiglement du monde, & qui desment la Bible.

Contemplez Catholiques, comme vos Parties prēnent l'ascēdant sur vous. Car quelle raison tirerez-vous de ces gens, qui ne se peuuent voir? qui n'habitent qu'ēz lieux inuisibles? où ils ont composé & publié leur loy nouuelle, reformant l'Euangile? Recognoissez le tēps, qu'ils vous enseignent sans le coter; lisez ces passages de l'Escriture, que les aueugles peuuent aussi bien lire que vous; prenez la reformation sans forme, & aprenez à craindre ces ombres, qui combattent vos reelles, claires, & puissantes veritez, qui ne peuuent non plus estre ruinées de Dieu, qui les a communiquées à sa Thresoriere, l'Eglise; l'appuy & la colonne de la verité, qui decouure notoirement, que ceste pretendue Reformation n'est qu'un jeu de petits enfans.

Finalemēt par ce temps, qu'ils cotent sans coter, vous pouuez juger des

personnes, & des autres propositions re-  
formantes, qui ne sont que pures inuen-  
tions humaines, forgées à plaisir. Et puis  
qu'après le temps, les personnes sont  
nommées, remettant la cinquiesme pro-  
position à tantost, examinons la sixies-  
me, & septiesme, qui dependent du  
traicté des personnes.

**EXAMEN DE LA 6. PROPO-**  
*sition de la clause quatriesme.*

**CHAP. IX.**

6. Propo-  
sition.

**C** Onsiderons la sixiesme proposition,  
qui d'une violente usurpation d'au-  
thorité, assure, *que Dieu a suscité des*  
*gens,* mais quelles gens? qui sont ces gēs?  
où estoient-ils? de quel pays? de quelle  
condition? de quel mestier? estoient-ce  
des Princes? Seigneurs? Gentilshom-  
mes, ou Gend'armes? gens de Palais?  
de ville? artisans? laboureurs? gens de

marine? Certes vous donneriez bien à penser, si vous estiez croyables. Mais vn S. Esprit inuisible, les lieux, les temps incertains, les personnes incogneüs, vne parole escrite, & non escrite, que vous nous mettez en auant sans la mettre, nous faict juger, que jamais Satan ne se jouïa des hommes cōme il faict, vous persuadāt, que vous deuez estre si creus, à credit, sans tesmoin, sans raison, sans allegation, sans actes, sans conjectures. Et c'est sur ce beau procez verbal, que vous osez, *condamner toute la Chrestienté, & toutes les assemblées de la Papauté.* Qui veut sçauoir le fonds de l'affaire, il faut considerer la qualiré des premiers Reformateurs, qui estans tous Prestres, ou Moynes, ont esgalement crainct la Iustice spirituelle, & temporelle; comme preuostables, ils n'osent deceler les lieux, ny les temps, ny les noms des auteurs infames de ceste entreprise. C'est

pour cecy qu'ils parlent hardiment, cachant le bras apres auoir jetté la pierre. Or est-ce là prescher l'Euāgilezou l'abolir? La parole escrite par tous les quatre Euangelistes, produict au monde les Apostres, non en cachette: & le grand Dieu qui les a appelez, les a faict nommer maintefois par leur propres noms. il a faict publier le pais de leur naissance, & la condition de leur estat. S. Paul, S. Pierre, S. Jean, & S. Mathieu ont manifesté leurs noms à teste leuée, accusant mesmes leurs deffauts, comme deuant leur vocation, & apres, sans se cacher, l'esprit de Dieu n'ayant point de peur du jour, fuyant au cōtraire les tenebres, & les cachots. Et vous Messieurs les Reformateurs, auez crainte de vous nommer, & d'estre descouuerts. De mesme aussi vostre Posterité vous a estimez si mal famez, qu'elle n'a jamais osé passer vos noms par leurs bouches, ny par leurs

plumes. Il faut asseurement dire, qu'il y a en vostre faict de l'entreprise, & de l'intrusion. Mais dictes-nous, toute autorité legitime ne prend-elle pas source de Dieu? S. Paul vous empeschera *Rom. 13* d'y contredire: car il prononce formellement, que toute puissance, ou autorité vient de Dieu. Celuy donc qui sera appellé par la Majesté du Createur, peut il bien *s'estre ingeré par sa propre autorité au gouvernement de l'Eglise?* Certes non. Comment peuuent donc *vos gens s'estre ingerez*, puis que Dieu les enuoye; quoy qu'ils ne soyent pas esleus par d'autres hommes, selon vos formes pretenduës? Nous oyons *Iesvs- Joan. 15* CHRIST, disant à ses Apostres, qu'ils auoient esté esleus de sa main. Il leur commande ailleurs de prier Dieu, qu'il enuoye des ouuriers aux moissons des ames, qui estoient prestes, pour recevoir la faucille du saint Euangile. Luy



*Matth. 4.*

*Matth. 18.*

mesme aussi commande aux Apostres de le suiure, promettant de les rendre pescheurs des hommes. Ailleurs il leur commande d'aller par tout l'vniuers, d'aministrer le Baptisme, de remettre les pechez: auquel effect, leur donne le saint Esprit par des signes visibles, tantost par son propre soufflé, tantost en forme de langue de feu. Lequel saint Esprit a esté communiqué par les Apostres, tousiours par formes visibles, & par des ceremonies sensibles; sçauoir par le Baptisme, par l'Eucharistie, ou par l'imposition des mains, soit pour prescher, soit pour administrer le thresor temporel de l'Eglise; soit pour la gouverner; soit pour confirmer les Chrestiens.

*Matth. 7. 8.*

*13. & 19.*

*Joan. 10.*

Nostre Redépateur nous assure aussi qu'il est la porte de la Bergerie de Dieu; & nous apprend que tous ceux, qui entrent au gouvernement de sa bergerie,

sans passer par son auctorité ( qui est la vraye porte ) sont des brigands & des volleurs, qui ne demandent qu'assafiner le troupeau. Ainsi interpretent ce passage tous les anciens Peres, les auteurs modernes, & mesmes nos Aduersaires. Ce qui a faict dire à Luther, que la premiere chose qu'on doit rechercher en ceux, qui se messent de prescher l'Evangile, est de voir & de recognoistre diligemment s'ils sont bien fondés en commission. Mais que faut il mandier des preuues ailleurs: car apres que nos Parties se sont bien tourmantées, ils mettent ceste conclusion en leur article, que *quoy qu'il en soit, il faut tousiours se former à ceste regle, que tous Pasteurs ayent tesmoignage d'estre appellés à leur office.* Vray est que l'entente gist au diseur: car parce qu'ils pretendēt que le tesmoignage est dans le cœur, le saint Esprit le leur donnant en secret; si ne peuuent



ils fuyẽr; d'auãtage les tesmoignages de l'apel doiuent estre plus euidens que l'apel mesme, pour luy seruir de preuue; parce que l'euidence n'est pas tant necessaire à celuy, qui parle, qu'à ceux, à qui il parle afin qu'on le croye. Or qui voit? qui entend ce Saint Esprit ventriloque, duquel parlent nos Parties, qui aduouans de n'estre point esleus à leur façon consistoriale, & sans estre suscitez d'une maniere extraordinaire, estimerẽt que ce soit assez pour n'estre point intrus, de dire qu'ils ont quelque tesmoignage interieur de ne sçay quel pre-tendu. Estrange confusion de ce party defformé qui n'ayant mis que la seule election, pour empescher qu'on ne fust intrus, l'oste a qui luy semble sans neant-moins qu'il soit censé s'ingerer. De tout ce que dessus nous recueillons deux grandes verités, l'une est que l'Escripture sainte nous tesmoigne, que tous

ceux, qui ont commencé de gouverner l'Eglise apres nostre Sauueur, ont esté institués par son autorité Diuine & Humaine, le verbe inuisible s'estant rendu visible, & recognoissable à tout le monde par vn monde de preuues: afin qu'on sçeut qui estoit celuy qui enuoyoit les Apostres: lesquels il a appellé institué & oinct par formes toutes visibles, & palpables, comme dit est, pretendan-  
t que les formes fussent tous-  
jours gardées, luy mesme prononçant *Joan. 10.*  
l'arrest. *Comme mon Pere m'a enuoyé je vous enuoye* (dit-il à ses Apostres) si que ceste legitime mission est la vraye porte, par laquelle entrent les Pasteurs au gouvernement de l'Eglise, sans donner aucun lieu aux *intrus*, aux *ingerés*, aux larrons, qui vsurpent l'autorité. Ce que jugera mieux celuy, qui considerera que le mot d'Apostre en sa naïfue signification Grecque, d'où il est deriué,

signifie enuoyé. S. Paul aussi rapportant le salut & la foy à l'audition de la parole preschée; conclud, *et comment peut on prescher, si on n'a esté enuoyé?* Or l'enuoy forclost toute l'intrusion. Nous pouuons doncques conclurre, que les personnes, qui s'ingerent de leur propre auctorité, sont incapables de gouverner l'Eglise; si ce n'est que nos parties donnent jusques là dans l'erreur, que d'estimer qu'un homme legitimelement enuoyé s'ingere, ou que l'ingeré soit pourueu d'autorité Diuine, qui est le seul moyen de mettre bien tost toute chose en confusion. D'icy on voit la fausseté de cest article pretendu Reformé: & par cecy on cognoist la fausseté de toute ceste clause, ne se pouuant trouuer vne plus grande nullité en toutes les affaires, qu'on pretend vider, que le defect du pouuoir legitime. L'autre verité que nous recueillons de ce que dessus,

est que la force du vray est inuincible, puis qu'elle contrainct son aduersaire de confesser hautemēt son mensonge. Car en premiet lieu nos Parties disent que *nul ne se doit ingerer au gouuernement de sa propre authorité.* Ils concluent de mesme cest article, que *tous Pasteurs doiuent auoir tesmoignage d'estre appellés à leurs offices ou charges,* comme c'est bien la verité. Puis ils aduoient la dessus, qu'il y a vne exception, disant que *quelquefois & mesme de nostre tēps,* il a fallu qu'il se soit trouué des Gouverneurs de l'Eglise, qui se soient *ingerés de leur propre authorité,* puis que leur māquoit l'election, qu'ils auoient opposée à là intrusion, & qui estoient neantmoins *suscitez de Dieu,* si qu'ils se sont ingerés; d'autant qu'ils y viennent de leur propre authorité sans election, & ne sont point *ingerés,* d'autant qu'ils viennent estans suscités par l'authorité

de Dieu : ainsi seront ils bergers legitimes, comme appellés : & quant & quant seront voleurs, d'autant qu'ils *s'ingerent*, & n'entrent par la porte de l'election.

D'où viennent ( dira quelqu'un ) tant de contrarietés si apparètes qui se trouvent en ces articles? & singulierement en celuy cy? Je respons premierement que ces contrarietez arriuent, parce que c'est le seul priuilege de la verité, d'estre tousiours constante & semblable à soy: comme au contraire c'est la nature du mensonge, que de se deffaire soy mesmes, comme on dit que font les tygres au son du tambour.

Il y a encore vne autre raison de ces cōtrarietez, c'est que nos Reformateurs n'ayant ny raison ny allegation formelle de l'Ecriture, & moins encore d'autorité legitime, ils suiuent le son de la marine, comme vn nauire desarmé de mats

mats, de gouuernail, & de Pilote. Ioin& aussi pour la troisieme raison, que toutes les propositions pretendues Reformees sont d'elles mesmes si absurdes, & si oppolees non seulement à la parole de Dieu, mais aussi au sens commun, & à tout ordre legitime, que mesmes leurs auteurs en ont honte, & en chancelent, consideré mesmement que quand ils se veulent establis, ils ont besoing des maximes, qu'ils ruinent en nous, & nous voulant ruiner ils rompent les fondemens de leur pretendue Reformation. De maniere que la volonte de nous ruyre les aueugle si fort, qu'ils se tuent eux mesmes nous voulant blesser. Ainsi se trouuent ils constituez en la malediction donnee par Dauid, c'est que leurs voyes sont tenebreuses & verglaccées, ces pauures gens estant furieusement poursuiuis par le Prince des tenebres, qui se sert d'eux pour combattre l'Eglise

*Psal. 34.*

Q.



de Dieu, laquelle neantmoins rapporte  
autāt de victoires, qu'elle rend de com-  
bats, & autant qu'il y a icy de proposi-  
tions ez articles Reformés, ce sont au-  
tant de trophées, qui tesmoignent sa  
gloire immortelle. Suiuant ce qu'en a  
dit la verité, que les portes d'enfer ne  
preuauroyēt jamais contr'elle, vous re-  
pliquerez encor, Lecteur, cōment ceux  
de ce party qui ne sont pas interessez, cō-  
me les Ministres, s'y peuuent entrete-  
nir avec ces contradiçtiōs si manifestes.  
Je responds premierement que l'hom-  
me destitué de la grace de Dieu, se trou-  
ue fort estourdy en ses jugemens, ne  
voyant pas mesmes les plus grands de-  
sordres, comme il est porté en Isaye, &  
en plusieurs lieux de l'Escripture. Secon-  
dement mille passions suiuent ceux qui  
seruēt le ventre & la chair, comme font  
tous ceux qui contredisent à la Doctrine  
Romaine, si on veut adiouster creance

*Mat. 16.*

*Isay. 16.*

*Iohan. 12.*

*Rom. 11.*

*pour desabuser les esprits.* 243

à saint Paul. De maniere que jacoit  
que l'errant soit suffisamment informé *Rom. 16.*  
des veritez diuines qui sont en l'Eglise  
Romaine, & quoy qu'il voye les mon-  
stres horribles de ces opinions nou-  
uelles, & erronées comme des Grotel-  
ques, si est ce que la volonté de prauée  
ne souffre pas que le jugement s'arreste  
là dessus, pour prendre vne bonne con-  
clusion de quitter toutes ces absurditez.

Ayant donc remōstré comme nos Par-  
ties se couppent sur la mission, & non  
mission de leurs gens incertains, sans  
nom, sans domicile, sans pais, sans cot-  
ter le temps de leur intrusion, qu'ils

appellent neantmoins *suscita-*

*tion faicte par authorité ce-*

*leste*, qu'ils nous dient

comment s'est

faicte ceste

*suscita-*

*tion?*

Q<sup>2</sup>



EXAMEN DE LA 7. PROPO-  
sition de la clause quatriesme.

## CHAP. X.

7. Proposi-  
tion.

**I**l faut donc noter leur proposition septiesme, affirmant que Dieu a suscité des gens incognus d'une façon extraordinaire.

Apoç. 21.

Ephes. 2.

Si vous estes fondés, Messieurs les Ministres, en vne mission *extraordinaire*, vous n'estes donc pas instituez par l'autorité Apostolique; & vostre Eglise, en ce qui appartient à l'autorité du gouvernement, n'est point cellé, qui fut establee par le fils de Dieu en la personne des douze fondemens de la cité celeste, que vist S. Iean en l'Apocalypse, disant qu'en ces douze pierres fondamentales de l'Eglise, estoient les noms des douze Apostres de l'Agneau. Aussi S. Paul dict en l'Epistre aux Ephesiens,

que les Chrestiens estoient fondés sur le fondement des Apostres, I E S V S faisant la pierre du coin. Et afin qu'on sçache qu'ils parlēt de l'autorité des personnes, escriuant aux Corinthiens, il nous a laissé ces parolles, que I E S V S estant çabas, il reconcilioit le monde avec Dieu, & que ce negoce de la reconciliation auoit esté donné aux Apostres; lesquels de leur viuant ont imposé les mains à leurs successeurs, leur donnant le pouuoir de gouverner en bons Pasteurs, qui n'ont pas seulement le pouuoir de jouer de la fluste pour mener les brebis; mais aussi de les paistre & regir d'autorité, ainsi que le mesme Apostre, I E S V S-CHRIST, & S. Pierre aussi.

*Act. 20.  
Ad Tit. 1.  
Ioan. 21.  
1. Pet. 5.*

Quant à la doctrine nous faisons aussi voir tantost que nos Parties en ce qu'ils pretendent Reformer le monde, ne sçauroient fournir pour l'establissement d'un seul de leurs articles, vn petit passa-

ge formez des escrits des Apostres : de façon que qui les poursuiura viuement (sans les laisser eschaper par le change, qu'ils prennent & donnent subtilement) les contraindra d'aduouer que leur autorité, ny leur doctrine n'est aucunement Apostolique.

Secondement comme l'eau d'un ruyseau ne continuant point à fluër jusques dās nos maisons, on ne peut pas dire en verité, qu'elle continuë despuis sa source jusques à nous, quand l'interruption ne se feroit qu'à cent pas de nous : par raison pareille vous mesmes affirmants que la mission Apostolique n'estoit paruenue à vous, que par *voye extraordinaire*, certes l'ordinaire n'est donc pas pour vous, ny la succession legitime de ce pouuoir donné à l'Eglise bastie par le createur sur I E S V S, & par luy sur S. Pierre.

*1. Corinth. 3.*

*Matth. 16.*

D'ailleurs, nous desirerions fort sça-

uoir où est demeuré la mission ordinaire? que si vous ne le voulez dire, Caluin parlera pour vous, aussi est-il l'auteur principal de cet article. Or il aduouë clairement, que la mission Apostolique est autât chez nous, que le vray gouvernement de la Synagogue estoit en la personne de Caïphe, lors qu'il presida au Concile general tenu sur la mort du Fils de Dieu: en laquelle action son aduis contrepesa celuy de tous ses assesseurs, S. Jean tesmoignant, que sa sentence fust vne prophetie dictée par le S. Esprit: d'autant que ledict Caïphe estoit le grand Prestre pour cet'année là. Raison notable prise de la charge legitime. Reconnoissez Religioneux, que par vostre article de foy, vous deuez condâner Sainte Aldegonde, ou Mar-nix, & le Sieur du Plessis Mornay: en ce qu'ils pretendent, (celuy-là en ses tableaux des controuerses; celuy-cy en

Caluin  
cōment.  
in Ioan.

Joan. ii.

son Mystere d'iniquité ) de monstrier que leur Religion est venue de fort loin par les Vaudois, Albigeois, par Jean Hus, & semblables heretiques: car, si Dieu de nostre temps a suscité des gens par une voye extraordinaire, comme disent vos articles, il ne faut recourir au temps de jadis. Les temps passez ne peuvent reuenir en nos tēps, ny les nostres estre ja passez, n'y ayant rien de si incompatible, que le temps passé, & le present. Outre que la *Commission extraordinairement donnée en ce temps*, ruine notoirement la succession continuée en plusieurs siecles.

Il nous faut adjouster à ce que dessus, vn mot. Vous dictes, Messieurs les Reformateurs, que Dieu vous a enuoyez extraordinairement. Au moins nous dissiez-vous à qui, comment, en quel lieu, en quelle façon a esté donnée ceste commission? Car nous lisons les vocations

extraordinaires, cōmuniq̄uées aux Prophètes de la vicille loy, & à S. Iean. Il *Joan. 1.*  
semble aussi, que S. Paul ait receu quel- *Act. 9.*  
que extraordinaire commissiō : mais  
nous sçauons en quels subjects, en quel  
temps, en quels lieux, & comment elles  
ont esté faictes. Que veut donc dire,  
que vous parlez si à credit, que vous en-  
treprenez de charger le papier d'articles  
de foy, les fondant tous en l'air, sur vo-  
stre autorité si incogneuë, puis que vos  
personnes ne sont pas mesmes nōmées,  
(qui faites ces articles) ny ceux desquels  
vous parlez.

S. Paul neantmoins recommande sur *2.Tim.3.*  
tout à Timothée, qu'il sçache de qui il  
tient le depost de sa foy ? Et le mesme *Heb. 15.*  
Apostre recōmande aux Hebreux, qu'ils  
ayent souuenance de ceux, qui leur ont  
administré la parole de Dieu; afin qu'ils  
se maintiennent en leur foy, & en en-  
suiuent la vie, puis qu'ils representent la



personne de I E S V S - C H R I S T. Vous voulez donc contre cet aduis, qu'on donne créance à vos propositions, qui ne sont appuyées que sur vos simples *inventions humaines*, sans nous dire qui vous estes : joint que les Prophetes n'ont jamais cassé l'ordre des sacrificateurs, & des Prestres, ny declamé contre le reiglement estably par Moyse, & quelqu'abuz qu'il y eut aux sacrificateurs : si est-ce qu'ils n'ont jamais dict, que la missiō ordinaire eust cessé, moins ont-ils vsurpé l'office des grāds Prestres, ne se trouuant vn seul Prophete qui aye euocqué à soy les causes appartenantes à la Prestrise souueraine. Et pour le regard de S. Iean, sa conception, & naissance accompagnée de miracles, le testimonage de son Maistre present, outre les Propheties, & sa vie innocente, & angelique ont autorisé sa mission plus qu'authentiquement. Quant à S. Paul,

*Luc. 1.**Act. 23.**Act. 9. 11.*

bien qu'il sceut, que la grande Prestise  
estoit cassée, si est-ce qu'il porte du res-  
pect à Ananias, qui le fit injurieusement  
souffleter ; & quant à la mission il l'a  
print premierement d'un simple disci-  
ple, puis du Clergé d'Antioche, qui luy  
imposa les mains : & par ceste voye il  
fut censé estre enuoyé par le S. Esprit: *Galat. 1.*  
outre le voyage qu'il fit par reuelation,  
& ordonnance diuine vers S. Pierre,  
S. Iacques, & S. Iean en Hierusalem : les-  
quels Apostres luy donnerent la main  
(ce dict-il) & le reçurent en leur com-  
munion, luy ordonnant qu'il eust soin  
des pauvres de Hierusalem : ce que ledit  
S. Paul assure auoir executé, & dict  
auoir faict tout cela de peur que pour  
neant il eut enfilé la course de la predi-  
cation Euangelique.

Iugez, Lecteur, avec quelle soubmis-  
sion l'ordre estably de Dieu a esté reco-  
gnu de tout temps par les hommes Di-



2. *Thesal.* 2.

Artic. 31.

*Luc.* 2.

*Matth.* 10.

uins, là où nos Reformateurs n'ont pas eu cet esgard, ny ceste modestie: car d'abord ils attaquent le Pape nostre chef, & le condamnent comme l'homme de peché, ennemy de Dieu. Ils ont fait vn article de foy, par lequel ils luy font le procez, comme à l'Antechrist. Vn certain je ne sçay qui (car il ne se nomme que par vn nom controuué) a fait vn liure intitulé, *Sac & pieces*, pretendant nous oster ce nom de Pape, pour casser l'autorité de l'Antiquité des anciens Peres; & condamne le Pape comme l'Antechrist; voire c'est le blanc, & le but, contre lequel il n'y a si malotru Religioneire appris par ses Ministres, qui n'y jette son trait de mocquerie, & de blaspheme, comme I E S V S a este appellé la butte des contradictions Iudaïques: & luy mesme a dict à ses Apostres, qu'ils s'estimassent heureux d'estre appelez endiablez, & pires que cela; puis

que luy-mesme qui estoit leur Maistre,  
& le vray Dieu, auoit esté appellé le grād  
Diable, & Beelzebud le Dieu des mou-  
ches. Il est raisonnable, que le corps du  
Fils de Dieu, qui est l'Eglise, reçoie les  
affronts, & les persecutions des hereti-  
ques, que son chef IESVS-CHRIST  
a reçu des Pharisiens, & des Iuifs, com-  
me souuent leur remonstre S. Augustin.

Au moins nos Parties ne peuuent cō-  
tredire à Calvin, qui asseure, que de qua-  
tre cens ans, il ne s'estoit fait aucune  
mutation de doctrine à Rome : & les  
Centuriateurs de Magdebourg, avec le  
Sieur du Plessis en son Mystere d'iniqui-  
té, tesmoignent la succession de mille  
cinq cens ans, qui a duré au siege Ro-  
main depuis S. Pierre, qui y est mort,  
ainsi qu'asseure Calvin au lieu que des-  
sus. Demochares a prins la peine de  
marquer en plusieurs Eglises particu-  
lieres la succession non interrompue

Caluin  
lib. 4.  
Instit.  
sect. 6.

des Euesques depuis le réps des Apostres, ou de leurs Disciples jusques à present, nommant les Pasteurs, qui de réps en temps ont succédé les vns aux autres, sans interruption aucune. Mais qu'est-il besoin de vous confuter par raison, ven que vous mesmes nous avez mis les armes au poing, en ce que vous dressez des articles, que la *parole escrite* de la Bible, ne dict jamais : à laquelle seule neantmoins vous voulez qu'on croye. Ceste vostre reigle sera la mine, qui ruinera vostre Party, & descouvrira vos confusions, & vos songes. Puis que vous n'y trouuez rien en faueur de vostre prétenduë autorité; & encor moins de vostre doctrine reformante. Vous voulez que la seule foy nous justifie; qu'il n'y ait que deux Sacrements; vous voulez persuader, que l'Eglise de Dieu soit ruinée, avec toute sa hierarchie: vous nous preschez, que le Purgatoire,

que le jeusne de Carefme, que les perigrinations sont inuentions de Satan, que le Baptesme, & l'Eucharistie ne contiennent que des signes, dequoy l'Escripture sainte ne dict aucun mot pour vous: & quād elle ne diroit rien aüssi pour nous, qui n'entreprenons point de reformer l'Eglise (beaucoup moins par la seule Escripture) tousiours serez-vous trouuez preuaricateurs.

Or apprenez-nous Messieurs les Reformateurs, qui a obligé Dieu de choisir ceste voye *extraordinaire*, pour vous susciter? Vous le dictes sans le dire: car vous ne prouuez rien, & en faictes la cinquiesme proposition reformée, delaissee toutesfois à l'abandon comme vn œuf d'austruche; par ce que vous n'accompagnez vostre dire d'aucune preuve que ce soit, vous contentant de le dire. Car quant à *vostre seule reigle* la Bible, vous y renoncez à chasque coup,

proposant tant d'articles, de clauses, & de propositions, sans que jamais nous oyons parler ny Prophete, ny Apostre, ny Euangeliste; nul arbitre, nul juge, sauf vos seules inuentions purement humaines. Examinons donc icy en son lieu propre la cinquieme proposition, qui semble donner feuille à la mission extraordinaire.

EXAMEN DE LA 5. PROPOSITION  
de la clause quatriemesme.

CHAP. XI.

5. Proposition.

Vostre cinquieme proposition dit donc, que vostre extraordinaire Mission est fondée sur ce que l'estat de l'Eglise estoit interrompu (ce dictes vous.) Le vous demande maintenant en quoy, & où gist cest estat Ecclesiastique, & son interruption? Est ce en la seule doctrine, ou bien en l'autorité des personnes,

sonnes, qui auoient succedé aux Apostres, ou en tous les deux ensemble? vous dirés ou deurez dire, que c'est en l'un & en l'autre. Aussi en vostre article vingt cinquiésme vous assurez que *l'Eglise ne peut consister, sinon qu'il y aye des Pasteurs, qui ayent la charge d'enseigner, & qu'on doit honorer & escouter en reuerence, quand ils sont deüement appellés.* Si que par la conference de ces deux lieux icy, il appert que vous parlés principalement des personnes, veu mesme-ment que vous imposés la loy à vos ouailles de les escouter & honorer; à la charge neantmoins, qu'ils soyent deüement appelez: Dequoy l'entente gist au diseur, car comment que ce soit celuy sera tousiours deüement appelé, qu'il vous plaira de receuoir. Mais parce que vous auez accoustumé de sauter de la doctrine aux personnes, & de celles cy à la doctrine & aux Sacremés, nous com-

R

prendrons le tout ensemble, discourant de tout l'estat de l'Eglise, que vous voulés estre posé sur la vraye doctrine, & sur le bon vsage des Sacremens conferez par les Pasteurs. Ce que nous ferons non ja pour disputer avec vous ( car la dispute ne se peut instituer sans ordre & discipline, comme nous auons remonstré, suiuant la doctrine de S. Paul) seulement sommes nous icy en peine, comme nous prendrons la loy de vous, pour trouuer vne regle certaine avec vn iuge infallible.

Vous affirmez donc, que l'estat de l'Eglise a esté interrompu; mais de quelle Eglise parles vous ? est-ce de l'inuisible du sieur du Plessis Mornay, qui voudroit que tout fust inuisible, & mesmes ses erreurs : afin que luy tout seul triomphast du monde, & pour ne seruir de risée és compagnies des sçauans, & de scandale à tout vostre party. Certes



*pour desabuser les esprits.* 259

vos articles vous obligent de parler de l'Eglise, dans laquelle on doit auoir les Pasteurs, & les honorer comme di- soit tantost vostre article 25. & qu'ils soyent deuëment appelez, outre que vous constituez pour marques propres de l'Eglise la predication de la parolle; & l'administration des Sacremens, qui sont choses sensibles. Dictes nous donc Messieurs, premierement qui sera le Iuge entre vous & nous sur ceste proposition, *que l'Eglise a esté interrompue*? Nous voyons bien ce que vous en couchés en vostre arrest, mais il doit (ce dictes vous) estre *examiné, réglé, & reformé par la seule parolle escrete*, dans laquelle nous ne trouuons pas cecy. La verité est que nous y trouuons bien le contraire, mais c'est folie à nous de vous rien alleguer iusques à ce que vous ayez reconnu de bonne foy la nullité tant de vos articles, que de toute vostre Religion,

R. 2



bastie icy dessus. Et tout ce que nous  
alleguons par fois, ce n'est qu'en faueur  
des Catholiques, & pour ceux de vostre  
Religion, qui marchent de bonne foy.  
La condemnatiō cruelle que vous faites  
de nous, & l'vsurpation d'une induē  
auctorité que vous vous attribuez, nous  
empechant de rien dire. Dispensez nous  
donc & tout vostre party de cest article  
de foy, ou renoncés au cinquiesme, qui  
vous attache à la seule Bible. Faites  
encore mieux, cassés les tous deux, car  
j'employe celuy-cy contre celuy-là; &  
celuy la contre celuy-cy; & contre tous  
deux ce que la parolle escrite en pro-  
nonce, pour dire ce mot d'instruction,  
nous commandant d'apprédre de l'E-  
glise ce qu'il faut croire en nos contesta-  
tions, & à quoy il se faut tenir. La mesme  
parolle escrite nous enseigne que ceste  
Eglise est l'appuy de verité; c'est la qu'il  
la faut trouuer; c'est là qu'il la faut apren-

*Matth. 16.*

*1. Tim. 3.*

*Isac. 21.*

dre, c'est en ce Royaume du Ciel, en  
ceste maison de Dieu, que nous apren-  
drons les voyes du Seigneur. C'est en  
ceste montaigne de Sion, où le S. Esprit  
est premierement descendu sur ses Apo-  
stres, pour se resprendre par l'univers,  
ainsi que parlent les Escritures en ter-  
mes bié authorisés. Là nous trouuerons  
ceux, à qui Dieu a donné les clefs du pou-  
voir de nous regir, & de la science, afin  
de prononcer la sentence de verité, &  
de Iustice sur tout ce qui sera en dispu-  
te, le Ciel emologant & confirmant les  
jugemens qui en seront emanés, com-  
me promet nostre Sauueur, qui ne parle  
jamais de ceste vostre pretendue inter-  
ruption d'Eglise. Ez mesmes saintes  
lettres nous trouuons la Prophetie ex-  
presse d'Isaye, que l'esprit & la verité  
que Dieu donneroit à l'espoux de l'E-  
glise demeurerait en sa bouche, pour  
dire les infallibles verités, & en la bou-

*Act. 2.*

*Luc. 24.*

*Matth. 16.*

*Matth. 16*

*Isa. 55. 11.*

*Matth. 16.*

*Joan. 21.*

*1. Cor. 15.*

che de la semence, & de la semence de la mesme semence eternellement. C'est ce que I E S V S dict en propres termes, que les portes d'Enfer ne preuandroiét jamais contre ceste sienne Eglise: laquelle il promet de fonder sur S. Pierre, & de luy en bailler les clefs, que le mesme I E S V S appelle les clefs du Royaume des cieux; tant parce que de là nous aprenons le chemin du Paradis, comme aussi d'autant que nous laissons regir & gouuerner par ces clefs, & par ceste puissance celeste, nous ne manquerons d'auoir la vie eternelle, comme brebis de I E S V S - C H R I S T, commises routes à la charge du mesme S. Pierre, ainsi que le tesmoigne l'Euangile de S. Iean.

Au reste bien que ceste Eglise soit composée d'hommes, & que son chef soit homme; Dieu neantmoins, qui est chef, & qui par luy anime tous ses membres est plus puisant, que nous ne sommes foi-

bles; & a dōné parole expresse à S. Pierre, que sa foy ne manqueroit jamais. 1. Cor. 5.  
Qu'on voye à la marge les citations des passages formels du nouueau Testamēt, auxquels nous reiglons nostre dire, sans extrauaguer, comme verront nos propres aduersaires dans leurs Bibles, pourueu qu'ils procedent en cet affaire de bōne foy, laquelle je desire fort en eux.  
C'est de ces archiues Diuins, Messieurs, que nous auons appris ces propositions qui suiuent; que I E S V S a basti vne Ephes. 5.  
Eglise son espouse, pour laquelle il a employé son sang, & qu'il l'a mise ez mains des Euesques, & ce pour la regir, comme dict S. Paul, qu'il luy a promis Act. 10.  
perpetuelle assistance contre Satan. Mais d'auoir leu qu'elle fust *jamais interrompue*, ou qu'elle le deust, ou le peust estre, ce n'est qu'un vray songe d'un homme enyuré de quelque forte perturbation, qui luy persuade à credit ce qu'il souhai-

*Ephes. 5.*

te passionnement ; veu mesme qu'à ce compte S. Paul auroit dispensé toutes les femmes de la subjeçtiõ de leurs maris, leur permettant de faire banqueroute à la foy de leur Espoux: par ce que l'Apostre donne ceste loy aux femmes, qu'elles leur obeissent en toutes choses (s'entend honnestes, & justes) comme l'Eglise le faict à IESVS-CHRIST. Que si l'Eglise s'est prostituée, & a pailardé (ainsi que parlent honnestement nos Aduersaires reformez) qui ne void, que les femmes sont à l'abandon, par la raison de S. Paul, si l'article des Reformateurs est receuable, qu'il ne faut croire que l'Escriture seule? En fin, Messieurs, quel estat fairions-nous jamais de vostre prétendue Eglise, que vous prétendez *bastir tout de nouveau*, si celle de IESVS-CHRIST a esté interrompue? Que deuiédroit le sang du Fils de Dieu? sa mort? sa passion? ses merites? son Euân-

gile? sa parole? le sang de millions de  
Martyrs? si le cours de ceste Eglise; si  
cet estat Diuin se trouuoit auoir esté bri-  
sé, & interrôpu? non dix ny douze jours,  
mais plus de mill'ans? Que deuiendroier  
les promesses faites à ceste maison, qu'el-  
le ne seroit jamais suppeditée par Satan,  
que sa durée seroit sempiternelle? &  
apres tout cecy, vous hommes, & par  
vostre condition menteurs, & fautifs,  
dresserez vn'Eglise eternelle, & celle  
que Dieu a fondée par sa route-puissan-  
ce sera brisée, comme vn verre par vo-  
stre seule affirmation? Qui jamais s'ar-  
rêtera à vos comptes? Qui voudra pe-  
netrer bien auant en la consideration  
de ces articles reformez, trouuera qu'ils  
sont excellents pour eschapper la con-  
demnation; à la charge neantmoins,  
qu'ils soyent prononcez, & soustenus  
d'une audace extreme: par ce qu'ils n'ont  
aucun appuy: mais ils ne valent rien

Matth. 16.

Luc. 1.

Daniel 2.

Rom. 3.

Psalm. 115.



pour establir quelque ordre, ou quelque forme d'estat Ecclesiastique, ou de doctrine. D'où il appert de quel humeur estoient les fondateurs de ceste pretenduë Reformation, qui ayant fait vne si horrible reuolte, & designans la ruine de toute la Chrestienté, & le bouleuersement de tous les estats Monarchiques, n'ont pensé bonnement qu'à eschapper le supplice, & la condamnation.

Finalemēt instruisez-nous, qui a interrompu l'estat de Dieu ? quand est-ce que ceste *interruption* est arriüee ? est-ce par le deffaut, ou par la malice des hommes ? Calvin aduoue, qu'en l'Eglise Romaine Dieu y a conseruë les marques de la vraye Eglise ; mais quelles marques ? celles, dict-il, principalement, desquelles la vertu n'a peu estre abolie, ny par l'astuce du Diable, ny par la malice des hommes. Voire le mesme dict, que l'Antechrist s'ingérât

Caluin  
lib. 4.  
Instir.  
cap. 2.  
§. 12.

en ceste Eglise, qu'il assure estre la Romaine, n'abolira point le nom de CHRIST, ny de son Eglise. Et notez, ny de son Eglise. Il parle donc de l'vnique Eglise espouse de I E S V S. D'où apprenez-vous dont Messieurs, que l'Eglise de Dieu, & son estat a esté interrompu? Pour le regard de la doctrine, ou des Sacremens, dites quelque chose, qui merite, au moins qu'on vous escoute; citez quelque chose, alleguez quelque preuue, puis que les Disciples de Pythagoras sont morts, qui n'auoient autre chose à dire, sinon que leur Maistre l'auoit dict. Que si Dieu est vostre Maistre, vous ferez re- nus d'alleguer simplement ses paroles: mais ce bon Dieu ne dict jamais rien pour vostre reformation. Et où prononça-il jamais que l'Eglise Romaine seroit interrompue? qu'elle seroit ruinée? qu'elle a delaisié, ou aneanty, ou banny la pure Verité Diuine, ou les Sacremens? Au de-



meurant, vous renuersez l'autorité des Peres, des Conciles, des Roys, de toute la sagesse humaine, voire l'Eglise mesme, si l'Escripture expresse ne les reforme: & vous seuls hommes honteux de vous nommer, voulez estre receus à tout dire, & à ordonner de tout contre la parole de Dieu, sans aucun fondement, ny appuy de vos paroles. C'est trop abuser de la credulité de ceux, qui vous suyuent; c'est aussi descouurir trop ouuertement leur incredulité vers Dieu, le taxant d'auoir abandonné cōme mauuais espoux son Eglise. Le mesme Dieu toutesfois auoit promis de ne luy donner jamais le libelle de repudiation: autrement l'Eglise estant son Corps, le chef demeureroit sans corps, & l'espoux seroit espoux sans espouse. Quelles nullitez de ce Party pretendu? quel monstre nous represente-il d'une teste sans corps? d'un corps sans teste? d'un estat eternal, & qui

*osce 2.**Ephes. 1.**1. Cor. 11.*

neantmoins apres auoir subsisté quatre cens ans, a esté interrompu plus de mil- l'ans. Examinons le reste.

EXAMEN DE LA 8. PROPO-

*sition de la clause quatriesme.*

CHAP. XII.

**V**Enons à la huitiesme proposition, où vous nous dites, que cet estat 8. Propo-  
sition. du Ciel est ruiné, c'est parlé plus clairement que de dire, que l'estat estoit interrompu: mais aussi est ce parler bien hardiment & sans adueu. Dites nous donc Messieurs, où est ce qu'on retrouuera son salut, si l'Eglise est ruinée? qui releuera les ruines de la maison de Dieu? qui remettra ceste colonne de la verité, comme parle S. Paul? Ce n'a pas esté 1. Tim. 3. vn grād inconueniēt que la Synagogue bastie par Moyse (valet & creature de I E S V S) fust antiquée & ruinée, cela a-

Matth. 18.

Joan. 11.

Jerem. 31.

Osee. 2.

uoit esté predict cent & cent fois. L'acte de sa desolation arriua en effect apres les Propheties, quand elle chassa outrageusement son Messie, lequel a peu redresser les ruines d'une façon plus excellente, que n'estoit la premiere, de quoy parle souuent l'Ecriture. Mais qui osera mettre la main aux vieilles mazures de l'edifice faict par l'Eternel; & ruiné par la foiblesse des hommes? si tant est que ceste sienné maison soit non seulement interrompuë mais ruinée, comme vous oses asseurer; & ce sans preuue & sans apparence. Vous dites (Messieurs les Reparateurs des ruines de Dieu, Contrerolleurs de son Espargne) vous dites dis-je en vostre huitiesme proposition que Dieu vous a suscités extraordinairement; pour dresser l'Eglise de nouveau, apres auoir osé prononcer de vostre teste, que l'Eglise estoit interrompuë. Voicy vne entreprise violente de mettre

en auant ceste proposition icy. Car que scauriez vous respōdre à toutes ces questions? Premièrement en quel passage trouuera on ceste proposition inouïe, que l'Eglise de Dieu aye esté tellement interrompue, voire abbatuë, qu'il la faille rebastir tout à neuf: car vous l'auiez *bastie de nouveau* (ce dites vous.) Qu'a donc fait Dieu? où a esté, où qu'est deuenue le Corps du Verbe incarné, l'Espoux de son Eglise? & puis que vous dites que l'Eglise Romaine a failly deuant douze cens ans, où a esté la maison de Dieu? la verité? & la Colonne? veu mesme que pendant les persecutions horribles des Empereurs, qui la poursuioyent à fer & à feu, elle s'est fait voir par tout l'vniuers, comme il appert par les edicts des Empereurs contre les Chrestiens Romains, & par vn monde d'histoires Grecques & Latines, sacrées & prophanes. Que si la Sinagogue, à la-

3. Reg. 19.

quelle Dieu ne s'estoit si estroitement  
lié, triomphoit en Hierusalem, lors mes-  
me qu'Elie se plaignoit du massacre fait  
des Prophetes, pensons nous que l'Es-  
pouse du fils de Dieu ayt esté abandon-  
née plus de mill'ans? voire jusques à son  
extinction entiere, de sorte qu'il l'aye  
fallu bastir de nouveau par des gens in-  
cogneus, & sans adueu? Ceste seu-  
le prescription conclud contre vous,  
nouveaux venus, qui apres tant de sie-  
cles, vous arrogés ceste qualité de sou-  
uerains Architectes enuoyés du Ciel  
pour *bastir l'Eglise de nouveau*. Encore  
si vous disiez auoir esté esleus, pour bal-  
lier ceste maison de Dieu, pour en oster  
les araignées, pour la meubler de quel-  
que rare piece de vos escrits, esclaircif-  
sant les verités de l'Euangile, si vous di-  
siés que comme Massons prophetiques  
vous aués esté choisis, pour aller aux  
Indes, penetrant les mers, & les sablons  
de la

de la Lybie, pour trafiquer les ames à Dieu, pour bastir de nouveaux corps de logis, par la conuersion des peuples & nations barbares, cela seroit passable; ou si vous eussies tasché de reparer quelque pan ruyneux des murailles de l'Eglise, vous eussies eu quelque couleur; ou si vous estans Moines & Prestres eussies entrepris de reformer nos desordres au moyen de vos belles remonstrances, & de l'austerité de vostre vie, tout cela seroit receuable. Mais quittant le froc, renonçant au vœu de chasteté; alleguant ceste vilaine excuse, que vous brusliés de concupiscence; entreprendre de bastir tout de nouveau l'Eglise de Dieu; de tailler vn corps nouveau au Verbe incarné; substituer vne garce à son Espouse, pour laquelle il estoit mort: certainement la seule pensée de cest attêtat vous deuroit faire frissonner.

Vostre hardiesse ne se descouure pas

S



moins au tiltre vniuersel de vostre parry  
appellant vostre pretendue Eglise ba-  
stie de nouueau, *la Religion Reformée:*  
qui est vne tiltre si arrogant, que qui le  
veut bien considerer, vous verra passer  
l'orgueil de Sathan, qui par sa persuasion  
enorgueillit le cœur d'Adam & d'Eue,  
à certa ne mesure de grandeur Diuine,  
leur disant, Vous serés cōme des Dieux  
en la sciēce du bien & du mal: & quāt à  
luy il n'a desiré, que d'estre esgal à Dieu.  
A quoy on rapporte ce qui est en Isaye,  
*Je me rendray semblable au Tres-haut,*  
*mettant mon siege sur l'Aquilon: & joind*  
*que l'Archange, qui precipita du Ciel*  
*ce viel Dragon (au rapport de S. Iean)*  
*s'appelle Michaël, qui signifie qui sera*  
*comme Dieu?* voulant dire que l'En-  
fer estoit pour celuy, qui vouloit estre  
cōme Dieu. Quel lieu & supplice vous  
sera donc reserué, attendu que vostre in-  
iure, Messieurs les Reformes, soubz vn

*Genes. 3.*

*Isa. 14.*

*Apoc. 12.*

nom bien doux passe celle cy de Lucifer?

Et à ce que vous le puissiés bien entendre, sçachés, si vous ne le sçaeuz, que le mot de *Religion* signifie vne Vertu morale, qui nous rend propres à croire de Dieu, & à faire pour son seruice, tout ce que Dieu mesmes nous a commandé d'en croire & d'en faire. Ceste vertu morale est posée entre deux extremités vicieuses : tout ainsi que la Iustice de laquelle la Religio est la principale partie. Ces deux extremités sont le trop, & le defaut : celui-cy s'appelle *Impieté*, l'autre se nomme *superstition* : ne l'un ne l'autre ne sont *Religion* à parler proprement, comme il faut tousiours parler, traitant de bõne foy, mesmement en affaires si espineuses, & de si grande importãce. Puis donc que Dieu seul est Autheur de la Religion, il est impossible, qu'elle prenne des hommes aucune re-



formation: si ce n'est qu'on veuille taxer la diuine sagesse d'auoir failly en la chose du monde, en laquelle sa Diuine gloire, & nostre salut sont le plus intéressés, qui est la Religion. *C'est icy la plus iniurieuse entreprise contre le Createur, que l'Enfer mesmes se sçauroit imaginer: & neantmoins c'est l'honneur & la gloire de haut appareil de ceux, qui se donnent vn tiltre non jamais ouïy, sçauoir est la Religion Reformée se declarans par là estre les bastisseurs de la tour de Babel, contre Dieu & contre son Messie, prononceants cest arrest que la maison de Dieu est ruinée, la force du Trespuissant ayant cédé à Satan contre les promesses Diuines.*

Vous Messieurs, qui estes de ce party, par le malheur de vostre naissance, ou par la nourriture, iugés de ce desordre, & sauués vous fuyant grand erre ceste confusion, qu'on vous fait jurer

comme article de foy, ainsi que si Dieu mesme l'auoit escrit en ses liures sacrez.

Ce que vos Ministres ne sçauroyent ja-  
mais monstrier: Ains le cōtraire est cou-  
ché en grosses lettres, que ceste Eglise,  
ceste maison de Dieu, la colomne de la  
verité bastie par I E S V S, lauée & redi-  
mée par son sang, choyfie par luy mes-  
me, comme son propre corps, sa pleni-  
tude & son Espouse, qui ne seroit jamais  
vaincuë: & neantmoins vous hommes  
mortels, & fautifs osés leuer les cornes  
contre cest ouurage eternal, & contre  
son Autheur, disant que Dieu vous a  
enuoyés extraordinairement, *pour dres-*  
*ser l'Eglise de nouueau*; rendant Dieu  
menteur & preuaricateur tout ense-  
mble; menteur par ce qu'il manque de pa-  
rolle ou certes de pouuoir & de bonté,  
n'ayant peu ou sçeu ou voulu maintenir  
ce qu'il a promis: & toutesfois c'est luy  
seul qui est ferme & fidelle en ses parol-

*Matth. 16.*

*1. Tim. 3.*

*Act. 20.*

*Ephes. 5.*

*1. Eph. 4.*

Rom. 3.

les estant tel de foy, & non par vertu  
empruntée. Tout homme au contraire  
est menteur au pris de luy, & ne peut  
dire verité aucune que par sa grace ou  
generale ou speciale. Outre ce vous le  
constitués aussi preuaricateur en ce qu'il  
bassit chez vous (ce dictes vous) ce qu'il  
ruine en nous. Car vous pretendés qu'il  
establit en vostre assemblée, ce qu'il rui-  
ne en celle des Romains. Or si ie bastis  
ce que i'ay ruiné ( dict S. Paul ) ie me  
constitue preuaricateur. Certainement  
Messieurs, vous avez fait en ce grand  
& irreparable mal ( par lequel vous a-  
vez damné vn million d'ames ) ce bien  
pour vous, que d'auoir teu vostre nom  
vous sentant aussi coupables que l'In-  
cendiere du temple de Diane. Bien est  
vray qu'une si grande meschanceté ne  
peut vous tenir cachez tirant apres soy  
vne hayne publique. Brisons icy ce dis-  
cours afin de prendre vn peu d'haleine.

*Continuation du mesme propos.*

CHAP. XIII.

**O**R afin que vous recognoissiez, que  
l'Ecriture sainte ne nous permet  
de vous croire: jugez-le par vostre inte-  
rest, Messieurs les Ministres mariez: car  
côme nous auons touché, S. Paul dōne *1. Corinth. 7.*  
aux Corinthiens ceste reigle de fidelité,  
pour des femmes mariées enuers leurs  
maris, qu'elles leur obeïssent en tout, cō-  
me l'Eglise faict à IESVS-CHRIST.  
Que s'il est vray, que l'Eglise se soit pro-  
stituée à toute superstition, & ordure,  
comme vous dictes: certes vous donnez  
à vos femmes la clef des champs, pour  
vous faire tous les torts du monde, voi-  
re vous les obligez à l'adultere. Car  
S. Paul commande aux femmes mariées  
d'en vser tout ainsi enuers leur mary, en  
matiere de fidelité, que l'Eglise le faict

*Apoc. 17.*

enuers I E S V S son espoux. Que si elle s'est prostituée à toute sorte d'ordure, que ne doiuent faire de mal vos plus chastes espouses? Vous vous faictes vn grand tort, jusques à vous rendre semblables à la beste de l'Apocalypse, portant plus des cornes, que de testes: au moins estant si mal, ou si bien marquez, nous fairiez-vous cognoistre l'extreme desordre de vostre deformation, conforme à la fable d'Acteon. Laissons vos jeux, & venons aux grandes veritez, abbatant vostre babil destitué d'honneur, & de toute verité.

*Rom. 1.*

S. Paul escriuant aux enfans de l'Eglise Romaine nous apprend, que leur foy est preschée, & annoncée par tout le monde; il ne dict pas qu'elle soit renommée (comme a traduit vostre Bible gasteée) mais qu'elle est preschée par tout l'vniuers: & notez qu'il dict vostre foy, & qu'il parle à l'Eglise Romaine. Il dict

aussi, que la foy des Romains estoit la  
sienne, qui estoit indubitablement Apo-  
stolique. Voila donc vne foy Catholi-  
que, & Apostolique, attribuée à l'Egli-  
se de Rome: par ainsi ceste Eglise est  
vrayement Catholique en sa creance  
(ce dict la Bible) Apostolique, & Ro-  
maine. Aussi Caluin ne fait difficulté  
de dire, que l'Eglise Romaine est l'Egli-  
se de IESVS-CHRIST. Que si vous  
aduouiez que cela estoit vray du viuant  
de S. Paul, mais que depuis cette assem-  
blée s'est reuolté contre Dieu: ce sont  
des propos que l'Escripture ne tient pas;  
mais nos Aduerses parties. Estimez  
Lecteur, quelles cautions nous auons  
de ces gens. C'est donc à vous à prou-  
uer l'atroce accusation, que vous nous  
mettez sus; sçauoir est, que nous  
auons ruiné, ou cette foy Romaine, ou  
cete Eglise, sa mission, ou sa doctrine,  
ou le tout ensemble. Correz-nous seu-

*Jbidem.*

Caluin  
Instic.  
lib. 4.  
chap. 2.  
§. 15.

Diuines ne se puissent appliquer à nos temps. Recognoissez au moins par là, vostre erreur : & permettez-nous de descouurir vostre ruse, d'auoir pris pour reigle, & pour tout Iuge, ce qui ne peut vous seruir à rien prouuer de vos pretensions : n'ayant peu comprendre qu'au mesme temps, que vous pensiez vous mettre à couuert, de toute condamnation ( euocquant vos causes à la *seule Bible* ) vous vous estes pareillement priuez de toute sorte de reigle, & d'autorité, pour vous establir, ou pour fonder vos impertinentes calomnies. Par ce qu'on ne pourra jamais voir dans le nouueau Testament en termes formels la condamnation, que vous prononcez contre nous, ny les articles de vostre foy pretenduë. Certes vous deuiez avec l'Eglise ruiner aussi l'Ecriture sainte, & bastir de nouueau avec l'Eglise vne nouuelle Bible, d'as laquelle vous eussies peu

trouver tout ce, que vous y eussiez mis. D'ailleurs lisez S. Paul escriuant aux Ro- *Rom. 6.*  
mains, vous le verrez affirmer, que l'E-  
glise Romaine a reçu la forme de la  
doctrine. Puis donc que vous jugez la  
forme de nostre Religion estre ruinée,  
pour autant que nous auons banny la  
verité Diuine (comme vous dictes en  
l'article vingt-huitiesme de vostre con-  
fession, ainsi que nous verrons tantost)  
il sera necessaire de chercher vn autre  
forme de doctrine, & de verité, & de  
monstrer par la parole escrite, où c'est  
qu'on la trouuera. Encore y faudra-il  
trouver quand les Romains ont quitte  
cette forme, & en specifier l'année, &  
les autres circonstances, comme nous  
auons desja notté. Car l'Apostre S. Paul *Rom. 6.*  
ayant dict, que l'Eglise Romaine auoit  
reçu cette forme, il faut sçauoir com-  
me elle s'est perduë; veu mesmement  
que par les paroles de l'Apostre, elle



semble inseparablement attaché avec cette Eglise Romaine: par ce qu'il donne hardimēt aux enfans de cette Eglise vne reigle generale, pour se garantir de toute sorte de nouveauté, & d'erreur. Voyons ceste grande verité en vn chapitre à part, quelle reigle S. Paul donne aux enfans de l'Eglise Romaine, pour recognoistre les veritez diuines.

*Rom. 16.**La vraye forme de la doctrine Diuine.*

## CHAP. XIII.

**P**renez garde (dict ce vaisseau d'election) à ceux, qui contrediront à la doctrine, que vous avez reçu, & fuyez-en la conuersation: car telles gens ne seruent pas IESVS-CHRIST, mais leur ventre.

Notez Lecteur, avec attention, que S. Paul ne dit pas à l'Eglise Romaine qu'elle se garde des erreurs, ou des mau-

uaises conséquences, ou dez arguments, qui ne serōt pas en forme syllogistique, ny aussi des interpretatiōs mal fondées, qu'on pourroit dōner aux passages de la Bible: car on eut esté en grāde peine d'auoir vn juge, & vne regle bien subtile pour le discerner. Il ne dit pas, qu'on rejette ce qui ne sera *conforme*, ou *selon l'analogie de la foy* des escritures, ou qui ne sera *equivalent*: veu que ce sont subtilités philosophiques. Il ne dit pas aussi qu'on se garde des faux Prophetes, parce qu'il y a plusieurs marques necessaires à les descouurir, qui ne sont pas si aisées qu'on diroit biē; il ne dit pas qu'on se garde des estrāgers, ou de ceux qui ne sont pas dans l'Eglise, car ainsi il eut fallu se garder de toute la Philosophie naturelle, & des preceptes qu'Aristote dōne sur les bonnes conséquences. Toutes les histoires prophānes seront aussi interdites; il ne dit rien de tout cela: mais

il prononce vniuersellement & simplement que ceux, qui contredisent à la doctrine reçeüe en l'Eglise Romaine, seruent à leur ventre, & non à IESVS-CHRIST, & partât qu'on aye à se retirer de leur conuersation. Il ne dit pas seulement que ces contredifans errent; il ne dit pas qu'ils pechent; il ne taxe pas ces gens là de temerité; il ne veut pas qu'on estime qu'ils se trompent seulement en ce point, qu'ils peuuent mettre en auant: mais il trache tout à fait, & nous commande absolument que nous ayons à les tenir pour Idolâtres de leur vêtre, c'est à dire cōme hōmes qui ne croient aucunement en Dieu, & qui ont renoncé au seruice de IESVS-CHRIST. Nous declarât, par ceste façon de parler, qu'il ne se trouue aucun seruice de Dieu, ny de IESVS-CHRIST, hors de la doctrine & de l'auctorité de l'Eglise Romaine; la publiât par cela la thresoriere des verités diuines, la vraye maison de Dieu, la

colom.

colône & l'apuy de la pure verité, reconnoissas icy les jugemens du ciel, qui permet qu'il y ayēt des heresies; afin que par icelles (tout ainsi que l'or par le plomb) la sainte doctrine soit espurée, iusques au tiltre de vingt & quatre Karrats. Qu'on ne se flatte donc plus ny d'auoir esté baptisé; ny d'auoir la Bible, ny de croire en Dieu, ou d'esperer le salut acquis par la mort & passion de nostre Seigneur, & qu'on ne se targue point des aumosnes qu'on fait, ou d'une vie qui semble innocente: il se faut assurer à ceste parolle de Dieu preschée & escripte par S. Paul; & croire fermement que quiconque contredit à la doctrine des Romains est Idolatre, & seruiteur non des hommes, ny des Anges, ny du soleil, ny de la lune, mais du ventre. Apres tous ces tesmoignages donés à l'Eglise Romaine par vn Apostre, & par la parolle de Dieu escripte, comment osés

T

vous Messieurs y contredire, substituant vos *inventions humaines*, & modernes à ces oracles du Ciel, disant que ceste Eglise Romaine à *banny la verité Divine*, qu'elle est ruinée, & que celuy qui preside à ceste Eglise est l'*Antechrist*. Vous ne vous pouviez condamner plus notoirement, qu'en dressant contre nous (Romains de creance) vne si violente accusation; puis qu'elle choque contre ce roc de la parolle de Dieu tant expresse, disant que les portes d'enfer ne pourront jamais triompher de ceste Eglise fondée sur S. Pierre, qui est la base de l'Eglise Romaine, ainsi que le publie Caluin en la defence & apologie de vostre confession de foy reformée. Jugés maintenant Messieurs les Religioneux, si vous aués raison de vous reuolter contre ceste Espouse de I E S V S, vous mesmemēt qui estes fugitifs de ce camp inuincible, de ce corps de Dieu, & de

*Matth. 16.*

ceste sienne maison : & considerés s'il vous est bien seant, ou si vous pouués avec iuste tiltre accuser ceste *Eglise de rayne*, pour vous vsurper l'autorité de vous en *bastir vn autre de nouueau*. Ce sont de mauuais enfans, desnaturez, dira quelqu'un, qui accusent leur mere de paillardise.

Oyés maintenant ces gens, que vous n'aués osé nommer (tant leurs noms sont honteux) & recognoissés, qu'en ce qu'ils contrarient la doctrine Romaine, ils n'ont autre diuinité à seruir qu'à leur ventre, duquel les temples sont les cabarets ou les cuisines, & comme disoit Caton *similes habent labra lastrucas*. Au moins voulussies vous ouyr le Patriarche de la reuolté de nostre temps Luther, vous verrez comme il contredit à cette vostre pretendue ruine *attribuée à l'Eglise Romaine*. Car au liure qu'il a fait contre les Anabaptistes, il couche



ces propres termes contradictoires aux vostres. Nous confessons ( dict-il ) que sous la Papauté, non seulement il y a force bien du Christianisme, mais aussi le vray Christianisme: voire c'est de là que nous le tenons, car nous avons de la Papauté l'écriture sainte, le Baptême, le vray sacrement de l'Eucharistie, les vraies clefs de la remission des pechés: & finalement il assure, que le vray noyau de la Chré-  
tienté est en la Papauté.

Comment osés vous donc contre vostre Patriarche dire, que ceste Eglise Romaine est ou interrompue, ou ruinée, ou qu'elle a banny la pure verité de Dieu? Calvin aussi aduoué clairement en plusieurs lieux que l'Eglise Romaine est l'Eglise de Dieu, & son vray temple. Il dict plus; sçauoir est que l'Antechrist ( qu'il dit estre le Pape ) n'abolira point le nom de Dieu, ny de son Eglise: & norés qu'il met ensemble Dieu, & son Eglise; &

Caluin  
lib. 4.  
Instit.  
cap. 2.  
S. vlt.

jugez que partant il ne parle point d'autre Eglise, que de celle de Dieu, qui n'est qu'une. *Ainsi il reste (dict-il) quelque marque de l'Eglise: Mais n'y en a-t-il qu'une? ou seront elles foibles? oyons Calvin là dessus. Principalement celles (dit-il) desquelles la vertu n'a peu estre abolie par l'astuce du Diable, ny par la malice des hommes. Notez cecy Religioneux, & consultez vos docteurs, pour sçavoir quelles sont les marques de l'Eglise; ils vous diront, que vous lisiez vostre article vingthuitiesme, par lequel vous reconnoistrez, que les vraies marques de l'Eglise de Dieu (à leur aduis) sont la predication de la parole divine, & l'usage legitime des Sacremens. Ce que maintenant (ce disent-ils) il n'y a point d'Eglise. Ce qu'aussi Calvin assure franchement, Calvin disant, que les marques de la vraie Eglise sont la predication de la pure parole, & l'usage des Sacremens. Or luy mesme*

Calvin  
lib. 4.  
Instit.  
cap. 1.  
§. 7. 8. 9.



nous tesmoigne, que les marques de l'Eglise, qui sont de la plus grande vertu, & qui ne peuuent estre abolies par le Diable, sont conseruées en l'Eglise Romaine. Il faut donc que vous passiez condamnation, de nous auoir accusez faussement, ou que vous estes pires que le Diable, & que tous les malings, d'auoir peu ruiner l'Eglise, & l'abolir par vos seules paroles : ou il faut, que vous la laissiez entiere, & sans ruine, attendu que l'arrest, que vous prononcez de sa desolation, met au neant les principes de toute vostre prétendue Reformation. Considerés au moins, Messieurs, comme ces gens bastisseurs de la nouuelle Eglise de Dieu, se contredisent, & comme en mesme temps ils desguisent les passages. I E S V S a dict (parlant non des marques de l'Eglise, mais de l'Eglise mesme) que les portes d'enfer n'aboliroient jamais cete Eglise, qui est cela

*Matth. 16.*

mesme qu'aduoüe Calvin, changeant le nom par l'attribution faicte aux marques, que le Sauueur pronõce de l'Eglise en termes exprez, & formels. Quoy faisant il reforme Dieu, & sa parole. De maniere que le pauvre peuple, qui suit les Ministres, est obligé de repudier la Bible expresse, pour espouser les inuétions Ministeriales, pleines de contradiction. Ne faut-il pas auoir bonne enuie de se perdre, allant apres ces Pasteurs prétendus? Prennons neantmoins ce que nous donnent nos Aduersaires, nous en auons assez. Vous jugez donc Messieurs, qu'on cognoit l'Eglise par ses marques; or les plus certaines, & fondamentales sont les plus fortes: ce sont celles (ce dict vostre fondateur) desquelles la vertu n'a peu estre establie par l'astuce du Diable, ny par la malice des hommes; estimant que ces marques sont en l'Eglise Romaine. Partant elle

subsiste, comment est-elle donc ruinée? il est nécessaire, veuillez ou non, que vous reconnoissez, que cette *Eglise si interrompue, si ruinée, & desolée*, que vous la figurez, soit encore debout, si vos Ministres en sont creus: lesquels neantmoins vous ont dressé ces articles si bien concluants, qu'ils dissipent toutes leurs pretensions fondées en Calvin, qui a dressé ceste confession, & l'a soustenuë: car il aduouë auoir attaché à ces articles icy tout le liure de ses Institutiōs, qu'il a aussi dedié au Roy François: afin de rendre raison *de ce que croit le party Reformé*. Ce qui ruine vos maximes, Messieurs, est que d'un costé vous voudriez faire croire, que l'Eglise de Dieu est ruinée avec ses traditions diuines, ses Sacrements, sa Hierarchie, sa Mission, & tous ses Prelats & Pasteurs, nommément le Pape: afin que vostre jeune synagogue soit avec sa nouvelle Bible toute reformée,

accompagnée de la seule ombre des Sacrements, parée de liberté de conscience, & de cinq cens erreurs, que les Ministres intruz taschent de faire passer pour parolle de Dieu. Vous voudriés d'autre costé faire croire que le Pape est l'Antechrist, qui à vostre dire, sera le President de la vraye Eglise, & son chef visible. Si que pendant que ce party Reformant s'essaye d'abbatre la verité, il luy donne du lustre, & se ruine tout à fait.

**EXAMEN DE LA 9. PROPO-**

*sition de la clause quatriesme.*

**CHAP. XV.**

**A** Pres ceste longue navigation de tant de vagues, que ces propositions orageuses nous ont fait faire, nous arriuons à la proposition neuuiiesme, qui prononce que *l'Eglise estoit en ruine*

*& desolation* à la venuë de ces Messieurs les extraordinairement venus, qui se sont intrus & ingerez de leur propre auctorité. Ceste proposition est fort coniointe avec les precedentes ; neantmoins il la faut tant rebatre, qu'on en cognoisse la nullité. Or d'autant que tout mauuais acte est reniable, contemplés, Lecteur accort & aduisé, cōme nos parties ont *pris la Bible pour leur regle vniq̃ue* : à laquelle toutesfois ils renoncent à tout coup par les additions, qu'ils disent n'estre pas additions, ains seulement interpretations, & qu'ils en font de mesme de leurs articles de foy, ne se voulans tenir aux termes de leur propre loy, & confession : comme si leur esprit secret plus feinct que saint vouloit dire tout autre chose, que ce qu'il dict : attendu que pour nos Sectaires, ny Dieu, ou la Bible, ny leur secret Paraclet de Manes, avec leur confessiō escrite, n'auoient

jamais rien dit : car pour eux tout est à dire. Pour cela ont ils la bouche pleine de ie ne sçay combien *c'est à dire*. D'où nous sommes forcés de resister virilement à leurs factions, fuites, & escoulées pour monstrier, qu'ils veulent decevoir, ou qu'ils prennent plaisir d'estre deceus, voire se glorifient en l'un & en l'autre malheur : disant, se desdisant, changeant, & rechangeant : & apres auoir dit cent fois, ils ont tousiours, comme venons de monstrier, cent *c'est à dire*, tout ainsi que s'ils n'auoient jamais dit à guise des cloches, ou cymbales de Dodonne, selon le prouerbe.

Reconnoissés Messieurs, vostre proposition, qui assure qu'à vostre arriuée au mode *l'Eglise estoit ruinée*, ce que vostre article dit vous le deués dire : parce que ce sont icy vos oracles : ce qu'ils ne disent pas, vous ne le deués pas dire; autrement ceste confession ne vous sera



pas propre: mais ce sera vne confusion:  
& ceste vostre regle sera vostre, & ne le  
sera pas: ou vous ferés la regle de vostre  
regle. Vostre proposition reformée ne  
diét pas, que l'Eglise menaçoit ruine,  
qu'une partie estoit ruinée, ou que quel-  
que perron, quelque pan de muraille,  
quelques creneaux, ou que quelque  
tournon fut esbrälé: mais vous pronon-  
cés hardiment que *l'Eglise estoit en ruine.*  
Mais comment en ruine? elle l'a esté de  
telle façõ que Dieu s'est trouué necessité  
de vous appeller extraordinairement au  
secours, non pour luy donner aide à la  
remettre sus, se servant de ce qui pou-  
uoit rester d'entier; ains pour en *dresser*  
*un'autre de nouveau*: tout ainsi qu'il  
auoit repudié, & cassé la Synagogue Iui-  
fue, pour fonder son Eglise. Dieu dõc  
vous reclame, Messieurs les Ministres re-  
formez, & a esté contraint de ce faire,  
pour bastir vne *Eglise de nouveau*; par ce

que son Fils n'a peu, ou voulu, ou sçeu  
 tenir sa parole, donnée en S. Mathieu, *Matth. 16.*  
 que son Eglise ne seroit jamais ruinée  
 par Satan ; si qu'il n'a peu conseruer en  
 estre, & en nature, son espouse son Egli-  
 se, sa maison, son propre corps, qui luy  
 auoit cousté la vie. Ajustez donc, Mes-  
 sieurs, aiustez bien vos mesures, & vos  
 loix, & voyez si le pur mesonge se des-  
 faisant soy mesmes, n'est pas tout ce  
 que vous preschez au monde ? l'ayant  
 prealablement couuert du mot de Re-  
 formation, colorée de ie ne sçay quelle  
 pureté de doctrine: qui neantmoins non  
 seulement n'excuse point vostre atten-  
 rat, ains augmente le blaspheme ; puis  
 que vous voulez que ceste reformation  
 tombe sur la *Religion*, car vous prenez à  
 honneur de vous appeller de la *Religion*  
*Reformée* qui est vn prendre Dieu à par-  
 tie, comme nous auons demonsté cy  
 dessus. De maniere que Dieu est con-



trainet de dresser vne nouuelle Eglise: n'ayant plus affaire de maintenir la premiere, attendu qu'il en a dressé vne nouuelle; s'estant rauité aprez douze cens ans, de se remarier au moyen de l'aduis que vous luy en auez donné. Il a plus fait, par ce qu'il a souffert en son corps mystique ce, qu'il n'a voulu permettre arriuer en sa chair: car l'ayât preserué de corruption, il ne s'est soucié que tout le corps de son Eglise fust depecé, dissout, & mis en perdition, pour en changer, comme vn serpent change de peau.

Quelles fables de Talmud, quelles refueries de l'Alcoran se peuuent comparer à ces comptes reformez? Prenez la patience vous autres Messieurs les Religionnaires, esquels reste encor quelque volonté de proceder de bonne foy, à l'endroit de ceux qui discourent avec vous sans fard, & sans artifice. Vostre article vous fait protester à Dieu de croire

*pour desabuser les esprits.* 303

que l'Eglise est ruynée, & que certains Ministres incogneus l'ont bastie de nouveau. Nous auons conuenu avec Caluin, que ceste Eglise est visible, & pour le regard de nous autres Catholiques (informez par le Symbole des Apostres) n'en pouuons croire qu'une seule continuée, & gouvernée sous vn Pasteur : auquel I E S V S a commis ses brebis au dire de *Ioan. xi.* S. Iean: or les brebis de I E S V S sont ceux là qui seront sauuez. Luy mesme donc auant que de monter au ciel, donne la charge par trois fois à S. Pierre, de regir, & de paistre ses brebis: Je ne dis pas les brebis de S. Pierre, mais du Sauueur du monde. Aussi voyons nous que les Ministres pretendus Reformez s'appellent les Pasteurs de leurs Eglises: declarans par ce tiltre, qu'ils affectent la chaire, & la charge de S. Pierre, qui luy *1. Pet. 5.* fust donnée par le prince des Pasteurs.

Tant y a que les Catholiques ne co-

gnoissent qu'une seule Eglise vniuerselle gouvernée par un Pasteur general, auquel se rapportent les particuliers. Ceste Eglise est cōme un arbre, qui a plusieurs rameaux ; comme vne grande source d'eau, d'où decoulēt plusieurs ruisseaux : elle est comme un soleil, qui jette plusieurs rayons, qui sont les assemblées particulieres des Royaumes, des Provinces, des Dioceses, des Cures. Ainsi parle saint Cyprian.

*Lib. de vni-  
sat. Eccles.*

Les symboles de Nicée & Constantinople aussi assurent que ceste espouse de I E S U S, n'est qu'une, nommée Catholique & Apostolique. Ainsi saint Jean en l'Apocalipse dit auoir veu ceste maison de Dieu, & ceste sienne Espouse en forme d'une cité non de plusieurs. Saint Paul l'appelle la maison de Dieu, non les maisons : la colonne de verité, non les colonnes. Nostre Sauueur pareillement dit en singulier, qu'il bastira son

*Apoc. 21.*

*Tim. 3.*

son Eglise sur Chif ou Chifa, qui est vn rocher, ainsi appelle il saint Pierre, & ne dict pas qu'il bastira ses Eglises, mais son Eglise. Et en saint Matth. sur les disputes qui pourroyent naistre entre nous; voire des moindres choses, il veut que le dernier recours, & que la Cour souueraine d'où il ne soit loisible d'appeller, soit l'Eglise, non les Eglises.

*Mat. 16.*

L'vsc d'vne longue induction en cecy d'autant que le Religioneire ne veut jamais dire ce que dict la Bible, ny pareillement ce que prononce sa confession de foy; voire il est resolu (tant il craint la touche) de s'opiniastres à dire tout ce qui n'est point escript, & ce qui est escript. Il ne le veult jamais aduouër, ains au contraire il assure hardiment que ce qui n'est pas escript, l'est: admirable souplesse! audace espouuantable! detestable preuarication de ces gens cy! qui ne veulent suiure la regle qu'eux mesmes

*Galat. 6.*

establiſſent, en ſſent regle ſur regle, & puis les caſſent toutes, ſe mocquans auſſi du monde & d'eux meſmes, de la Bible, & de leur cōfeſſion: mais le pis eſt qu'ils peuuent offeñſer Dieu, mais non pas ſ'en rire cōme dict ſainct Paul. L'extreme mal eſt qu'ils traident avec eux pluſieurs ames en la perdition.

*Suite du meſme diſcours.*

CHAP. XVI.

**L**A creance donc des ſymboles reſſeus en voſtre article cinquieſme comme conformes ( ce dictes vous ) à la parole eſcrite nous oblige à ne croire point qu'une ſeule Eglise, vn berceail, qui ſoubs vn ſouuerain Paſteur I E S U S, a eſté premierement gouuerné par vn ſien Vicairé ſainct Pierre, & luy decedé par ſon ſucceſſeur legitime, & c'eſt en ceſte ſucceſſion que les anciens ont ſou-

stenu contre les Heretiques de leur temps, que l'Eglise n'estoit qu'une, iusques là que saint Cyprian a couché par escrit en vn beau liure composé sur ce subiect, qu'il n'y auoit qu'une Eglise; que toutes les heresies, & les schismes n'arriuoient que de ce qu'on ne uoloit recognoistre en terre vn souverain sacrificateur ou Prelat, Vicaire de I E S U S. Qui ne sçait que ce florissant Royaume de France, ne peut estre appellé vn, que pour autant qu'il est gouverné par vn souverain, auquel reside la Majesté de cest Empire. Voire mais l'Eglise Pretendue de Diepe, & Boujan, de Begle, de Godiueau, pourquoy est elle une, & non plusieurs, veu qu'il y a plusieurs villages qui s'assembler en ce lieu là? Vous le dites vous mesmes suffisamment, ordonnant qu'un Pasteur ne soit subiect à vn autre en l'article 30. ny une Eglise à une autre: d'où il appert qu'une Eglise.

composées de plusieurs familles & villages, ne peut estre vne que pour estre gouuernée par vn Pasteur, duquel la multitude prend son vnité: autrement ce seront tousiours plusieurs bercails, où il y a plusieurs bergers.

Nos parties voyant qu'ils ne peuuent reduire leurs Eglises à vne vraye bergerie, ny par la conseruation de l'Eglise des Apostres, ny par la continuation de la succession personnelle, se pensent fauuer sur la succession de la doctrine: mais les bonnes gens ne voyent pas que la succession (à parler comme il faut) dict vn qui s'en va, auquel vn autre succede: là où la doctrine demeure tousiours la mesme. Comment y auroit il donc de succession en ceste doctrine? encore faut il qu'elle soit tesmoignée par la continuation des personnes, pour prouuer qu'elle a tousiours duré, & faut que ce tesmoignage soit infallible.



Outre ce les mesmes symboles nous contraignent sous peine d'Anatheme, de croire, que ceste mesme Eglise est vniuerselle, ou Catholique, continuant sans interruption depuis la venue de I E S V S, iusques à la fin du monde, & resserrant en soy tous ceux qui doiuent estre sauuez, qui ne font aussi qu'un corps, comme souuent le tesmoigne saint Paul. Au demeurant elle doit estre tellement Catholique, qu'elle & tous les siens croient tout ce que Dieu a reuelé sans reserue, & sans triage, ou retranchement: si bien qu'elle se trouue respandue par tout l'univers. Or saint Paul assure que la foy Romaine estoit preschée par tout le monde; la voila donc vrayement *Catholique*. Et quoy que vous autres Messieurs ayez taché de donner ceste marque glorieuse ou à vostre foy Reformée, ou à *vostre Eglise bastie de nouveau*, si n'avez vous sceu jamais par

Rom. 12.

1. Cor. 12.

Ephes. 4.

Rom. 1.



vos artifices monstrent, que vous ayez esté au dessus de quatre cens ans, & sçavez que ce tiltre de *Religion Reformée*, ne fut jamais receu d'aucune nation du monde, que de la Francoise induite en erreur par Calvin, depuis seulement soixante, ou tant d'années. Car la secte Lutherienne s'est appelée *Protestante*; & l'une, & l'autre n'est encore admise qu'en quelques coins des Allemagnes, & de la France. Bien loing de monstrent ce nouveau tiltre dans la Bible, si ce n'est que vous en faciez vne d'aussi fresche datte, que sçauroit estre vostre Eglise. Encore y auroit il plus d'apparence de faire vne nouuelle Bible, que de bastir vne nouuelle Eglise. Car celle là a esté écrite par des hommes: là où le bastiment, & la fondation de l'Eglise ne peut estre faite que de Dieu, qui est venu en personne l'edifier, la redimer, & la sanctifier; & non pas pour écrire sur le

parchemin: ains afin de grauer au cœur des Chrestiens, comme il auoit promis en Hieremie, les loix éternelles de la foy, & de la charité. *Jerem. 31.*

Quand donc vous dictes, que *l'Eglise est en ruine*, vous ne pouuez parler que de la vraye Eglise Catholique, Apostolique, & Romaine. Aussi auez vous de coché tous vos traités cōtre le Pape, assis en la chaire de S. Pierre, qui en a esté le fondateur, selon les aduis de tous les anciens, au dire mesme de Calvin dans ses institutions. En quoy nous deuons recognoistre la diuine prouidence, sur ce qu'elle ayant donné aduis aux enfans de l'Eglise Romaine (cōme a esté veu) qu'ils se gardassent de ceux, qui contrediroient à la doctrine, qu'ils auoyent receuë. Nos Parties aduerses à force ouuerte combattent cette doctrine, & son antiquité; se bandent contre cette Eglise, & prennent à tache de persecuter son

Caluin  
lib. 9.  
institu.  
cap. 5.  
§. 16.

*Rom. 16.*

Pasteur. Mettons donc le cas que cette Eglise vraiment diuine se soit perdue, & ruinée, selon vos inuentions humaines, songées à plaisir: si est-ce neantmoins que vous ne pouuez pas bastir l'Eglise, qui a esté ruinée. Vous en bastirez peut estre vn'autre: mais ce ne sera plus l'Eglise Romaine, ce ne sera pas l'Eglise que I E S V S a bastie, puis qu'elle est ruinée. Bastir l'Eglise de Dieu, c'est l'office de I E S V S; lequel a assuré, qu'il la bastiroit sur S. Pierre, qu'elle ne manqueroit jamais, & qu'il la prédroit pour son espouse. Au ieste prenez garde à vous, & nous respondrez.

*Joan. 1.*

Voudriez-vous, Messieurs, estre les espoux de ceste mesme Eglise, que vous jugez estre la grâde Pâillarde de l'Apocalypse? peut estre, ne seroit-ce pas vn couple mal assorti. Mais si vous aspiriez à prendre l'espouse vraye de I E S V S, pesez de grace ce que S. Iean Baptiste a

dict, que ce luy estoit trop d'honneur de demourer de bout ; & d'auoir le bonheur, que d'oïr les propos que tenoit cet Espoux diuin à son espouse, qui estoit l'Eglise. Estes-vous plus que S. Iean, l'amy de l'Espoux ? vous esgalerez-vous au Fils de Dieu ? à la compagnie des Apôstres, appelée, instruite, lauée, repurgée par I E S U S-CHRIST ? rachetée par son sang ? & sanctifiée par son esprit ? ferez-vous à cette Eglise nouvelle ce que le Verbe a fait à la sienne ancienne ? sçauoir son chef ? son Sauueur ? sa gloire ?

Le mesme Dieu avec ceste espouse, engendre bien de nouueaux enfans par le S. Baptisme ; mais cela n'est pas *bastir l'Eglise de nouueau*. c'est bien l'amplifier, non pas la *bastir de nouueau*. Et en tout cas on pourroit dire, qu'on bastit des Eglises particulieres, qui sont quelques apparemens nouueaux, adjoincts au

*2. Tim. 2.*

*Matth. 7.*

donjeon, ou au palais principal: mais de bastir l'Eglise de nouveau, c'est vn propos qui ne fut jamais plus oüy. Ce sont aussi paroles de cet air, que S. Paul commande à Timothée de fuir, pour estre des nouveautez prophanes, contenant des paroles scandaleuses, & blasphematoires: comme si le Fils de Dieu est dit ce grâd sot, duquel il est parlé en S. Mathieu, qui auoit basti sa maison sur l'arene, & non sur la pierre viue. Mais pour reprendre le discours de plus haut, montrons que non seulement ceste proposition reformante ne peut subsister, veu les absurditez qui la suiuent; mais aussi qu'elle doit estre aneantie par les principes mesmes de ceste pretendue Reformation.

Qu'on voye l'article trentecinquieme, on y lira cer arret de forclusion. *Nous excluons toutes inuencions humaines, & toutes loix, qu'on voudroit intro-*

*duire sous ombre de service de Dieu, par lesquelles on voudroit lier les consciences. Or considerez cōme vous avez arresté cy dessus en l'article cinquiesme, que toute verité estoit dās la parole de Dieu escrete, & tout ce qui appartenoit à salut; il faut donc dire, que tout ce qui n'est escrit leans est inuention humaine. Ceste ruine pretēdue de l'Eglise n'est pas couchée dans la Bible, il la faut donc exclurre des articles de vostre creance.*

Outre cela, vous voulez aussi qu'on bānisse toutes les loix, qui sous ombre du service de Dieu, pretendroyent obliger nos consciēces. Or autant que vous ramenez de propositions reformées, sont autant de loix que vous pretendez faire passer pour le service de Dieu, & nous condamner, comme meschans, & damnez: d'autant que nous refusons de nous y assubjectir. Et neantmoins il n'y en a pas vne qui soit dans ceste parole escri-



te, & celle cy de la ruine de l'Eglise y est encore moins qu'aucune autre de sa qualité. Il les faut donc rejeter toutes, & singulierement cette pretenduë ruine, qui pësant ruiner la maison de Dieu, fait voler en l'air les imaginaires fondemens de vostre Babel la confuse.

*Continuation du mesme propos de la  
ruyne pretenduë de l'Eglise.*

## CHAP. XVII.

**D'**Abondant, Messieurs, comment seroit ruynée l'Eglise, pour estre bastie de nouveau, & comment seroit elle bastie de nouveau par vous ? attendu que non seulemēt le titre devostre confession porte, que c'est-ce que doiuent croire les Eglises de Frâce par leur cōmun consentement, qui monstre que ce n'est pas vne Eglise: mais plusieurs fort petites, en petit nombre, & qui ne se rap-

portent aucunement à vne Eglise. Car pour vne ville, que vous y tenez, les Catholiques y en ont cinquante, ou pour vn confederé ou Huguenot (car le mot Allemant signifie cela mesmes) il y a cinq cens Catholiques. Non seulement, dis-je, par ce tiltre vous ne pouuez faire vne Eglise, mais singulierement par l'article iuré de vostre foy Reformée, qui est le trentiesme en nombre : par lequel vous protestés de croire & de viure en telle façon, *que tous les Ministres ayent vne puissance esgalle, sans qu'aucun, quel qu'il soit, aye pouuoir sur les autres.* De mesme en dites vous des Eglises, ne pretendunt point *qu'une Eglise aye aucun ascendant sur vne autre.* moins encore qu'un Pasteur general ou vne Eglise aye rien à voir ou à commander generalement sur toutes les autres. En ceste maniere ce n'est pas vne Eglise, que vostre corps, qui ne peut estre corps, ains



ce sont plusieurs Eglises, & plusieurs membres sans teste. Car quant à I E S V S C H R I S T, il est maintenant inuisible, & quoy qu'il soit & puisse faire les fonctions de chaque Eglise particuliere, tout aussi bien, qu'il administre en general toute la Chrestienté: si est ce que vous mettez vn Pasteur & vn Ministre visible en tous les lieux, où vous vous estes cantonez, comme si ceste sapience eternelle ne pouuoit pas fournir à l'administration d'vne Eglise de village, comme il feroit à tout l'vniuers. Que si vous jugez qu'il puisse sans vous, ou qu'il doive gouverner tous vos petits troupeaux & troupelets, que ne cassez vous tous les Ministres: afin de vous régir à vn seul I E S V S - C H R I S T? & si vous estimez que le bon reglement & que la douce prouidence Diuine parle, qu'il y aye des Pasteurs soubz luy, qui regissent les petites compagnies, ne

*pour desabuser les esprits.* 319

contrerollés pas ses volôtez, ny sa puissance, pour le reglement vniuersel. Autrement jugez Messieurs, de vos jugemens, & voyez comme pensant ruynner l'ordre general de l'Eglise veritable, bastie par le fils de Dieu, vous mettrés vos synagogues en confusion. Que s'il faut *Joan. 12.* vn Pasteur visible, afin de tenir le berrail en vnité, oyés & receuez celuy que I E S V S nous a assigné pour toutes ses ouïlles, & auquel il a consigné les clefs du Royaume celeste: ou bien aduoués *Matth. 16.* que vous estes plusieurs membres separez, ou vn corps sans teste: & ne vous targués plus de ce que vous dites, que vous recoignoissés vn seul Pasteur general, qui est I E S V S C H R I S T. Car outre ce que dit est, pourquoy donc aués vous fait vne confession de foy particuliere aux François, & aux Eglises de France? veu que vous preendés, que Geneue, que l'Angleterre, & l'Escoffe,

50.4.5

soient de vos freres en C H R I S T. Vous deuiés donc dilater vostre consentement, & par ainsi vous ne deuiés diuiser si peu fraternellement vos Eglises. Voir mesmes pourquoy l'Eglise de la Rochelle sera elle diuisée de celle de Montauban? de Begle? de Castres? de Diepe? de Caen? de Nismes? de Charanton? attendu que vous aués tous vn mesme Maistre, Pasteur, & Euesque; office que vous aués accoustumé de donner à des personnes de la plus basse perche. C'est vne chose, qui ne se peut nier, que IESVS est le maistre de tous les Roys, comme parle l'Apocalypse: & que tous les Princes souuerains de la Chrestienté le recognoissent pour tel, & confessent, qu'il est capable tout seul de gouverner sans eux: si est-ce pourtāt que nos Roys ont vn Royaume diuisé de l'Espagne, de l'Alemagne, d'Angleterre, & des autres: & bien qu'ils ayent plusieurs villes,  
& Pro-

*Apoc. 19.*

& Prouinces sous eux ; si est-ce que ce n'est icy qu'un Royaume François : qui prend sa denomination d'une des plus petite Prouince de cette grande Monarchie, sçavoir est l'Isle de France. Le souverain toutesfois de cette partie gouverne absolument la Bretagne, commande à la Normandie, à la Picardie, au Languedoc, à la Gascogne, & à tout cet Empire. D'où vient donc que ces Potentats Chrestiens ne font qu'une principauté sous I E S V S ? la raison est que les diuisions, & les despartemens ne se prennent pas de Dieu, ou du seul esgard à sa puissance, ou souveraineté ; autrement les villes, familles, & estats, ne seroient que la mesme chose, sans aucune distinction de gouvernemens, ou de chefs ; & tout seroit en confusion, pour ce qui nous touche. Partant la diuision, & distinction de tout cela, se prend de ceux là, qui estans hommes vi-

sibles, constituez de Dieu vivant parmy nous, ont pouuoir de la diuine Majesté de nous commander, & de nous juger comme ses lieutenans. D'autant donc que vos premiers fondateurs, & la plus part de leurs comparsonniers sont justiciables (côme Moynes, ou Prestre) des Euésques, & des Papes, & comme criminels de toutes les autres juridictions, ils ont craint la touche, & se voulant mettre hors de toute puissance, ils ont attiré leurs adherans à leur cordelle, les affianchissans de tout leur pouuoir de touré subject on; voire mesme entre eux s'entredônans toute franchise. Que s'ils pouuoient auoir deuoré les grands estats, les diuisant en petites Eglisettes, on les verroit s'estre constitué eux mesmes en perpetuelle dissension. Ce qui est aisé à voir; car vne poignée de pistolles jettées entr'eux, leur sert de pōme de discorde. Qui plus est, chaque

Ministre se donne la liberté de cōmet-  
tre impunément toute sorte de meschā-  
ceté, puis qu'il n'y a entr'eux aucun Su-  
perieur. Que si vn petit village se reuol-  
te contre son Seigneur & Prince, cette  
Eglise prétendue Reformée sera exēpte  
de tout chāst ment. Quelle anarchie,  
& liberté est celle cy? Tant y a que vous  
Messieurs les Reformés, ne pouués ba-  
stir de nouueau vne Eglise, qui soit vne;  
n'y ayant ny chef, ny Eglise supérieure,  
qui puisse commander aux moindres,  
n'ayant aussi vne cōfession de foy com-  
mune; si que vous estes diuisés de lan-  
gue, de mœurs, de creance, de chef, de  
iurisdiction; & de tout, comme il appert  
en Boheme, en Poloigne, en Allema-  
gne, en Angleterre, en France, au pays  
bas, en Geneue: ne vous accordāt qu'en  
ce seul point, que vos premiers fonda-  
teurs ont esté Moynes, ou Prestres re-  
niez: que tous sont sortis de nostre ber-



*Jud. 16.*

*1o. Apoc. 17.*

*Rom. 16.*

gerie sacrée, que vous estes tous coniu-  
rés contre l'Eglise Romaine vostre me-  
re, contre laquelle vous vous liguez  
comme les Renards incendiaires de  
Samson, qui se tiennent par la queue,  
s'entremangeans les oreilles : mais qu'il  
vous souuienne de la parole de Dieu  
escrite, *les portes d'enfer ne preuauront  
iamais contre elles, & notés ce iamaiz*, si  
que S. Iean l'Euangeliste semble auoir  
bien décrit l'erreur de ce temps, par  
vne beste à sept testes coronnées, & plu-  
sieurs cornes: qui monstre que chacun  
est maistre chez vous, ne vous accordât  
que par le ventre, qui est la diuinité de  
ceux, qui contredisent à l'Eglise Romaine,  
suiuant l'oracle prononcé par S. Paul.  
D'ailleurs sur la beste est montée vne  
courtisane empourprée, tenant à la main  
vne coupe d'or remplie d'une douce li-  
queur, qui est la liberté de conscience,  
& la volonté de cōtrédire à l'Eglise Ro-



maine, d'où le susdict Apostre vous juge idolatres du ventre. De façon que cette beste n'est pas vne, mais plusieurs: ce sont plusieurs chefs, plusieurs couronnes, plusieurs cornes, plusieurs opiniõs, qui font vn monstre, qui n'est vn par la teste, mais par la pense, que les Anatomistes sçauent estre double ez bestes à corne. Afin que nous sçachons que qui ne conuient qu'en la pense ne peut faire vn vray corps, qui soit veritablement vn. C'est au chef qu'il faut attribuer la cause de l'ynion des membres diuers composans vn tout.

Ainsi Messieurs, vous ne pouués par vos principes auoir basti vn'Eglise, ains plusieurs; & celle que pensés auoir esté ruynée, subsiste tousiours, & ne peut estre la beste de l'Apocalypse, suiuant la parole escrite, vostre reigle; parce qu'elle n'a vne seule teste, ny couronne, comme aussi S. Iean dit qu'elle a esté & n'est

plus; & vostre Bible adioustee qu'elle sera; il appartient à vos esprits subtils de se perdre dans l'accord de ces trois temps. Parce qu'il vous faut trouuer dans la Bible le temps passé, auquel a esté cette beste; quand elle a cessé d'estre; & par quel effort: quand elle reprendra son estre, & combien elle durera, & si tout ce que vous dites ne se trouue en *vostre seule regle de la parolle escrete, sans y rien adioster*, nous vous accuserons de preuariance, & reuolte contre vostre article cinquiesme. Dites nous donc quel texte declare combié cette beste a esté, & comment elle n'est plus, & quand, ou comment elle reprendra son estre: certes vous ne pourrés jamais vous desvelopper, ny inferer quelque auantage pour vous; sinon quelque chimere. Aussi par qui est-ce, & comment est-ce que l'Eglise de Dieu auroit esté ruynée? est ce par les vices des Prestres ou Chre-

tiens ? qui ne sçait que les Scribes & Pharisiens on esté les plus criminels du monde ? & routes fois avec toutes leurs mauuaises mœurs ils n'ont peu gaster l'auctorité de Moÿse, ny corrompre la doctrine emanée de sa chaire. Si que I E S V S - C H R I S T s'aduisa fort bien de dire, qu'on ne suiuit pas leur vie deprauée, mais que pourtant on creut leurs sermons, & qu'on receut d'eux la doctrine de la synagogue (qui estoit le siege de Moÿse) & qu'on obeit à leurs commandemens. La raison de cecy est que la synagogue (nonobstant la trahison des Prestres desloyaux) a tousiours esté en pied, iusques à ce qu'elle eust chassé & meurtry le fils de Dieu, suiuant les Prophetes anciennes, & modernes qui auoient predict la defection du maudit Iudaïsme. Quant aux personnes & à la succession de nos Prelats, ils ont tellement gardé l'ordre de leur vocation par

*Matth. 23.*

*Osée 3.*

*Hier. 3.*

*Eccl. 31.*

*Matth. 23.*

*Ioan. 11.*

l'imposition des mains, que personne de nos parties aduerses n'a eu la hardiesse d'en accuser le defaut, qu'en se moquant & morgât, ainsi qu'ils ont accoustumé de faire, quand la raison leur manque, & toute allegation. Pour le regard de la doctrine, elle est tellement conforme à l'antiquité que la maistrresse piece de batterie de nos pretendus Reformez a esté, de faire vn article de foy pour se *tenir à la seule Bible*, & renoncer à *l'antiquité, aux Conciles, aux Decrets, à la multitude*, craignant que le procez de ce Party reformé ne fut faict & parfaict sur l'etiquete de son sac. Partant ils euoquent leurs causes à *la seule parole escrite*: afin de donner le change, & pour obtenir quelque respit, & pour donner quelque couleur à la fraude. Par ce qu'à bien cōsiderer, eux seuls veulent estre les Presidens, les Conseillers, & toute la Cour,

Artic. 5.

comme souuent nous auons fait voir à l'œil, & comme Buchanan l'a dict de Beze en quelque piece de poesie, qu'il conclud ainsi: *Beza est Curia, Censor, & Quirites.* Que s'ils alleguent les Peres (comme ils font assez souuent aux simples) c'est pour amuser les grues, qui volent, de peur qu'ils ont, qu'on ne les force par toutes les raisons du monde, de se tenir à *ceste seule & vniue* *parole* *escrite*, je dis, *escrite*, qu'ils crient tant estre leur *pierre de touche*: avec laquelle ils ont pippé deux millions d'ames, qui pensent que ces gens cy facent ce qu'ils disent, se tenās à la Bible: mais qu'on les ferre de prez on aura bien tost fait. Voir seulement demandons leur quel passage d'Escriture nous tesmoigne, que *vous estes esleus de Dieu?* & ce pour dres-  
*ser l'Eglise? ou pour la bastir de nouueau?*  
*ou que l'Eglise est ruinée de nostre temps?*  
*ou que Dieu n'a peu cōseruer les eslection?*

Et cōment, Messieurs, allegueriez vous là dessus vn texte, que seulement vous n'osez pas vous nommer vous mesme, ny declarer quelle Eglise vous auez basty? est-ce celle de Sedan? de Begle? de Geneue? de la Rochelle? de Bonjar? que si vous auez *basty de nouveau* l'vne de celles là ( puis qu'vn Ministre n'a point de pouuoir sur vn autre, ny vne Eglise sur l'autre ) comment? ou par qui? ou quand ont esté basties vos autres Eglises? Vostre faict est vn labyrinthe, où l'on se perd en mille confusions.

*Suite de la mesme desolation pretendue de l'Eglise.*

CHAP. XVIII.

**P**Our mettre fin à l'infiny desordre de la deformation de vostre nouuelle forme, vous concluez vostre article osant asseurer, que l'Eglise de Dieu est en



*desolation.* Ce mot de *desolation* porte avec soy vn'entiere desconfiture de la maison de Dieu, la perte de ses tiltres, de tous ses meubles, la dissipation de ses mysteres, de ses Pasteurs, & ouailles. Voila comment s'entend la *desolation* dans l'Escriture en plusieurs lieux. Certes Daniel parlant de la ruine entiere, & totale de la Synagogue, dict, qu'elle estoit en *desolation*. Si l'Eglise Romaine, que vous mesmes appelez temple de Dieu, est en *desolation*; il faut donc que la Bible, que les Sacremens (non seulement les cinq que nous practiquons, & que vous avez aboly.) mais que le Baptême, & l'Eucharistie, que les Pasteurs, la Mission, & tout le reste soit renuersé. Il faudra aussi aduoüer, que nous n'ayôs aucune partie de la consanguinité de la doctrine, ou de la forme ancienne donnée aux Romains, & conseruée par la succession nō interrompue des Prelats.

Daniel 9.

Rom. 6.

et 16.



il sera bien pareillement necessaire de desaduouër, que les prieres pour les trespassés, que les autels, les reliques des saints, le caresme & tout le reste, dequoy les anciens monumens sont pleins depuis quatorze siecles, soyent inuentions nouuelles. Car c'est de nostre temps que vous jugés l'Eglise auoir esté trouuée par vous en *desolation*. Et toutesfois cela ne peut pas estre par vostre propre confession, qui se peut voir clairement dans Calvin, sur chasque controuerse: où il aduouë que l'antiquité a creu cōme nous, touchant ce que dessus, & qu'ell'a practiqué & reçu ce que nous auons en vsage; & desaduouë pour cela l'autorité des Peres, sçachant que vous auez perdu vostre procès en ce tribunal là. Et quand la confession de Calvin manqueroit, c'est vne trop violente coniecture, que celle de l'article de foy, que vous iurés de *ne vouloir re-*

cevoir l'antiquité, ny la multitude des Docteurs, ny les Conciles anciens, ny les edicts des Princes, ny les arrests & monumens de la justice, si tout cela n'est prealablement reformé, reiglé, & examiné par la parole écrite. Certainement celuy qui auroit bruslé le testament de son Pere, qui l'auroit caché, ou exauctoré, quelque auantage qu'il alleguast d'y auoir, ne fera jamais creu : beaucoup moins s'il asseuroit y auoir esté institué l'heritier *ex asse*. De mesme aussi quand il se traicte de la doctrine ancienne ( qu'on ne peut recognoistre que par le credit, qu'on donne aux anciens auteurs ) si vn de nous leur oste toute auctorité, & tout le credit, & ce par article juré, il declare notoirement, qu'il ne veut pas estre instruit au vray de ce, qui s'est jadis practiqué : car il destruit le moyen de le sçauoir. Et pour esclaircir cecy, il est impossible à tout

1. Pet. 3.

homme du monde de sçavoir le nombre des liures canoniques, ou d'apprendre quelles sont les interpretations Apostoliques des passages obscurs & difficiles de l'Ecriture (tels que S. Pierre témoigne s'en trouver dans les Epistres de S. Paul) si on ne recourt à la tradition continuée par la succession non interrompue des Prelats, & Docteurs anciens, accompagnée d'une autorité éminente. Cassant donc toute l'antiquité, il est impossible d'avoir cette doctrine Apostolique. Pour cette cause nos Reformateurs (afin de pouvoir dire quelque chose, & ne demeurer muets sur les questions qui dependent du rapport fidele des saints Peres) se sont aduisez de decevoir les idiots, leur faisant à croire, que chascun d'eux avoit le S. Esprit, qui leur dict tout: mais ils ne prennent pas garde, que par cette voye les Ministres leur feroient inutiles, & la Bible,

& leurs articles de foy reformée. Car ayans en leur esprit la source de verité, & de toute reformation, ils n'ont besoin d'autres maîtres, qui les instruisent: veu que ce seroit raxer le S. Esprit d'insuffisance, s'il ne pouuoit seul faire entendre toute verité necessaire à salut, sans le secours des hommes, ou de leur escriture, ou de leur predication.

Parrant quiconque considerera cette proposition susdicte de *la desolation* arriuée à l'Eglise de I E S V S ; verra que nos Parties se cachent honteusement, broüillent les esprits, confondent les droicts, & se desfont eux-mesmes, se pensans consoler en *la desolation* de la colonnie de la verité, & de la maison de Dieu: mettant en auant avec audace ce qu'ils songent, voire ce qu'ils desirent passionnement, comme enfans du mensonge, & des tenebres, sans prendre garde aux preques, qui leur man-

quent, ny aux contradictions, esquelles ils s'enferrent, se ruans dans les armes qu'ils leuent contre Dieu, & se precipitans à la mort, sans aduiser à se defendre : mais seulement à ruiner, à mettre en desarroy, & entiere *desolation* la sainte espouse de I E S V S, l'Eglise. Ce qu'ils auroient desja fait, si son Espoux n'auoit entrepris sa deffence, qui la rend magnanime, & inuincible : si que mesmes auât que d'estre au ciel, elle est desja triomphante, suiuant cette parole es-

Matth. 16.

EXAMEN DE LA 5. ET DERNIERE  
clause de l'article trenti-  
vnieme.

CHAP. XIX.

LA conclusion de cet article vaut bien le reste, en ce que nos Parties parlent

lent si obscurément en leur confession, qu'ils mōstrēt la crainte qu'ils ont d'estre surpris, couchant leurs clauses à double entēte, & par equiuoques, cōme les oracles de Satan parlāt par ce faux Apollon; cete maniere de parolles estāt fort propre pour offusquer la verité, pour couvrir le mensonge, & la contrarieté. Mais ne l'un, ne l'autre ne peut estre celé, les rayons de la verité Catholique dissipant ces tenebres, qui la voudroiet embrouiller. Aussi sommes nous dāns la maison 1. Tim. 3. ancienne de Dieu, appuyés à cete colonne de verité l'Eglise, l'ame de laquelle est le S. Esprit, esprit de verité, qui luy enseigne toute verité. Oyons le decret reformé. *Quoy qu'il en soit* (dit là clause) *nous croyons qu'il se faut toujours conformer à ceste regle, que tous les Pasteurs Surueillans & Diares aient tesmoignage d'estre appellés à leur office. Contempls icy lecteur oculé comme ces*

Y

gens incogneus parlent en cachette, disant *quoy qu'il en soit*. C'est à dire (au moins s'il y a quelque liaison en ces parolles) soit qu'on se soit ingeré de sa propre auctorité, pour gouverner l'Eglise, soit qu'on y soit esleu, soit que Dieu aye suscitè ces gens la par voye extraordinaire, soit que rien de cela ne se trouue practiqué : en fin *quoy qu'il en soit*, il se faut tousiours conformer à ceste regle, qui est d'auoir quelque tesmoignage de son appel aux charges. Mais prenez garde icy Messieurs, que ceste regle n'est pas dans la regle prise par vous, qui *est la parole escrite*. Neantmoins dites nous Messieurs, faiçtes vous icy vne regle certaine, & inuiolable pour le *tesmoignage de l'appel*, n'en ayant point assigné de certaine pour les gouverneurs de l'Eglise? peut estre estimés vous que *l'appel* a quelque office ecclesiastique, soit chose differente du gouvernement de l'Egli-



se: ce qui n'est pas. Attendu donc que dites estre loysible, voire nécessaire par fois, que quelqu'un s'ingere à gouverner l'Eglise par sa propre auctorité *sans eslection*: pourquoy ne pourra on gouverner l'Eglise Reformée, sans luiure cette *regle* du tesmoignage, que vous recherchez nécessairement en *l'appel* à quelque office de Ministre, ou de surveillant. Que si vous ordonnés que *l'appel* a l'office soit nécessairement accompagné du tesmoignage, & que le gouvernement de l'Eglise ne recherche point ce tesmoignage, vous faires qu'au mesme temps vn Ministre gouvernant vne Eglisette, sera *appelé*, & non *appelé intrus*, & non *intrus*: il sera *appelé* entant qu'il a tesmoignage; non *appelé* entant qu'il est intrus & viendra de sa propre auctorité, s'ingerant au gouvernement. Il sera neantmoins bien pourueu; & non intrus entant qu'il vient à l'office du Mi-

nistre ayant vn tesmoignage de son *appel*, qu'on pretend estre de Dieu. Vous n'avez donc que faire de dresser vn règlement inuiolable pour l'office, laissant le gouuernement ( qui est l'estat & la fonction de l'office ) à la discretion des premiers intrus ? Car celuy qui aura le courage de se dire effrontement ingeré par sa propre auctorité à gouuerner la maison de Dieu, pour y administrer sa parole, & les Sacremens, pourra aussi bien dire qu'il a le tesmoignage de sa vocation, ou de l'appel à quelque office que ce soit. Ainsi chascun fera ce qu'il luy plaira, en vos charges & offices. Quel Dedale embrouillé ! il faudroit vn peloton bien long pour conduire les desuoyés, qui se trouuent dans ce labyrinthe.

Reuenons à vostre arrest, *quoy qu'il en soit* ( ce dites vous ) Vous voulés que l'officier, ou gouuerneur de vostre Egli-

se ait necessairement vn tesmoignage de son *appel*, quoy qu'il en soit du gouvernement. Or dites nous ce tesmoignage, à vostre aduis, ne doit pas estre plus euident, & plus asseuré que la parole de l'office: car toute sorte de tesmoignage est vn appuy de quelque parole, à laquelle on ne preste pas creance sans l'euidence du tesmoignage. Vous ne voulés pas selon vos maximes, qu'il se prenne des hommes menteurs, veu qu'il est icy question de la Religion sacrée & du principal affaire de l'Eglise, qui sont les Magistrats spirituels de la maison de Dieu, ainsi que sont les Surueillans, & les Ministres: il faudra donc quelque tesmoignage coelette, pour mettre en credit & en possession vos officiers. Mais ou le trouuerons nous? car si c'est vne vision, ou vn miracle, vous ne voulés qu'on y adiouste aucune creance, si prealablement cela n'est ex-

aminé à la parolle escrite, qui ne porte pas le nom de vos officiers modernes. Car la Bible est surannée pour vous.

Mon aduis est ( si j'entends vostre jargon ) que vous pretendés n'attendre autre tesmoignage de vos *appels* aux offices, que la pretendue conscience de de celuy, qui se dira estre appellé. Mais ce sera luy mesmes homme menteur de son estoc qui en prononcera l'arrest. Et par tant il n'est receuable sans bonne caution. Vous direz que l'Esprit parle: mais ce tesmoignage de l'esprit est si secret, qu'il n'est pas capable de seruir de plege; ou de preuue: ains au contraire il faudroit vn respondant & vn tesmoignage, pour monstrier que cest Esprit est leans, & qu'il donne son adueu. Que si vous dites, que celuy, qui le ressen-  
en soy, le rapporte; cela ne vaut pas l'escouter: car c'est tousiours vn homme menteur, qui ne doit jamais estre creu,

s'il ne produit au dehors à la veüe de tout le monde vn'approbatiõ infallible: attendu mesme que le fils de Dieu ne veut estre receu ny creu pour veritable, s'il ne raporte autre deposition de ce qu'il dict, que sa seule parolle. Ce que *Joan. 5.* nous redisons souuent: afin que vous l'appreniez bien vne fois. Mais commēt accorderés vous qu'un homme intrus, aye un tesmoignage assureé du S. Esprit de sa vocation ou appel, & comment ferez vous qu'un homme puisse estre appellé de Dieu, à quelque commission: & que neantmoins il soit intrus & ingeré, sans auoir autre auctorité, que celle qu'il s'est vsurpé luy mesmes? car vous dites que *comment qu'il en soit du gouuernement, soit qu'il soit accompagné d'election ou non, si faut il qu'il soit appellé avec tesmoignage.* Voyons quel appel, quelle intrusion, quel tesmoignage, quel S. Esprit vous mettés icy pesle

*La pierre de touche,*  
melle avec vn extreme desarroy. Pren-  
nonz vn peu d'haleine.

*Continuation du mesme propos.*

CHAP. XX.

D'Ailleurs comment est-ce que cet  
esprit si secret (communiqué à vn  
homme intruz, & ingeré) vous fera croi-  
re qu'il luy a donné quelque pouuoir de  
vous persuader que sa doctrine, & que  
sa conduite est infallible, attendu que  
tant de Ministres avec tous leurs saints  
Esprits diuisez, & toutes leurs Eglises en-  
semble, ont si mal couché vos articles  
de foy? Car quelle distribution confu-  
se est celle cy, de nommer vos officiers  
en langage si diuers, François, Latin, &  
Grec; puis que vous detestez ces lan-  
gues péregrines en vos prieres, & en  
la lecture de la parole de Dieu: veu mes-  
me que vous ne receuez que la Bible

Françoise? Au reste le mot de Ministre  
 respond au Latin, *Minister*; & celuy  
 de *Diaque* est Grec: mais ils signifient  
 tous deux la mesme chose; sçauoir  
 est vn valet. Toutesfois ces mots (si-  
 gnifians de leur premiere institution  
 la mesme chose) si sont-ils pris chés vous  
 pour charges fort diuerfes. Que si vous  
 n'y adjoustez quelque nouveau epithe-  
 te, le mot de Ministre en Latin a accou-  
 stumé de signifier ez liures des bons au-  
 theurs, le Maistre des hautes ceuures;  
 ainsi qu'a remarqué le docte Genebrard.

Quât au mot Grec d'*Euesque*, mesmes  
 en vos versios de la Bible, vous le prenez  
 pour signifier yne fonctiō tres-honora-  
 ble, estant appliqué mesmes à I. E. S. V. S.  
 C H R I S T, & aux principaux gouuer-  
 neurs de l'Eglise, Pasteurs & Docteurs:  
 & neantmoins le mot François de *Sur-  
 ueillant*, qui signifie le mesme, que celuy  
 d'*Euesque*, est vsurpé à vostre mode;

*De Sacrifi-  
 Miss.*

*I. Petr. 2.  
 Act. 20.*



pour signifier le moindre de vos officiers. Quel trouble sera celuy de vostre esprit secret, qui porte *tesmoignage* à l'*apetit*? Car si le S. Esprit luy parle en Grec parle mot d'*Euesque*, il voudra gouverner en chef son Eglise, crocheteur, ou tauernier qu'il soit: s'il parle en François, il ne sera qu'un petit aide à masson, quelque Aduocat, ou Conteiller, qu'il soit. Si le *Diaque* qui ne sçait que lire, se sentoit appellé en Latin, il voudra estre Ministre: & par tant administrateur des Sacrements; prescheur de la parole de de Dieu, quand il ne seroit qu'un valet d'un laboureur: mais si le S. Esprit luy parle en Grec, il ne sera que porte liure des Ministres en Latin, ou François, quelque sçauant qu'il puisse estre. Voycy vn chaos d'officiers, appelez en diuerses lāgues par des esprits de la nuit, qui en public ne sçauent ne lire, ny parler, ny prier qu'en langue populaire, en-

coré bien petitement : & en secret parlent Latin, & Grec, & en toutes lāgues, fans les entendre, comme faisoit l'Anesse de Balaam parlant Hebreu. Tellemēt que chascun en matiere d'offices, & de charges, peut choisir en ce party Reformé ce qu'il luy plaira en ceste pretenduë Reformation, pourueu qu'il face à croire, qu'il luy parle en cette varieté, & similitude de mots, & de langues.

Concluons cet article, l'ajustant à la reigle de la parole escrite toute pure : mais selon l'entente des Ministres, que tous ceux qui se presentent à eux, pour estre Ministres, soit *qu'ils soyent appelez, soit qu'ils soyent intruz, ou non, bien qu'ils s'ingerent de leur propre auctorité, ou qu'ils ayent tesmoignage d'estre appelez de Dieu.* Si les Ministres veulent receuoir vn officier, il aura toute sorte d'eslection, d'appel, & de tesmoignage, tel qu'ils voudront, secret, ou pu-

blic, & en toutes les deux façons ensemble, & ce en Latin, en Grec, & François. Que si l'humeur des Ministres n'est pas pour recevoir quelqu'un, quelque témoignage qu'il aye en quelque langue que ce soit, il ne sera jamais appelé: Et pour le dire en un mot, tout ce que les Ministres voudront dire, ou nier de quelque personne, de quelque manière que ce soit, ce sera la pure parole écrite, je dis, la pure, & la plus fine: ce sera l'Evangile Reformé, écrit dans une Bible invincible, avec un papier insensible, & des caractères imperceptibles; le tout venant d'un esprit caché, & secret, qui parle en Grec, en François, & en Latin, sans qu'il parle, sans qu'il soit entendu. De sorte qu'il n'y aura en l'appel du Ministre, en sa vocation, & en ses témoignages, rien de visible que le Ministre, sa femme, ses enfans tous inspirez, & possédez par un esprit ténébreux, qui

s'affeuble de je ne sçay quelle criniere  
d'or d'un Ange de lumiere.

2. Cor. II.

Finablement qui voudra voir comme  
nos Parties croyent auoir esté faicte la  
ruine, & l'entiere desolation de l'Eglise;  
il faut lire l'article vingthuiictiesme de  
leur confession de foy, que nous allons  
interpreter, & examiner, comme l'un  
des principaux fondemens de ce Party  
pretendu Reformé, ayant tant faict par  
les horribles charges, & crimes imposés  
aux Catholiques, que le pauvre peuple  
seduit, croit que nous sommes pires que  
des esprits malings. Car là il se void cō-  
me quatre Prestres, & Moynes deffro-  
quez, *condamnent les assemblées de la  
Papauté, pour auoir banny la verité di-  
uine; corrompu, ou aneanty les Sacremens;  
donné la vogue à toute idolatrie, & super-  
stition.* De maniere que la desolation y  
est si extreme, qu'il n'est pas possible de  
plus: de façon que c'est vne grande fo-

lie à nos haineux, de nous demander quelque question, ou de se vouloir fonder sur nos aduis, ou de suivre nostre creance, laquelle neantmoins ils employent souuent; par ce que tout fondement leur manque: d'où l'on recognoistra que c'est à nous vne punissable simplicité (si quelque grande raison ne nous en dispense) de leur vouloir enseigner quelque chose, ou d'aduancer quelque proposition, iusques à ce qu'ils recognoissent de bonne foy, la fausseté de leur atroce accusation contre nous, & la nullité de leurs imaginaires bastimens, qu'ils prétendent fonder en l'écriture, ne s'y trouuant vne seule clause de leur reformation: voire toutes les parties de leurs articles combattent l'écriture expresse s'entruynât elles mesmes. Il n'est question que d'un peu de patience coniointe avec vn petit d'attention pour mettre au neant cette

*pour desabuser les esprits.* 351  
pretenduë Reformation.

Voyons donc avec debonnaireté la rude accusation dressée contre la chaste Susanne, l'Eglise Romaine, en l'article *Daniel. 13* vingthuietième prétendu Reformé.

EXAMEN DE L'ARTICLE  
vingthuietième, de la Confession  
de foy de la Religion pre-  
tenduë Reformée;

*Par lequel ils condamnent les Catholiques  
de l'Eglise Romaine.*

CHAP. I.



A y choisy cet article vingt-  
huietième avec les trois cy de-  
uant examinez, pour faire voir  
le project de nos parties: d'autant que  
ce sont icy cōme les pierres fondamen-  
tales des pretendus Reformez; qui non  
contens d'auoir cassé ( tant qu'en eux



estoit) l'auctorité instituée de Dieu, ont encore renuersé tous les principes; par lesquels nous pouuons venir en la connoissance de la vraye parole de Dieu escrite, de la justification de ses pieces, & de la vraye interpretation des passages obscurs, ou ambigus.

Nos Parties donc ont confondu & troublé tout le jugement, qu'on pouoit faire de tout cela, en ce qu'ils condamnent *l'antiquité, la multitude, les Conciles, les decrets, & la sagesse humaine*, si tout cela n'est examiné par la Bible seule, comme par sa reigle; laquelle n'en parla jamais, pour otter le credit à tous ces sacrez argumens de Theologie: ains au contraire, elle met tous ces lieux en pratique.

Voicy à present vne condamnation vniuerselle, prononcée contre l'Eglise Romaine, qui est vn corps, lequel reconnoit nostre saint Perç le Pape pour Vicaire



Vicaire de IESVS-CHRIST en terre,  
& pour successeur legitime de S. Pierre.  
Il est donc fort necessaire de bien consi-  
derer cinq ou six clauses de cet article  
vingthuitiesme, puis que d'icy on verra  
quelle opinion ont nos parties de nous  
tous. Car c'est la verité, qu'ils font jurer  
tout leur Party d'embrasser ceste mes-  
me creance, au moyen de laquelle ils  
nous ferment tellement la bouche, que  
nous ne pouuons parler de la verité; &  
eux se bouchent tellement les oreilles,  
qu'ils se rendent incapables d'apprendre  
jamais rien de nous. Ce qu'il faut con-  
siderer attentiuement: afin de s'en sou-  
uenir lors que ces Messieurs nous que-  
stionnent tant: ou quand ils se veulent  
seruir de nostre creance. Ce qu'ils font  
fort souuent: par ce que toute sorte de  
principe, & de preuue leur manque. Il  
faudra donc opposer constamment cer-  
te atroce accusation, qu'ils ont dressée

La pierre de touche,  
contre nous. Voicy les clauses de cet  
article.

1. Nous protestons, que là où la parole de  
Dieu n'est reçue, & qu'on ne faict  
aucune profession de s'assubjectir à  
icelle, & où il n'y a aucun usage des  
Sacremens (à parler proprement)  
on ne peut juger, qu'il y ait auen-  
ne Eglise.
2. Partant nous condamnons les assem-  
blées de la Papauté;
3. Veu que la pure verité de Dieu en est  
bannie.
4. Et esquelles les Sacremens sont corrom-  
pus, abastardis, falsifiez, ou anean-  
tis du tout.
5. Esquelles toutes superstitions, & ido-  
latries ont la vogue.
6. Nous tenons donc que tous ceux, qui  
se meslent en tels actes, & y com-  
muniquent, se separent, & retran-  
chent du corps de CHRIST.

7. La septiesme clause semble estre vn  
desdict des precedentes; car elle  
porte: que toute fois pour ce qu'il  
reste encor quelque petite trace d'E-  
glise en la Papauté; & mesmes que  
la substance du Baptisme y est de-  
meuré; nous confessons ceux qui y  
sont baptisez n'auoir besoin d'un se-  
cond Baptisme. Mais voicy en  
mesme temps vne reuocation de  
cette creance, en la huitiesme, &  
derniere clause.

8. Cependant à cause des corruptions (dic-  
la fin de l'article) qui y sont, on n'y  
peut presenter les enfans, sans se pol-  
luer.

## EXAMEN DE LA I. CLASSE

de l'article vingthuitiesme.

### CHAP. II.

EN cette premiere clause il y a qua-  
tre propositions. La premiere est,

*qu'il n'y a point d'Eglise en la Papauté. En suite de laquelle on en ramene icy trois autres; sçavoir, que la parole de Dieu n'est receüe ez assemblées de la Papauté; que nous ne faisons aucune profession de nous assubjectir à icelle parole de Dieu: & notez ce mot, qu'on ne faiët aucune profession, comme si tout mensonge estoit receu chez nous, ainsi qu'ils coucheront tantost tout au long. Finalement ils disent, que nous n'avons aucun usage des Sacrements à parler proprement.*

*Voicy d'estranges suppositions, & accusations. Or qu'elles tombēt sur l'Eglise Romaine, il apert euidemment par la seconde clause; au commencement de laquelle ils prononcent ces mots, Partant nous condamnons les assemblés de la Papauté. De maniere que ces charges dictes en general nous sont imposées, comme les causes, sur lesquelles est minutée nostre condamnation en forme*

d'oracle, qui dict ce *Partant.*

Voicy vn rigoureux arrest prononcé contre nous par nos Parties, qui font les Iuges à faux tiltre, comme il s'est veu. Ils nous accusent d'oc sans appuyer d'aucune preuue leurs instances, & nous condamnent en mesme temps, de ce que ne voulons receuoir la parole de Dieu, & de ne nous y assubjettir aucunement. Or quelle est cette parole? est-ce *la non escrite*? non certainement: car vous mesmes la banissez, & nous taxez de ce, que nous la receuons; jusques là que vostre fondateur Caluin nous appelle Antechrists avec Mahomet, par ce que nous receuons *la parole de Dieu non escrite en la Bible.* Comment oseriez vous donc dire, que nous ne *la receuons point, ne faisant aucune profession de nous y assubjettir*? Que si vous parlez de *la parole escrite*, nos escholes de Theologie, les chaires des Eglises ne retentif-

Caluin  
cōment.  
in Ioan.  
16.

sent que cela : nos liures d'instructions,  
& de disputes en sont pleins; voire mes-  
me nous receuons plus de dix mille pas-  
sages, ou clauses de la Bible, que vous  
rejettez. De meisme en est-il des con-  
trouerses que nous auons d'esces con-  
tre vous, où vous pouuez voir les mil-  
liers de sentences expressees, que nous  
produisons de la Bible cõtre vos erreurs.  
Mais que sert il de tãt tergiverser? nous  
nous presentons deuant vous Messieurs  
les Architectes, pour estre reformez par  
la seule parole escriite, sans qu'il y soit rien  
adjousté, diminué, ou changé, ne par hom-  
me, ne par Ange, comme l'auiez ordonné.  
Alleguez hardiment : nous vous som-  
mõs de faire ce qu'auiez entrepris, qui est  
de nous desabuser par ceste pierre de  
touché l'Escripture. Ramenez vn seul pas-  
sage des saintes lettres pour vous. Ce  
qu'en'auiez peu faire jusques icy, & que  
vous ne sçauriez faire à present : mais

Artic. 5.

Article 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.

Artic. 5.



prenez bien garde de ne nous donner le change. Mettez en auant vne proposition reformée, & ramenez là dessus, vn seul passage formel; & nous dirons que de quatre cens articles, que vous auez prononcé à l'encontre de nous, il y en aura vn à dire, qui ne soit point de vostre inuëtion route humaine. Apres ce gråd affront, que vous nous procurez tous les jours; nous accusant d'auoir banny l'Ecriture, & vous vantant contre toute vérité de l'auoir, vous restera il du front pour respondre, quand on vous oppose, CECY EST MON CORPS: que IESVS a faict escrire en propres termes à quatre Notaires cõtre vostre figure songée? Qui ne void icy, que vous vous mocquez de la parole de Dieu escrite? Quelles gens estes-vous? mais de qui, que de nous, auez vous vostre Bible? De mesmes en faictes-vous des Sacremẽs: car nous en auons cinq plus que vous:

*Matth. 26.*

*Marc 14.*

*Luc. 22.*

*1. Corinthe. 1.*



comment osez vous donc dire, qu'il n'y  
a aucun usage des Sacremens chez nous?  
Et quant à ceux que vous retenez en fi-  
gure, nous les honorés mieux que vous,  
qui ne pensez qu'aucune grace réelle  
nous soit conférée par iceux. Et lors  
qu'on vous oppose S. Jacques pour l'ex-  
treme vñction, & le mariage (appellé le  
grand Mystere, ou Sacremēt par S. Paul)  
vous nous donnez du nez. Ainsi en fai-  
tes vous des autres.

Lec. 5.  
Ephes. 5.

Jugez Lecteur, des accusations de  
ces gens; & voyez leurs fondemens  
imaginaires escripts dans l'eau.

Après cecy, qui croira ceste cruelle  
calomnie, & qui recevra vostre *Partant*  
*nous condamnons la Papanté?* Que veut  
dire ce *Partant*, sinon que les Catholi-  
ques ne reçoivent la parole de Dieu; n'ont  
aucun Sacrement, & ne s'assubjettissent  
à Dieu, & à sa loy, non plus (à vostre  
conte) que les Infideles, & Idolatres?

D'icy vous venez à l'*vniuerselle cōdemnatiō* de toute l'Eglise de Dieu, que vous appelez *la Papauté*. Oyons donc vostre seconde clause. *Pourtant* (dictes-vous) *nous cōdamnōs les assemblées de la Papauté*. Notez que l'article ne condamne pas seulement le Pape, mais *les assemblées de la Papauté*. Ainsi appellent-ils l'Eglise Romaine, qui n'est qu'une, respādū par tout l'univers, ne recognoissāt qu'un seul chef souuerain, & Pasteur visible en terre, qui est nostre saint Pere le Pape. Et par ce mot de *Papauté* nos Parties declarent nostre vnitē fondée sur un chef: lequel estant l'Antechrist (au dire de nos Aduersaires) tout le corps & la communauté, qui le suit, est cruellement traité par quatre reuoltez, sortis de cette Eglise: si que chacun de nous, soit Prelat, soit Roy, ou Prince Catholique, est censé un membre de ce Demon incarné, au jugement

Artic. 31.  
de la nou-  
uelle edi-  
tion.

de ces beaux Reformateurs.

Que si on represente doucement à nos parties, que leurs premiers fondateurs ont encouru les censures, & les condamnations prononcées par lesvs-

*Matth. 18.*  
*Rom. 16.*

CHRIST en saint Matthieu; Qu'il faut vaut estre payen que de refuser d'obeir à l'Eglise Romaine, & que S. Paul nous commande de tenir ceux la pour idolâtres de leur ventre, qui contredisent à la doctrine de l'Eglise Romaine; si dis ie on leur represente ces textes formels de leur condamnation, que disent ils? Ils crient hautement qu'il ne faut juger ne condamner personne. Que ne gardent ils dont (eux reformez & reformants) ce qu'ils ordonnent aux autres? Quand on les presse icy dessus, ils taschent de s'excuser en sorte (cōme les autres articles) qu'à les ouyr parler, ils font semblant de ne dire pas ce qu'ils disent en effect: & nous veulent persuader qu'ils

ne condamnent pas ce qu'ils condam-  
nent tant ils sont inegaux & inconstans.  
Tellement qu'ils se jettent en des inter-  
pretations, par lesquelles ils essayent de  
nous faire croire, qu'ils n'ont jamais as-  
seuré ce que mesmes nous lisons dans  
leurs escrits. Enfin ils taschent de nous  
mettre en teste, que leurs premiers com-  
positeurs d'articles *enuoyez de Dieu ex-  
traordinairement* ont couché sur le pa-  
pier ce qu'ils ne pretendoient pas qu'on  
croire, ny ce qu'ils vouloient escrire,  
mais toute autre chose. Et se ruent tou-  
siours sur leurs *C'est à dire*. Les Ministres  
de Sedan ont osé publier, *que cest article  
ne condamne pas tout le corps de l'Eglise;*  
mais seulement le Chancres, ainsi appellé  
ils nostre saint Pere le Pape.

Lugez Lecteur, comme en mesme  
temps il desaduouent leur article, &  
comme ils le confirment.

Premierement tous les Ministres re-

çoient ces articles icy comme la *marque de concorde*, qu'ils ont euz poinctz *fondamentaux de leur foy*, ainsi que parle l'*appel* Ministre de Sedan. Et le dict lors qu'il pretend destruire sans y penser la *creance* & le tiltre vniuersel de toute ceste *confession de foy dressée d'un commun accord des Eglises reformées de France*: esquels articles tous les symboles, & la Bible ont esté reduits. Voyez Lecteur, la fermeté de ces Ministres, & leur intelligence pleine de sedition intestine. Or notez que l'article nous tesmoigne, que les Ministres condamnent les *assemblées de la Papauté*. Qui recevra maintenant les Sedanois à cōtredire tout leur party, s'ils ne sont Schismatiques? Car comment est ce qu'il ne se parleroit point icy *du corps*, mais *du seul chef*, veu que la proposition de l'article reformé parle vniuersellement *des assemblées de la Papauté*? joinct qu'au mesme article ceste

Papauté est appellée *Eglise*, comme il est porté en la clause sixiesme: où il est dict, qu'il *demeure quelque trace de l'Eglise en la Papauté*: laquelle trace ils n'aduouent pas estre seulemēt dans le chācre, ou dās le chef, mais en tout le corps. Si que la Papauté (à ce compte des Sedanois) ne fera pas vn corps d'Eglise, qui a quelque trace de la vraye Eglise, mais ce sera vn chef errant, ou enchancré. Et s'ils veulent parler avec leur article, ce sera tout le corps: ainsi qu'ils recoiuent, & ne recoiuent pas leur confession de foy. Aussi Capel dict tout franchement que ces articles icy, & *cette confession de foy n'est pas leur regle*. Ils veulent donc, & ne veulent pas, que le corps soit condamné icy. Ils veulent que ce soit icy la marque & le symbole (car c'est tout vn) de leur foy, & que ce ne le soit pas. Tant ils sont agitez de contrarieté en leur esprit.



Mais qui oyant dire au Ministres de Sedan, que les assemblées de la Papauté ne comprennent pas tout le corps de l'Eglise Romaine, ainsi la seule personne du Pape, ne descourra le r grossier artifice, niant, & aduoiant vne mesme chose? comme si vne seule personne estoit plusieurs ensemble, ou si ces assemblées n'estoient qu'un homme seul. Certes ces gens ne se soucient ny de leurs articles, ny de l'Escripture (qui ne dit rien de cecy) ny de leurs parolles, ny d'eux mesmes, se contentans de nous fatiguer, & de parler, sans se mettre en peine ny de ce qu'ils disent, ny comme ils le disent, ny de la damnation qu'ils encourent, confondans l'esprit des patures innocens. Aussi dict saint Paul

1. Tim. 1.

que ceux, qui sont descheus de la charité de la bonne conscience, & de la foy sans feintise, voulans estre Docteurs de la loy; ne sçauent dequoy



ils parlent, ny ce qu'ils affirment.

D'ailleurs qui ne sçait, que la teste estant blessée ou perdue, le corps est ruyné: comment peut le Ministre de Sedan dire que le Pape *est vn chancre*, sans donner à entendre, que si le sel est affady, & la lumiere esteinte, que tout le *Matth. 5.* corps est en perdition. Et comment peut on outrager le chef, sans offenser, & condamner toute l'Eglise, & tout le corps de IESVS-CHRIST? Sans doubte ces gens ne sçauēt que c'est que l'obeissance, que l'vnion, que la charité, & ne peuuent comprendre combien grand est le respect, que les Catholiques portent à leur Pere, & Pasteur.vniuersel.

Qui est ie vous prie, le fils ou le sujet, qui ne se sente outré des iniures faites à son Pere, ou à son Prince? & comment pourront les Juifs frapper à coups de baston la teste de IESVS, sans outrager son sacré corps? voire nostre

doctrine & sanctification viennent de nos Pasteurs, comme des instrumens de Dieu: s'ils sont corrompus, & remplis d'erreur, comment pouuons nous estre bien enseignez?

Brifons icy ce propos pour le continuer avec moins d'ennuy, & plus grande intelligence au chapitre suiuant.

Je me contenteray pour conclusion, de faire voir l'auuglement des susdicts Ministres, qui se seruent du nom d'un Cavalier Sedanois, pour se mettre à couuert, & qui font parler vn Capel au lieu d'une teste. Ils ne voyent pas que la premiere, & principale proposition de toute ceste clause mise en teste est que *la Papauté, & que l'Eglise Romaine n'est point Eglise, & qu'ils condamnent (comme dict est) non vne seule personne, mais toutes les assemblées de la Papauté?* Et puis les Ministres de Sedan feront croire à leur party, que ce qu'il jure, il ne le jure

le jure pas; ou vrayement, qu'il jure vne  
fausseté. Il faut les forcer par bonnes  
raisons à renôcer à leurs articles de foy,  
comme ils ont fait à la Bible. Ainsi  
verrons nous euidément, qu'ils fuyent  
comme criminels toute sorte de luges,  
& de reigles; voire mesme celles qu'eux  
ont establies. D'où il resultera vn'entiere  
cognoissance, que le vray, & principal  
dessein de toute ceste cause (non  
tant Reformée, que desespérée) n'est  
pas d'establir quelque forme d'Eglise;  
mais seulement de ruiner la maison de  
Dieu, & d'esuiter la condamnation,  
qui venant de ce Tribunal celeste, les  
fouldroye dans l'ame, & leur fait  
desja sentir par preuention.

les peines de la  
gehenne e-  
ternel-  
le.

*Continuation de l'examen de la seconde  
clause de l'article vingthuitiesme  
de la confession de foy de la Reli-  
gion pretendue Reformée.*

CHAP. II.

*Matth. 16.* **L**E Fils de Dieu voulant fonder son  
*Joan. 21.* Eglise, dict à S. Pierre, qu'il le con-  
*Act. 10.* stituoit tellement rocher, qu'il bastiroit  
son Eglise sur ce rocher. Il l'a institué ber-  
ger de sa bergerie; il luy a dit, qu'il tuast,  
& mangeast de toute sorte d'animaux:  
monstrant assez, qu'il estoit la bouche  
de l'Eglise, luy incorporant les infideles  
par son auctorité, par sa predication, &  
par les Sacremens conferez par l'aucto-  
rité de son ordination.

*Matth. 16.* Nostre Sauueur a dit au mesme S. Pier-  
re, qu'il luy dōneroit les clefs du Royau-  
me du ciel, là où seroyent alloüées tou-  
*Luc. 22.* tes ses sentences de condamnation, ou

d'absolution ; & qu'il auoit prié pour luy, afin que sa foy ne manquast jamais. Nos Papes succèdent à cette charge, & dignité de S. Pierre, comme aduouë suffisamment Calvin; disant, que *l'anti-* Calvin  
*quitte a tousiours creu, que S. Pierre a esté* lib. 4.  
*le premier fondateur de l'Eglise de Rome,* Instit.  
*où il est mort (ce dict-il) D'où il s'ensuit* cap. 6.  
 qu'il y a laissé son office, & sa charge; & S. 16.  
 que ses mesmes successeurs Papes ont les mesmes prerogatiues, graces, & les clefs du royaume du ciel; là où personne n'entre sans leur pouuoir, si *I E S V S* Matth. 16.  
 CHRIST en est creu en sa parole es-  
 critte, puis qu'il parle d'une charge *Joan. 10.*  
 Pastorale si nécessaire à ceste gran- & 20.  
 de bergerie: si que l'auctorité donnée n'est pas seulement personnelle; mais elle regarde l'estat & l'office nécessaire à toute cette assemblée du corps de l'Eglise.

• Iugez Lecteur, si ce chef peut estre

vn *Chancre*, comme l'asseurent nos *Sedanois* contre la parole de Dieu si expresse, & si le corps pourra demeurer sain, apres que le chancre aura mangé la teste. Voyez si les *Moynes* desfroquez pourront (apres ces injurieuses paroles dictes à nostre Pasteur) nous persuader, que nous devons esperer d'eux vn meilleur traitement: ains ils nous font connoistre, que le Diable continue à pratiquer sa maxime, que frappant la teste & le Pasteur, il escartera les brebis.

*Matth. 26.*

Certainement nos Parties (pour revenir à leurs clauses) font biẽ des tours, & des destours pour se desguiser. Falloit il donc prendre vn si grand circuit, que de faire parler le S. Esprit en secret? puis casser l'auctorité de l'antiquité, des Conciles, des Papes, & des Roys, sous pretexte de les reduire à l'Ecriture seule, pour puis apres, tout d'un coup, condamner sans misericorde, & sans exception

*tes assemblées de la Papauté*, sans alleguer vne sentence de Prophete, ny passage d'aucun Apostre, ou Euāgeliste? Car qui oit-on icy en ceste rude condamnation de l'Eglise? mais qui parle icy? ce n'est pas la sainte Escriture, ce n'est pas le S. Esprit (qui ne dit plus mot apres auoir sententié la Bible au gré de nos ennemis) on ne lit pas icy cette *reigle vniue*  
*de la Bible.* Pour conclusion ce ne sont que nos Parties, qui font les Iuges, & qui prononcent d'estranges jugemens. Ne verront-ils jamais ces grandes nullitez? attendu mesmement que cet article de condamnation fulminée contre nous, les constitue en estat de damnation? pour autant qu'eux mesmes prononcent, qu'il ne faut condamner personne. Mais la charité ne les esmeut pas à dire cela, ny la Bible; ains c'est l'apprehension qu'ils ont, que les justes Anathemes ne tombent sur leur teste: si ont-



374 *La pierre de touché,*  
ils esté jettez és pleins Conciles gene-  
raux, la malediction estant dardée sur  
eux, apres la parole de I E S V S escrite  
*Matth. 18.* en S. Mathieu, que *qui n'oit l'Eglise, doit*  
*estre censé vn Payen.* Et S. Paul dit aussi,  
*Rom. 16.* *que le contredisant à la doctrine Romaine,*  
*doit estre esuité comme vn Idolatre de son*  
*ventre.*

Après cecy fiez vous à leurs protesta-  
tions jurées de ne croire rien qui soit,  
*sauf la pure parole de Dieu escrite dans la*  
*Bible*; laquelle voirement condamne  
les faux & temeraires jugemens faicts  
par personnes priuées, tels que sont les  
Ministres, & singulierement ceux de  
Sedan, condannans l'Eglise espouse de  
I E S V S, & son Vicairé general. Mais  
l'escriture mesme auctorise la condam-  
nation, qui sera faicte par saint Pierre,  
par les Apostres, & par tous ceux, à qui  
il dône le saint Esprit pour la remission  
des pechez, ou pour leur retention. L'es-

*Mat. 18.*  
*et 16. 20.*

criture mesme nous commande de tenir ceux là pour Idolatres, qui n'oyent pas l'Eglise, comme nous venons de dire. Tant y a que l'on estimera tousiours que les Ministres fuyent les articles de leur foy aussi bien que la vraye foy; que la charité; que la Bible; que la fidelité, qu'ils iurent à leur confession, voire mesme à leur propre parolle, disant, & se desdisant, condamnant toute l'Eglise de Dieu, & cependant ils nous deffendent de condamner vn seul de leur troupe. Examinons la troisieme clause, puis qu'en celle cy nous y voyons notoirement qu'ils employent la seule audace, pour toute sorte de justes preuues: les quelles doiuent faire escorte aux legitimes accusations. Autrement ce sont des calomnies punissables & dignes de la hayne de tous les bons. Nous reconnissons aussi comme ils sont destituez des passages de l'Ecriture sainte en la

*La pierre de touche;*  
en la iustification de leurs clauses. Et  
avec ce on descouure notoiremēt leurs  
ruineuses contradictiōs, qui resultent de  
leurs articles si mal bastis.

EXAMEN DE LA 3. CLAV-  
*se de l'article vingt huitiesme.*

CHAP. IIII.

OYons maintenant les clauses de  
l'atroce condemnatiō, qu'ils pro-  
noncent à l'encontre de toute l'Eglise  
Romaine: & considerons bien commē  
elles sont vniuerselles, entierement ab-  
soluēs, & nullement conditionnelles.

Voicy leur troisieme, *veu* (disent-ils)  
*que la pure verité en est bannie.* Et notez  
que nous parlons icy des affaires de la  
religion, & en propres termes. Je vous  
demande donc Messieurs les Ministres,  
pensez vous qu'il y aye en la religion  
quelque verité, qui puisse estre verité, &

qui neantmoins ne soit pas *pure*, ou qui ne soit *verité de Dieu*? ie dis vne autre fois que nous parlons en matiere de Religion, & du service diuin.

Or nous auons arresté que la Religion depend tout à fait de ce que Dieu en ordonne; si qu'une verité en matiere de Religion ne peut estre que *diuine*. Que si elle est meslée de mensonge, elle ne peut estre *verité*: & si Dieu n'en est l'auteur, ce ne peut estre *verité diuine*, n'appartenant à la Religion. En outre ie vous demande (à vous nos Reformateurs, qui nous cōdamnez si seueremēt) croyez vous bien qu'en l'Eglise Romaine, que vous appelez la *Papauté*, il y aye quelque *verité* concernant la Religion? si vous jugez qu'il y en aye quelqu'une, comment jurez vous vos articles, qui prononcent si absolument, que nous auons *banny la pure verité diuine*. Il y a plusieurs veritez suiuant plusieurs arti-

cles, si nous en auons banny quelqu'une particuliere, il la failloit nommer, pour rendre ceste accusation vniuerselle bien fondée. Que si nous les auons bannyes toutes, cela est fort bien exprimé par ceste propositiō absoluë. que nous auons banny la verité. Car ainsi ce mot de *verité* en general contient tout le genre des veritez. Que s'il arriue que nos aduersaires aduoient qu'il nous reste encore quelque *verité*, voire une seule, ils contredissent formellement à leur article reformé, qui dit verité en general sans exception, en quoy est contenuë, toute *verité*: & neantmoins ils disent qu'ils ne pretendent comprendre toute *verité*. Je dis cecy pour les Ministres de Sedan; d'autant que ces bonnes gens glosent, & desdisent leurs articles, tout aussi bien que l'escriture; fuyans toute sorte de juges, & de sentences, voire les leurs propres. De maniere que pour a-

doucir ceste si sanglante condamnation, ils dient que l'article ne porte pas que nous ayons banny *toute verité*: mais seulement *la pure verité diuine*: Voyez quelques bricoles: lesquelles monstrent que tant leurs articles, que la Bible, comme aussi leur propres parolles leurs seruent de marteaux, qui demolissent tout leur bastiment. Certes l'article reformé parle en termes precis, que nous auons banny *la pure verité diuine*: publiant aussi que *toute sorte de superstition, & Idolatrie auoit la vogue chez nous*. Ioinct qu'ils affirment au commencement de l'article, que *la parolle de Dieu n'est receüe de nous, & que nous ne faisons aucune profession de nous assubietir à icelle*. Certainement, dis-je, si ce que contiennent ces propositions reformées est veritable, il est plus que necessaire, que nous ayons faict banqueroute à *toute verité*, absolument, & sans reserve. Autrement

nous aurions embrassé *toute superstition*, & ne l'aurions pas embrassé toute, restant encor chez nous quelque *vérité* en matiere de *Religion*. Par ainsi on trouue nos parties tousiours prestes à se desdire, sans se soucier de la Bible, ny de la contradiction que resulte de leurs conclusions. Ce qui nous deburoit bien apprendre de traicter avec eux la plume en main, escriuant leurs articles de foy en propres termes, & les y faisant tenir, & demeurer pied ferme, sans leur permettre de se desdire ainsi à plaisir. De mesme faudroit il aussi escrire leurs pretendus textes formels de la Bible, quād ils l'alleguent, ou quand elle est expresse pour nous: car ils ne demandent que d'eschapper. Comme aussi il est tres-vtile, voire necessaire d'escrire ce qu'ils disent. Car bientost apres ils des-advouient tout ce qu'ils ont dict, & ce avec tant d'audace, qu'un seul tiendra



la negatiue, ou l'affirmatiue contre quatorze. Par ceste rigueur medicinalle seru-  
uant de preseruatif contre la contumace de l'erreur, nous recognoistrôs combien vne mauuaïse foy nous peut donner d'entorses, si on n'arreste ces Prothées: & nous les acheminerons par mesme moyen à la voye de salut.

Mais avec quel front peuuêt nos parties faire jurer leurs adherans, de croire, que nous auons *banny la pure verité diuine*? sçachans que nous auons la sainte Bible: que nous en receuons beaucoup plus de pieces qu'eux: que nous ne permettons qu'aucun particulier la puisse interpreter à sa fantasie; ains il faut qu'il ramene les Conciles, les Peres, les decrets, pour auôtoriser l'explication, qu'il en donnera. Ils sçauent que nous la preschons, que nous la croyons; ils ne peuvent ignorer que nous adorons la sainte Trinité, & vn seul Dieu; que les

symboles des Apôtres, de Nice, & de saint Athanase ne peuuent auoir esté cōseruez, qu'en nos archiues, cōme aussi la Bible mesme: & que tant lesdicts symboles, que les Psalmes de David sont creus, receus & châtez chez nous avec toute veneratiō; voire que nous en portons la creance avec le S. Euangile, aux infideles Indiens, avec l'effusion de nostre propre sang. Outre que c'est le commun prouerbe du temps, que les Catholiques Romains croyent trop, & le Religionnaire trop peu.

Voyez Lecteur, quelles calomnies ils preschent au pauvre peuple contre nous, nous condamnant plus atrocement, que n'oserions auoir fait les Turcs. Mais puis qu'il vous plaist (nos Parties) nous vous passons condamnation: pour par ceste confession favorable faire voir notoirement vostre mauuaise foy.

pour desabuser les esprits. 383

Posons donc le cas que vostre clause soit veritable, que ce soit vn article de foy, que nous auons relegué la pure verité de la parolle de Dieu: D'où peut donc venir ceste coustume, que vous auez de nous demander tant de questions? n'est ce point vne proscription de vos articles reformez? Car vous dressés des liures entiers de demandes, qui sont la plus grand part friuoles, & non necessaires à sçauoir, par vostre propre confession: veu qu'elles ne se trouuent en propres termes dans la Bible, qui (à vostre dire) *contient toute verité.* Artic. 5.

La question que vous mettez en auant, sçauoir est si le Pape est par dessus les Conciles, dequoy vous peut elle guerir? attendu que vous auez banny de vostre creance, & Papes, & Conciles, & nostre doctrine, avec toute sorte de Hierarchie, & de Sacremens à le bien prendre, & mesmes l'Eglise bastie par IESVS-CHRIST.

*Rom. 13.*

*Heb. 13.*

*Ephes. 4.*

Contentez vous donc Messieurs, que la foy de Dieu nous commande d'obeir à nos superieurs, tant temporels que spirituels, & de suivre l'vnion de paix, non des dissensions, où nous portent ces comparaisons odieuses du Pere, maistre, & mary, avec toute sa famille; des Papes avec les Conciles; ou du Prince avec ses estats. Nous n'auôs que faire de nous enquerir si toute la famille est par dessus le pere de famille, ou les estats par dessus le Roy; qui est ce, qu'en effect les premiers Ministres veulent mettre en credit, combattant le Pape, broüillant les esprits, & reuoltant les subjects contre les Princes. Mais non seulement n'avez-vous droit aucun, ny aucune raison de nous demander des resolutions de ces doubtes icy, que vous desdaignez: que vous n'avez aucun juste pretexte de vous enquerir de nous, des matieres, que vous estimez des plus importantes,

portantes, comme je m'en voy vous en faire la declaration bien euidente. Les Catholiques ont grand besoin de s'instruire sur ce poinct, afin de scauoir cōm'il faut traicter avec nos ruz, qui surpassent en l'art les artifices les plus affinez.

*Que les Religionaires ne sont receuables  
à faire des questions aux  
Catholiques.*

CHAP. V.

**C**E que dessus estant receu, comme vn article de foy, par nos Parties, scauoir est, que les assemblées de la Papauté, non seulement sont damnables; mais qu'en effect elles sont condamnées par tout le Party pretendu Reformé; par ce que nous auons embrassé toute sorte de superstitions, banny la pure Verité diuine, corrompu, ou aneanty les Sacramens; que

*La pierre de touche,*  
*nous ne faisons aucune profession de nous*  
*assubjectir à la parole de Dieu; nous ne*  
*sommes plus capables de leur enseigner*  
*rien qui soit; & eux se constituent en ne-*  
*cessité de n'apprendre rien de nous. Car*  
*que peut appréhendre le sçauant d'un igno-*  
*rant? quelle adresse donnera un errant à un*  
*Reformé? quelle verité sçauoit-on at-*  
*tendre de celui, qui la blamme? quelle*  
*intégrité restera-il és hommes corrom-*  
*pus? quelle fidelité restera és faussaires?*  
*quel jugement fera un abusé, pour en-*  
*treprendre d'informer un Reformateur*  
*des abus? en fin un desuoyé ne pourra*  
*jamais conduire celui, qui s'estime estre*  
*l'œil, & la guide des pauvres perdus, &*  
*esgarez? Quand donc ils feront semblât*  
*de rechercher de nous quelques résolu-*  
*tions, il leur faudra dire, à quoy faire*  
*Messieurs, nous faites-vous ces deman-*  
*des? Car cela est contraire à vostre pro-*  
*fession de reformer nos abus pretendus.*



*pour desabuser les esprits.* 387

Outre ce, ou vous estes assurez, que nous auons abandonné la pure verité diuine, ou non? Si vous ne croyez pas que nous l'ayons quittée, renoncez donc à vostre accusation contenüe en trois ou quatre propositions de ceste clause, pleine de criminations, & de calomnies. Et recognoissez la fausseté de vostre party, puis que vous estes obligez de confesser de bouche ce que le cœur croit: si tant est que vous croyez S. Paul, disant, que Rom. 10. pour auoir le salut, il faut confesser de bouche, ce que croit le cœur. Mais si vous auez juré ceste clause comme veritable, & si vous vous opiniaستrez de la soutenir, nous auons la bouche close pour vostre esgard; & deuez boucher vos oreilles à nos propos, comme à ceux des enchanteurs, & ce sur toute sorte de questions: mais beaucoup plus sur celles, que vous mesmes sçauiez n'estre pas formellement couchées en la pure

B b 2



*parole escrite*, de laquelle seule vous faites estat, ou le deuez faire, si vous croyez vos articles jurez. Et quant à ces questions, que vous auez si souuent à la bouche de la puissance spirituelle du Pape la conserant avec la temporelle des Princes, seculiers, nous jugez-vous si despourueuz de sens, que nous ne recognoissions, que vous auez enuie de les mettre en querelle, de peur que vos erreurs ne soyent autât manifestes, qu'ils sont veritablemēt confutez par nos plumes. Vous craignez aussi qu'ils ne recognoissent que Calvin, & ses suiuians aiment d'auantage la Republique, que la Monarchie. Et si vous en doubtez, l'experience le fera sentir à qui moins y pense. Et le liure d'un Turquet est suffisant de descouurir, où gist le Lieure.

Caluin  
4. Instit.  
chapitre  
dernier.

Au demeurant, quand nous aurions violé tous les commandemens diuins de la seconde table (le premier desquels

est le respect qu'on doit apres Dieu aux Princes & Prelats, & à nos Pere & Mere) encore ne pourrions nous estre condamnez si cruellement, que vostre arrest porte disant que nous auons *banny la pure verité de Dieu*: & en l'autre clause suiuant que nous auons embrassé *toute sorte de superstitiõ & Idolatrie*. Par cecy les Catholiques doiuent estre appris à se taire, lors qu'ils seront questionnez par ces gens, s'ils ne veulent perdre le temps, & faire durer l'erreur. Car outre que nos principes sont fort diuers; tant que le Religionnaire nous condamnera d'une si estrange façon, comme il est obligé par ses articles de foy, il sera entierement esloigné de toute docilité, & nous serons encore plus incapables de les instruire. De mesme en faut il dire, si nous entreprenons de suivre à la rigueur *la regle vnique*, & le principe fondamental de leur Reformation.

pretendue, qu'il ne se faut tenir qu'à la seule *Escripture*. Car si les Ministres qui ont fait entreprendre de reformer le monde par ceste regle unique, l'ayant mesme pliée à leur mode, n'y trouuent pas vn texte formel pour eux:& quand on leur allegue vn passage bié expres pour nous ils n'y veulent aucunement acquiescer, quelle esperance reste il de profiter avec eux par autre voye, si ce n'est en les sommant d'executer ce qu'ils ont entrepris par le tiltre, qu'ils se sont donnez d'estre nos accusateurs, nos condemneurs, & *Reformateurs de nos abus*? Par ou ils sont obligez de prouuer tout cest article icy, plein de criminations dressées contre nous, sans qu'ils soyent receuables à prendre ou à ramener autre tesmoin, ny acte, ny coniecture, ny raison, ny loy, ny auctorité, ou autre preuve, que celle de la seule parole écrite, sans y rien adiouster. Encore ne seroit ce qu'à

demy fait, quand ils auroyent trouué dans l'Ecriture förmelle tout ce qu'ils disent contre nous: car ils auront à *bastir leur Eglise de nouueau*, & ce par des maximes qui doibuent estre toutes expressees dans *ceste mesme parole escrite*.

Pressons les donc constamment ou de renoncer à leur entreprise ( comme faulse, & impossible ) ou de se tenir à leur prix fait, sans que nous nous ingerions de courir sur leur marché. C'est icy la legitime procedure qu'il faut tenir avec telles gens, qui en veut auoir raison: attendu que par ce moyen on les surprend euidemment en mauuaise foy, laquelle estant recogneuë, c'est folie que d'en attendre du profit. Saint Paul pour cecy, aduertit son disciple Tite, qu'apres vn ou deux abouche-<sup>Tit. 3.</sup> mens avec les Herétiques, qu'il les quitte, puis qu'ils sont condamnez par leur propre jugement. Par ainsi il ne nous

reste autre voye de traicter avec eux, que de leur monstrier amiablement, que nous voulons estre instruiets, reformez, & enseignez par eux, qui se disent enuoyez de Dieu, pour nostre reformation. Partant qu'ils nous reglent selon leur proiect & entreprise, & ce par la parole de Dieu escrite, sans y rien adiouster, diminuer, ou changer, comme ils promettent de la nous donner. Vray est qu'ils la citent assez souuent, bien qu'à contre sens.

Mais qu'auons nous à faire de nous mettre en peine de les rendre capables de leurs contradictions, puis qu'autant de propositions qu'ils mettent icy en auant, ne sont que preuaticatiōs de leur regle fondamentale, veu qu'il ne s'en trouue vne seule dans leur *parole de Dieu escrite*. Que si tous les Catholiques renoient ceste voye, pour instruire les pauures errants de ce party Reformé, il

seroit tres-aylé en fort peu de temps de reduire ceste coniuration des Ministres en fumée. Mais quoy? vn caprice sera plus tost espousé, que la procuration du salut des ames.

EXAMEN DE LA 4. 5. ET 6.<sup>me</sup>  
clause de l'article vingt huitiesme.

CHAP. VI.

**L**A quatriesme clause de cest article pretendu reformé est aussi calomnieuse que l'autre; bien qu'elle se trouue contredite peu aprez. Car elle prononce, *que nous auons corrompu, falsifié, ou aneanty du tout, les sacremens.*

Notez qu'elle dit generalement *du tout*, & neantmoins nous auons retenu le Baptisme, comme chante le mesme article: accordez ces flustes si dissonantes. De plus, l'escriu-

re n'en parla jamais, & n'en ſçauroit parler, ayant eſté eſcrite long temps deuant que fuſſions, au moins auant noſtre temps, auquel ils diſent qu'ils ont trouué l'Egliſe ruinée. Par ainſi nos Parties nous mettent vrayement à couuert de toutes leurs condamnations friuoles; pendant qu'ils s'imaginent d'eſuiter les foudres, qui les eſcraſent par la puissance que Dieu laiſſe à ſon Egliſe; qui les a Anathematizez au Concile general de Trente. Mais oyons finalement leur eſtrange propoſition.

Nous auons *corrompu* (ce diſent-ils) *du tout les Sacremens*. Or ce qui eſt *corrompu*, n'eſt plus; le Bapteſme, à leur dire, eſt vn Sacrement; il faut donc que nous l'ayons *du tout corrompu*. Vn peu plus bas, ils diſent au meſme article, que *le Bapteſme nous eſt demeuré*; nous l'auons donc *corrompu*, & nous l'auons encore. Dieu peut reſuſciter vn hom-



me mort & pourry, il peut aneantir vn viuât : mais de faire qu'vn corps *corrompu* soit entier en mesme temps, cela ne se peut faire. Vray est, que nos Aduersaires nous font plus puissans, que le Createur; veu qu'ils estiment, que nous auons en mesme temps *corrompu, falsifié, ou aneanty du tout le Baptisme*, & neantmoins nous l'auons encore, à leur aduis. Quel aneantissement est celuy cy, qui est compatible avec l'existence de ce qui est aneanty?

Tout homme, qui entend le discours, jugera ceux qui parlent de la façon, estre capables de toute meschanceté, pouuât soustenir avec vne pareille audace, que le plus grand crime du monde, est vne grande vertu; & au contraire, que la Iustice mesmes est vne vollerie: telle est la Reformation pretendue. Brisons icy, car tantost ils nous obligeront d'en redire quelque chose: seulement adjou-

sterons-nous ce mot, que nos *Parties* ne recognoissent que deux Sacremens en l'article trentecinquieme: de maniere que si nous auons *falsifié les Sacremens*, & non le Sacrement; il s'ensuit, qu'il ne nous en reste aucun que ce soit.

Or dites-nous, que recognoissez-vous estre necessaire aux Sacremens? est-ce l'eau, & les paroles au Baptisme? nous les auons. En l'Eucharistie, le pain & les paroles de son institution? nous n'en manquons point. En quoy sera donc posée la *falsification*, & l'*aneantissement des Sacremens*? certes vostre courage vous porte à l'impudence. Nous enseignons pour doctrine de l'Eglise Romaine, celle du texte formel de l'Evangile; sçauoir qu'au Baptisme (outré l'eau, & les paroles) nous sommes reellement regenez en Dieu, & faicts ses enfans par vne qualité inherante en nous, qui s'appelle la grace de Dieu, &

qui est tousiours conforme aux signes,  
qui la representent. Car si ce n'estoit  
qu'une imputation de iustice (comme  
disent nos parties) ou vne simple ap-  
prehension par foy de la mort de IESVS-  
CHRIST, il ne seroit besoing que d'un  
seul Sacrement. Suiuant cecy IESVS  
a dict en saint Iean 3. que qui ne sera  
regeneré d'eau, & du saint Esprit, n'en-  
trera jamais au Royaume du Ciel. Par  
cette creance Romaine, tout le monde  
voit que nous croyons beaucoup plus  
que vous en matiere des Sacraments.

Nous proposons en l'Eucharistie le  
corps de IESVS & sa chair, suiuant ce  
qui est dit en saint Iean 6. plus de six  
fois, & quatre fois ailleurs: le Sauueur  
disant Prenez mangez cecy est mon  
corps. De mesmes en ail dit de son sang  
le baillant à boire. Nous disie enfans  
de l'Eglise Romaine, disons cecy qui  
est formel en l'escriture expresse; & nos

*Joan. 6.*

*Matth. 26.*

*Marc 14.*

*Luc. 22.*

*1. Cor. 11.*

Gent. 3.

Rom. 16.

Apoc. 17.

parties falsifient tout cecy par leurs in-  
uentions nouuelles disant que ces sacre-  
mens ne sont que des seaux ou des figu-  
res & signes, nous accusant de ce qu'eux  
mesmes font; sçauoir est de *falsification*:  
tout ainsi que Satàn accusa Dieu d'estre  
enuieux de la prosperité d'Adam. E-  
strange entreprise. Sainct Paul assure,  
que la contradiction faicte à la doctri-  
ne, que les Romains ont receu, suffit  
pour faire condamner les contredisans  
comme idolatres de leur ventre, & par-  
tant infidelles. Que faut il donc juger  
de ces gens, qui osent dire que ceste E-  
glise Romaine a banny les pures veritez  
diuines, & aneanty les Sacremens? voire  
qui font profession de dire & de croire,  
que ceste mesme Eglise Romaine, bien  
qu'elle aye esté l'espouse de Dieu, qu'elle  
s'est prostituée à toute meschanceté,  
comme a fait ceste grande Paillarde  
adultere de l'Apocalypse.

Lisons la cinquiésme clause, & nous verrons, que nos parties ont espuisé mesme l'enfer, des plus atroces calomnies, qu'il scauroit vomir. La clause dit, que toute sorte d'Idolatrie, & de superstition à la vogue parmy l'Eglise Romaine, qui reconnoist le Pape pour son chef, qu'ils nomment aussi l'Antechrist en vn autre article, qui est le 31. de la nouuelle edition.

Qu'on s'imagine donc toutes les ordures, qu'on faisoit aux sacrifices de Moloch, d'Astarot, & de Belzebub entre les Philistins, & les Iuifs; qu'on se represente les meurtres execrables faicts des petis enfans, en sacrifice, & les abominations des Egiptiens; les horribles mechancetez de la Deesse Venus, de Priapus, de Saturne exercées en Grece, & en tout l'Empire Romain: toutes ces Idolatries là, & execrations sont innocences aupres de nos mysteres, & de nos iustifications: si tant est que la do-

Œrine reformée soit véritable, & non pluſtoſt vn deteſtable blaſpheme. Sainct Auguſtin rapporte en ſa cité de Dieu, vn monde de Dieux idolatrez par les Romains: nous auons bien d'autres ſuperſtitious que n'a eu l'antiquité, ſi nos aduerſaires en ſont creus. Et ſur ceſte accuſation; qu'ils nous dient que deuiendront ces propheties anciennes, & ſingulierement celle de Zacharie, diſant qu'à la venuë du Meſſie il oſtera de deſſus la terre le nom, & le culte des Idoles; yeu que jamais il n'y en eut tant, qu'à preſent, en la Chreſtienté, & dans l'Egliſe Romaine, au dire de ces aduerſaires conjurez: qui ayant vouë & iuré d'eſcrire cecy comme article de foy neceſſaire à ſalut, il eſt tout à fait impoſſible, qu'ils puiſſent eſtre ſauuez: attendu qu'ils jurent des articles contraires à la parole de Dieux expreſſe: laquelle ils tiennent eſtre la ſeule regle  
des

Zacha. 13,



des veritez, qui nous meinent à salut,

C'est aussi de ceste clause, que nous apprenons, qu'il ne faut rien attendre de bon de si perdus, & flagitieux Idolâtres, comme ils nous qualifient.

Par ceste voye aussi ils tranchent tout à faict, & retranchent de nostre commerce tous ceux, qui les croient: puis que nous auons par nos detestables forfaitures, & par nos erreurs, corrompu & empoisonné tout le monde, à leur dire: si que c'est vne grande merueille de voir leur inconstance, en ce qu'ils ne font que nous questionner, & nous faire des demandes, comme s'ils attendoient encore quelque bonne instruction de nous. D'où nous pouuons faire vne induction certaine, qu'ils sont fort combatus en leurs consciences: sachant bien qu'ils nous condamnent à tort, & sans raison, & ne cognoissans qu'ils le font sans aucun pouuoir legitime.

Cc



La sixiesme clause porte vn surcroist de condamnation, que subissent nos aduersaires, pendant qu'ils nous en chargent calomnieusement. Le meilleur est que non seulement ils n'ont aucune auctorité, eux mesmes ayāt asseuré en l'article trent'vniesme qu'ils estoient intrus, mais aussi qu'en effect par leur confession propre, ils ont esté chassez de l'Eglise Romaine (qu'ils aduoüent estre l'Eglise de Dieu) par le foudre de l'excommunication. Voicy donc la clause sixiesme.

Caluin  
Instit.  
lib. 4.  
cap. 2.  
§. 6.

*Nous tenons que tous ceux qui se meslent en tels actes, & y communiquent, se separent & retranchent du corps de CHRIST.*

Iugez Lecteur, l'ascendant, que ces gens ingerés de leur propre auctorité prennent sur nous, osans condamner le monde non sur la violation de la parole de Dieu; mais sur les simples songes

de leurs inuentions humaines, establies  
par vn seul *Nous tenons.*

C'est vous donc qui parlez, nos parties, fabriquans icy vostre condemnation; adioustans à la parole de Dieu escrite des clauses, qui donnent le desmenty à vostre article 5. où vous asseurez que toute *verité* estoit en la parole de Dieu escrite, en laquelle nous ne trouuons aucunement, que ceux qui communiquent à la doctrine, ou à la forme Romaine, soyent retranchez du corps de CHRIST; ains au contraire nous apprenons par l'expresse parole de saint Paul, escriuant à l'Eglise Romaine, ce

*Rom. 16.*

que nous vous auons desia appris, sçauoir que la foy de ceste Eglise se preschoit par tout le monde, que c'estoit la vraie forme de doctrine, que celle que les Romains auoyent receüe, & que ceux qui y contrediroient, n'estoyent pas seulement retranchez du corps de CHRIST; mais

Cc 2

*qu'ils estoient de vrays idolatres, & esclaves de leur ventre, n'ayant autre Dieu à seruir & adorer que leurs tripes. Considerez donc, Messieurs, comment vous pouuez combatre de front la parole de Dieu escrete, & vous dire ou Chrestiens ou Reformateurs de nos erreurs, ou de nos abus; vous en introduisant vn qui surpasse tous ceux de l'vniuers; desmenrant la parole expresse, sur laquelle vous fondez en apparence toutes vos pretentions de salut. Iugez Lecteur, combien nos parties sont esloignées de leur compte, & compatissez à leur scandale taschans de les deliurer de la damnation euidente, en laquelle ils se constituent de gayeté de cœur.*

1. Cor. 12.  
Ephef. 4.  
Rom. 12.

Mais puis qu'en l'article precedant examiné par nous, l'Eglise (qui est le corps de I E S V S- C H R I S T) est ruynée, & en desolation, comment *retrancher's vous vn membre d'un corps, qui n'est*

plus? Car vous dites, *quel'auex bastie de  
nouveau*: mais c'est vous, qui le dites;  
l'Escripture n'en parle pas. Ce ne sont  
donc qu'abus, que les clauses de vostre  
foy reformée: contemplez encore com-  
me vous vous moquez des justes ex-  
communications fulminées par la vraye  
Eglise: & puis jugez avec quelle appa-  
rence nous voulez faire peur des vo-  
stres nouvelles prononcées sans pou-  
voir contre tout ordre & justice, par des  
personnes intruses. Voyez si vous estes  
bien fondez de vouloir espouuànter les  
enfans de Dieu, avec vos ombres; com-  
me ainsi soit, que vous ayant Apostasié  
du corps & de sa maison de IESVS-  
CHRIST, ne craigniez sa Majesté, ny  
sa juste indignation versée desia sur vous  
par ceux à qui il a dict; *tout ce que vous* Matth. 16.  
18.  
*lierez en terre, sera lié au ciel.*

Encore ce mot. *Vous retranchez* (ce  
dites vous) *du corps de IESVS-CHRIST,*

*ceux qui communiquent avec nous en tels actes: quels actes? du baptesme, ou de l'Eucharistie? ou bien de toutes ces idolatries, que vous dites, sans les dire. Voyez vos inegalités, si nous denonceons sur vous ces maledictions, prononcées par la parole de Dieu escrite, vous osez nous appeller seditieux, perturbateurs du repos public: & neantmoins vous tournez vos bouches contre le ciel, & deployez vos langues repandās la sedition sur toute la terre, tout ainsi qu'un deluge, qui meine tout à la perdition: considerez vne fois vos iniustices.*

Que les Catholiques contemplent icy l'audace outrecuidée de quatre Moynes deffroquez accompagnez de deux Prestres reniez, & qu'au moins ils s'instruisent des affaires de leur salut, & qu'ils apprennent la modestie par l'insolence de ces aduersaires, qui sous

main, & à voix basse disent, qu'ils crovêt  
que les Papistes peuuent estre sauuez  
en leur Religion: & neantmoins nous  
voicy traictez comme des Diables, &  
pires que les excommuniez, & idolatres,  
nous constituans par leur arrest de con-  
demnation si damnables, que ceux qui  
traictent avec nous, en nos plus saints  
mysteres sont desia jugez, & censez  
estre en la dânation, priuez de la grace,  
& de la gloire de Dieu. Qui oüyt ja-  
mais vne plus violente entreprise vsur-  
pée d'une audace pareille à celle qui  
precipita Lucifer du Paradis, voire beau-  
coup plus grande? Passons outre.

*EXAMEN DE LA 7. CLAV-  
se de l'article vingt huietieme.*

CHAP. VII.

**V**Oicy les paroles de la clause sep-  
tiesme: *Toutesfois* (disent les Mi-  
Cc 4

nistres reformans ) par ce qu'il reste en-  
core quelque petite trace d'Eglise en la Pa-  
pauté, & mesme que la substance du Bap-  
tesme y est demeurée : nous confessons ceux  
qui y sont baptisez, n'auoir besoin d'un  
second Baptesme.

Il sera bon d'auoir icy les yeux, & l'en-  
tendement bien presens : afin de reco-  
gnoistre l'esprit broüillon de ceste pre-  
tendue Reformation. En premier lieu,  
cette clause ne doit estre creüe, non plus  
que les autres de leur Reformatiõ: d'au-  
tant qu'ils ont juré, *que la parole escrite*  
*contenoit toute verité necessaire à salut.*  
Or ceste doctrine couchée icy, ne se  
trouue en terme precis, en aucune Epi-  
stre de S. Paul, ny en autre liure de l'E-  
scripture sainte : il y faut donc renoncer,  
conformément à l'autre principe, *qu'il*  
*ne faut adjoûster, diminuer, ou changer riẽ*  
*qui soit, à la parole escrite.* Au demeu-  
rant, il ne se faut endormir sur ce que



nos Retranchez nous attribuent quel-  
que fois je ne sçay quels aduantages.  
Leur dessein passe de cette douceur ap-  
parente à des ruines certaines de nos  
ames. L'Aspic se cache entre les fleurs,  
& picque d'aguet. Que si nos Parties  
protestent hardiment (lors mesme qu'ils  
disent ) qu'ils n'adjoustant rien : au-  
tant en pourra dire le Iuif, qu'en tout le  
Talmud, & en la Caballe il n'adjouste  
& ne change rien de ce, qui est du vieil  
Testament : & moyenant qu'il aye autāt  
d'audace que nos Parties, il aura autant  
de raison qu'eux: mais ce n'est pas raison  
de prononcer tout ce qui nous plait, sans  
vouloir, ny pouuoir rendre aucun com-  
pte de ce qu'on assure. Mais pour ar-  
rester l'un, & l'autre; sçauoir est le Iuif,  
& l'heretique, il les faut reduire à la di-  
scipline receüe eēt es choses diuines, qu'hu-  
maines: sçauoir est, de leur demander  
en juge, & vne reigle. Que si on trou-

ue ce qu'ils disent *en la parole escrite*, je dis *escrite*, choisie par eux pour tout juge, & reigle, ils auront gagné; sinon ils seront estimez de tout le monde vains, & imposteurs, ayant la sedition dans leurs esprits, & en leurs articles de foy si ruineux, & pretendans de la semer par tout.

Secondement, cette clause icy est fort propre pour tromper le monde: car c'est vn desdit manifeste de ce, qu'ils auoient prononcé bien clairement en reste de cet article trent'vniesme, disans, que *pourtant ils condamnoient la Papauté: par ce qu'on ne pouuoit juger qu'il y eust aucune Eglise, d'autant qu'il n'y auoit aucun vsage des Sacremens, à parler proprement.* Bien est vray que la trame de l'article est ourdie de filets diuers, & trauessez de couleurs si differentes, qu'aux yeux louches c'est vn changeât de verd & de jaune. Mais tout homme de bon-

ne foy verra tres-cuidemment, que cet article dict bien nettement, que la Papauté est Eglise de Dieu, & qu'elle ne l'est pas; que nous auons le vray baptesme, & que nous ne l'auons pas, à parler proprement. Ces contradictions sont la propre liurée de la menterie, qui ne cherche que des trous, tout ainsi qu'un furet, pour s'y cacher.

Au demeurant, Messieurs, ne vous tenés pas à vostre mauuaise coustume non seulement de vous desdire, mais de ne dire les choses, qu'à demy; voire de les dire sans les dire. Obligés nous de declarer ( puis que vous auez entrepris de nous reformer ) quelles sont ces *traces de l'Eglise*, dequoy vous parlez icy escriuant *qu'en l'Eglise Romaine il y en a quelque vne*? dites nous d'oc combien en tout il y a de marques, & combien de sortes il y en a? veu que vous dites qu'elles sont des petites, & puis *qu'il ne*

Caluin  
lib. 4.  
Instit.  
cap. 2.  
§. ult.

Caluin  
cap. 16.  
in Ioan.  
præfat.

nous en demeure qu'une, montrés la nous, & enseignés nous les autres, s'il y en a. Vous n'avez rien à dire là dessus. Que seruoit il donc de parler comme cela en l'air? vrayment Caluin a esté bien plus courtois que vous; car il aduoüe franchement, que l'Eglise Romaine (que vous appelez la Papauté) est le temple de Dieu; que le nom d'Eglise, n'y est point aboly, ny celui de Dieu: adioustant qu'il y a (en ceste Eglise Romaine) quelques marques de l'Eglise: principalement celles, desquelles la vertu ne peut estre abolie, ny par l'astuce du Diable, ny par la malice des hommes. Il confesse aussi en ses Commentaires sur S. Iean qu'il tient de nous l'excommunication, la Cense, & le Baptême. Or notez que Caluin assure d'auoir escrit son institution pour la defense de ces articles icy, & pour en rendre raison à la France. Prenez mon aduis Messieurs les re-

ligionnaires; accordés vous si vous pouuez, autrement on vous accusera iustement d'auoir vn esprit vertigineux, & de diuision. Vos articles de foy chantent des rimes que Calvin, & que Marrot jugent estre sans raison.

*De la substance du Baptesme Reformé.*

CHAP. VIII.

**Q**Ve voulez-vous maintenant dire, Messieurs nos Reformateurs, prononçât cette proposition tirée à l'auenture? *Et mesmes (ce dites-vous) que la substance du Baptesme y est demeurée;* c'est à dire en l'Eglise Romaine. Parléz de grace clairement. Pensez-vous que le Baptesme des Catholiques soit cette *petite trace de l'Eglise, qui demeure en la Papauté?* Si cecy est, vous faictes peu d'honneur à vostre Sacrement, qui est le premier de tous, l'appellant, *une*

*Joan. 3.*

*Ad Tit. 3.*

*1. Petr. 3.*

*Genes. 7.*

*1. Cor. 10.*

*petite trace d'Eglise; veu que* **I E S U S-CHRIST** nous apprend, que c'est vne naissance, par laquelle nous sommes regenererez, & faiçts enfans de Dieu. Sainct Paul est plein d'eloges de ce diuin Sacrement; singulierement escriuant à Tite, disant, que Dieu nous auoit sauuez par ce pain de regeneration. **S. Pierre** aussi luy rapporte la saluation du deluge pour ceux, qui se trouuerent en l'Arche de Noë, comme vne figure propre à declarer le fruiçt du Baptesme. Si que la conseruation de la vie temporelle, causée par l'arche de Noë, fut vn' ombre de salut eternel, que nous cause le sacré Baptesme.

Le mesme **S. Paul** y attribue la figure du passage de la mer rouge, d'où le peuple de Dieu fut garanty de la seruitude de Pharaon, & du massacre. Iugez à quels grands effectz se rapporte ce digne Sacrement du Baptesme, pour la

*pour desabuser les esprits.* 415

collation duquel la sapience eternelle  
a enuoyé ses Apostres par le monde, *Matth. 18.*  
auec promesse, que moyennant iceluy,  
auec la foy on seroit sauué. Que si vous  
estes apsis par vostre esprit secret, que le  
Baptême n'est pas cette *petite trace*,  
mais quelque chose de plus important,  
desdites-vous donc de ce que vous di-  
tes, qu'il n'est demeuré qu'une *petite*  
*trace d'Eglise dans nostre Papauté*, ou  
faites nous voir cette petite trace; ou  
confessez la confusion qui vous brouil-  
le l'esprit. Or la verité est, que toutes  
vos marques de l'Eglise se reduisent à  
deux choses; sçauoir à l'usage des Sacre-  
mens, & à la predication de la parole de  
Dieu. Vous auez ja dict, que nous auïos  
*banny la pure verité*, embrassant toute  
superstition: vous venez aussi de dire,  
que nous auons *corrompu, falsifié, ou*  
*aneanty les Sacremens*: & auez jugé, qu'à  
*parler proprement, nous n'auons aucun*



*Joan. 3.*

*usage des Sacremens ;* que reste-il donc de trace ? si c'est le Baptême, c'est *vne* grande trace ; la premiere, la plus *vniuerselle*, & la plus necessaire. Car les enfans en sont capables, non de l'Eucharistie, ny du presche ; & ne peuuent entrer au Royaume du ciel, s'ils ne sont regenez par ce Sacrement, au dire du Sauueur : que si cette vostre trace n'est point le Baptême ; il n'y a ny petite ny grande trace en l'Eglise Romaine : mais il n'y en a aucune.

Voyez Catholique Lecteur, comme la sedition est intestine en cette confession de foy : elle mesme estant si mutinée qu'elle se destruit, sans que nous la combattions, qui est *vne* grande trace, & *vne* marque certaine de sa fausseté. Encore apprendrions-nous volontiers de vous, Messieurs nos pretendus Reformateurs, ce que vous appelez, *la substance du Baptême*, que diés estre  
en

*pour desabuser les esprits.* 417

en l'Eglise Romaine ; sçauoir si c'est  
l'eau seulement, ou les paroles instituées  
en S. Matthieu ; ou si c'est la grace qui *Matth. 28.*  
est conseruée par ce bain sacré. La verité  
est, que par vos principes il n'y a aucune  
autre grace, sauf l'eau, & les paroles,  
que nous employons. Nous auons aussi  
le pain, & les paroles, lors que nous  
voulons consacrer l'Eucharistie : ce que  
vous estant bien notoire, que ne nous  
attribuez-vous aussi vn'autre *petite trace*  
de l'Eucharistie ; si tant est, que les Sa-  
cremens ne soyent qu'une *petite trace*,  
& ainsi nous aurons au moins *deux tra-*  
*ces*. Or quoy qu'il en soit, veu que nous  
retenons les signes sacrez de vos Sacre-  
mens : nous auons non seulement les  
accidens, mais les Sacremens entiers,  
que vous receuez ; puis que vous n'en  
reconnoissez que deux, dict vostre arti-  
cle trente-cinquiesme. Que si vous re-  
ceuez la doctrine de Calvin assurant

que la *substance* des Sacremens est le merite de la passion de CHRIST, & sa vertu receuë par foy, nous croyons sa mort, ses merites, & sa vertu, & espérons en luy. Que reste il donc, sinon que vous recognoissiez, que nous auons les plus beaux, & les plus illustres poincts de la vraye Eglise, & non cette *petite meschante trace*, que vous prétendez estre restée chez nous, comme vn lambeau de l'espouse de IESVS, reduite à l'extreme misere? Nous voicy donc nantis d'une des meilleurs marques, & des plus substantielles, que vous puissiez auoir de l'Eglise; voire nous les auons toutes, pour ce qui touché vos Sacremens. Et quant à la predication legitime de la parole de Dieu (que vous dites estre l'autre marque de l'Eglise) vous la reduisez toute au vieil, & au nouveau Testamēt, que nous receuons aussi bien que vous, & mieux encore:

**p**our autant que nous admettons au saint Canon dix mille clauses, que vous forbanissez. Si donc vous remettez tous les moyens de recognoistre l'Eglise, à la parole écrite, & aux Sacremens, vous devez donc rayer par vos propres principes l'article que nous examinons, puis que vous trouvez en l'Eglise Romaine les vrayes, & entieres marques de l'Eglise de I E S U S- C H R I S T, recogneuës par vous pour legitimes. Comment vous exposez-vous donc à la risée du monde, proposant ces articles icy, qui semblent se mutiner tous ensemble, pour s'entre-ruiner? Vous diètes que nous n'auons *qu'une petite trace d'Eglise:* & nous vous montrons, que vous nous accordez *la substance du Baptesme:* & par vos maximes nous vous forçons à recognoistre, que chez nous est la vraye Eglise Catholique, & Apostolique, voire par vos propres marques. Vne chose nous tient

suspend, c'est la declaration de ceste  
*substance* du Baptisme; que peut estre,  
vous ne recognoissez estre telle, que  
Caluin la depeint: mais en vain crai-  
gnons-nous, puis que vous le dictes en  
l'article trente-cinquesme; C'est que  
toute *la substance & verité, tant du Bap-*  
*tisme, que de vostre autre Sacrement, est*  
en IESVS CHRIST.

Notez maintenant cecy, qui seruira  
pour autres subjects. Le mot de *substan-*  
*ce* signifie proprement vne nature, qui  
subsiste de soy mesmes, ou l'essence.  
Quelquefois il se prend en cōmun lan-  
gage pour le suc d'une viande, ou d'un  
herbe; comme on dict la substance, ou  
le jus, ou precis d'un chapon, ou d'une  
decoction d'herbes medicinales. Si on  
prend la *substance* du Baptisme en l'une  
de ces façons, il est impossible qu'elle  
soit en IESVS-CHRIST; veu mesmes  
que le Baptisme proprement n'est qu'un

ne action passagere du plongement, ou de l'infusion d'eau faicte sur le baptizé, avec l'inuocation, ou prononciation des trois personnes de la sainte Trinité: comment donc peut la *substance* de ceste action estre en I E S V S; veu que l'action n'est pas *substance*, & que ceste action est dans l'agent, ou au patient.

Que si par ceste *substance* baptismale vous entendez la grace, qui se confere aux regenez (comme le croient les Catholiques) ceste grace n'a peu estre proprement en nostre Seigneur: mais en l'ame du regené. Si ce n'est qu'on die, qu'elle est au Sauueur, comme en la cause: mais en ceste façon la *substance* de I E S V S-C H R I S T n'est pas au Baptisme, ny au baptizé, moins encor la *substance* du Baptisme fera-elle en nostre Seigneur, qui ne reçoit rien de nostre sanctification: tout ainsi que le Soleil pour causer la vie des plantes, est cen-



se les auoir en foy, comme en leur cause : mais pour cela la *substance* des plantes n'est pas au Soleil, ny la *substance* du Soleil ne vient pas es-dites plantes. De maniere que vous nous parlez icy d'une *substance*, qui n'a ny suc, ny subsistence, & que vous ne sçauriez entendre en qui elle est, de qui elle part, où elle tend, moins encore sçavez vous ce qu'elle est. Peut estre voudriez vous dire que la foy en IESVS-CHRIST est ceste *substance baptismale* : mais outre que ceste foy ne peut estre qu'en nous mesmes qui croyons; elle ne peut pas estre la *substance* du baptesme. Car les enfans estant baptisez ne peuuent pas croire (comme vous mesmes aduouez en vostre Catechisme) joinct qu'on croit la vertu du baptesme, auant que de le prendre, si on est en l'usage de raison. Quel Soleil faudroit il, pour donner jour icy; & pour dissiper ces nuages



tenebreux? Iugez Messieurs de vos articles, & de vostre religion: car si ce qu'il y a de *substance* est vne pure chymere; que sera-ce de vos songes?

Mais posons le cas que ceste *substance du baptesme* soit en I E S V S-CHRIST: certes si elle est en luy, elle ne peut estre en mesme temps en ceux, qui sont baptisez: car jacoit que nous receuions en nos ames (suiuant la doctrine Catholique) mille benedictions, mille graces, lumieres, & dons du saint Esprit, par le merite de I E S V S: ce neantmoins ces belles vertus sont en nous réellement: & en mesme temps ne peuuent estre en d'autres subiects. Car la grace, & les vertus sont accidēs (cōme aussi les actions) & ne peuuent passer d'un subiect à vn autre, ainsi que l'enseignent les bons Philosophes.

Que si vous dites que ceste *substance* est en I E S V S par foy, certes nostre foy

est vne creance de ce qui est desia dict,  
& reuelé de Dieu, sans qu'elle puisse  
rien mettre ny en Dieu, ny en nous;  
parce que l'estre des choses est prela-  
ble à nostre creance; comme pour ren-  
dre vne foy vraye, par laquelle ie croy  
que le Lazare aye esté resuscité, ce n'est  
pas assez que ie me persuade, que Dieu  
l'a peu faire, mais il est preallable que  
cela aye esté. Et la creance que i'ay de  
la resurrection de tous les morts n'est  
veritable, qu'entant que Dieu l'a dict  
comme ie le croy: mais pourtant ma foy  
ne les fera pas sortir des tombeaux; ains  
ce sera la voix de I E S V S, lequel a pres-  
ché ceste verité, & qui m'a donné la  
foy, par laquelle ie preste consentement  
à ses diuines paroles, qui sont viues, &  
efficaces, soit que ie les croye ou non.

*Joan. 11.*

*Joan. 5.*

*Heb. 4.*

*Joan. 6.*

Outre ce que i'ay dit des enfans bap-  
tisez, qui ne peuuent auoir la creance,  
& par ainsi auoir la *substance du Baptes-*

*me*, qu'ils ont neantmoins sans l'aüoir: car la *substance du baptesme* est le baptesme mesme: cōme la *substance* de l'homme est l'homme mesme. Outre cela, dis-je, quand personne ne croiroit en IESVS-CHRIST, il ne laisseroit pas d'aüoir ce qu'il a: & quand tout le monde croiroit que ie suis iuste, ceste creance ne me sert de rien, & ne met rien en moy, si ie ne le suis, faisant en effect la iustice: car (comme dit saint Iean) *celuy qui faict la iustice, est iuste*; il ne dit pas celuy à qui on l'impute, mais celuy qui a faict la justice.

Quelque persuasion qu'on se donne de manger, de boire, d'estre Roy puissant, sçauant, ou riche; si auant que de le croire, on n'est tel en effect; d'aurát plus fort qu'on s'imagine, ou qu'on le croit, d'aurant plus est on en erreur: comme nos Religioneux, qui se font acroire que mangeant vn morceau de pain, ils

auallent ce corps de I E S V S, qu'ils veulent neantmoins estre attaché au Ciel. C'est vne souplesse de Ministres, qui disent; & se desdisent, pour ne se vouloir arrester à la parolle *escriue* tant vantée, & si peu suiuite; qui prononce si souuent que I E S V S mesme a dit: *Cecy est mon corps.* La foy donc ne faict pas, que ce qui n'est pas, le soit: mais elle croit ce qui est, ou ce que Dieu faict ou fera, ou a desia faict. Que si la *substance du Baptisme*, ou de l'*Eucharistie est en la foy*, que nous auons, & qui reside en nous autres, il s'ensuiura deux absurditez extremes. L'une que sans aucun baptisme, ou Eucharistie, nous ne lairrons d'estre baptisez & repus, & partant les Sacremens seront inutiles. L'autre est que la *substance des Sacremens* consistant en la nature, & essence des Sacremens, il se pourra faire que les Sacremens n'estant point, ne lairront pas d'estre: & estant

ne seront point, qui est l'absurdité des absurditez: car croyant en I E S V S, on a la substance de tous les Sacremens. Or la *substance* d'une chose ne peut estre sans elle, ny la chose ne peut subsister sans sa *substance*. Croyans donc en Dieu, nous serons tousiours & baptisez, & repus de l'Eucharistie; ores qu'on ne prenne effectuellement ne l'un ne l'autre. Je laisse à dire que la vertu Theologale de la foy ne peut pas estre en I E S V S, mais en nous seulémēt. Si donc la *substance* des Sacremens gist en la foy, comme sera ceste *substance* en I E S V S: qui estant glorieux, & voyant Dieu en face ne peut auoir la foy obscure de ce qu'il voit si clairement, comme l'insinuē S. Paul aux Corinthiens?

Concluons cecy recognoissans qu'au dire de nos parties mesmes quelque signification qu'on donne au baptisme, & à sa *substance*, nous la possedons: de



mesme se verifera il de l'Eucharistie, de mesme des cinq autres Sacremens, que nous croyons.

En fin tout estant bien consideré on trouuera que nos aduersaires ne se scauroyent plaindre, que *les substances des Sacremens* ne soyent point en nous, ou que nous manquions de foy, qui est le fonds à leur dire, de toute l'Eglise. Car au contraire ils ne nous taxent en effect que de croire trop, & plus qu'il n'est escrit dans la Bible (à leur dire.) Mais outre qu'eux confessent d'auoir reietté du sainct Canon tant de milliers de clauses & d'articles, qui neantmoins sont imprimez dans leur Bible; qu'ils recognoissent d'auoir receu en leur confession de foy plus de quatre cens propositions, qui ne sont dans l'Ecriture, cōme nous voyons que ces quatre articles, que nous examinons icy, emportent plus de vingt & cinq propositions, qui ne se li-

ront jamais dans le nouveau Testament,  
si on ne le refaiſt de nouveau, avec ceste  
pretendue *Eglise baſtie ne nouveau.*

Mais que peuuent ils dire ſur ce que  
leur article cinquieme reçoit plus de  
cent popoſitions pour articles de foy,  
ainſi qu'auons demōſtré en ſon lieu, ad-  
mettrāt les trois ſymboles; des Apoſtres,  
de Nicée, & celui de ſainct Athanaſe,  
ſoubs ceste conſideration ſeule, qu'ils  
ſont *cōformes aux lettres ſainctes.* Ils re-  
tranchent donc & adiouiſtent à plaiſir;  
& nous accuſent neantmoins faulſemēt  
de ce qu'eux veulent perpētrer impu-  
nement; qui eſt vne intolerable preuari-  
cation.

Or qu'ils nous aſſignent vn juge &  
*vn* *regle des conformitez*, nous nous  
offrons de monſtrer, que tout ce que  
l'Eglise Romaine croit plus que les Re-  
ligionnaires, eſt plus que conforme à  
l'Eſcriture. Que s'ils n'auoyent vn ſi



grand mal-talent contre nous, & vne  
preoccupation d'esprit, pour leur refor-  
mation pretendue, ie leur offrirois de  
mōstrer nos principaux poincts formel-  
lement escrits dans la Bible : mais cecy  
ne se peut faire, & ne se fera jamais tant  
qu'ils auront l'entendement abreue  
de leurs mauuaises maximes. Il faut  
vuider premierement le vase de fiel, &  
le bien rincer auāt qu'on le puisse rem-  
plir de miel, pour l'y conseruer en sa  
sincerité.

EXAMEN DE LA 8. CLAVS6

*& derniere de l'article vingt-  
huitiesme.*

CHAP. IX.

**V**Oicy les quatre propositions de la  
clause premiere.

1. *Ioinct que l'efficace, & vertu du bap-  
tesme (ce dites vous) ne depend  
de celuy qui l'administre.*

2. *Nous confessons ceux, qui y sont baptisiez, n'auoir besoin d'un second baptesme.*
3. *Cependant à cause des corruptions, qui s'y font,*
4. *On ne peut presenter les enfans sans se polluer.*

Ces quatre propositions sont ourdies d'une subtile trame, ainsi que toutes les autres, où l'on faict passer le gros parmy le fin, un grand mal en compagnie d'un peu de bien, & beaucoup d'erreurs pour une petite verité entrelassée.

*L'efficace du baptesme* (disent les Ministres) *ne depend de celuy, qui l'administre.* Ceste proposition n'est pas de la compagnie reformée (à la bien prendre) puis qu'elle se trouue estre Catholique, non pour estre formelle dans l'Ecriture; mais parce que toute l'Antiquité, & les Conciles le nous tesmoignent ainsi, & l'Eglise la public. Car il faut re-

marquer, que ny les Apostres, ny l'Eglise, ny les Conciles, ny l'Antiquité ne peut faire vn article de foy: c'est Dieu seul, qui les fait tous; mais il n'appartient, qu'à l'Eglise Apostolique de les publier authentiquement. C'est donc vne doctrine Catholique, que les Sacremens ne prennent leur efficace des Ministres.

LUC. 22.

Mais ce n'est pas pourtant à dire, que tout homme soit capable de conferer toute sorte de Sacremens. Les Ministres jusques icy n'ont pas permis, que les Damoiselles ayent administré la Cene, quoy que I E S U S en son institution aye dict en general, Faites cecy en memoire de moy! de maniere qu'ils jugent, que ce ne seroit que nullité, si vne femme administroit la Cene, non ja neantmoins que Dieu l'aye deffendu par mots exprés.

Tant y a que nos Reformés, en effect  
ne

ne veulent pas que ny homme lay ; ny femme, administre ne la Cene ne le baptisme: mais les seuls Ministres, cōme estans Pasteurs des oüilles de CHRIST (ce disent ils). Qu'ils nous declarent donc, s'il est necessaire, que celuy qui confere les Sacremens, soit legitime Pasteur de la vraye Eglise ou non? Que dites vous icy Messieurs? puis que le Baptisme administré par les Cures Catholiques est vray Baptisme (à vostre dire) il faut que vous passiez cest autre article, qui coupe la gorge à plusieurs autres de vostre confession, sçauoir que les Prestres Catholiques sont vrays Ministres de l'Eglise de I E S V S. Ceste Eglise donc a tousiours duré depuis I E S V S-CHRIST en l'Eglise Romaine. Dequoy il ne faut autre respondant que ceste mesme proposition : & la deposition de tous vos Ministres, qui escriuent les Annales, & combattent la Papauté:

car ils recognoissent y avoir tousiours eu des Prestres, des Curés, des Papes, & des Euesques en l'Eglise Romaine.

Mais dites nous encore, n'y auroit il point icy quelque anguille sous roche? car tous vos articles sont accompagnés de tant d'obscuritez, & de doubles ententes, que tout y doit estre suspect, mesmement en ce qui concerne la mission. Vous avez publié que *l'estat de l'Eglise estoit interrompu*, & ce en l'article que nous venons d'examiner: ce qui ne se peut entendre que pour le déffaut des vrais Pasteurs, & Docteurs. Vous n'avez donc peu prendre la mission legitime de personne: aussi dites vous que vous *estes enuoyez extraordinairement*, & le dites sans le prouuer: tellement que vostre institution & rien c'est tout vn, ne vous restant pour toute approbation que la seule audace de le dire.

Outre ce, la nullité de vostre vocation

*pour desabuser les esprits.* 433

se recognoist encore, en ce que jamais Dieu n'a parlé de la façon que vous faites ; sçauoir qu'il deust enuoyer *extraordinairement des gens pour bastir l'Eglise de nouueau.* Tellement que la nouueauté de la commission vous argue tout à faict, & vous contrainct d'estre *personnes intruses, & ingérées* de vous mesmes. Que si vne femme veut emprunter ceste effronterie, que de s'appeller Ministresse, & enuoyée de Dieu, pour vne œuvre toute nouuelle, elle aura autant de droict, que vous.

De maniere que vous ne voulez aucunement, *que l'efficace du Sacrement depende du Ministre*, de crainte qu'on ne vous demande raison de vostre ministeriat. Car pour le regard de la créance des docteurs Catholiques, elle est telle, que comme le Sacrement est vne iustificatiō du tout diuine, la grace aussi

E c 2

qui y est conférée, dépend proprement & simplement de Dieu. Si est ce toutefois que personne ne peut conférer le Sacrament à soy mesme; & que les saints ordres sont instituez de Dieu, pour la confection des Sacramens. Si que comme le Sacrement n'est pas immédiatement conféré par Dieu mesmes, ainsi la grace, la vertu & l'efficace peuvent estre censez despendre en quelque façon, au moins instrumentalement, des personnes, qui confèrent les Sacramens.

1. Corintb. 4.

C'est pourquoy saint Paul osa bien dire, sans penser faire tort à Dieu, d'auoir engendré en I E S V S- C H R I S T, les Corinthiens. Et ailleurs il dit, que la charge, qu'auoit I E S V S- C H R I S T, de reconcilier le monde à Dieu son Pere, auoit esté communiquée à ceux, que le mesme Sauueur enuoyoit au monde. Aussi lisons nous que nostre Seigneur enuoye ses Disciples, Tout ainsi (dict-il)

2. Tim. 5.



que son Pere l'a enuoyé, leur donnant Ioan. 20.  
le pouuoir de remettre les pechez, qui  
est le vray effect de la vertu du Sacre-  
ment de penitence. Tout ainsi donc que  
les miracles faicts par les Apostres,  
venoyent bien de la vertu de Dieu: &  
neâtmoins Dieu les faisoit par ses amis;  
& pour ce regard ils dependoyent au-  
cunemēt d'eux: tout de mēme le prin-  
cipal agent ez Sacremens est veritable-  
ment Dieu, qui donne l'efficace audict  
Sacrement: mais aussi veut il, qu'on y  
recognoisse le concours, & de celuy  
qui confere le Sacrement, & de ceux,  
qui le recoiuent estans en estat de l'aage  
de discretion, bien que la dependance  
en soit differente.

Par ceste declaration on se peut sau-  
uer du piege, que nos parties preten-  
droient nous tendre par ce peu de veri-  
té Catholique, qu'ils sement entre tant  
d'erreurs.

De ce que dessus despend vostre seconde proposition de cette clause, qui aduouë, & desaduouë en même temps, qu'on peut reiterer le Baptisme: au moins broüillez-vous l'esprit du lecteur; disans que *celuy qui est baptizé chés les Catholiques, n'a besoin d'un second Baptisme.* Ne sçauriez-vous jamais parler franchement, sans que la verité vous baille la question? Dites nous si vn seculier, si vne femme, en necessité auoit baptizé quelque enfant (comme nous croyons qu'en tel cas cela se peut faire) tiendriez vous cet enfant pour bien baptizé? ne le rebaptizeriez vous pas avec les Anabaptistes? Au moins alors jugerez-vous qu'il deura estre rebaptizé, & vostre proposition reformée sera violée en plusieurs manieres: car premierement vous le rebaptisez, jugeant que le baptizé à la Romaine aura besoin d'un autre Baptisme. Secondement par cette rebapti-

zation vous tesmoignerez de croire, que la vertu, & efficace du Sacrement depend en quelque façon du Ministre, entrant que le Sacrement mesme ne peut estre, si le Ministre n'est competant; ou bien vous jugerez, que ce vous est vne chose indifferente, quelque Ministre que vous ayez, pour faire & donner vos Sacremens. Et par ainsi les femmes distribueront la Cene aussi bien que le Baptisme: qui est expressement contraire à la doctrine reformée, rapportée par Calvin. Quoy que ce ne deuroit pas estre si estrange en vostre loy; attendu qu'il n'y a en vos Sacremens que de leau, & du vin à verser, & à servir vn morceau de pain, qui n'ont autre vertu en soy qu'un signe non necessaire à salut: attendu que vos enfans non baptizés sont aussi bien sauuez (ce dites vous) que les baptizés. Troisiemement vous tenez en vostre Religion, que le Baptisme

Calvin  
lib. 4.  
Instit.  
cap. 15.  
§. 20. 26.  
& 10.

\* Calvin  
Dinan-  
che 3. &  
Act. 19.  
& au lieu.  
4. Inst.  
cap. 15.  
§ 7.

practique par S. Ieā Baptiste, estoit aussi efficace, que celuy de IESVS CHRIST, (cōme le soustient opiniaistremēt vn de vos gens enuoyé extraordinairement, sçauoir est Calvin) quel mal y auroit-il dōc d'vser d'vn secōd baptisme enuers celuy, qui auroit esté baptizé? puis que nous voyons aux Actes 19<sup>me</sup>, que S. Paul a estimé necessaire de baptizer vn'autre fois, ceux qui auoiēt receu le Baptisme de S. Ieā? L'imitation d'vn si grād Apostre pourroit-elle polluer vostre S. Esprit, qui vous parle en secret? ou ne se peut-il pas accorder avec celuy de saint Paul, vaisseau d'election? Pourquoy dōc deffendés vous de rebaptizer vn baptizé? Finalement ie trouue en vostre façon de parler vn grand manquement en ce que vous ne vuides pas la principale question, qui appartient à cest affaire: puisqūe vous dictes seulement que le Baptizé à la Romaine *n'a pas besoin*

*d'un second Baptisme.* Que diriez vous donc si quelque vn de vostre secte le rebaptizoit ? comme à la verité vous desiriez faire, suivant ce que vous aués insinué si clairement par deux fois en cest article icy, faisans jurer vos adherans qu'en l'Eglise Romaine il n'y auoit nul *usage des Sacremens à parler proprement*, & qu'ils les auoient corrompus, & Caluin l'enseigne ainsi. Que si cela est, vous estes obligez de rebaptizer tous ceux, qui passent de nostre Religion à la vostre, puis qu'ils ne *sont pas baptizés à parler proprement* ; car celuy qui est improprement baptizé, n'est pas baptizé : tout ainsi qu'un pourtraict appellé Cesar improprement, n'est pas vrayement Cesar l'Empereur ; & celuy qui mange improprement, ne mange pas. Certainement qui voudra estre bien attentif à ceste vostre proposition, scauoir *qu'un enfant baptizé à la Catholi-*

Caluin  
lib. 4.  
cap. 15.  
§. 15.

que n'a pas besoing d'un second Baptisme, jugera qu'il y a icy vn'insigne tromperie, en ce que les Ministres disent qu'il n'a besoing que d'un Baptisme, & non pas de deux. Car attendu que les Catholiques ont aneanty le Baptisme (comme porte vostre seconde clause de ce mesme article) ce ne sera pas vn second Baptisme, quand on le baptizera chés vous: mais ce sera vn vray Baptisme à parler proprement, comme vous jargonnés. Que si vous persistés en vostre erreur, qu'en l'Eglise Romaine, il n'y aye poinct de Sacremens, ou vous souffrirés que tous ceux qui passent à vostre party du nostre, demeurent sans Baptisme, (puis qu'ils n'ont besoing d'autre Baptisme que celuy qu'ils auront eu chés nous) ou il faudra que vous confessiez qu'ils seront baptizés, & ne le seront pas: & en despit de Dieu, & de sa parole escrite, ils entreront au Ciel: car

IE S V s ne sauue que ceux, qui croient  
& sont baptizés. Arrrestons nous vn pe- *Marc 16.*  
tit icy. *Ioan. 3.*

*Continuation du mesme propos.*

CHAP. X.

**V**Oyez, Messieurs, quels labyrin-  
tes contiennent vos articles: où  
vous dictes, & ne dictes pas: où vous  
uidez les questions, les laissant indeci-  
ses: où vous prenez pour bons les Sa-  
cremens aneantis: & les bons vous les  
condânez, pour corrompus; où vous rece-  
uez les paroles impropres, pour propres;  
& au contraire, les termes bien propres,  
vous les tenez pour impropres, laissant  
l'esprit de vos pauures ouïailles flottant  
dans l'incertain; voire les induisant en  
l'Anabaptisme, ou à l'Atheïsme, ayant  
reduit toute la cognoissance de Dieu à  
la seule Bible: de laquelle vous vous



mocquez. Et quant à l'Anabaptisme, il est certain, que vous y portez ceux, qui vous croient, en ce que vous parlez si ambiguement, que neantmoins vous penchez plus sur l'affirmative, que sur la negative: par ce que usant du mot precis de la *nécessité*, & disant, *qu'il n'est nécessaire de le rebaptizer*, vous laissez cet erreur en l'entendement, que ce seroit mieux faict de donner vn second Baptisme à celuy, qui seroit ja baptizé à la Catholique. C'est ainsi que conclud S. Paul parlant de la virginité. Le pere d'une Vierge n'est pas nécessairement obligé de la faire viure en perpetuelle continence (dict S. Paul) mais il fera mieux (ce dict il) de ne la point marier. De mesmes vous autres prononçans, qu'il n'est pas du tout *nécessaire* de rebaptizer vn enfant Catholique, laissez à penser, que ce seroit neantmoins beaucoup mieux faict de le faire: & en ceste

1. Cor. 7.

façon vous serez *nécessairement* Anabaptistes. Que si vous estes constans à croire, que nostre Baptisme est falsifié & aneanty, il faudra dire tout au rebours de ce que dict vostre proposition: car non seulement il n'est pas *nécessaire* de luy donner vn autre Baptisme; mais il sera *nécessaire* tout à fait de le rebaptizer. Vous voila donc tous Anabaptistes. Si que de quelque costé que vous vous tourniez, vous ne voyez qu'erreurs, que descōfitures causées par vous mesmes: pendant que vous essayez de combattre l'Eglise Romaine, la maison de Dieu, la 1. Tim. 3. colonne de la verité.

Il y a icy vn autre chef à debattre: car si vous jugez, que le Baptisme n'est pas *nécessaire* à l'homme, pour estre sauué, (comme vostre façon de parler le declare icy suffisamment) vous serez encore plus blasmables contredisans à la parole expresse de Iesus assurant qu'aucun

*Joan. 3.*

n'entrera au Royaume des cieux, s'il n'est regeneré d'eau, & du S. Esprit. Certainement je descouvre, que vous estes en transe perpetuel, comme vn criminel preuostable, qui craint la peine; la craignant, il commence de la sentir; & ce sentiment gehesne plus l'esprit, que la mort n'est duré au corps. De là vient que vous ne parlez jamais franchemēt, craignans d'estre surpris.

Premierement vous tenez pour chose certaine, que les enfans des fideles sont sanctifiez dez le ventre de leurs meres: il n'est pas donc *necessaire* pour la sanctification d'estre baptizé. Secondement vostre opinion est, que c'est la predication de la parole de Dieu, qui sert au Baptisme: & la seule foy en IESVS-CHRIST justifie (ce dites-vous) le Baptisme, n'estant rien plus qu'un signe adjousté à la parole, pour plus ample confirmation, ainsi que chante vo-

stre article trentequatriesme. Vous obligez aussi les pauvres parens de mener les enfans à vos presches, où bien souuér ils meurent sans ce Sacrement de salut; & ne consolez autrement les meres desolées, qu'en disant, que le Baptisme n'est pas *absolument necessaire*, & qu'il ne se peut conferer qu'en vos temples, où se fai& le Presche; ce que jamais l'Escripture n'a dict; voire elle a prononcé, & practiqué formellement le contraire. Car nostre Seigneur proteste en S. Iean troisiésme (ainsi que venons de dire) que quicóque ne sera rené de l'eau du saint Esprit, n'entrera jamais au Royaume du ciel. Les Apostres aussi ont baptizé à la campagne, emmy les ruës, & aux maisons prophanes des Gentils. Voicy vos beaux articles de foy puisez (ce dites-vous) de la pureté de la parole escrite: laquelle neantmoins y est desmentie, nó seulement en ce qu'il n'y a pas vne seu-

Artic. 8.  
& 10.

le de vos propositions reformées dans  
cette parole : mais principalement en  
ce qu'elle repugne de front à ce que  
Dieu prononce en son nouveau Te-  
stament.

Estant donc vne opinion constante  
en vostre party; Que les hommes peu-  
uent estre sauuez sans le baptesme, ne  
rafchez vous pas icy par des mines se-  
crites d'abolir les Sacremens tout à  
faict? & ce à parler proprement. Car de  
*Apoc. 7.* sept que IESVS-CHRIST nous en a  
laissé, comme les sept sceels du liure de  
vie, vous en auez aneanty cinq; & quât  
aux deux, que vous faictes semblant  
de retenir, vous en abolissés icy l'un. Si  
qu'il ne vous restera que l'autre, lequel  
aussi vous alambiquez en figure. De  
maniere que vous nous accusez fause-  
ment d'auoir aboly tous les Sacremens,  
ce qu'en effect vous pratiquez: veu que  
vous voulez que ceux de vostre party,  
qui

qui auront esté baptizés en nos Baptis-  
tères, se contentent de ce Baptisme là:  
lequel à vostre aduis n'est point *Baptis-*  
*me, que corrompu & aneanty.* Ils seront  
donc sauuez sans Baptisme, qui est vn  
viure sans ame, & estre Fils de Dieu,  
sans estre engendré, nostre Sauueur *Ioan. 1.*  
par sa parole escrite nous ayant asseuré *Rom. 6.*  
maintes fois, que la vie & la generation *Act. 19.*  
spirituelle se prenoit du Baptisme insti-  
tué à cet effect. Qu'il vous souuienne  
maintenant de ce que le Fils de Dieu  
dit aux Iuifs en saint Iean 8. Sçauoir est  
qu'ils estoient enfans de Satan: d'autant  
qu'ils en auoyent l'humeur à la mente-  
rie, & à l'homicide. Iugés donc si la  
fausseté, que vous preschés icy, disant,  
que le *Baptisme n'est nécessaire*, n'est pas  
vn meurtre, non des corps seulement;  
mais aussi des ames: & voyez quant &  
quant quel besoin vous auez de faire  
penitence promptement n'ayant pas

seulement tué vn de vos freres corporellement, comme Caim; mais ayant damné à perpetuité tant de milliers de pauures innocens, les enuoyant à l'autre monde sans Baptisme; bien que vous oyez IESVS-CHRIST protestât, que personne n'entrera au Royaume de la vie eternelle, s'il n'est baptizé. A quoy faire furent enuoyez les Apostres pour baptizer le monde? IESVS mettant conjointement ces deux choses, *Qui croira & sera baptizé, sera sauué*; il ne dit pas qui aura l'vn ou l'autre: mais l'vn & l'autre. Que si vous estimez, que l'vne de ces deux actions ne soit pas nécessaire, de mesme en pourra-on dire de l'autre: & ainsi tout le salut sera mis au neant. Sur quoy il est nécessaire de remarquer attentiuement, que comme chasque petit changement és visages représente vn'autre figure d'homme; de mesme aussi chasque petite altera-

*Matth. 28.*

*Marc. 16.*



tion en matiere de la foy, bouleuerse  
tout: & se peut dire, que comme l'espe-  
ce des notes se change entierement par  
l'addition, ou subtraction d'un seul  
point, ainsi en est-il de nostre creance.  
Et qui met en compromis vn seul Sa-  
crement, renuerse l'establissement de  
tous les autres. Tenons nous donc en  
cette fermeté immuable, qui est le signe  
assuré, que Dieu est l'auteur de nostre  
foy, & de tout ce qui en depend.

**EXAMEN DE LA 13. & 14. me**

*de la proposition de la clause huitiesme  
de l'article vingt-huitiesme  
du Catechisme*

**N**OS Reformateurs font icy les scri-  
puleux, à l'imitation des Scribes,  
& Pharisiens, qui deuoroyent vn cha-  
teau entier, & passoyent vn mouche-  
ron par la manche d'hypocras. Des-

*Matth. 23.*

couurons leur hypocrisie conscientieu-  
se. Voicy l'humeur de nos aduerses Par-  
ties. Ils ont foulé aux pieds les person-  
nes Apostoliques: ils ont efforçillé les  
deux testaments de Dieu: ils ont mis  
tout le monde en combustion: ils nous  
ostent tout moyen de purifier nos ames.  
Ne fait-il pas beau voir ce que couchét  
à present ces Puritains en la conclusion  
de leur article? *Cependant (disent-ils.)*  
*à cause des corruptions, qui y sont, on n'y*  
*peut presenter les enfans sans se polluer.*

Ils prononcent icy deux sentences;  
l'une est qu'en nostre Baptême, *il y a*  
*des corruptions.* Ils auoient desia assuré  
qu'il ne se trouuoit aucun vsage des Sa-  
cremens en l'Eglise Romaine, à parler  
proprement: il n'y a donc chés nous au-  
cun Baptême à leur aduis. Plus bas ils  
ont dit, que nous auons corrompu, falsifié,  
ou aneanty les Sacremens, qui ne sont  
que deux (selon leur opinion) com-

ment donc se peut il faire, que l'un de ces Sacremens soit veritablement Sacrement; & que neantmoins il y aye *plusieurs corruptions*? Il ne faut qu'une seule *corruption*, pour destruire vne substance: comm'il ne faut qu'une generation pour la produire. Partant le Baptisme ne peut plus estre en nature, s'il est vne fois *corrompu*: comment peut il donc souffrir *plusieurs corruptions*, & neantmoins apres cela subsister encore? Vn vin estant corrompu, n'est plus vin: & suffit qu'il soit vne seule fois corrompu, pour perdre entierement son estre.

Comment donc pouuez vous croire Messieurs, que les Catholiques ayent vn Baptisme, veu que non seulement il n'est point en usage chez nous (dit l'un de vos articles de foy) mais aussi attendu qu'il est *corrompu* par plusieurs corruptions, comme vous affirmez icy? Encore se faut il persuader (à vostre aduis)

que ce pauvre Baptesme a esté corrompu de toutes les façons, que vous vous imaginez, apres auoir esté falsifié, abartardy, & aneanty du tout. Admirables conceptions, & grotesques, qu'un Baptesme soit falsifié, voire aneanty; & soit Baptesme neantmoins; & qu'il soit corrompu par plusieurs corruptions apres estre aneanty; & qu'estant corrompu vne fois, il subsiste encore, pour estre corrompu plusieurs fois. Iugez Lecteur, comme ceux, qui estant baptizés chez nous, peuuent passer à ces pretendues reformatiōs, sans estre baptizés: si ce n'est qu'ils abolissent toute la vertu de ce Sacrement. D'où il se peut voir, qu'il ne l'estiment non plus necessaire, que la Circoncision des iuifs. Voyons la conclusion. *Cependant (dites vous) on n'y peut presenter les enfans sans se polluer. Accordez vous si vous pouuez. Messieurs (sinon avec nous, ny avec la Bi-*

ble) au moins avec vous mesmes. Vous dites, *que la seule foy justifie*, comme dit l'article 20. de vostre foy: la justification, & la pollution sont deux choses contraires: il faut donc que l'establissement de l'un, soit la ruine de l'autre, si le Catholique à le vray Baptesme, & les vrais Ministres. Celuy fait bien qui croit cela: & qui le pratique, & ne le croit, est infidele à vos articles: & en suite il l'est à tout vostre party & à Dieu. Quelle pollution peut donc contracter celuy la, qui selon la vraye foy, va rechercher les vrayes Pasteurs, pour faire baptizer ses enfans? Vous dites qu'il y a des ceremonies, que vous n'approuuez pas, & que vous nommez *corruptions*: mais c'est vous qui le dites: ce n'est pas le juge, & la regle unique l'Ecriture expresse. Comment donc entreprenez vous de parler, & de condamner? ce que Dieu ne fist jamais, mesmement en vne affaire de si



Rom. 4.

grande importance ? Iustifiez nous que Dieu aye deffendu ce que nous faisons, & que vous condamnez de *corruption*: si vous pretendez dōner quelque poids à vostre dire. Car S. Paul a tres bien jugé, que la où il n'y a point de loy, il n'y peut eschoir aucune preuarication. Produisez nous donc vne loy, par la transgression de laquelle soit justement condamné de *pollution* celui, qui sera baptizé à la Romaine. Nous vsons de saluie, nous mettons les doigts dans les oreilles, nous faisons aussi maintes telles choses, que vous appellés abominables corruptions, & signâment le soufflé de l'exorcisme. Que si cela estoit si meschant que vous le dites, il faudroit condamner Dieu, l'Escripture, IESVS-CHRIST, qui a practiqué luy mesmes plusieurs de ces mesmes ceremonies. Il faudroit aussi censurer tous les Saints, qui nous ont précédé depuis seize siecles, & faudroit

raturer de saint Augustin , de saint Ambroise, & de tant d'autres, ceste sentence si rebattuë, Que toutes les actions de IESVS-CHRIST, seruent à nostre instruction, suiuant le dire du mesme Sauueur, Que le fils ne peut practiquer, que ce qu'il a veu faire à son Pere. Car pour le souffre singulierement, Calvin confesse, que ceste ceremonie à esté practiquée dès le commencement de la predication de l'Euangile: c'est donc vne coustume Apostolique. Peut estre (direz vous) que ces *corruptions* sont accidentelles, & accessoiress au Sacrement: or les accidens ne preiudicient aucunement à l'essence (presens, ou absens qu'ils soyent) comme sçauent les plus chetifs Philosophes. Quand donc les ceremonies seroyent bien des *corruptions*, elles ne peuuent pourtant aneantir la substance du Sacrement; ny ne peuuent polluer la foy de celuy, qui ne regarde

Caluin  
lib. 4.  
Instit.  
cap. 15.  
§. 19.



qu'au Baptême ( duquel la substance  
est de nous comme vous disiez tant-  
tôt ) puis mesmement qu'elles ne sont  
que des accessoires, eu esgard à l'essence  
dudit Sacrement. De maniere, qu'a bien  
ratiociner, vos polluez ne le seront pas:  
& estant justifiez par la foy serot neant-  
moins polluez. Qui pourra jamais ac-  
corder ces difficultez, & contradictions  
icy avec toutes les autres, desquelles ces  
articles fondamentaux sont farcis? Saint  
Hierosme a fort bien dict, que rien ne  
ruine tant l'Heretique, que de le faire  
parler clair. Et comme il dit à Ruffin, il  
faut faire sortir ces coullegeures de leurs  
trous, parce que la seule lumiere de la  
verité les destruit. Voyons maintenant  
pour clorre tout ce petit trauail, comme  
il faut vser de ceste pierre de touche, &  
practiquer l'art contenu en ce que des-  
sus.

Epist.  
ad Cte-  
siph. cōt.  
Pelag.

LA PRACTIQUE

de ceste pierre de touche.

*Conclusion de l'auure.*

CHAP. XII.

A Ffin que le Lecteur affectionné à la reduction de ses amis desuoyez, puisse vser de ceste pierre de touche, & practiquer les preceptes respandus icy, je luy presenteray en general ce qu'il aura à faire. Car j'espere de monstrier peu aprez par vn autre petit trauail (dressé contre plusieurs Ministres) comme on s'y comportera ez particulieres conferences.

Premierement il faut tascher par quelque voye bien douce, de disposer l'er- rant à nous vouloir donner vne audien- ce paisible, & de se mettre en conside- ration. Car si on entreprend de l'arre-

ster brusquement, il ne fera que questionner, sans aucune vtilité : de sorte que ce sera d'ordinaire temps perdu, accompagné d'un grâd degoust de part & d'autre. Car si celuy, avec lequel nous traictons, est sçauant, ou s'il le contrefait, il eschappera par le change ; ou par mille *c'est à dire*, qui n'ont jamais de fin. S'il est ignorant, il s'excusera sur ce qu'il n'entend la dispute ; fuyant ainsi son bien, & son salut. En fin il se faut renger à l'aduis du Sage, disant : *Vbi non est audient, ne effundas sermonem*. c'est folie de parler à qui ne nous preste audience.

Secondement il luy faut remontrer, qu'il est prealable de cognoistre si la religion est vrayement bonne, ou si elle ne contiendrait point quelque erreur, auant que d'accuser les autres, ou auant que de s'informer de la bonté de la nostre, ou de quelqu'autre, s'il s'en trou-

toit; laquelle on ne scauroit jamais goûter par des principes, qui seroyent contraires à ceux, ausquels nous sommes nourris. Que si nous descouurons y auoir de la fraude en la doctrine des Ministres, il la faut rejeter, pour estre susceptible de la verité, contraire au mensonge: comme, à la verité, il est prealable d'oster la fiebure, si on veut oster l'alteration, qui en est causée.

Troisièsmement il faudra prendre du Religioneire la proposition en termes propres, qu'il pensera estre en sa confession de foy Reformée: (en quoy il faut auoir les yeux ouuerts: par ce que souuent ils les desguisent à dessein, ou par mesgarde) afin de les approcher, & de les conferer avec les textes de l'Ecriture citée par les Ministres, soit en leurs traictez, soit ez marges des articles de leur foy, ou qu'ils pretendent alleguer. Mettons vn exemple; Ils ont

Art. 23.

vn article de foy, lequel assure, que *l'intercession des Saints, & le ieusne de Carefme, ne sont qu'abus, & fallaces de Satan.* Cet article contient vn'accusation des coustumes receuës en l'Eglise Romaine. Il faut qu'ils monstrent cela en leur reigle vnique, l'Ecriture, sans les laisser eschaper: par ce que toute accusation intentée pour estre vrayment accusation non calomnie, doit estre acompagnée de preuues, & doit estre fondée sur quelque loy violée: or toute loy gist ou à commander, ou à prohiber quelque chose. Nous maintenans, que nos accusateurs ne veulent receuoir aucune loy, que celle de la sainte Escriture: qu'ils monstrent donc vne deffence expresse, *de ne ieusner point le Carefme, ou de n'inuocquer point les Saints.*

Art. 15.  
Art. 20.

De mesme faut-il insister sur ce qu'ils assurent qu'il n'y a que deux Sacremens, que la seule foy nous iustifie, & sembla-

bles. Faute d'estre attentif à cecy, on s'esbat long temps à la perche: & on perd le téps en vaines concertations. Il sera necessaire aussi de faire assigner. Vn juge par nostre Aduersaire, tel qu'il luy plaira, sans luy permettre de changer ou d'extrauaguer, & faudra se gouverner constamment par la loy ou *la regle de la seule escriture sainte*, qu'il a accoustumé de suiure, sans prendre ny donner le change. Car en tout jugement pour vuidier quelque procez, il faut vn juge stable, & vne loy certaine, selon laquelle les juges prononcent les arrests. Or est il bien certain, que ces Messieurs, là remplis de des fiance ne receurôt jamais la loy de nous; & leur audace ne donna jamais lieu à nos raisons, quelques belles, fortes, & decisives qu'elles soyent. Que si par le respect des personnes, ou par quelque autre consideration, on entreprend la dispute sans garder cest or-



dre, que nous mettons icy en auant, sans doubte on y perdra la peine: l'Heretique en triomphera, s'obstinera d'auantage, & les escoutans sortiront de l'action avec mescontentement; voire souuent avec scandale, comme a tres-bien remarqué Tertullia en ses Prescriptions contre les Heretiques. Et pour ces mesmes raisons les republiques bien policées defendent seuerement toute sorte de dispute avec les Sectaires: d'auant que leur dessein est de ne receuoir aucune loy, ny auctorité legitime: ains au contraire telles personnes veulent rejeter tout le monde, blasphemant toute Majesté (comme tres-bien dict saint Iustin) & en ceste façon ils se condamnent par leur propre jugement au dire de saint Paul: lequel pour ceste raison peremptoire defend aux Euesques mesmes de traicter avec tels presumptueux, plus haut d'une fois ou deux au plus.

Afin



Afin donc que le tout se passe sans desordre, sans crierie, & cholere, qui accompagne toute procedure conduite sans discipline, & reglement, il est necessaire ( comme nous venons de dire ) de mettre par escrit en propres termes la proposition, qu'on pretend de battre: autrement par mesgarde, par oubly, par precipitation, ou par malice, on change ayseement le subiect de la dispute, ainsi qu'on le voit arriuer le plus souvent, mesmes sans y penser. Apres la proposition, qui est en question, faudra escrire deffoubs, le juge nomme par nos parties, & leur loy, qu'ils disent estre Dieu *parlant en sa parole escrite de la Bible*, si que Dieu est le juge seul, la Bible est la Artic. 5. regle conique, sans qu'il soit loisible aux hommes ny aux Anges de rien adiuster, diminuer, ou changer. Cela fait, on mettra en suite ce qu'on pretendra mettre en auant, en qualite de texte formel, ti-

ré de l'Esécriture, prenant bien garde si les termes de la proposition débattuë sont les mesmes, que ceux du passage allegué, ou non. S'ils sont les mesmes sans aucune alteration, quiconque sçaura lire, jugera aisément du merite de la cause: que s'il y a de la variation, elle se verra à l'œil. Et si nul terme de la proposition débattuë n'est au texte allegué, on descouvrira en mesme temps la nullité de la pretenduë Reformation accompagnée d'une insupportable, & d'une mauuaise tromperie des Ministres, dignes de la haine publique.

Que si quelqu'un se veut obstiner, disant de bouche ce que les yeux desmentent, c'est temps perdu de passer outre, apres luy auoir remonstré plusieurs fois qu'il se trompe au sçeu, & au veu de tout le monde. Que s'il arriuoit qu'il y eust deux passages alleguez de part & d'autre, d'où il parust quelque

opposition, ou contrariété, il luy faut remonstrer qu'il est necessaire ( puis que son juge ne parle de ce qui est en debat ) qu'on recoure à quelque autre juge, & à quelque autre regle que celle qu'il auoit assigné. En ceste façon on peut monstrier infalliblement, si les Religionnaires ont l'escriture ou non; & si leur juge & regle s'estend à tout ce qui appartient aux vuidanges des procez de Religion, ou non.

Au demeurant si apres les auoir conuaincus, ils ne se conuertissent sur le champ; si portent ils la fiesche au flanc, qui les fera mourir à l'erreur. Car en disputant avec leurs Ministres, ou avec leurs compagnons, ils ne lairront de les mettre en chemin de salut: lequel nous leur deuons non seulement desirer, mais aussi procurer de toute nostre puissance. Voicy comme on procedera en l'Escrature susdite.

Proposition pretenduë Reformée.

Artic. 35.

Il n'y a que deux Sacremens.

L'Ecriture, qui est alleguée est aux Actes 22. Cela ouy, maintenant que tardes tu? leue toy, es sois baptisé, & lauë de tes pechez en inuoquant le nom du Seigneur. Le juge & la regle, Dieu parlant par l'Ecriture. Par cet accarrement on void que l'allegation de l'Ecriture ne contient pas vn mot de cest article pretendu Reformé.

Vne chose faut il obseruer sur tout pour dernier aduis, c'est qu'on ne se laisse jamais donner le change, soit recourant à vn autre passage, qu'à celui que l'on traite, ou prenant le party du Reformateur, ou d'agresseur, ou quittant le texte formel. pour recourir aux consequences, conformitez, aux analogies, aux syllogismes, aux argumens, aux histoires, aux Peres, aux similitudes. ny à autre chose, que l'on n'aye vuidé ce

maistre point, qu'on a entrepris. Et pour le regard des conformitez, analogies, ou consequences, remonstrons leur, que ces procedures declarent notoirement, que ce dequoy on dispute n'est point escrit. Voila pourquoy on a recours à ces subtilitez, par lesquelles on pretend monstrier qu'à la verité cela n'est point escrit: mais que neantmoins cela à quelque affinité avec ce qui est escrit.

Mais avant que de permettre à l'aduersaire d'vser de ceste procedure, il faudra faire deux choses; l'une sera d'induire l'errant à confesser franchement, que ce qu'on met en avant, pour estre examiné par les consequences, analogies, & conformitez, n'est point escrit dans la Bible: l'autre sera d'establir vne discipline là dessus, alleguant *le juge & la regle necessaire*: afin d'en prononcer la sentence: & faudra recognoistre que



la pretendue reformation est reformée & delaisée, voire renoncée par ceste nouuelle procedure; veu que la sagesse humaine a esté bannie en l'article 5. de leur confession, si prealablement elle n'estoit examinée, réglée, & reformée par la parole de Dieu écrite. Auec quelle conscience peut on donc quitter ceste parole écrite, pour se jeter dans les espineux discours des consequences, des conformitez, equiuallences, analogies, &c.? Quiconque gardera ceste methode, verra que nos parties sont sans écriture, sans raison, sans verité, & remplis de desespoir. Or il les faut laisser tremper iusqu'à ce qu'ils reclament la misericorde de Dieu, au moyen de son Eglise: qui tient tousiours les bras ouuerts pour receuoir les desuoyez, qui se recognoissent, lesquels sans obstination deffestent de bonne foy l'erreur, auquel ils ont vescu, & auquel ils renoncent

d'un cœur franc & loyal.

Finalemēt, je prie le Lecteur de prendre garde, que nos Parties aduerses se pourront mettre en peine de respondre à tout ce, que nous auons discouru en ce traité; mais ce sera pour neant. Car nous ne disons rien en tous ces discours; ce sont eux qui parlent, & qui se vont destruisans en ce; que leurs articles, & propositions se sont toutes mutinées contre elles mesmes.

Que si par fois nous auons allegué quelque texte en faueur de l'Eglise Romaine, ce n'est qu'en consideration de ses enfans: & pour la plus part ce ne sont que textes formels, ausquels nos Parties font semblant d'acquiescer, & contre lesquels ils ne peuuent rien repliquer sans preuarication manifeste.

Aussi pour neant mettrions nous en auant quelques propos, pour instruire nos Reformateurs, veu l'horreur, qu'ils



ont de nous, & de nostre doctrine, comme il s'est veu : & attendu la presumption qu'ils ont d'estre les Reformateurs de l'vniuers ; voire de l'Eglise de Dieu, & de sa Religion.

Quant aux sçauans, qui peuuent discerner entre les responses bonnes, ou mauuaises, ils n'auront aucun besoin de repliche. Car de tout ce qu'on pourroit dire en faueur du Religionnaire, pensant se deffendre, ou nous accuser, il en aura la repartie toute preste.

Pour le regard des ignorans, ils ont grand tort de ne s'en remettre aux sages dez-interessez, & aux personnes non suspectes, qui peuuent discerner les esprits, & les disputes. De maniere que si les esprits de ceux, qui s'estiment sçauans, & curieux, sont pippez par vn artifice, qui surpasse leur sçauoir ; ils meritent par leur outrecui-

dance d'estre deçeus: veu mesmement  
qu'ayant leurs Bibles Françoises, &  
leurs articles de foy au bout d'icelles,  
ils n'ont qu'à les conferer avec ce que  
nous en disons icy. Ce qu'ayant veu,  
ou ils n'entendent du tout rien, ou ils  
auront vne obstination de fer, s'ils ne  
se rendent. Vray est, que tousiours l'il-  
lustration du S. Esprit y est requise:  
partant ils doiuent avec le Centenier  
Gentil, vacquer à aumosnes, & prie-  
res: afin de requerir la grace de celuy,  
qui la donne largement; pourueu que  
nos prieres soyent accompagnées

de creance que Dieu est bon,

& qu'il recompense les  
gens de bien, com-

me dict l'A-  
postre.



*A luy soit rendu honneur,  
& gloire.*

*Act. 10.  
Jacob. 2.  
Hebr. 11.*

*Heb. 11.*

*Permission du R. P. Prouvincial  
de la Compagnie de IESVS  
en Guyenne.*

**C**laude Champbon, Prouvincial de la Compagnie de IESVS, en la Prouince de Guyenne, suyuant le priuilege octroyé à ladicte Compagnie par les Roys tres-Chrestiens Henry III. le 10. May 1583. & Henry III. le 10. Decembre 1606. par lequel il est desendu à tous Imprimeurs & Libraires, d'imprimer, ou faire imprimer, vendre ou debiter aucuns liures composez par ceux de ladite Compagnie, sans consentement & permission des Superieurs d'icelle; donne permission à M. Simon Millanges Imprimeur ordinaire du Roy, d'imprimer ou faire imprimer vn liure, intitulé, *La pierre de touche, ou la vraye methode pour desabuser les esprits, trompez sous couleur de Reformation*: & composé par le Pere JEAN GONZALEZ de la mesme Compagnie, & ce pour l'espace de six ans, commençant dez le jour qu'il sera acheué d'imprimer: & iceluy pouuoir vendre, & debiter librement. Faict à Bourdeaux, ce 15. Ianuier 1614.

*Ainsi signé,* C. CHAMPBON.

## PERMISSION.

**N**ous auons permis & permettons d'imprimer un tres-dolte & utile opusculc du R. P. GONTERY Docteur en Theologie de la Compagnie de Iesvs, avec la Permission du R. P. Provincial de ladicte Compagnie en Guyenne, intitulé, *La Pierre de touche*, &c. pour la plus grand gloire de Dieu, conuersion des errans, & seruoyes, & utilitè de tous ceux qui le liront. Faict à Bourdeaux le 27. Avril 1614.

LE VENIER Vicaire general.

## *Priuilege du Roy.*

**L** E V V S par la grace de Dieu Roy de France, & de Nauarre, à nos amez & feaux Conseillers les gens tenans nos Cours de Parlements, Baillifs, Seneschaux, & tous nos autres juges, & officiers, Salut. Nostre cher & bien amé M. SIMON MILLANGES nostre imprimeur en nostre ville de Bourdeaux, nous a faict humblement remonstrer, que le R. P. IBAN GONTERY Docteur en Theologie de la Compagnie de Iesvs, luy a baillé vn liure nouveau, & non encore veu, qu'il intitule, *La pierre de touche pour desabuser les esprits*, &c. & ce pour l'imprimer, & mettre au jour. Ce que ledict MILLANGES fairoit tres-volontiers, s'il ne craignoit, que quelques vns de nos subiects, voyant le tout mis au net & imprimé, voulussent imprimer, ou faire imprimer ledict liure : & par ce moyen faire perdre audit exposant non seulement tout le profit, qu'il en doit esperer, mais encore la plus part de la despence, qu'il luy conuiendra faire pour ladicte impression. Pour à quoy obuier, il desireroit nos lettres de Priuilege, par lesquelles il soit dessendu à tous nos subiects d'imprimer, ou faire imprimer ledict liure, ny d'en vendre d'autre impression que dudit MILLANGES, ou de ceux, ausquels il vouldra permettre ladicte impression, & ce pour le terme, & espace de six ans. A ces causes inclinant liberalement à l'humble supplication dudit exposant, luy auons permis, & per-

mettons d'imprimer ledit liure. Et pour le garentir de perte, & donamage, auons deffendu & deffendons par ces presentes, à tous autres imprimeurs, marchands libraires, & autres nos subjects, de quelque qualité qu'ils soient, d'imprimer, ou faire imprimer, vendre ou distribuer ledit liure en cestuy nostre Royaume, pays, terres de nostre obéissance, & d'en vendre d'autre impression, que dudit exposant, a peine de mille liures d'amende, applicable moitié à nous, & moitié à l'exposant, & confiscation de tous les exemplaires, qui se trouueront imprimez par autres, que par ledit MILLANGES, ou ceux, auxquels il aura donné charge, ou permission de ce faire. Et pour empêcher que les impressions dudit liure, qui se feroient hors nostre Royaume, n'ayent cours & vête en iceluy, au prejudice de l'exposant, nous deffendons à tous marchands libraires nos subjects, & autres estrangers trafficquans en nostre Royaume, de distribuer aucuns exemplaires des impressions dudit liure, faictes hors nostredit Royaume, & d'en tenir aucuns en leurs maisons, & boutiques, à mesme peine que dessus. Voulons & nous plaist, que les presentes contenant nostre permission, & Priuilege, soient tenues pour suffisamment signifiées à tous ceux, qui pourroient y contreuenir, pourueu que l'exposant face imprimer le contenu d'icelles sur la fin d'un chascun des exemplaires. Si vous mandons, & à chascun endroit soy commettons, que de nos presentes grace, congé, & permission, & du contenu cy dessus, vous faictes, & laissez jouir ledit MILLANGES, & ceux, qui auront droit de luy: cessans & faisant cesser tous troubles au contraire. Et en outre, mandons au premier nostre Huissier, ou Sergent sur ce requis, faire tous exploits necessaires, pour l'exécution de ces dictes presentes, sans demander Placet, Visa, ne Pareatis; & ce nonobstant oppositions, ou appellations, clameur & hairo, chartre Normande; & autres lettres à ce contraires: Car tel est nostre plaisir. Donné à Paris le 17. jour d'Auril 1614. Et de nostre regne la quatriesme.

*Par le Roy en son Conseil,*

BERRVYER.

Acheué d'imprimer le 28. d'Auril 1614.